

630

E. xv.

18/12

47401
ANTONII DE HAEN

*Consiliarii Aulici, ac Medicinæ Practicæ,
in Alma ac Antiquissima Univerſitate
Vindobonenſi, Professoris
Primari*

RATIO MEDENDI

IN

NOSOCOMIO PRACTICO
VINDOBONENSI.

VOLUMEN III.



NEAPOLI MDCCLXVI.
TYPIS DONATI CAMPI.

Expensis Stephani Manfredii.

Superiorum Permissu, ac Privilegio.

WELLS & WELLS

WELLS & WELLS
WELLS & WELLS
WELLS & WELLS

WELLS & WELLS



WELLS & WELLS
WELLS & WELLS
WELLS & WELLS



WELLS & WELLS
WELLS & WELLS
WELLS & WELLS

ELENCHUS CAPITUM.

CAP. I.	D E Cranii Ustione in Pertinacioribus Capitis Vitiis.	pag. I
II.	De Peculiari Quorundam Medicamentorum Virtute.	28
III.	De Aneurysmate Externo, spurio.	45
IV.	De Aneurysmate vero.	83
V.	De Hydroke Cystico, & Hydatidibus.	106
VI.	De Intestino in Inguine perforato, & Ex- crementis inde foras expulsis.	133
VII.	Varia.	159
VIII.	Varia de sudoribus in Morbis acutis.	181
IX.	Varia de Crisi morborum.	192
X.	De Morbis acutis cum Petechiis, & Mi- liaribus.	238
XI.	Problemata de Scorbuto.	290
XII.	De Machina ad curandum Ileum despera- tum.	315

I N D E X

*Præcipuorum in hoc Volumine contentorum tam
Remediorum quam Monitorum Practicorum
Etc. Ordine Alpha-Betico.*

A

- A**cretio intestinorum ad Abdomen quid ef-
ficiat? pag. 155.
- Acrimonia scorbutica multum a spontanea qua-
cumque differt.* 294
- Acuti morbi per unicam excretionis viam raro
plane judicantur.* 214
- Aer purus & serenus facit ad sanationem scor-
buticorum.* 313
- Agaricus lamellatim applicatus, & forma pul-
veris inspersus.* 49
- Albumen ovi cum spiritu Vini bonum ad excoria-
tiones preveniendas.* 52
- Alimenta solida parva copia præstant liquidis in
ileo disrupto consolidando.* 156. seq.
- Alvi tarditas convenit in operatione Aneurysma-
tis & cruris fracti repositione.* 51
- Anedda arbor Americana.* 296
- Anti-epileptica, qua talia, non dantur genera-
lia.* 44
- Anti-helminthica an potissimum in gluten intesti-
norum agent.* 330
- Aphthæ quid antiquitus denotabant.* 243
jam

I N D E X.

_____ jam maxime imminuta.	244
_____ frequentes in Belgio a quo tempo- re.	ibid.
Aselli vino infusi ad strumas.	119
Aurantiorum folia in convulsionibus.	38
_____ cum chocolata decocto.	39
_____ juncta cum electricitate.	40
_____ determinatum in applicatione requi- runt casum.	seqq.

B

B ezoardica in principio Auctorum data no- cent.	170
Bezoardicorum enumeratio.	seq.
Bilis atra in motum acta semper reformidan- da.	207
_____ prius immutanda, quam moven- da.	ibid.

C

C alida curandi ratio Viennæ valde est in usu.	248
Caloris aliæ sunt præter Attritum causæ.	163
Causæ inertiae medicamenti.	69
Cephalæ variae medelæ.	35
Chemia non possidet machinam similem machine humane.	313
Cochlearis elogium.	298
	Cor.

I N D E X.

<i>Cornu cervi succinatum cum diacodio pro antispasmodico in Acuto.</i>	235
<i>Cortex Peruvianus antispasmodicorum princeps.</i>	238
———— <i>debilis pulsus animator, & frequentioris moderator est.</i>	93
———— <i>frequentis usus est in debilitate ab abortu & hæmorrhagiis.</i>	74
———— <i>vindicatur a perversis imputationibus.</i>	ibid.
<i>Cortic. Peruv. Decoctum cum spiritu terebinthinæ vulneri injectum.</i>	61
———— <i>immanis quantitas uni homini data.</i>	69
<i>Cranii inustio ferro candenti ex arte proscribenda est.</i>	25
<i>Crisis bona requirit copiosas evacuationes.</i>	283
<i>Critica exanthemata vix dantur, sed fere omnia symptomatica & factitia sunt.</i>	241

D

D <i>Escensus in continentem optimum remedium antiscorbuticum</i>	303
<i>Difficultates circa crises quomodo tollendæ.</i>	208
<i>Duræ matris cum pia cohesio sæpe multorum malorum causa.</i>	103

E

E <i>Xanthemata critica vix dantur.</i>	241
———— <i>factitia facilius retrocedunt.</i>	270
<i>Experimentum de acido fugaci quorundam Vegetabi-</i>	tabi-

F

F Altitia exanthemata facilius retrocedunt.	270
Febris hæmorrhoidalis.	164
Fibræ in utero in ambitu placentæ.	161
Foesii error circa urinarum nigredinem.	200
Fomentum ad crus oedematofum.	59

G

G Alenus negavit urinam nigram, & tenuem simul cur?	199
Glutinosa corpora ano excreta.	330
Gramen pratense optimum antiscorbuticum.	303

H

H Æmorrhoidalis febris quid significet.	164
Hæmorrhoides quotuplices.	seqq.
———— non adeo frequentes naturaliter sunt ac vulgo putatur.	seqq.
Hippocrate veracior non datur auctor.	164
Hippocrates cur carpatur supra dies Criticos.	224
Hippocratis textus quidam interpretatus.	214
Hoffmanni mixtura ubinam?	275
Hydatidis involucria carent vasis, & fibris.	128
———— in omne corporis parte facilis proven- tus.	129
Hydrops pectoris eo curabilior quo plures fun- ctio.	ctio.

I

- I**ndicationes in ruptis intestinis a gangraena. 155
Indulgentia Medici erga aegrum limitatur. 231
Intercipiendo arteriam nervo prospiciendum est. 55
Intestinum colon notabili portione gangraena excidi sine magna laesione. 148

L

- L**actuca laudatur ut anti-scorbutica. 301
Lex Hippocratis non judicare ex uno signo. 212
Lithonbriptici vires Ononidis. 30

M

- M**achina ad ileum desperatum. 315
 ——— non sanat omnes. 329
 ——— an non vermibus medeatur? 331
Machine vis continuata superat resistantiam Valvulae Tulpii. 322
Maculae exanthematum a Pulicum morfu distinctio. 183
Malignitas morbi saepe a methodo medendi dignitur. 169
Medicamenta multa parcius data potius nocent quam prosunt. 71
 Men-

I N D E X.

<i>Mensibus provocandis methodus .</i>	15
<i>Miliaria, & Petechiæ quibusnam potissimum excitentur .</i>	247
_____ <i>singulari modo tempus decurrentia .</i>	250
_____ <i>non sunt critica .</i>	257
_____ <i>quare ?</i>	seqq.
_____ <i>moderari, & auferri possunt, & debent .</i>	ibid.
_____ <i>Chronica unde .</i>	283
_____ <i>& petechiæ ne umbram criseos habent .</i>	ibid.
_____ <i>rara nec nisi arte producta .</i>	288
_____ <i>prævenire quanti interest .</i>	289. seqq.
_____ <i>possunt sine ulla ægritudine comparere .</i>	283
<i>Morbi denominatio quibus adstricta regulis .</i>	183
_____ <i>primus insultus difficulter determinatur .</i>	221
<i>Mors a sudoribus præcocibus .</i>	191

O

O bservatio Auctoris circa bonas urinas .	209. seq.
Oculorum album indicare potest vermes .	187
Olei Philosophorum unctio ad strumas .	119
Operatio in aneurismate spurio .	47
Opii permagna dosis .	72. seqq.

P

P aucitas medicamentorum causa minoris successus in scorbuto terrestri .	315
	Pe.

I N D E X.

<i>Pediluvia commendantur in Acutis .</i>	269
<i>Perturbationes criticae sub quibus conditionibus bonae .</i>	265
<i>Petechiae symptomaticae negligendae .</i>	233
<i>Prognosis quibus fundamentis instituenda .</i>	212. seqq.
<i>Pulmones in cadaveribus raro ab omni adhaesione liberi .</i>	101
<i>Purulenta diathesis per puris sputum sine vomica .</i>	231. seqq.
<i>Putredo vera nondum ab Auctore in vivente observata .</i>	312
<i>Putrida multa non effervescent cum acidis donec fiant alcalina .</i>	ibid.

R

R <i>Epletio cordis multum a methodo secandi pendet .</i>	326
<i>Resolutione non contingente in acutis nulla crisis sine evacuatione .</i>	214. seqq.
<i>Respiratio liberior in somno quam vigiliis testatur de spasmodis .</i>	235. seqq.
<i>———— magnum pondus habet in prognosi morborum .</i>	208
<i>Rigor requiritur ad sudorem criticum .</i>	184

S

S <i>Corbutus ubinam potissimum contrahitur .</i>	290. seqq.
<i>———— frequentior Septentrionalibus .</i>	ibid.
<i>———— in quosnam in genere magis cadat .</i>	ibid.
	idem

I N D E X.

idem morbus terra, marique .	306
terrestris minus gravis a quo tempo- re.	ibid.
non oritur a salitis .	ibid.
Spiritus terebinthinæ potenter resistit putredi- ni .	61
cum ana theriac. Androm. bonus in gangræna.	67
Steatoma in utero.	161
Sudor criticus quomodo internoscendus .	184
Sudores incertæ sunt prognoseos ante statum mor- bi.	seqq.
Suttoni machina egregia sanitati Nautarum.	310

T

Tenia, & lumbrici in eodem cane.	325
Thyroidea glandula omnis generis tumori- bus repleta.	117

U

Unguentum de styrace cum $\frac{1}{4}$ unguenti Æ- gyptiac. in gangræna.	67
Urina vere nigra lethalis.	197
Urinæ in febribus quartanis faciunt crisin infi- dam.	206
bonæ aliquando solæ morbum criticæ solvunt.	220. seqq.
Urinarum doctrinæ requirit adhuc multa ad sui perfectionem.	78
	Uri-

I N D E X.

Urinis bonis nimis ubique fudit Galenus. 210

V

Variolæ, & morbilli raro superveniunt miliaribus. 261

Variolis defunctis omnibus unam vel plures Venæ sectiones suadet Auctor. 229

Venæ sectio tentata die nono morbi acuti. 234

———— in principio acutorum quando. 262

———— neglecta benignos vertit in malignos. ibid.

———— est causa frequentium exanthematum. 264

Verbenæ laudes in Cephalea pertinaci. 37


Vesicantia in quibus casibus prosunt. 275

———— Pleuritide, & Peripneumonia febrem moderantur, sputa facilitant. ibid.

Virtus saponacea Vegetabilium forsân curat scorbutum. 314

Vomicæ latentis, & sanatæ exemplum. 230. seq.

Vulnera instrumenti ope abdomini inflicta certo respectu habent plus periculi, quam alia. 152



C A P U T I.

De Cranii Ustione in Pertinacioribus Capitis Vitiis.

§. I. Diversus quidem modus admovendi ferri candentis, tam veterum, quam posteriorum; universorum tamen calculo expers periculo creditus. §. II. Experimentum primum hujus infelicissime in Nosocomio institutum. Mors inopina inde. Respirationis modus juxta communes humani corporis leges vix explicandus Exemplum inflammati & gangrænosi majorem partem ventriculi, sine febre, sine dolore, & cum bono appetitu. Examen Anatomicum nullas in Cranio, Oculisque, Amauroseos causas detexit. §. III. Alter infaustissimus. Cauterii Cranii effectus. Historia morbi antecedentis datur, ideo notabilis, quod plurima, & exquisita remedia, ordine adhibita, effectum plane caruerint. Conamina nostra, ad imminens a Cauterio discrimen Trepano averruncandum, enarrantur, & inutilia demonstrantur. Hydrops

Tom. III. A Ven.

Ventriculi superioris cerebri . Portentosum infundibulum, ejusque mira ægritudo, ut causa inventa Gutta serena. Respirandi modus, æque parum, quam in priore Historia intelligendus.

§. IV. *Experimenta multa, in Craniis facta, enarrantur, quæ hanc operationem nunquam, nisi cum summo vitæ discrimine, institui posse evidenter arguant.* §. V. *Ex omnibus hisce Ratiocinium medicum, & seria formatur conclusio.* §. VI. *Quædam de Trepano in Epilepsia, Cephalæa, &c. admovendo.*

§. I. **A**B ipso *Hippocrate*, in hodiernum usque diem, *Cauterii* actualis in arte dicti applicatio ad Cranium, ita omnium ore laudatur, ut nesciam ullum esse artis auxilium, quod plurimorum suffragiis fulciatur. Si enim *Zecchium*, & qui *Zecchii* autoritate per motus fuit, *Sennertum*, paucissimosque forte alios exceperitis, uno omnes ore hanc operationem commendant.

Haud idem tamen cunctis inurendi modus. Quantum ex *Hippocratis* textibus concludere licet, *Libr. 2. de morbis, & libr. de locis in hom.* Ferrum quidem candens capitis pluribus, imo octo diversis locis, sed ad integumenta duntaxat, admovit: nihilominus vim ustionis ad ossa penetrasse credibile fit, quia quam ustionem juxta nasum in cantho oculi interno, ita fieri jubet, ut crusta ibidem inuratur, ea sane sine ossis ustione vix peragi posse videtur. Quin & ubi

PERTINACIORIBUS CAPITIS VITIIS. 3

ubi sic loca circa aures inuri præcipit; ut desinant a pulsando Arteriæ, profunde satis videtur ufsisse.

Aretæus Cappadox non explicat libr. 1. de cura Chron. Cap. 4. *de Epileps.* quo velit uri modo, paucis tantum opus est, ait, etiam ignem „ capiti inferre; proficit enim.

Cælius Aurelianus Libr. 1. Chron. Cap. 4. refert, „ *Temisonem* consuluisse cutis capitis usturam, qua testa squammulis despumatur.

Celsus Libr. 7. Cap. 7. §. 15. in oculorum pituita: „ Quidam atramento duas lineas duxerunt a media aure, ad mediam alteram aurem, deinde a naribus ad verticem; tum ubi lineæ committebantur, scalpello inciderunt, „ & post sanguinem effusum os ibidem adusserunt. Nihilominus autem & in temporibus, „ & inter frontem, atque verticem, eminentibus venis idem ferrum candens admoverunt. „ Frequens curatio est venas in temporibus adurere valentior tamen Medicina est venas incidere, & sanguinem mittere: ubi satis fluxit, tenuibus ferramentis adurere. Contra tempora quidem timide, ne subjecti musculi, qui maxillas tenent, sentiant: inter „ frontem vero & verticem vehementer sic, ut squama ab osse recedat. Efficaciter tamen „ etiamnum est Afrorum curatio, qui verticem usque ad os adurant sic ut squamam remittat.

Traditionem omnium sæculorum de hujus cu-

ræ præstantia collegit nobis *M. A. Severinus*, in suis libris *de efficaci Medicina*, *Pyrotechn. Chir. Lib. 2. pag. 1. testimoniis Pauli Æginetæ, Aetii, Actuarii, Mesues, Rhases, Albucasis, Arnoldi Villanovani, Andreae Cæsalpini, Petri Salii, Paræi, Gaulttheri Bruelis, Theodorici, Fumanelli, Rondeletii, L. Mercati, Lanfranci, Jacobi Sylvii, Nicolai Pisonis, Garioponti, Bertrucii Bononiensis, Caesaris Machæ, Joannis Heurnii, Epiphanii Fernandez, Fontani, J. B. Theodosii*. Ipseque ille *Severinus* maximus extitit hujus curæ promotor.

Si ordine laudatos omnes hos Scriptores evolvimus, patet nonnullos quidem prope futuras, plerosque vero in ipsis futuris, & maxime in commissura Sagittalis cum Coronali, candens ferrum imposuisse; plures insuper monuisse, ut ustio deberet ad ipsam penetrare diploen; omnes autem curas admirandas plane & stupendas inde a se se perpetratas gloriari. Ex multis pauca attulisse sufficiat. „ Quod meo quidem experimento, inquit, *Severinus*, confirmare possum.

„ Suturae sagittalis, coronalisque confinio perusto, *Franciscus ab Angelo, Castrinovens*, ab ingenti cephalæa liberatus est.

Et *Epiphanius*: „ Mirum est, ait, quam his Cauteriis refrigeretur cerebrum, & pravi, tetricique vapores dissipentur: & licet primis diebus soleant concitare aliquem gradum caloris, tamen majus est emolumentum, quod postmodum inde sequitur, quam pusillum aliquod damnum,

PERTINACIORIBUS CAPITIS VITIIS. 5

„ ex impresso igne. Nos quoque quinque, quan-
 „ doque septem Cauteria, amentibus admove-
 „ mus, qui fuere curati, maxime ubi non vi-
 „ get capitis tanta caliditas; ob quam quidem
 „ in hac muliere (cujus historiam dederat)
 „ tantum unum fieri curavimus. Est & e no-
 „ vissimis *Cesar Macha*, Principum subalpino-
 „ rum Medicus, qui consil. 140. feminam inde
 „ restitutam testatur, septem jam menses infan-
 „ nientem.

Idem *Fernandez* Hist. Medicinal. 47., Testor
 „ Deum Cauteriis in capite quandoque tribus,
 „ quandoque quatuor & quinque factis ad loca
 „ futurarum, curasse annis elapsis focrum *magi-*
 „ *stri Gentilis*, cui jam erat memoria abolita,
 „ & duos alios stolidos & insanientes juvenes.

J. Heurnius, primus Med. Pract. Professor,
 in condita anno 1575. Universitate Lugduno-
 Batava, ait chirurgum Ultrajectinum a se cu-
 ratum; Cauterio ab immedicabili cephalæa, in
 determinata capitis plaga sæviente. Et in *Ap-*
hor. 2. *Sect.* 7 „ Vir, cui, erat caput totum
 „ tuberosum, Cauterio id ad os usque aperui-
 „ mus; quod exesum erat fere usque ad *Di-*
 „ *ploen*, abrasimus sensim, iterumque aliam par-
 „ tem aperiebamus ad os, ita sensim totum fe-
 „ re caput abrasimus. Evasis.

Platerus Libr. 1. pag. 61. „ Quo pacto
 „ modo natis *Florentiæ*, ut fertur, verticem
 „ perurentes, Epilepsiam, quæ iis in locis in-
 „ fantibus consueta est, solent avertere. Qui-

„ bus de causis, & experientia moti, ferro can-
 „ denti ustionem moliri non inconsul-
 „ tum esse putamus. Scilicet ut ante monue-
 „ rat, si pertinacis mali causa in capite la-
 „ teat.

Hier. Fabr. ab Aquapendente pro inurendo Fonticulo in futura Coronali, peculiare Cauterium excogitavit; quod apud ipsum, & apud *Scultetum*, qui hanc methodum quoque laudat, videas.

Hollerius in scholio ad suum primum caput *de morb. intern.* „ Applicatur, inquit, Cauterium actuale in media parte capitis prope „ futuras. „ *Duretus* in sua in hunc *Hollerii* textum enarratione, etiam candens ferrum commendat.

Fallopius de Cauteriis, pag. 340. ipsis quidem in futuris, non suadet, „ cæterum, ait, „ capiti Cauterium tute imponere possumus.

Riverius Cap. de Mania pag. 227. „ Denique Cauterium futuræ coronali adplicatum „ maxime probatur a *Gordonio*, ejusque utilitatem confirmat historia cujusdam Maniaci, cui cum esset vulnus inflictum capiti, „ cum cranii fractura, quamdiu vulnus apertum, tamdiu bene habuit, vulnere curato, „ reversa est Mania. „ Et Cap. de dol. cap. pag. 236. Cauterium futuræ coronali adnotum, „ dolorem capitis contumacem „ aliquando radicitus abstulit. Multo majoris est efficaciam, si „ temporibus admoveatur, de qua vide *Poterium*
 „ Obf.

PERTINACIORIBUS CAPITIS VITIIS. 7

, Obs. cent. 3. Cap. 8. & observationes no-
 , stras publico communicatas. Porro in obs.
 ,, cent. 2. Num. 39. idem *Riverius*. Ad pue-
 ,, rum epilepticum vocatus, præscribo apozema
 ,, ex Cephalicis, & Epilepsiæ specificis, cum
 ,, purgantibus ad quatuor doses. Deinde inuri-
 ,, tur Causticum futuræ coronali. Et his duo-
 ,, bus remediis a morbo liberatus est.

Lambswerde in *Toni*. 2. *Sculleti* Obs. 9.
 Cephalæam veneream curat cauterio actuali in
 futura Coronali & Obs. 11. Epilepticam puel-
 lam curavit cute primum transversim secta,
 actuali cauterio futurarum coronalis & sagitta-
 lis concursum, *satis profunde* inurendo.

Nuckius Operat. & exp. chir. N. 1. ,, Fa-
 ,, cili, inquit, negotio operatio hæc sequenti
 ,, instituitur modo: inuratur loco modo notato
 ,, (per fila in medio capite se decussantia, ut
 ,, ante ex *Celfo* vidimus) profundum satis fo-
 ,, ramen cauterio quodam actuali.

Fred. Deckers, Exercit. pract. Puellæ cæcæ
 historiam refert, cui Chirurgus fonticulum in
 futura coronali & sagittali inussit, ad primam
 calvariæ laminam usque urendo, quod cum in-
 stabile daret levamen, alius Chirurgus inussit ad
 diploen usque, unde magna, rotunda portio separata
 fuit, separatam hanc portionem figura exhibet autor,
 habentem diametrum decem linearum: imo cum
 auxilium esset inconstans, tertium cauterium
 sustinuit, & tunc recte vidit. Etiam Guttam
 serenam, & Epilepsiam, sic curatas se vidisse
 affirmat.

Clariff. *Viennensis* Profeflor P. de *Sorbait*,
 prax. Cap. de Cataracta & Amaur. „ Seta-
 „ ceum quoque multis fuit auxilio: loco cujus
 „ in delicatulis (videtur tamen operatio longe
 „ crudelior fetaceo) subrogari poteft Cauterium;
 „ quod non tantum Nuchæ, fed etiam futuræ
 „ Coronali impositum plurimos juvit. Et pag.
 „ 598. 599. Cauteria adplicanda funt ... in
 „ capite fupra futuram coronalem, longitudine
 „ digiti extenfi fupra nafum, contra Phthifim.
 „ Cauterium autem quo magis eft candens, eo
 „ minorem affert dolorem.

Cl. *Hoffmannus*, Tom. 4. Part. 4. med.
 Syft. Rat. Edit. in 4. de Amaurofi: „ Magnum
 „ profecto præfidium eft in cauterio auctuali,
 „ fyncipiti vel nuchæ inufto.

M. G. *Purmann*, famofus multos per annos
 apud *Breslavienses* Chirurgus primarius, in cu-
 riosis *observationibus* invictis. Imp. *Josepho* di-
 catis, hiftoriam puellæ *Breslaviensis* refert, quam
 invincibili cæterum Epilepfia curavit cauterio
 auctuali, in confinio toties dictarum futurarum;
 quarum commiffuram ftatuit contra omnes qui
 id negent, conftanter reperiri in puncto, quo
 fila, *Celfi* modo ducta, decuffant fe fe. Vide-
 turque sæpius eandem operationem peregiffe, cum
 afferat uftionem eo in puncto fe femper feciffe.
 Et in fcholio fuo. „ *Der Mund; Ark hat*
 „ *auch teine Gefabr in fcheven, und her Pa-*
 „ *tient ftehet dis gern, und noch ein mebreres*
 „ *aus. Und mer molte dis nicht auch gerne*
 „ *thun,*

„ thun, um der grossen, und der bösen Kran-
 „ theit Wegen, und um der grossen Hofnureg,
 „ dass man solche miserable Plage verli chret?
 „ wünschen, dab dieses edle Hilfr: Mittel mehr
 „ in usu ware, als es iexo ist, und diese Kran-
 „ theit leider! in unseren Hospitalern so einreist,
 „ dass es in erbarmen.

Quadraginta igitur & ultra Autores tum Medici, tum Chirurghi, eosque inter plurimi sua in arte celebres, & famosi, hanc operationem & suaserunt, & exemplis utilissimam demonstrarunt, nullius unquam infortunii meminerunt; quidam audacter omnis dixerunt periculi expertem: operationem porro laudavere sic, ut vel integumenta simul cum osse adurerentur, vel integumentis, ac pericranio primum perfcissis, separatisque, os solum adureretur, idque aut prope futuras, quod quibusdam placuit, aut in ipso suturarum contactu, quod plerisque visum: hancque sic institutam operationem plane innocuam esse plurimi asseverarunt.

Proinde cum nullum existeret sive Medicinæ, sive Chirurgiæ caput, quod gravioribus auctoritatibus ac testimoniis fulciretur, piaculum fore credidi in difficilioribus ac incurabilibus casibus idem omittere. Tres porro morbi videbantur mihi præcipue hanc curam poscere, Cephalæa pertinax cum Hemicrania, inemendabilis Epilepsia, Gutta serena. Erantque nobis tales ægri præsentés, in quibus curam horum morborum hac lege exerceremus. Sed præcipue nos miscebat

rebat duorum , quos Gutta serena ad Mercurium , ad Corticem , ad Machinam electricam , ad cujuscunque generis Evacuantia , ad varia capitis Epithemata , ad Vesicantia , ad Seta- cea &c. omnino rebellis & pertinax , misere affligebat .

§. II. Igitur 3. Junii proxime elapsi , operationem fecimus in Adolescente 12. annorum , rustico , robusto , toto quadrato , quem Amaurosis affligebat , probabiliter nata ex contuso capite , postquam sex mensium spatio in periodicos vomitus , quos cephalæa semper prænunciabat , inciderat . Amaurosis porro ejusmodi erat , ut noctem inter diemque nihil distingueret , summam tamen , agilemque pupillæ utriusque constrictionem , & dilatationem ad majus , minusve lumen haberet . Unde contra eruditissimi *Halleri* opinionem sensilitas pupillæ demonstrari videtur ; Retinam enim plane inertem fuisse , perfectissima cæcitas evicit .

Quia & sine integumentorum incisione , & cum eadem , hæc operatio fit , ultimum modum prætulit *D. Leber* ; cum eandem didicisset , fortunatoque adplicatam a suo Magistro , dexterrimo , dum viveret , Chirurgo *Laudes* , vidisset ; qui idem Magister Discipulos , adstantesque Chirurgos , serio hortatus erat hanc simplici ustioni semper præferrent , metu convulsionum , quas ustionem sine sectione generare statuebat .

Integumentorum hæc separatio , validum dolorem excitabat ; levio- rem , pericranii abrasio ; maxi-

PERTINACIORIBUS CAPITIS VITIIS. II

maximum vero, ustio; quam valide urentem aiebat, licet nihil eorum, quæ circum se gerebantur, sciret. Examinabam, an vagina, intra quam Cauterium, ne labiis pericissis noceat, capiti imponitur, a Cauterio candelceret, & ustionis dolor potius ab integumentis ustis, quam a perusto cranio gigneretur; verum vaginam illam ego, adstantesque tangentes, vix calentem deprehendimus.

Dolor primis horis magnus, postea modicus, bonus appetitus, semel modo levis vomitus, qui cæterum ipsi consuetus, observabatur. Utebatur jure carniū, aqua hordei mellita, & emulso leviter paregorico. Altero die optime habuit. Die tertio, fumo aromatico prunis ardentibus injecto, ac capiti admoto, apparatus examinavimus, lintea carpta sanguine imbuta amovimus, insperfoque vulnere pulvere Mastiches, labia suis singula locis adposuimus. Bona hæc sed contracta ita, ut inustum ossi locum exacte liberum & nudum servarent. Tenaci Emplastro ea ad se mutuo jungebamus; omnia deligabamus sicce, ac raro deligandum locum postmodum esse, *Cæsaris Magati* consilio decernebamus. Nox optima, alvus ab Enemate bona. Die 6. Junii, scilicet ab operatione quarto, pulsus sanus, naturalis, bonus appetitus, nullus capitis, nisi ab ejusdem motitatione, dolor. Hora octava vespertina cum illo locutus sum, affirmantemque palam audiui, se nullibi in toto corpore, imo ne in capite quidem, dolere,

lere, suumque jus eadem vespere egregie sibi sapuisse. Tandem bonam illi noctem apprecatus, pulsum adhuc tetigi scrupulose, eumque tam bonum inveni, quam unquam sanus homo habere potest. Idem testati mihi sunt Medicinæ & Chirurgiæ Assistentes, qui post me pulsum examinerunt. Interim visus emendationem observare se nullam æger conquerebatur. Solabamur illum ea spe, quam optimæ operationis tolerantia merito dabat. Sed, o spem fallacem! mox a media nocte vomere cepit; quod quia ipsi familiare, custos neglexit primo, verum ronchum in respiratione advertens, Assistentes Nosocomii vocavit. Qui morientem viderunt hora secunda prope finem diei quarti.

Quod me, nosque omnes, nec opinatus casus perculerit, & attonitos reddiderit, nemo dubitabit. Nec reticebo me suspicantem, ne forte vomitus violentia in syncopen lapsus esset, curavisse, ut pectus ipsi valide agitaretur, & bis injecto Enemate Fumi Tabaci intestina irritarentur. Sed mortuus erat hac vice non resurrecturus.

Cadaver examinantes, nihil mali externo in cranio deteximus, Labia quippe vulneris bona, suppurantia, se jam cum pericranio unire ceperant in loco ab inustione remotiore. Olla cranii ablata, videbamus cranium adeo leviter igne tactum fuisse, ut facta usti abrasione, vix quid de ossea periisse videretur substantia.

Igitur ustio non erat aut profunda, aut etiam
ad

PERTINACIORIBUS CAPITIS VITIIS. 13.
d usque diploen producta, quemadmodum Au-
pres jubent, sed vix tangens, adeoque insuffi-
lens. Attamen quis credat! Dura mater inu-
æ plagæ subjecta, jam ab externa sui parte,
ua os tangit, suppurari leviter inceperat; A-
chnoidea videbatur ibidem loci cum pia ma-
te corrugata: cerebrum autem integerrimum.
laterum per universum cranium ambæ Menin-
es admodum inflammatae.

Igitur, quod hic præprimis notandum, ustio-
ix leviter externum cranium tetigerat, & ni-
ilominus effectum in omnibus ediderat cerebri
membranis. Et quidni? Cranium internum ip-
am ad distantiam duarum linearum a loco usto
leviter fissum fuit. Tantane vis ignis, effectus-
ue leviori tactu? Quid si ad diploen penetras-
t? Præstitit sane nos in urendo meticulosiores
nisse cum hocce cranium, crassi licet rustici,
deo tenue & transparens esset, ut vix mediam
polite crassitudinis partem haberet.

Præter hæc nullum in cranio vitium, ne in
pticis quidem nervis cui Guttæ ferenæ adscri-
eremus causam.

Dum vomitus a semianno periodicus fuerat,
peræ pretium erat causas indagare. Ventricu-
is ore superiore suo initioque Oesophagi, soli-
o multo amplior, ita sanguine omnibus suis in-
asis turgens, ut hæc in nonnullis locis duarum,
n aliis trium linearum diametrum haberent;
urpureus cæterum toto fundo suo, binisque in-
lagis tam interne, quam externe, gangrænosus;
circa Pylorum bonus.

Uni

Universi Pulmones lateribus undique, Mediastino, Diaphragmati, Pericardio, Spinæ dorsæ lateri, Jugulo, quolibet in puncto adeo indissolubiliter accretæ erant, ut sine alterutrius destructione impossibile esset eosdem solvere; utque ubique, potissimum vero in toto dextro latere, lacerati pulmonis reliquæ thoracem investirent. Quemadmodum porro Pulmones cum vicinis partibus; ita quoque mutuis inter se se lobis coalescebant.

Quod autem maxime mirabile, Adolescens nunquam in nostro Nosocomio difficilem aut læsam Respirationem ostendit, neque hujus quidpiam matris habuit Anamnesis. Unice affirmare possumus sesquihora modo ante mortem Respirationis, pullusque, vitia adparuisse.

Nec minus mirabilis ventriculi & obstructi, & per, quam inflammati, & gangrænosæ, contemplatio, ubi ad mortem fere usque nec signa febris, aut gangræne in pulsu, nec signa doloris in hoc vitæ, nec signa alicujus in ejusdem functione defectus, apparuerunt. Igitur obstructio adeo notabilis, inflammatio adeo læva, gangræna adeo vehemens, ut penetret totam ventriculi substantiam, citra dolorem, citraque febrem contingunt? bono cum appetitu formantur? cum integra visceris perficiuntur functione? Neque enim fore crediderim, qui statuatur, omnia hæc sesqui horæ spatio nata & perfecta fuisse. Nunquid etiam illæsam semper Respirationem facile intelligimus cum universali adeo, cum

PERTINACIORIBUS CAPITIS VITIIS. 15
cum indissolubili concretionem Pulmonum? Cor-
disque expediti motum perennem, cujus peri-
cardium dictis de causis immobile fuisse videa-
tur? Merito videor hunc casum ad *Cap. 10. de*
Problematibus referre adeoque ut *Problema II.*
ad pag. 165. adjungere.

Sed ut e bivio in viam; futuros prævideo,
qui ex integra hac historia concludant, levem
hanc ulationem causam mortis neutiquam exti-
nisse, sed in corpore adeo vitioso mortem aliun-
de duxisse originem. Hos obsecro velint sequen-
tem perpendere casum.

§. III. Die 4. Junii cauterium eodem modo
lenticulæ 20. annorum admovimus, altera sci-
licet die ab eodem adplicito adolescenti: Hæc
Gutta serena laboraverat a fine anni 1759. post
vomitus spontaneum 14. dierum postque tri-
mestrem defectum catameniorum. Datis purgan-
tibus, vomitus cessaverat, redierant menses, vi-
susque. Toto anno optime valuit. Sub finem
anni 1760. menses deficiunt, vomitus redit,
perit visus. Eo in statu nostrum Nosocomium
infertur. Video Amaurosin, quæ cum immobi-
li utraque pupilla, inter diem noctemque, imo
post hac de die album inter nigrumque, distin-
gueret: contra quam in Adolescente, cui cum
nobilissimis a luce pupillis perfectissima cæci-
tas fuerit. Cum anno elapso purgantibus sani-
tatem & visionem recuperasset, eadem ipsi, sed
in incassum, præscripti. Cumque demum pur-
gantibus opio interposito vomitus superassem,
menses

menfes & visus deficere pergebant. Amaurosis jam bis vomitum diuturnum, eumque violentum; vomitus jam bis retardatos insequabatur menfes: unde in mensium defectum, si non omnis, saltem aliqua causa vomitus videretur refundenda. Quare postquam appetitus bonus cessante vomitu rediisset, methodica ad menfes revocandos cura exactissime; eaque non juvante, quævis empirica, prudenter adhibita fuit. Cum demum nihil juvaret, nisi quod semel interimque leve quoddam initium mensium videretur conspici, tandem quod *Tract. de Hæmorrhoidibus* pag. 73. ex *Anglicis Observ.* laudavi auxilium, Machinæ tortilis ad arterias crurales admotæ post Aloeticum purgans, Balneaque Vaporis; hoc, inquam auxilium ad tres varias usque vices adhibui, circa id tempus, quo menfes, ni turbatus naturæ ordo fuisset, redire debuissent. Sed & hoc frustra fuit. Diu demum post menfes rediere, sed irregulariter semper; vomitus non nisi raro rediit, passim adhuc bonus appetitus, bona digestio, egestio commoda, virium, torositatisque incrementum. Ast vero omnia hæc cum perseverante Amaurosi, & continuo repetentibus capitis, atque oculorum, doloribus.

Videbatur ex hisce concludi oportere, quod visus olim rediisset ad catameniorum restitutionem, quia necdum quid notabiliter aut læsi aut impacti, obstructique, in Encephalo erat; jam vero ex vomituum tum repetitione, tum diuturnitate, vitium topicum in cranio foret,

ret , propter quod Gutta ferena ad restitutos menses perennasset: quodque proinde occasio opportuna adesset ejus curam Cauterio tentandi, id quod tutum, quod securum, quod nunquam noxium, sæpe vero efficacissimum, hucusque credideramus.

Altera ergo die, ut monui, qua in puero, operationem eodem modo in hac puella fecimus. Symptomata dolorem ad varias operationis partes, confuse primo; sedatis vero doloribus, eodem se percepisse modo, quo Adolescens narraverat, declaravit. Appetitu gaudentem eodem, quo puerum, modo sustentavimus. Prima nocte vix dormivit, & dolorem in utroque cervicis latere conquesta est; altera die melius: tertia die bene se habuit, excepta febricula; quarta die pejus. Sanguinem tunc misimus, qui pessime phlogisticus. Jamque vox deficere incepit, & caput hebes fieri.

Igitur inopina morte pueri perculsi, mortem puellæ tristes quoque prævidimus. De *Trepano* interea cogitatum. Ne vero illud frustra periclitaremur, plura crania primum cauterio inusimus, trepanumque adhibuimus; & primo quidem ipso unctionis loco. Sed mox stylus Trepani in adusto fundo vacillabat, deinde plus adhuc stylus Trepani maris; ita ut vestigium sufficiens haud potuerit imprimi, quo Trepanum femina dictum tuto ageret. Quapropter idem eo tentavimus loco, qui ad unctionem proximus, ut circulus Trepani eam una tangeret, eoque

modo ad affectum in cranio locum quoque deveniremus. Etenim tam proxime ad ustam plagam Trepanum adhibendum esse suadebat hac ipsa hora facta pueri Anatome, quæ ambas meninges ibidem affectas ostendebat. Verum & hoc impossibile. Dum enim in pertenui cranio (quod ad tutius experimentum eligebamus) corona Trepani partem cranii non ustam vix tetigerat, profundius jam adustam partem penetrabat; & bis, ter adhuc, licet prudentissime, suspensissimeque, modiolum agitando, ossis festucæ, ab ustione fragiliores, in cerebri membranas infigebantur: interea dum diu adhuc perterebranda ea esset portio ossis, quæ adusta non fuerat, ut totum frustulum eximi posset: unde conclusimus evidens mortis periculum periculosissima & incertissima operatione averti non oportere. Medio die quinto periit, cum leviori faciei convulsione.

In externo cranio omnia ut in bono vulnere. Ossa cranii resecta ustionem non modo multum non penetrasse, sed crassum hoc cranium vix attigisse patebat; parte enim adusta, abrasa, vix de ossis substantia quidquam ablatum apparebat. Nihilominus sub hoc crasso, vixque ab ingne tacto cranio, dura mater suppurata inventa est, ac totum sinistrum cerebri hemisphaerium, in quo (ut mox patebit) ustio erat, magna copia puris inter utramque meninges scatebat. Et, ut in priore, in utroque cerebri latere utraque Meninx vehementer inflammata erat.

PERTINACIORIBUS CAPITIS VITIIS. 19

erat. Aer autem copiosus, ubique se movens, separatim a sanguine in harum membranarum vasis sanguineis, potissimum in hemisphærio sinistro, miro sane spectaculo, inventus est. Ventrículus superior in sinistro latere Hydropicus tria plena cochlearia lymphæ gessit, dexter solitam copiam. Cerebrum pone locum ulationis flavum, & solito mollius, ac fere liquidum.

Notabile autem maxime Infundibulum. 1^{mo} Maximum fuit, octo vel novem linearum diametrum habens. 2^{do} Repletum fuit materia grisea, quæ partim pultacea, partim calcaria fuit. 3^{tio} Concretum erat cum pia matre Opticos involvente. 4^{to} Insidebat, premebatque ipsum Opticorum coalitum non quidem ita ut Optici nervi post coalitum marcescerent, sed saltem sic, ut videretur illorum actio interturbata fuisse, puellaque cæca fuisse mansura, etiam si male haud successisset operatio.

Pulmones, ut in puero præcedente, ubique, ne minima quidem plaga excepta, indissolubiliter cum omnibus in Thorace partibus, mutisque inter se lobis, connati erant. Oesophagus, & orificium superius ventriculi, duplo, quam solent, ampliores; Pylorus tam arctus, ut calamum scriptorium haud admitteret, in crastinam autem demonstrationem reservatus, hac constrictione, an spasmo evanido? caruit. Ex præcedentibus quippe patuit spasmos a morte non raro superesse.

§. IV. His ita enarratis, seria & tranquilla

mente examen doctrinæ de adurendo cranio instituendum est Collato lugubri utrumque hoc casu cum allata 40. & ultra Doctorum doctrina, dico 1^{mo} minime verum esse quod operatio hæc quovis periculo vacet. Et periculosissimam esse, & utrisque nostris lethalem fuisse, Historia utraque palam facit.

2^{do} Cauterium in nostris levissime modo crania tetigit, lethum induxit: quid non sequatur, necesse est, si uratur profundius?

3^{tio} Si cauterium jussu Autorum, tam profunde adactum fuisset, ut probabiliter ad Diploen penetrasset, ipsum cerebrum immediate adustum fuisset; nam eximiæ tenuitatis cranium fuit. An non ea de causa plures, hac ita instituta operatione, perierint cito, necesse est.

Sed 4^{to} Etiam levissimo cauterii attactu validissima, nocentissimaque ustio fit. In primo nostro casu levior, gravior longe in secundo, suppuratio inventa est, in utriusque universi capitis inflammatio, tum & aeris perceptibilis intra vasa sanguinea collectio magna, varia, in omni loco membranarum, ut ignis in liquoribus aerem, antea non ut talem, jam vero ut aerem existentem, bullisque manifestantem sese, gignere solet. Hoc experti nos a leviuscula adustione, quid illi a penetrantiori experti non fuerint?

5^{to} Crania quævis, crassissima æque quam tenuissima, suspensio tacta cauterio, intus ardent sic, ut digitus suppositus uratur, & ni retraxeris,

PERTINACIORIBUS CAPITIS VITIIS. 2d
ris, ejusdem solvatur cuticula. Hoc experimen-
tum pluries in publico Collegio iteravi, ut plus-
quam 20. homines digitum supponentes, ilico
eundem retrahere deberent. Eum in finem sum-
si varias veteres calvas, tenuiores, crassiores,
interque easdem unam cujus Bregmatum crassi-
ties lineas quatuor æquabat. Vix per tres mi-
nuti horæ secundas candens ferrum os tetige-
rat; quin chirurgus digitum eo tempore admo-
tum, in bullas elevatum doleret. Ergo dura-
nater, & reliquæ subjectæ partes, plus minus
durantur, necesse est. Igiturne adeo mirum
fuit, quod ambo nostri ad ustionem vix tenuem
affis superficiem consumentem, se aduri lamen-
arentur, licet nec ignem videre possent, nec ejus-
dem adplicandi moniti essent.

6^{to} Omnes postmodum experimentorum occa-
siones captantes, in quovis recenter ablato cra-
nio varia exploravimus. Ubi vix tangit caute-
rium os, jam ab interna parte bullæ nascuntur
ervidæ, veluti quid ebulliret. Ergo in qua-
cumque etiam levissima adustione ingens fervor
ad interiora percipiatur oportet.

7^{mo} Et maximus, & perniciosissimus ille ca-
oris gradus est, qui ab ebulliente oleo, quod
ervente aqua fere triplo calidius est, gignitur.
Varium experimentum id nos docuit. In homi-
ne recenter mortuo quatuor diversis in plagis
cranium cauterio leviter tetigimus. Inversa tunc
illa cranii flava macula in his ipsis quatuor lo-
cis inusta erat. Inussimus idem alio loco $\frac{1}{3}$ mi-

nuti id est 20. secundarum spatio: vix os externum ustum erat, quin interiora bullis flavis, foetidisque, excoquerentur, & digitus suppositus valide exureretur.

8^{vo} Si ad Diploen inurere usque, ut plures Autores jubent, oportet, indigebat ferrum candens tribus, imo pluribus horæ minutis, pro diversa craniorum crassitudine; prout in recentioribus craniis deprehendebamus, loca adusta postmodum abradendo. At vero in vivis abustione in uno cranio unius minuti, sesqui minuti in altero, transsudans fervidum oleum ussit jam, corrugavitque omnes meninges, & albam cætera cerebri medullam in flavam convertit. Monitos autem eos velim, qui hæc mea experimenta repetituri sint, ut sumant consuetum Artificum Cauterium, ut *Aquapendens*, *Paræus*, *Hildanus*, *Sculptetus* &c. describunt; alioqui nollem de experimenti effectû respondere, si v. g. clavo, vel alio ferro candefacto, vel si non penitus ignito, cranium inurerent.

9^{no} Inconstantius quoque nihil decursu futurarum. Sumimus plura vetera, plura deinde ad singulas oblatas occasiones crania recentia, & numerosa inter illa deprehendimus, in quibus futura coronalis pollice inferior ad frontem, vel superior versus futuram Lambdoideam inveniebatur. Intra hoc pollicis spatium futuræ coronales inter se se $\frac{1}{4}$ $\frac{1}{2}$ $\frac{3}{4}$. altitudinis differunt. Neque constanti lege sagittalis futura in medio est.

PERTINACIORIBUS CAPITIS VITIIS. 23
est. In puero mortuo os parietale sinistrum longe amplius dextro. Unde cum ipsi in media linea uestio facta esset, invenimus illam $\frac{1}{4}$. pollicis a futura sagittali distantem. Nonnullis futuræ omnes, vel quædam defunt, imperfecte-ve adsunt. In puella mortua totum os frontis, & parietale dextrum, nonnisi unicum solidum os fuit, sine vel minimo futuræ vestigio. Quare quod plurimi disertis verbis sic rem constanter se habere affirmant, operationemque oportere semper in ipso decussantium se se filorum puncto fieri, ut in futurarum commissuram cadat, inania verba sunt, experientiæ contrarias Equidem posse quemquam in decem ac plurea incidere calvas, quarum ejusmodi commissuræ sit futurarum, inficias haud ivero, sed concedere demum mihi debebit, quopluces calvarias examinaverit, eo numerosiores inter illas se invenire dissimilitudines.

IO^{mo}. Fateri oportet laudatorum Scriptorum hinc inde unum reperiri, qui operationem quidem commendans, eandem tamen remotius a futuris esse velit; ita quippe *Fallopious*: vel alium æque meticulosum, qui futuras quidem, sed non confinium ipsum binarum futurarum, suaserit aduri. Sed priori satisfacimus in puero, in quo uestio ab utraque futura multum distabat: alteri casu auscultavimus in puella, ubi uestio fuit pollice altius futura coronali. Et nihilominus utriusque hisce meticulosis casu satisfaciētes, ægros utrosque morte amisimus.

§. V. Candide ergo omnibus sic expositis , quid demum consequitur? 1^{mo}. Veterum recentiorumque complures haud ea , quæ viderint , expertique fuerint , verum ea duntaxat , quæ alibi audiverint , legerintve , scripsisse ; Artem proinde istos non experientia , sed onerosis auxisse voluminibus .

2. Fuisse dubio procul , qui forte semel operationem viderint , eamque (sive quod inflammatio Meningum resoluta fuerit , sive quod meticulosior Artifex aut non penitus candefecerit ferrum , aut cranium vix tetigerit ,) lethiferam non fuisse ; imo , quod fonticulus inde excitatus morbum levaverit , profuisse observaverint : pessime vero ex rariore observatione generalissimas regulas posteris tradidisse .

3. Qui vero pluries hanc cranii adustionem perfecerint & non nisi faustissimam descripserint eandem , hos suos paucos fortunatos casus enarrasse modo , plures reticuisse infastos. Eundem quippe ignem qui nobis est , ipsis fuisse ; eadem ipsis , quæ nobis , crania : effectus proinde ejusdem ignis , in consimilia crania , fuisse consimiles. Cum igitur demonstratum sit a mitiore , quam jusserint illi , inustione mortem contigisse , quid non sæpius illos lethiferi observasse necesse est , qui adusserint altius ?

4. Hos præprimis culpandos esse , fraudisque notandos , eo quod infortunia sua celaverint , suppresserint , conticuerint. Dum enim nihil nisi fausta cecinerint , alios ad imitandum audaces suo

fuò reddidere exemplo, eosdemque, ut nos serò imprudentis imitationis pœnitentes.

5. Solam proinde ac genuinam Artis promovendæ eam esse normam, qua solius amore veritatis, qua unico opitulandi studio, summo cum candore, & Christiana simplicitate, sic facta enarrentur, ut non minus infasta, quam fausta, innotescant. Quo demum efficitur id, ut qui hos Autores consulant, maturius & secum, & cum aliis, deliberent, incertamque forment Prognosim, antequam necessitas forsitan cogeret similes operationes, curasve, confingere.

6. Quam triste est mores Circum foraneorum & Agyrtarum lucripetos, vaniloquos, ambitiosos, adeo multis Medicorum atque Chirurgorum inhærere animis, ut id, quod haud verbis modo, sed etiam factis vilipendunt, detestanturque, nonnunquam tamen nimio systematis ardore excæcati, turpissime imitentur! Profecto non possumus sufficienter nobis invigilare, ne proprio præoccupati amore, aut vana illecti gloriola & coævis imponamus, & posteris. Ad pondus Sanctuarii omnes in Medicina & Chirurgia appendendæ sunt observationes, priusquam in lucem prodeant, ut ars inde capiat augmentum. Etenim dicente veridico *Hippocrate*: „Vita brevis, ars longa, occasio celeris, experimentum periculosum, iudicium difficile.“ hinc utimur vere demonstratis aliorum, ut tempori parcamus
hisque

hisque instructi, ad ulteriora invenienda, & demonstranda annitamur. Et hisce nostris suffulti Nepotes nova adjicient. At vero si non artis amore, sed potius turpis lucri, immeritæ famæ, detestabilis in bonos invidiæ, studio ducimur; si Peregrinatorum complurium similes, mirandarum rerum magis, quam verarum, cupimus scriptores esse; turpiter incautos decipimus in detrimentum Artis, in damnum, perniciemque mortalium, cautos vero animabimus, ut malam nostram fidem orbi patefaciant; quod antequam iteratis experimentis effecerint, millenos errores ii committent, qui nobis, ut candidis veritatis præconibus, fidem adhibuerint.

§. VI. Igiturne hæc operatio ex arte proscribenda? Et in desperatis, aut difficillimis morbis, quorum causa probabiliter in capite hæret, an nihil ultra tentandum est?

Ad primum respondeo, quia operatio multo levius instituta in nostris binis ægris, quam Auctores jubent, mortem utrique intulit; quia experimenta in cadaveribus, & in separatis craniis evicere, nunquam sine ingenti discrimine vitæ eam institui posse; merito concludi posse, ac debere id, quod sit ex Arte proscribenda. Et enim rarior operationis hujus felicitas plurimorum interitum non compensat.

Ad alterum dico *Trepanon* in hisce superesse casibus. Est equidem & illud, quod ultro fatendum est, anceps sæpe auxilium, eo quod Cephalearum, Epilepsiarumque causas, nonnisi
conje-

PERTINACIORIBUS CAPITIS VITIIS. 27
conjecturemus in capite præsentem esse, vel in
ea, quam suspicamur, capitis plaga; Attamen
incertitudinis facta prognosi, si ægri velint ex-
trema tentari, novimus per certa experimenta
Trepanon, erudita manu adplicatum, per se le-
thale nunquam esse; etiamsi prima terebratione
irrita, altera vice, pluribusve, ad aliam cranii
plagam adplicetur. Hinc, quia non sola Auto-
rum fide, sed quotidiana, in contusis, ac vul-
neratis, experientia discimus non esse per se pe-
riculosum *Trepanum*, sponte admittimus, quæ
Ballonius Paradig. N. 19. quæ *Hollerius Li-*
bro Observ. quæ Duretus in Annotatione in
suam enarrationem in Cap. 2. Holl. de morbis
internis pag. 27. quæ *Rhodius Cent. 1. Observ. 69.* quæ
P. Forestus, Lib. 9. Cap. 2. in Scholio, alii-
que, tum docuerunt, tum exemplis confirma-
runt. Quare perperam *Willisus de An. Brut.*
Lib. 2. Cap. 2. pag. 75. Edit. in fol. ait. „Laudari
„aperturam capitis a multis, sed a nemine,
„quod sciam tentatam. Ingentem *Harvæum*
„Nobili feminae ob invincibilem Cephalaem
„proposuisse, & spem exinde fecisse, sed nemi-
„nem facere operationem voluisse. „Utique
ex allatis Scriptoribus patet sæpius fuisse eandem
summo cum effectu institutam.

C A P U T II.

De Peculiari Quorundam Medicamentorum Virtute.

§. I. Ratio cur hoc anno minora numero experimenta circa *Aquam Calcis*, & *Uvam Ursinam*, describantur §. II. Examen an *Ononis* proffit calculosis? *Anatome*. Eadem questio de *Raphano hortensi*. §. III. Laus *Verbenæ*: eaque occasione enarratio *diræ cephalææ* ad quam curandam frustra *Artis* fere omnis exhausta suppellex §. IV. Præstantia *Foliorum Aurantiorum* in *Pulvere*, & in *Decocto*. Admonitio de *Prudentia* quæ in *Viribus Medicamentorum* detegendis, determinandis, limitandisque, necessario adhibenda sit. §. V. De communibus dictis *Anti-Epileptis*.

§. I. **D**E *Aquæ Calcis*, & *Uvæ Ursi* viribus, minus hoc anno dicendum habeo, 1^{mo}. quia hominum calculo laborantium numerus longe minor ad *Nosocomium* accessit. 2^{do}. Quia ad facilem secandi methodum demonstrandam, & amplificandam, plures eorum, quibus ceteroquæ alterutrum horum dedissem, calculo secari curavi. 3^{tio}. Quoniam in his morbis etiam aliorum simplicium vires explorare animus fuit. Cæterum plures eorum, quorum,

rum, his remediis curatorum, historiam part. præcedentibus dedi, denuo videre contigit, & perfecte sanos, omnibusque calculi symptomatibus liberos esse, constitit. Inutilia quoque hæc remedia esse, in quibus degeneres admodum systematis Europæi partes erant, novis constitit observatis; attamen educto calculo iisdem levamen hinc multum sæpe contingere.

§. II. Casu historiam notabilem didici effectus *Ononidis*, dictæ C B P. *Restæ Bovis*; quam Autores Medico-Botanici ab omni tempore in variis obstructionibus, & calculo, laudarunt. Senator ille, (quem antea Cap. 9. §. 2. Hydrope pectoris extinctum consideravimus,) longis ab annis calculi martyr, & plures minores aliquando excernens, demum a peregrino Patre *Franciscano* id consilii accepit, ut pugillum herbæ *Ononidis*, cum semilibra aquæ pauxillum coctum, quovis mane biberet; ac primo quidem spatio longiore, deinde, levamine insigni inde percepto, repeteret quater in anno idem remedium, spatio 14. dierum. Consilio parens, levamen primo incredibile habuit, deinde liber ab omni calculi symptomate, per aliquot ante mortem annos, sic fuit, ac si eodem laborasset nunquam; nisi semel iterumque, repetitionem remedii aut neglectu, aut studio, procraftinando.

Inspiciendi hujus cadaveris facultatem, ut Cap. 9. jam monui, omni modo quærebam. 1^{mo}. Ob dubia quæpiam, quæ in Hydrope pectoris

storis ejus occurrebant, ut Cap. 9. §. 2. monui. 2^{do}. Ob vires indagandas *Ononidis*, utrum nempe egisset modo, ut Uva Ursi, symptomata auferendo, an vero tollendo ipsam Diathesin 3^{tio}. An, quia cessantibus calculi doloribus, pulmo agrotare cepit, calculosa Diathesis pulmonem obsideret, ibidemque primo Asthma, deinde Hydropem pectoris, creavisset. Eximius Medicus Aulicus Nobilis a *Hentschel*, qui tanta cum laude inclytæ Facultatis Decanatu integro triennio functus est, & quocum aliquoties super hoc morbo in consilium vocatus fueram, veniam incidendi procuravit.

Ad prima dubia circa Hydropem pectoris respondi cap. 9.

Quoad alterum, nihil aut calculosi, aut degeneris, in toto systemate urinario invenimus; id modo notabamus, quod Ren dexter quadruplo major, cum naturali uretere, sinister Ren quadruplo minor mole esset. Ad tertium dubium quod spectat, pulmones flaccidi quidem lividique erant; at vero quacumque in plaga examinati, nihil gerebant calculosi, aut calcarei; neque unquam in vita quid simile sputis reddiderat.

An ergo *Ononis* diathesin calculosam, expulsi jam antea, qui aderant, calculis, penitus emendavit? sustulit? Nunquid repullulantem eandem diathesin ad remedii neglectum, idem mox suppressit? Multiplico experimenta, sed nondum certi quidquam determinare possum.

MEDICAMENTORUM VIRTUTE. 31

Raphani hortensis succum cum oleo sumtum vidimus bimestre tempus tolerabile reddidisse cal-
culoso. Erit & hoc in aliis tentandum.

§. III. Laudanda hic *Verbena* venit, seu *Verbenaga* dicta, *Verbena communis* flore ceruleo, *Verbena recta* C. B. P. 246.

Galenus de comp. med. sec. loc. Libr. 2. Cap. 2. „ Omnium porro maxime discutit, &
„ perfecte roborat, *Verbena Recta* περισερῶν ὁ
„ ὀρθός, maxime viridis, imo & arida, cum
„ radicibus, & simul cum serpillo oleo inco-
„ cto quin & ipsam per se *Verbenacam*,
„ si oleo incoxeris, caputque inde rigaveris,
„ omni capitis dolori antiquo, ex frigiditate,
„ aut ex crassis humoribus oborto medeberis.

Archigenes inter περιάπτα hanc herbam re-
censuit, quod & posteriores; *Galenus* vero im-
probavit id. „ Liberat, ait, a capitis dolore,
„ dicit *Archignes*, *Verbenaca herba*, quam ali-
„ qui *sacram* vocant, tum coronæ modo cir-
„ cumposita, tum illita ex Rosacco & aceto:
„ hoc auxilium oportebat eum non nunc inter
„ Amuleta, sed prius inter medicamenta refer-
„ re; siquidem revera ei confidit, per longam
„ experientiam cognito & probato.

Dioscorides Libr. 4. Cap. 50. 51. *Herbam*
sacram quam Amuleti vice adhibent, aliam
Verbenacam, περισερῶν intelligit, non illam
Rectam.

Cæterum *Dodonæus* *Verbenam* sive *Verbena-*
cam

cam Rectam statuit illam esse, quæ capiti applicata, ejusdem medeatur doloribus.

Platerus Libr. 2. Cap. 3. edit. in 4. eodem modo quo *Dodonæus* loquitur.

Forestus L. 9. in Schol, ad Obs. 52. „Fa-
 „ mulus quidam capite supra modum dolebat.
 „ Cum nulla remedia juvarent, tandem ad col-
 „ lum *Verbenam* viridem aliquo modo tritam,
 „ ut ab adstantibus non cognosceretur, appen-
 „ debam, idque nocte, dormienti, & incio,
 „ antequam malum invaderet: & adstantibus
 „ mandabam, ne æger, a somno solutus, her-
 „ bam collo suspensam dimoveret: qua hujus
 „ herbæ folius suspensione, miraculi instar hic
 „ æger curatus est. *Verbena* a collo suspensa
 „ amoveri non debet, nisi exsiccata tandem
 „ per se cadat.

Et in prax. Chymiatri. *Joan. Hartmannus*.
 „ In omni dolore capitis tanquam Arcanum
 „ appropriatum, Aqua *Verbenæ* destillata com-
 „ mendatur, sæpe assumpta ad unc. iv. cum
 „ gtt. iv. Spir. Vitriol. juvat etiam *Verbena*
 „ tota contusa, & capiti imposita.

J. B. Montagnanus Consil. 20. *Verbenam* quo-
 que inter cephalica laudat. Cum hæc de *Ver-
 bena* invenissem, adplicui eandem juvenculæ, cu-
 jus casus paulo altius repetendus est, ut medi-
 camenti hujus pateat efficacia.

Hæc femina 25. annos nata, venit ad me
 2. Julii 1760, præ diuturno & intolerabili ca-
 pitis dolore petitura consilium. Mater narrabat,
 hanc

hanc suam filiam ex brachio ancillæ cecidisse, capite in terram alliso; natum inde apostema, & copiosum pus auribus effluxisse. Deinde sexto vitæ anno variolis eam decubuisse adeo malignis, ut tota fere cutis capillata capitis suppurando secesserit. Non recte memoria suggerit matri, utrum lapsui memorato an remedio ignoto, quo cito caput infantis suppurans post variolas exsiccaverit, causam, originemque cephalææ tribuere debeat; cum infantes minus soleant conqueri, & an tunc aliquando puella conquereretur, penitus oblita sit. Cæterum, post variolas meminit mater, post suum decimum annum meminit juvencula, dolores capitis frequentes dirosque adfuisse, verum usque ad 19. ætatis annum eosdem tantum unico sævisse die, nocte siluisse, diebusque insequentibus pluribus, numero incertis; eodemque annorum spatio frequentissimos vomitus ac narium hæmorrhagias, capitis doloribus junctas fuisse; eadem forsitan de causa brevioribus, rarioribus. Ab anno vero ætatis 19. graviores capitis dolores diuturnioresque sævisse, cum longe rariore vomitu ac hæmorrhagia. Ab elapso biennio incepisse vomitus fieri violentos, æruginosos, quos emetico ac purgantibus & tunc sustulerit, & semianno deinde, cum rediissent. Modus porro doloris sic se habebat nunc: Cephalæa totum quidem caput obsidebat; sinistro vero in latere vehementius; cum auditu gravi, & tinnitu auris sinistrae, cum colli dolentis, pulsantisque, Empro-

stotono, quando erecta est capite, haud ita quando decumbit. Tussim quoque siccam conquerebatur, cor palpitans, insomnes præ doloribus noctes, in quartum & quintum diem retardantem alvum; menses a 19. anno ætatis regulares quidem passim, spatiumque 6. 7. 8. dierum fluentes, at paucos eosdem, pallidosque; cæterum non dolentes fere; quamvis caput sub idem tempus gravius doleret. Post ultimos æruginosos vomitus a mense Novemb. 1759. ad Apr. 1760. lecto hæsit, acerbitate dolorum, affixa. Paulo ante, quam ad me accederet, dolores vehementer post venæ sectionem increverant.

Hac Anamnesi sic adornata, & tempore meo elapso, dedi ipsi purgans, quo præ alvo obstructissima egebat, & jussi posthac rediret, ut adæquatam si fieri posset, indicationem formarem.

Non rediit porro, nisi quatuor elapsis integris postliminio mensibus, eo quod præ doloris perseverantia domo exire haud potuisset. Hinc eam de salute desperabundam blande exxi, in Nosocomio servavi, ejusque occasione dissertationem coram Medicinæ Studiosis feci, in qua a nata Medicina, in nostra usque tempora, hujus morbi causas, symptomata, diagnosin, prognosin, & curationem, expiscatus, prosequutusque sum; & circa quam ab ipso Januario usque ad Férias majores iidem domini Studiosi hebdomadali disputatione inter se se disceptarunt.

Appli-

MEDICAMENTORUM VIRTUTE. 39

Applicatis quibuscumque causis morbi, quas Anatome unquam, observatioque detexit, ad casum datum, conclusimus Cephalæam protopathicam esse, eandemque vel exencephali suppuratione post lapsum, vel ex maturiore capitis post cutem capillatam suppurando ablatam exsiccatione, trahere originem. Equidem in ventriculum nonnulla fateor suspicio cadebat, quia toties vomitus contigerat, isque post emetica cephalæam sæpius sedasse visus erat; verum contra, ventriculus insons ab encephalo affecto in consensum rapitur, docentibus id manifesto capitis contusionibus, & vulneribus. Præterquam quod haud raro contingat, ut causa in capite hærente proritetur ventriculus in vomitus bilis flavæ, porraceæ, isatodis, æruginosæ, (quemadmodum etiam nostra ægra aliquoties vomitu reddiderat) a qua, intrer plicas residua, ventriculus posthac leviter expurgandus sit, ni velimus eum ægrotare.

Prognosin ambiguum feci, ob morbi diuturnitatem, atque altius irradicatam ejus causam, Quum tamen artis industria ejusmodi desperatas fere cephalæas aut egregie mitigatas, aut etiam penitus curatas fuisse constabat, varia auxilia vario ordine admovi.

Ac primo quidem arridebat setaceum ad Nucham, quo quandam revulsionem procuraremus; eundemque in finem data sunt purgantia hydragoga bis in septimana, dum interea spir. frumenti cum sublimato, & larga bardanæ decocta cum lacte, ad humores veteres emendandos,

novosque regenerandos, perpetuo darentur. Primis 20. diebus, nihil inde, postmodum vero tantopere lucrata est, ut primo integro, deinde binis, ternis, pluribusve diebus, cephalæa vacaret, ac tandem integris 5. septimanis prorsum libera, ac sanissima esset. Petivit dimitti, & remedia sibi dari, quibus domi continuatis, corpus contra recidivam muniret. Jussa igitur eadem continuare, & bonam setacei curam habere, 24. Jan. 1761. dimissa est.

Domi sana, horum usu, sex septimanis vixit, sed dein in cephalæam diram remittentem quidem, sed nunquam intermittentem, relapsa, ad 3. Martii denuo intra Nosocomium recepta est. Cum antiquis remediis minus feliciter continuantes, cetera artis auxilia ordine admovimus.

Ac primo quidem hirudines plures ad tempora frontemque adhiberi curavi, quæ cruoris quidem sufficientem copiam, iterato ad 4. usque diem in pleno Auditorio experimento, eduxere, haud juvarunt tamen. Unde 2^{do}. Cucurbitas tum ficas, tum scarificatas, adposui, fronti, vertici, temporibus; idque ad tres vices, cum debita cruoris evacuatione. Nihil inde opis. Igitur 3^{tio}. auxilium a vena jugulari secta expetivimus. Etiam hinc spe frustratus 4^{to}. caput rasum emolliente cataplasmate totum fovi quatri-duo; quod practici jubent eo consilio, ut ajunt, ut apertis futurarum poris via panderetur, qua prava de encephalo exalarent. Arteriotomen non feci, quia ea & per Hirudines, & scarificatas

Cu.

Cucurbitas, sufficienter facta erat. Quinto empl. de meliloto cum $\frac{1}{4}$ empl. vesic. mistum universo capiti octiduo spatio admotum est; quo inde madente, ac stillante, pauxillum principio, nihil levaminis postliminio, percepit. Sexto *Bartholini* consilii memor, qui in *Anglia* didicerat antiquas cephalæas curari, datis quotidie aliquot guttis liquoris, qui adulta hyeme de vulnerata radice arboris *Juglandis* exstillans, appensa excipitur lagena, etiam hunc succum puellæ non ad guttulas, sed ad duas de die uncias spatio 14. dierum, dedi.

Nihil ergo tot tantisque proficiens, tandem *Verbenam* adhibui. Hæc 13. Aprilis sicca appensa collo est, & 25. Aprilis recens collecta; tum & aqua ejusdem stillatitia ad unc. IV. de die cum gtt. IV. Spir. vitrioli, data est. Subbitum sane inde levamen habuit, subitoque integram doloris absentiam, sine ulla vel unius diei recidiva, spatio primum duorum mensium. Tumque ipsi, indicanti mihi, quod semper ad sinistrum oculum punctum dolens superesset, quem olim Spirit. frumenti cum sublimato sublatus meminisset, internum verbenæ usum detraxi, spiritumque hunc substitui. Continuavit domi suæ spiritum, & verbenæ amuletum, ad diem 6. Julii, quo cephalæa redit, dira adjuncta cardialgia, & vomitu frequenti, cum brachiorum introtorsione inter vomendum. Purgantibus, scuto stomachico, paregorico, nervinis, roborantibus, & verbena capiti adpena, inte-

gre convaluit sub finem Julii, & bene hucusque habet.

§- IV. *Aurantiorum folia* usum in Medicina pulchrum habent. Eximius Medicus, vetus meus candidissimusque amicus, *Haganus Poliater, Abr. Westerhoff*, plusquam elapso abhinc anno, coactus fuerat splendorum personarum hortatu, remedium quoddam arcanum suscipere, ea onerosa lege, ut quid esset, id, nisi consentiente Autore, nemini patefaceret. Cum Amicorum omnia communia sint, mihi aliquam ejusdem copiam fecit, ut data opportunitate in morbis convulsivis, in quibus non semper, sed sæpe mirifice prodest, nocet vero numquam, ut expertus testabatur, vim ejusdem explorarem. Offerebat se se mense Januario currentis anni apta occasio. Puella 18. ann. quam materna AUGUSTISSIMÆ liberalitas, ut multos alios centenos pueros puellasque, clam alit, convulsiones patiebatur adeo miras, adeo horrendas, ut rarissimi sane exempli essent, utque nullum genus convulsionem notum sit, quod hic non adesset: nulla pars corporis libera mansit, & nova atque insueta symptomata scenam hanc terribilem fere quotidie mutabant: projectumque in altum corpus fuit sic, ac si fortissimi viri illud in sublime projicerent. Spatio 3. septimanarum quidquid artis, quidquid experientiae esset, indefessa opera adplicaverat veteranus Medicus, expertissimus Practicus, Dominus *ab Hentschel*, sed frustra. Cum AUGUTISSIMÆ mandato optimo huic viro jungerer, totamque pene

pene artem exhaustam frustra cernerem, subit ilico Arcani memoria. Collegæ narro innocuum per se, at stupendum quandoque medicamentum. Annuit. Damus. Quid plura? Scrupuli unius dosi cum potu Chocoladæ mista primo die, quæ 12. horis integris perseveraverant convulsiones, trihorio finiuntur, altero die semihora, tertio vix umbra levis malorum, prætereaque nihil; cito autem vires rediere, corpori sua mentique alacritas. Scrupulum tamen pulveris quotidie dedi ad 14. diem usque. Exinde semper sana fuit.

Industria ac dexteritate sua celeberrimus, Ocularius *Wincel*, dum hac hyeme suam cataractas extrahendi artem, tanta cum laude *Viennæ* exerceret, ajebat Arcanum illud *Haganum* nonnisi folia *Aurantiorum* continere, & decocti quidem forma ad Chocoladam componendam adhiberi, at vero pulverem foliis hisce paratum quoque simili potui admisceri posse, ac prodesse. Cum id tot rationibus asseveraret, curavit Ill. D. *Præses* magnam copiam foliorum ubique colligi, & ad omnia Nosocomia, Orphanotrophia, Gerotrophia, Ptochotrophia mitti, ad experimenta capienda. Dedi pulverem desperato epileptico ultra mensis spatium, sed incassum. Idem puellæ, choreæ S. *Viti* reliquiis adhuc laboranti, pulverem hunc frustra longo tempore dedi; posthac vero, cum, decem *Hagani* pulveris decem superstites scrupulos eidem diebus dedissem, penitus convaleuit. An ergo in *Hagano* pulvere quid admixtum

mistum aliud? Nunquid ex tot *Aurantiorum* speciebus determinatam speciem *Haganus* habet, quæ veluti præ reliquis *Aurantiis* specifica esset? An verò, si idem, sit, hic contigit, quod sæpe, ut principio vix quid Medicina præstet, in fine autem juvet egregie? Usus docebit.

Decoctum illud, unde Chokolada paratur, distante nobis egregio *Wincel*, sic & fit, & datur Fol. 30. 36. *Aurantiorum* cum libra aquæ coquantur ad $\frac{1}{3}$ consumptionem, potumque Chokoladam inde formatum ægri bibunt, repetendo post 4. aut 5. dies idem. Præparata autem corpora volunt, triduo usu aquæ mellitæ, & dein purgante: altera tunc die post purgans exhibent hoc medicamentum. Alii descripti decocti tertiam partem tribus subsequenter diebus dant cum Chokolada, quam sine adjunctis calidis esse jubent. Suadentque illi in lecto hunc potum sumere, & bihorio deinde quiescere. Porro & ternos hos potus matutinos, & prævias purgationes, toties esse repetendas, quoties id exigit pertinacia morbi.

Optimus Medicus, integerrimus Amicus, Senator & Poliater *Haganus C. H. Velse*, communicavit mecum hanc Decocti formam. R. Fol. *Aurantior.* N. 120. (id est circiter unc. j. & dr. vj.) in Aq. pluv. unc. xx. decoque spatio 2. vel 3. horarum, vase clauso; colato adde vini rubr. unc. x. Sacchar. cononid. q. s. ad gratiam. Sumat æger bis, ter, quater, prout necessitas jubet, unc. iij iv. quotidie, aut so-
las,

las, aut mistas cum levi Chocolada. Testatur idem hocce remedium mire reficere, & robore ægros; egregie aliquando *Colicam Piætonum* mitigare; Colicæ hujus sedare vomitus; & quæ purgantia, atque opiata hætenus operata non essent, ope decocti nunc operari. In Hystericis convulsionibus necdum multa experimenta se habere, reticere se tamen non posse notabilem casum biennis infantis, fatui, ut videbatur, futuri: qui anni ab illinc spatio levioribus convulsionibus quotidie vexatus; a semianno clamoribus convulsivis, nonnunquam epilepsiæ, quandoque catalepseos, contortus symptomatibus; sumserat ter die quid hujus decocti spatio 20. dierum citra levamen notabile, post hac vero eo cum effectu, ut elapso demum mense ne umbram quidem morbi amplius haberet, hilarisque idem, atque ingenuus, adpareret.

Profecto hujus efficaciam decocti mirificam, & ego expertus fui in viro quinquagenario, qui post hemicraniam in horridas faciei convulsionem 20. 30. una die repetentes, inciderat. Junxeratque se ea memoriæ labes, ut noscens, qui accederent, omnes noscens omnia, quæ videret, tangeretque, tamen nomina indere propria ipsis non posset, passimque per omnia balbutiret: & quamvis gallice, aut italice, interrogatus si quid utcumque intelligibile responderet, id germanice duntaxat, præter omnem sanemorem, fuit. Unc. ij. quovis bihorio decocti datæ, sensim notabiliter mutarunt, tandem spatio lex dierum
inte-

integre sustulerunt hunc morbum, cum omnibus suis stupendis symptomatibus, omnesque restituerunt functiones.

Puella 16. annorum febre scarlatina correpta mense Septembri anno 1760., dein convulsione 7. Octobr. latere dextro paralytica facta est, & perfecte aphona. Cum nihil consueta Artis auxilia juvarent, misit eam Ill. Præses ad meam Machinam electricam. Pauxillum quidem spatium 6. mensium lucrabatur, ut articulare voces quasdam potuerit, ut etiam paralytis minueretur; verum pauca illa emendatio cum non augeretur, dedi tria decocta Aurantiorum, posteaque pulveres, interea dum ad Machinam diligenter quotidie accederet. Mensis spatium sic pergens, lucratur voce incredibiliter, ut nunc spes sit ejusdem restituendæ, & paralyseos penitus curandæ. Observatio hæc incitavit me, ut cunctis, quibus vim electricam nunc adplico, simul pulveres fol. aurant. darem, visurus an plura exempla colligere queam felicius successus vis electricæ ope horum:

In Epilepticis nec decocto, nec pulvere foliorum, aliquid hucusque profeci; data tamen occasione repetam experimentum, cum audio id aliis succedere. In tremore post terrorem superstiti videbar primo victor morbi futurus, deinceps vero minime, tandem vero iterum multum. Vidi a laudatissimo Physico Nosocomii civici *Schreibers* homini, choream S. *Viti* ab annis pessime habenti, idem ultra mensis spatium dari, cum aliqua duntaxat emendatione in principio, ita ut levior illa e-

men.

mendatio non augeretur, licet idem decoctum longo temporis spatio continuaretur: fatendum est tamen inceptam illam emendationem constanter permanere.

Porro indigebit remedium istud, ut & *Verberna*, pluraque alia, maturiore ac diuturniore examine, prius quam certi idem concludatur. Nunquam enim in similibus tentandis, evulgandisque, sufficienter cauti esse possumus. Coævius scribimus, & posteris. Hi, institutis iisdem experimentis, aut eadem, quæ nos, aut aliter, quam nos, aut nihil omnino, quod nos, videbunt. Si nos rite, casteque & prudenter, nostra notaverimus, tam fausta quam adversa, quam inutilia quam imperfecta; profecto dum Coætanei, serique Nepotes, eadem prudentia experimenta nostra repetiverint, idem, quod nos, semper adnotabunt.

Hoc demum modo Canones formabuntur practici, qui limitent morbos, gradusque morborum, in quibus profit, non profit noceatve, medicamentum. Sin vero aut perfunctorie, aut nimis glorianter, aut immeritæ cupidine famæ, experimenta evulgaverimus, consequetur necessario id, ut nos, & præsens ætas, & posteritas, jure condemnent. Remedium sustulisse morbum videri potest, nec forte sustulit: ut si alia simul data fuerint, quæ emendare morbum potuerint; aut si periodici morbi sint, ut plures Cardialgiæ, Cephalææ, Hemisphæricæ, Arthritides, Rheumatismi, &c. qui vel sponte, vel mutatis aëre, vitæ genere, alimentis, vel naturæ opera, aut mitigentur, aut

fideant,

fileant, aut penitus sæpe superentur. Securos quoque nos esse oportet, quod ægri summa ac-
curatione remedium adhibuerint; quodque non
clam alia aut prætulerint, aut intermiscuerint
saltem, & tamen ne forte irascamur, neve illi
careant nostra amicitia, gratia, patrocinio, tri-
buant nobis gloriam curæ. Hæc ut mihi con-
tingere, contingunt & cæteris.

Hinc monitos Lectores meos volo, ut quæ
observata communico, ea novis dignentur ex-
perimentis urgere, sique forsitan violasse hinc
inde prudentiæ regulas videar, ut id publico,
meo etiam expresso nomine, palam faciant.
Erit profecto unde gratias illis perpetuas agam.
DEO vivimus, & proximo; vivimus veritati,
non patri fallaciæ & mendacii, diabolo.

§. V. Quæ Priscis Anti-Epileptica dicta,
Pæonia mas, *Valeriana Sylvestris*, *Viscus quer-
cinum*, pluribus experimentis etiam hoc anno
factis, vere Anti-Epileptica esse novi, docui,
demonstravi; at vero aut modicæ, aut nullius
omnino efficaciciæ esse, in multis, imo forte
crebrioribus in casibus, quoque expertus dolui.
Hi tamen casus non derogant illis, modo suos
intra limites singuli coërceantur. *Valerianæ Syl-
vestris* in *Fabio* efficacia effecit forsitan, ut
debito celebrior illa inclaresceret, utque fallax
sæpius vilesceret multis. Mansit tamen, æter-
numque Anti-Epileptica Planta manebit, suis
determinatis in casibus. Suspikor simile quid
fore de *Aurantiorum* foliis.

C A P U T III.

De Aneurysmate Externo, Spurio.

I. *Aneurysma spurium in Brachio, a missione sanguinis natum, Compressione curatum.* *Biga observationum adjungitur, quæ quantumvis per se simplices, & cuique obvix censerî possint, ob frequentem nihilominus earundem in Clinicis neglectum, nova commendatione indigent.* §. II. *Aneurysmatis Spurii trunci ipsius arteriæ Femoralis, inflicto vulnere nati, Interceptio. Gangrænæ, & Sphaceli, assiduo, diuturno, copioso, ac, ni fallor, citra exemplum hucusque interne, externeque dato, Cortice Peruviano, felicissima curatio.* §. III. *Apologia Corticis adversus ejusdem detractatores, audaciorisque nostræ eundem exhibendidos.* §. IV. *In Urinam plurimò curæ tempore a nostro vulnerato redditam, quædam observationes, ea intentione collectæ, ut constaret, an in Diagnosi ac Prognosi quid lucis afferrent, nec ne?* §. V. *Disquisitio num Fungi Agarici ad arteriæ vulnus non modo lamellatim facta adplicatio, verum etiam ejusdem pulveris per totum vulnus conspersio, laudanda sit?*

I. **P**ericulosissimi hujus, frequentisque Chirurgici morbi plura exempla dedi in
hujus

hujus Operis Tomo I. *cap.* 30. Tom. II. *cap.* XII. Fausta que simul & infausta nostra conamina communicavi. Septimam hanc partem ab eodem argumento, quod annus Academicus nova eidem argumenta suppeditârit, auspicabor.

Anno 1761. Nov. 10. instrumento resiliante Balneator Pictori 25. annorum, pectoris ardorem & raucedinem conquerenti, venam tudit; mirante ægro quod momento temporis tria vasa replerentur, vimque profilientis cruoris Chirurgus ægre retunderet. Tumens porro præ validiore compressione brachium, spiritu quopiam fricare ille jussit, effecitque inde ut artum, a tribus retro septimanis immobilem, sauciatus iterum flectere, artemque pictoriam, quamvis non expedite, tamen exercere posset. Quem interea Balneator solabatur integræ specuræ, quidquid supererat impedimenti a lymphâ duntaxat, quæ ad venæ, cutisque vulnus afflueret, oriri ratus.

At vero contrarium expertus est homo infelix, tumore intra 7. aut 8. septimanarum spatium ovum gallinaceum mole referente. De eventu sollicitus, adiit 5. Jan. hujus, quem vivimus, anni, Exp. D. *Reutter*, Chirurgiæ Doctorem, Virum curis experientiaque clarum; qui postquam in decimum diem machinam comprimantem externam frustra adplicuisset, hominem demum meis curis commendavit.

Origo mali, ac progrediendi modus, Aneurysma spurium esse declarabant. Carebat tamen pulsa-

pulsatione, nec non motu illo tremulo, de quo Tomo I. egi: verum nos, ab effuso cruore, eodemque coagulato, per brachii cellulositatem, pulsuum perceptionem, tremulumque motum, suffocari coniecimus.

Die Jan. 16. dexterrimus Chirurgiæ Proffesor *Leber*, operationem peregit; præsentibus Magnifico Domino Archiatro, & inclytæ Facultatis Medicæ Vice-Præside *Kestelr*, egregio Medico, & sollertissimo Nosocomii Civici Physico, *Schreibers*, Chirurgo S. S. M. M. ab *Hombourg*, Chirurgiæ Doctore *Reutter*, Aulico Chirurgo *Fischer*, Doctissimo, ac plurimæ spei Chirurgo, *Scherer*, aliisque pluribus Medicinæ, Chirurgiæque cultoribus.

Dilatato sursum, deorsumque vulnere, globosum corpus apparuit, ambiguum utrum tendo Bicipitis brachii esset, an membrana fortis, quam validior brachii compressio ex membrana cellulosa formasset? Non esse tendinem, sed compressione natam membranam, plura mox evincebant. 1^{mo} Tendo si fuisset, oportuisset illum a cohæsione sua naturali cum cute, ope cellulositatis genita, solvere: verum stylus libere intrabat sursum, deorsumque. 2^{do} Amotis integumentis, debuisset brachium extantum quoque tendinis extanti rigiditatem ostendere; verum id neutiquam. 3^{tio} Amotis integumentis figura rotunda erat, hemisphærii, extrorsum versi, instar, atque ad superiorem partem subito delivis: ut evidenter adpareret de tendinea expansione

fione nihil superesse. 4^{to} Si tendo fuisset cruori coagulato superextentus, tumorem utique, dum brachium extendebamus, comprimere debuisset; at vero tumor æque globosus esse perseveravit. 5^{to} Facta levi tumoris incisione, & vulnere dilatato in longitudine, necessum fuisset ut porrecto in longitudinem brachio apertura clauderetur; verum ea mansit æque aperta. 6^{to}. Educto cruore, nulla tensio partis aderat, dum arteriam vulneratam quærentes, brachium vario modo extendebamus: porro si Aponeurosis inclusisset tumorem, aperturam longitudinalem a nobis factam, extento brachio, claudere debuisset.

Igitur tumor ipse cum sua membrana exacte sic se habuit, quemadmodum *Rat. Med. Tom. I. cap. 30.* exposui. Nempe sanguis arteriosus in cellulositatem illam, quæ arteriam, venam, nervumque, laxè colligit, effusus, eandem, dilatat, extendit, expandit, in crassiorē compingit membranam; eoquē facilius, quo Chirurgus tum diutius, tum fortius, brachium compresserit. Scilicet vis cruoris, arteriæ vulnere pulsæ, locum foramini proximum ampliat, cellulositatem removendo, & cavum quoddam format, quod ideo hemisphærium refert, quia cellulositas in extremo circulo tumoris ad arteriam arctè adpressa & agglutinata, coivit cum eadem. Saccus proinde sic producit clausus. Si vis sanguinis non solvat hanc in ambitu cohæsionem, durum trumbum formare cogitur, arteriæ foramen ita demum obturantem, ut effluere queat nihil.

nihil. Arque ita sola compressio externa, citra ullam loci aperturam factam, perfecte Aneurysma curat, ut *Tomo. I. cap. citat.* exemplis demonstravi. Sin vero profilientis de vulnere sanguinis vis tanta est, ut sacci cellulosi, per ambitum cum arteria accreti, plagam forte debiliorem solvat, aut laceret, sanguis effunditur per adiposam membranam, inter, sub, supraque musculos, cutem elevat, citoque ita putrescit saepe ut brachium, imo aliquando totus homo, sphacelo pereat. Unde cita operatione tunc opus esse intelligitur. Ita femina *Tomo I. cap. 30.* ut & *Tom. II.* sic etiam pictor noster.

Igitur incisa globosæ hujus massæ membrana, prodiit sanguis congrumatus, isque haud de sacco duntaxat, verum ex lacerato ambitu sacci versus brachium superius & inferius olim effusus.

Eluto vulnere, & laxata tortili machina, videbamus videre arteriam mox supra bifurcationem fauciatam, & quidem ab interno suo latere. Utique resiliente Chirurgorum instrumento vas sic vulnerari potest.

Videbamus, inquam, videre: nam cum arteria & ante bifurcationem suam, & post eandem, emittat ramos plures, decipere nos posset ramus oriundus ex arteria cubitæa, si ille forte adpareret solito amplior. Hinc in Aneurismate cum plurimo sanguine effuso, ubi longiore incisione opus, accuratius rem hanc definimus, minus accurate in incisione breviori; ut in casu præsentis: quatuor enim pondere uncias eductus

non superabat cruor. Fatendum tamen est a magnitudine arteriarum, trunco quodam prodeuntium, conjecturam probabiliorē sæpius reddi.

Laterale arteriæ vulnus suspensos tenuit animos, utrum Agarico, & compressione artificiosa, in vasis latus forte minus premente, hac comprimendi methodo uteremur: an vero tutius interceptione? Attamen mira Agarici virtus, qui etiam in pulverem versus adplicari ubique possit, atque cum vase veluti conglutinetur, vota adstantium in consuetam compressionem nostram vertit: ea tamen lege, ut filo munitæ acus perpetuo ad manus forent, ad arteriæ interceptionem, minus prosperante compressione, faciendam.

Chirurgus igitur parva, eademque rite complanata Agarici lamella, vulneri imposita, me suadente vicina per ambitum loca ejusdem pulvere contexit, nec non etiam vulneris ambitum omnis; siquidem alias ea vasa, quæ ex arteria, vulneri superiore, nascuntur, hæmorrhagia haud raro turbant, labefactantque apparatus. Postmodum stratum, ut ajunt, super stratum, ampliores sensim Agarici lamellas imposuit, donec, quæ imposita duodecima erat, debitam monstraret altitudinem, quam deinde plumaceolis ficcis, compressisque admotis, idonea ligatura firmabat.

Manus friguerat sub operatione: at vero illa post operationem mox fota calido vino & aqua, intra horam calere cepit. Bihorio elapso testabatur aeger admodum leve sibi toto in brachio esse, doloremque perquam tolerabilem. Caluit
bene

bene manus, pulsusque percipi in carpo ceptus. Nemo sane horum, quos in nosocomio similes curavi, tolerabilius ab hac operatione habuit; nunquam inquietus, vix unquam febricitans, noctibus gavisus tranquillis, adpetitu pollens, contentum perpetuo & tranquillum testatus animum.

Ad 5. diem, (hyems quippe erat,) prima deligatio facta est. Sanguis ex ambitu vulneris transsudans, adparatum parumper maculaverat, & etiamnum, amotis plumaceolis, effluebat aliquantillum: Agaricus vero suo fixus in loco inventus est. Hinc vulnus, ut prius, deligavimus. Excoriatio tamen cum exulceratione nata a tortili machina, solvere hanc, prospicere illi, aliamque machinam admove, suadebat. Quo in opere læti deprehendebamus quod ablato per aliquot minuta toto hoc vinculo, vulnere ita inhæreret Agaricus, ut nihil de vulnere effluxisse apparatus doceret.

Die ab operatione octavo altera, die undecimo tertia deligatio facta, Fungi optimam adhesionem, laxata etiam machina tortili, ostendit.

Die 15. incipiente, nempe 30. Jan. in quarta deligatione totus cecidit Agarici acervus, laxataque machina nihil de vulnere exiit. Novas tamen lamellas eidem, majoris securitatis gratia, imposuimus.

Biduo exinde elapso novus excidit de vulnere Agaricus. Vulnus optimum undecumque Agaricus alius impositus. Laxata machina tortili ne gutta sanguinis effluxisse visa. Exin quovis die deligatio. Agarico jam tertium elapso,

novum non substituímus ; inchoantem undique incarnationem, ita dictam, impediturum rati . Ineunte Martio optima cicatrix . Martio circiter medio domum sanus repetiit, serio monitus ne integro biennio hoc brachium ad gravius aliquod onus tollendum, laboresve validiores perferendos, adhiberet; prætereaque quovis 14. die me conveniret examinandi causa . Redeuntem sæpius in sanitate perseverantem deprehendimus .

Observationem practicam hic oportet geminam adjungere. 1^{mo} Licet, qui hanc operationem subjerint, longiore tempore lecto affixi, alvum, vix egerant, non est tamen, quod nos sollicitos reddat; eo quod solo jure carniū cum optimo pane nutriti vix sibi coacervent fæces . Fracto crure citra detrimentum homines mensis, & ultra, spatio, alvo inculpate carent. Imo præstat raram habere eandem, ne frequentiore corporis ad egerendum motu solvatur adparatus, artusque flectatur. Utique noster homo, ad 13. diem usque, nec natura ad alvum sollicitatus, nec per artem admotus fuit . Cum autem ad 13. diem nonnulla desidendi conamina adverteret, suppositorio immisso posuit alvum siccam, copiosam; non in excipulum, fellamve perforatam, sed in supposita lintheamina, ne motu facto deligatio brachii quid pateretur . Alteram alvum septimo postea die, suppositorio iterum adjutus, reddidit; ex quo vero plenius nutriebatur, sponte & quotidie .

Altera observatio practica circa cautelam versatur,

fatur, quæ in ægris, diuturniore tempore lecto affixis, excoriationem, gangrænam, & sphacelum averruncet; cautelam, quam hinc inde observo in ægrorum damna haud satis adhiberi. Toto octennio, & quod plus est, ex quo ægrorum publicam gessi in nosocomio curam, nulla unquam visa est partium excoriatio; eo quod mature cunctis decumbentibus, siue Acuto morbo, siue Chronico, siue Vulnere detentis, tota corporis, qua incumbunt, pars, bis die, unguento molli layetur; composito ex albumine binorum ovorum, quod primo bene conquassatum, dein modico igni, quo leviter incalescat, impositum, continuoque motum, sensim, ac guttatim fere, cum unciis vj. spir vini commisceatur. Prudentes ægrorum nostrorum Custodes norunt etiam his, qui citra piaculum verti in latera nequeant, postica corporis innocue inungere.

§. II. Ordine secundus, qui sequitur æger, multam suppeditat tum medicam doctrinam, tum chirurgicam: ac præterea docet quantumcumque veteranos Practicos discendi occasionem quotidie nancisci.

Juvenis 24. annorum, procerus, robustus, braxator, anno 1761. Nov. 15. in femoris sinistri media, eademque interiore plaga, vulnus accipit valde profundum quidem, sed angustum admodum, plurimum sanguinis principio fundens, intra octiduum autem sponte coalescens. Deinde ambitus cicatriculæ tumere cepit, posthac autem totum femur, quin & integrum crus

œdematosum, frigidumque redditum fuit ut 27. post acceptum vulnus die, ad nos delatus, exhibuit. Horrebamus collapsam hominis pallidamque faciem, febrim cum debili pulsu tussiculam continuam, pectoris anxitudinem. Adornando anamnesin, intelleximus Chirurgum bis venam tudisse, ut sanguinis arteriosi impetum compesceret; Aneurysma pronuntiasse; verum nec per se, nec per alios, quod saltem debuisset, si aptus ipse non esset, requisita auxilia adhibuisse: Cum vel forti suæ, adeoque certæ morti, homo miserrime emaciatus ac debilitatus, committendus esset, vel anceps auxilium ilico tentandum, operationem sequenti die, scilicet 12. Dec. sequenti modo instituimus.

Admoto primum tortili instrumento, vulnus per longitudinem sursum, deorsumque dilatatum est, eoque eductæ ferme quinque libræ grumosi cruoris. Ipsa Cruralis, (Femoralis dicenda potius) arteria perfossa deprehendebatur; id quod profiliens, laxata machina, sanguis demonstrabat evidenter. Cum vulnus quatuor & ultra pollicum profunditatem haberet, dilatandum sursum ac deorsum ultra fuit, ut in fundo operaremur; tumque tandem arteriam ipsam massa partim fibrosa, partim callosa, informi, digitum hinc inde crassa, circumvolutam, ac conatam, deprehendimus. Si locus compressioni, priori in homine institutæ, aprus fuisset, minus de hoc alieno corpore solliciti fuissemus, utpote illi ejus loco, unde cruor exsiliret, admotu-
ri

ri Agaricum, vimque compressionis maximam; jam vero ad ingentem adeo Arteriam, ad profundissimam adeo plagam, tantæque magnitudinis vulnus, veriti ut in latera haud vacillans, vix figeretur Agaricus, compressionem solitam periclitari ausi non fuimus, interceptionem prætulimus.

Equidem, fateor, Cl. Vir L. *Heisterus*, curam felicem sola comprimendi methodo perfecit arteriæ femoralis, at vero ille hominem mox a vulnere suscepto, hominem cætera sanum ac vegetum; nos autem semimortuum, a 27. retro diebus neglectum, in quo nil liceret periclitari, sed omnium tutissimum illico adhibendum foret, in cura suscepimus. Vid. *Disput. Chirurg.* ab eximio *Hall. coll. Tom. 5. N. 132.*

Tentata igitur Interceptio fuit. Sed in eadem facienda jubet ars Nervum separare, ne comprehensus ille atque constrictus, convulsiones, tetanos, mortemque producat. Id vero hic visum impossibile, cum neque circumcinctam massam, supra descriptam, ab arteria solvere neque in eadem massa confusa, callosa, informi tota, nervum invenire possemus. Cum tamen necessaria omnino interceptio visa esset, tria nos utcumque consolabantur. Ac 1^{mo} quidem quod Nervus, si arteriæ propinquus, unaque cum illa in massa informi involutus, cum arteria ligaretur, minus ob eandem hanc massam a filo constringeretur, ideoque tantas haud generaret

convulsiones. 2^{do} Quod Nervus subito cum Arteria ligatus haud in singulis operationibus convulsiones faceret; experientia illorum, qui Nervum nunquam separant, id confirmante. 3^{tio} Cum aliquando Nervos majores, digiti, imo pollicis, latitudine ab arteria femorali in cadaveribus deprehendissemus remotos, spes blandiebatur fore, ut hic quoque remotior locaretur. Vid. *Disp. Chir. Hall. Tom. 5. N. 140.*, in qua cautela hæc a *Dionis*, aliisque adeo inculcata, minus necessaria esse judicatur. Saltem hic adhiberi non poterat.

Eloto igitur probe vulnere Cl. Chir. Professor acu longissima atque incurva, filis pluribus bene ceratis instructa, arteriam subiit, tenaculo acum, post arteriam positam, indeque leviter emergentem, ad se adduxit, atque ita arteriam, interposito spleniolo, ne ligando perscinderetur, interceptit, confrixit. Laxata machina tortili, vulnus vasis egregie clausum esse apparuit, sanguine non nisi lateralibus de vasis saltu profluente, unde vulnus linteo carpto oppletum, factaque ligatura est.

His peractis multorum animos dubitatio subiit, an ligata arteria tanta, crus inevitabili gangræna haud periret, adeoque & homo totus? Et num propterea amputatio, cujus apparatus omnis ad manum erat, non esset instituenda? Sed ab eadem omnino dehortabar validas, ni fallor, ob causas. Primo, quod hujus arteriæ interceptionem *primi* non tentaremus. Secundo, quod

Anatome abunde nos convincat pluribus in locis, ligata arteria in superioribus, laterales arterias dari, quæ *anastomizando*, cum arteriis lateralibus, infra ligatam arteriam oriundis, ita sensim cum illis dilatantur, ut defectum intercepti trunci suppleant abunde, quemadmodum sola contemplatio Tab. 23. *Eustachii* docet. Tandem, quod in ægro hoc amputatio non nisi summo in femore institui posset, ubi passim lethalis; eoque magis hic, quod quatuor septimanarum spatio res neglecta vires ægri, sanguinemque, dilapidasset; ut haud inanis ille metus esset ne inevitabili inter amputandum hæmorrhagia, nostris sub manibus expiraret. Amputationem autem rebar, si reparatis viribus propter enarratam causam adhuc indicaretur, tutius deinceps posse institui.

Sed alter scrupulus mentes aliorum invasit, scilicet ne sanguis, qui inter operandum multus effluxerat, adeoque in tam magno vulnere, inter musculos, dudum ante a se mutuo disjunctos, copiosus hærebat, nec propter hominis, sub operatione fere deficientis, languorem, eximi vix poterat, ne, inquam, ille putrefactionem summam excitaret, resorptusque mortem; dum non nisi pluribus posthac diebus prima deligatio fieret: adeoque prudentiæ esse, ut quiete aliquot horarum concessa, vulnus circumspicte aperiretur, & grumofus educeretur cruor. Nimis forte facilis, concessi. Verum enormis adeo hæmorrhagia aderat, ut veriti ne, non modo

do ex lateralibus vasis discissis, sed etiam forte ex vasis lateralibus integris, communicantibus anastomosi cum trunco sub ejusdem ligatura, de vulnere arteriæ efflueret, (neque enim ligaturam, nisi supra ejusdem vulnus unicam, fecerant, ut, inquani, binas Agarici lamellas vulneratæ arteriæ applicuerimus, linteo carpto cuncta repleverimus, & firmissima ligatura muniverimus universam plagam.

Facile hanc historiam, quippe ad rem ipsam nihil facientem, omisisse potuissem, ni nonnullæ rationes candidam ejusdem relationem postulassent. 1^{mo} Ut pateat in morbis Indicantia & Contra-indicantia nonnunquam ita urgere utrinque, ut, utra sequaris, plane ambigas. 2^{do} Ut mature examinemus an illorum methodus, qui tam infra, quam supra vulnus, arteriam interceptiunt, præ simplici ligatura non præstet: ne id, quod nostro in casu verebatur, aliis in casibus re vera contingens, operationem redderet infelicem; cum vel hinc, vel tam forti e contrario arteriæ constrictione, ut gangræna inferiorum sequeretur, homo periret?

Atque hæc de ipsa operatione dicta sunt. Emulsionis Libræ 4. cum unc. ij. Syr Diac. dabantur spatio 24. horarum, intermedioque tempore sæpius juris carnis pauxillum. Integro hoc die pectoris anxietas, tussis, sitis, parvus idemque frequens pulsus, agrypnia, observabantur; & ut pridie operationis, ita jam, prædiit urina
jumen-

jumentosa, nisi quod exactis 24. horis non nihil deponeret crassamenti.

Cruri porro universo, œdematoso eidem ac frigido, mox ab operatione calidum fomentum circumdedimus, compositum ex Scordio, Absinthio, Alliaria, Abrotano, Floribus Chamom. & Samb. aqua, vinoque incoctis, quavis hora, & , si opus quavis dimidia hora renovandum : cum autem ad frigidiorē partem fomenta mox frigeant, calefactum eidem ex lana stragulum circumvolvimus. Effectum hinc. ut femur, crus, ac pes, modice calerent perpetuo.

Dec. 13. Sudor mane, plenior paulo cum pulsu. Jus, & Emulso, ut die prima. Aqua hordei sitim sedavit. Jus ipsi placuit præprimis. Lingua humida & alba. Urina post meridiem naturalis. Post sudorem pulsus melior, anxietas tolerabilior. Nunquid secundum egregium *La Motte* post puerperium, nunquid post magnas cruoris evacuationes, sudor laudandus? Laudandusque veluti indicium retusi ad apertas arterias inipetus sanguinis, ejusdemque ad cutem derivati?

Dec. 14. ab hora post mediam noctem tertia, ad decimam, breves habuit, bonosque somnos. Pes probe calet, etiamsi fomentum ad horam renovetur dumtaxat, ubi heri vix suffecerat ejusdem ad mediam horam renovatio. Pauca febris, exigua anxietas, pulsus non parvus, appetitus. Fœtor ad vulneris adparatum multus, cui forte symbolam contulit sanguis, qui
brevis

brevi post deligationem transfudando universum maculaverat adparatum.

Dec. 15. somni mediæ horæ, iique frequentes, adfuere, dummodo Machina tortilis pauxillum relaxaretur. Appetitus. Deligatio prima; aut si mavis altera, facta est; ea tamen cautione, ut & lintea carpta versus arteriam, & Agaricus; loco linquerentur suo. Planta pedis, quod fomento esset corrugata, magno gaudio nostro dolebat.

Dec. 16. in deligatione ob foetorem iterata, pus comparuit. Somni meliores. Pedis naturalis calor.

Dec. 17. foetor immanis matutinam suasit, vespertinamque deligationem. Vespere quid sanguinis prodiit, binæque cecidere Agarici lamellæ. Fluor autem cruoris lentus erat, isque omni vulneris in ambitu. Qui porro, sive venosus, sive etiam arteriosus, sufficienter docuit ab instrumento tortili haud ita comprimi arteriam, quin transitus sanguini concederetur. Docuit præterea anastomoses a longo forte tempore, (dum & copioso, eoque coagulato cruore, & valido Balneatoris apparatu, compressa arteria esset) fieri ceptas, officio jam fungi suo: vel si quis id eo tempore necdum concedere vellet, saltem sanguinem ad femur advehi per alias arterias, quam quæ ab intercepta, interceptæve ramis: *Eustach. Alb. Tab. 24. Lit. A. D. E.* Dolor cum in pede, tum in vulnere; in vulnere autem nunc magis. Hac vespere primam
alvum

alvum reddidit sponte. Nocte utcumque dormivit.

Decembris 18. deligatio utraque quid sanguinis ostendit, per linthea carpta transsudantis, nonnihilque puris. Vix ultra febrilis pulsus, ac cætera bonus. Hucusque Urinæ, unica ea 13. Dec. excepta, vel jumentosæ redditæ, vel, quæ limpidæ redditæ, hæc tum rubicundiores fuere, tum cito factæ jumentosæ. Sedimen. porro posuere tarde, imo sæpe altero modo die.

Dec. 19. omnia ut heri, sed sordidius vulnus.

Dec. 20. universa vulneris facies gangrænosa. Unde ad externum Corticis Peruviani usum, internumque deventum est. Assumit quotidie Extr. Cort. unciam mediam, mistam cum unc. iv. Aq. Samb. & unc. ij. Mellis. Fomentum parabatur ex unc. iv. pulv. Cort. bihorio cum aqua coctis, ita ut superessent modo Libræ duæ. Hinc involvebatur femur universum, interea dum crus & pes solito tegerentur fomento. Decoctum idem corticis, cui inditum tantillum spiritus thereb., vulnere imponebatur plumaceolis exceptum. Sensim hinc omne gangrænosum, factis hinc inde scarificationibus levioribus, separabatur, partim emendabatur, mutabaturque in sanum.

Urinas ad usque nonum diem descripsi: ab illo vero die hæc minus jumentosæ prodire, citiusque deponentes, omnes vero naturali rubicundiores. Neque febrilis pulsus ab 8. vel 9. die observatus amplius est. Emulsio cum cortice,

ce, de nocte potissimum, semper assumpta est. Spiritum thereb. nunc parcio rem fomento, nunc copiosum addidimus, prout major, minorve esset grangrænæ metus, aut prout nonnulla vulneris vascula plus minus sanguinis funderent. Resistit enim potenter hic spiritus putredini, & oscula vasorum constringit. Cum dosis corticis extracti sufficere non videbatur, cumque alias experientia nos docuerat ejusmodi dari hominum, morborumque naturas, quibus ille in decocto, quam in extracto aut pulvere, efficacior esset, curavi ejusdem triti uncias ij. bihorio cum aqua coqui, atque colati liquidi libris duabus uncias mellis tres admisceri, singuloque absumi nycthemeri spatio.

Atque sic sat prospere peracta res est ad usque 26. Decembris. Hoc vero die ager denuo conquestus est anxietates, prostratum penitus appetitum, vehementem a cortice horrorem. Vulnus quod purum esset, corticis usui 24. horis supersedi. Inde nunc minui anxietates, reddique sibi appetitum testabatur æger. Monitus autem, convictus immo de corticis peruviani necessitate, denuo assumpsit illum, vique se cogens, eidem assumendo assuevit tandem.

28. Dec. moderatior hucusque tussis, atque notabilem tenacis glutinis copiam quotidie ejiciens, nunc laboriosior fiebat, acriorque. Lenivit autem eandem oleosus, idemque paregoricus, linctus. Digitos pedis belle movit.

1762. Jan. 2. & 3. urinæ naturales; at vero
Jan.

Jan. 4. 5. 6. 7. eadem quæ priores, pag. præ-
descriptæ. Ab 8. Jan. rubicundiores cum crasso,
eodemque subalbido, citoque adparente, sedi-
mento; cum tenuioribus per universam urinam
furfuribus ad superficiem, usque dispersis, cum-
que pellicula in superficie, ad certos luminis ad-
spectus varios referente colores & pingui qui-
dem adparente, sed examine instituto pingui non
reperita. Microscopio enim pellicula hæc exhi-
bebat nihil, nisi opacam hinc inde, informem-
que massam, nullibi pellucidam, nulla spicula
salina gerentem. Combusta vero in carbonem
mutabatur, qui microscopio conspectus longa
gerebat, eademque alba, atque splendentia cor-
puscula: hæc examine chemico ulterius explo-
rare me tunc neglexisse, est quod nunc doleam.
Singulo biduo, triduove, alvus commode solu-
ta est.

Pus interim ad singulam duodecimam deli-
gationis horam bonum quidem, at vero supe-
rans vulneris rationem. Tandem 11. Jan. com-
periimus, ad variam partium pressionem pus
foetidum, & a profundiore plaga ea, in qua
filum hærebat, & ab inferiore vulneris angulo,
in cavum vulnus effluere; specillo interim
magnam utriusque hujus loci altitudinem
non monstrante. Posthac pressum inter-
num. externumque femur vulneris cavum pu-
te replevit, quod sanguine mistum perquam
foetebat. Neque id mirabamur valdopere: ete-
nim ingens effusi, ejusdemque congrumati san-
gui-

guinis, copia, longiore ante operationem tempore, varios inter musculos sibi sinus foderat; unde a semiconsumta cellulositate, ipsoque corrupto cruore, pus hoc saniosum, ac foetidum, oriri necessum fuit.

Notandum est urinas mox descriptas, cum puris primo copiosioris, deinde saniosi, in vulnus affluxu, una comparuisse. An ab ejusdem portione intra sanguinem resorpta?

His igitur ita visis, vulnus perluimus, & in omnes ejusdem sinus, anfractusque, injecimus decoctum saturatum corticis spiritu therebinthinae mistum.

Jan. 15. & 16. pure & modico, & vix foetido, in vulnus affluente, urinæ vix ultra id crassum sedimen habuere, vix in superficie pellem, vix præternaturalem ultra colorem.

Necdum ligatæ filum arteriæ vacillat, licet jam sit dies ab operatione peracta quintus & trigessimus. Egregius *Monroo* Tom. 2. *Act. Edimb.* narrat in Arteriæ Brachialis interceptione, post elapsos demum binos cum dimidio menses, filum cecidisse: in nostro igitur homine, considerato crasso illo, quod involvit Arteriam, corpore, tarditatem solutionis filii non mirabamur.

Feliciter aliquantisper progressi, 8. Febr. iterum vidimus, quid in vulnere subnasci gangrænosum, in diesque idem augeri, nec non vagam oriri febriculam, cum horrore ingenti.

Patiens percepit horrorem febrilem de ipso vulnere

vulneris suboriri cavo, inde ad dorsum, universumque tandem corpus invadere; durare autem illum uno tempore per bihorium, per horam alio, nonnunquam media hora, vel & horæ quadrante, aut & minus. Longiores principio horrores insequutus calor est; horrores vero illi, qui multo breviores, nec cavo de vulnere oriebantur, nec excipientem sese habuere calorem.

Cortex igitur hucusque quamvis maxime indicatus, scopo non satisfaciebat tamen: dosi proinde, eadem indicatione non manente duntaxat, sed multum aucta, augendus erat. Dedimus quotidie decoctum 3. unciarum, triduoque post unc. 4. idque, ut patebit, tempore longissimo.

Urinas durante gangræna denuo tum crassas vidimus, sive jumentosas, tum oleosa tectas crassaque pelle, tum tandem crassum sedimen ponentes.

Ad 16. Febr. liquefacto omni gangrænoso, vulnus adparuit triplo amplius. In eoque sinum versus locum susceptionis ampliorem deprehendentes, & exacte ibidem omnia perquirentes, ansam fili deteximus laxam circum arteriam, mobilemque, ac proinde inutilem; imo mole & irritatione noxiam. Docebatque amplitudo ansæ consumtum jam esse, quod arteriæ circumcretum fuerat, corpus informe; necnon arteriam ipsam dudum in ligamentum conversam esse, cum alioqui hæmorrhagiæ exortæ fuissent; con-

firmabat idem defectus eo in loco pulsationis, confirmabat etiam Machinæ tortilis citra vel minimam sanguinis guttulam integra relaxatio. Filum igitur hoc crassum, quippe octuplex, pure putrido turgens, ob idque noxium, abscidimus.

Ab hoc die observata multa emendatio est. Febr. 17. vagi horrores cessarunt, gangrænaque victa sic, ut ad 21. Februar. vix superesset quidquam. Cessante gangræna, Urinæ per aliquot horas jumentosæ, brevi crassum deposuere ac farinaceum sedimen, cum pellicula leviori, vixque pingui visa: a 25. vero Febr. colore naturales vix ultra sedimen ponebant. Purum jam vulnus, superstitæ tamen sinu, quo in loco filum hæserat, cujus in fundum stylus ad $\frac{2}{3}$ pollicis intrabat: cæterum bonus appetitus, somnus, alvus. Aeger in lecto sæpius sedet.

28. Febr. vespertina septima horruit valde, ac desuper incaluit; Martii 1. ad 8. matutinam pariter. In vulnere tamen eousque nil observabamus sinistri. Hora nona febris cum horrore modico. Siccus vespere vulnus, novusque horrore Vulneris majores de nocte dolores. Martii 2. bis & horruit, & caluit. Crassa est urina, & cum pellis variegato, ut olim, colore.

Die demum 3. Martii gangræna iterum in vulnere visa. Die 4. magis, & quidem sic, ut undique stigmata nigra conspicerentur, ut fundus versus arteriam totus esset, profundeque, sphacelatus, & ut sanies foetida cavum repletet univer-

versum. Inutilisne hinc cortex? An copiosior dandus? Utique ejusdem indicatio, si unquam, si ullibi, hic saltem maxima. Igitur cum dec. Cort. unc. iv. quotidie evacuando unciam pulveris ejusdem commiscui; sextoque exin die uncias pulveris duas. Etiam digestivo plurimum spiritus Therebinthinæ adjectum est.

Mirabamur toto octiduo hoc urinas, non ut olim, sed naturales præter propter prodire. Copiosiorne corticis hic quid contulit usus?

Interim superandæ gangrænæ non eramus. Doctiss. *Schreibers* narrabat egregios in bello se vidisse effectus in similibus a Theriaca Andromachi, cum æquali copia spiritus therebintinæ mista. Quo remedio non, nisi in principio, satisfacienda, imposuit Cl. Chirurgiæ Professor Unguentum de styrace cum $\frac{1}{4}$ ung. ægyptiaci. Juvante neque illo, imo sequente deligatione cuncta sphacelata exhibente, suasi corticem peruv. primum toti inspergere vulnere, deinde cum digestivo eundem misceri; hinc tridui spatio elapso mirum quam purum vulnus adpareret.

Oportet autem exacte nihil non notare. Cum æger a vulneris mundatione doleret, solatio ipsi magno fuit pus, vel faniem, siphonis ope educi. Gangræna igitur toties redeunte, subdubitare cepimus an suctio siphonis, auferendo toties, ac valide, athmosphæræ compressionem, has carnes fungosiores non redderet, adeoque in gangrænam proniores? Imo, quandoquidem adversis in rebus undecumque petatur nocumentorum suspicio,

etiam ab injectione ad vulneris depurationem, siphone facienda, abstinendum esse decrevimus, ne aer cum injecta materie ad nudas has fungosque ac semimortuas carnes vi repetita adpressus, noceret iisdem. Saltem ex quo ad 22. Martii plumaceolæ mollissimæ vulnus expurgarunt, similesque injectionis materia madentes cuncta perluere, gangræna sisti, pedetentimque minui visa est, amplius non reditura.

Quo toto porro tempore cum eadem hucusque pugnaveramus, urinæ fere naturales fuere, unico eo ab ea sanorum discrepantes, quod nubeculam paululo crassiolem, ac veluti farina crassiuscula refertam, gererent: ex quo vero malum superari ceptum, urinæ tum parciore fuere, tum fuscorubræ, tum etiam per integras 12. horas aliquoties jumentosæ, idque crassiore, partim oroboidæo, partim fursuero, cum sedimento. Horrores autem cum, vel absque, insequente calore, quales ante anteriores gangrænas, æger ante hanc postremam, eamque vehementem, perpeffus non est. An quod plus nunc assumserit Corticis?

Hac igitur methodo Corticem tum assumendi, tum adplicandi, citra vel minimam adversitatem, Aprilem, Majumque mensem, transegit æger. Majo finiente vulnus penitus clausum fuit, vires auctæ, cruris immanis tumor sensim concidit, ejusdemque sic est restitutus usus, ut binis primo scipionibus, postmodum unico, demum sine ullius ope, ambulare, disceret. Cum vero

vero toto flaccefferet corpore, ac crure penitus non detumesceret, Corticis usum sensim quidem parciolem, integrum autem non detraxi, nisi Augusto mensis finiente; crure interea probe fricto, & genu curvi immobilitate unguentis mollissimis, frictionibusque, emendata.

Sumtum, quos Nosocomium pro homine; septem cum dimidio mensium spatio, profudit, rationem ineuntes, comperiimus eum assumpsisse in Extracto uncias Corticis 7. in pulvere Libras $6\frac{1}{2}$ in Decoctis Libras $34\frac{1}{2}$ præter Libras 11. in fomentis. Ita ut solvere debuerimus, pro Libris Corticis 52. & 7. unc. Extracti ejusdem, Aureos præterpropter quadraginta.

Rariora exempla, arbitror, sunt dati, adplicique, enormi hac quantitate, Corticis; unde expediet super eodem paucis differere: sepositis tamen, & intactis perpetuo iis observationibus, quas a *Revelatione* habemus, in tot SS. Scripturarum locis docente DEUM, quas sive nutritias vires, sive medicatas, creatis inseverit rebus, sæpe easdem illis auferre, & e contrario ipsas illas vires hisce infundere, quæ prius inde destituerentur. Hisce, inquam, sepositis, sic ratio-cinor: Corticem peruvianum, ut anti-gangrænosum, practici multis ab annis, quidquid contra mustitarent nonnulli, salutarunt. Haud raro tamen aut vis morbi superior, aut alia causa quæcumque, omnem ejusdem elusit efficaciam. Sed hoc etiam quævis cum Specifica habent, tum methodica remedia. Hinc faustorum even-

tuum inquirendæ nobis sunt, infaustorumque causæ.

Harum prima in ipso remedio invenitur, quod circumscriptum limitibus est, quos ultra citraque progredi nefas.

Secundo, in corpore assumentis latere illa potest. Ut ab una parte Alimenta, instituto CREATORIS, corpora nutriunt, longosque sustentant in annos; utque ab altera parte ejusmodi homines dari advertimus, qui sive a morbo noto, sive a nulla nobis manifesta causa, minime inde nutriantur, imo debita cum alimentorum copia decrescant, contabescantque, & pereant; ita Medicamenta sæpius quidem organa corpus assumentis apta inveniunt, a quibus per quoscumque corporis anfractus, per genus humorum omne, adeoque per locos quoscumque, ubi latet origo mali, circumferantur, viresque sic suas exerceant, attamen diffiteri non possumus selectissima Medicamina aliquando ejusmodi adplicari corporibus, quorum organicæ partes prorsum ineptæ sint, quæ illud circumducant, præparent, subigant, causisque admoveant morbos. Itaque iners hac lege cum sit, ut in nutritione inepta alimenta considerabamus, morbus pergit, donec vita in auras fatiscat.

Tertio erit & aliunde derivenda causa. Potest ad agendum quam optimum cum Alimentum, tum Medicamentum esse; potest etiam ad circumferendum, ad subigendum, ad adplicandum, corpus Assumentis validum esse, dum interea

terea nec illo corpus reficiatur, neque hoc toleratur morbus. Cuivis id manifestum puto. Quicumque Medici legis Hippocraticae de nutriendis ægris ignari, diætā tenuissimā a primordiis, perque omnem decursū Acutorum, observant, neque fere mutant reconvalescentibus, hi neque morbum integre debellant, nec firmam revocant sanitatem: nocentque eo magis, quo plenior diætā homo usus in sanitate fuerat.

Ut hic alimenta, ita sæpe se medicamenta habent. Bona hæc quidem, & selecta, haud magis emendabunt morbum, debito parcius si exhibueris, quam alimenta parcius data non restitunt vires reconvalescentium: tum quod ad morbi magnitudinem, ac violentiam, exhibendi auxilii iusta requiratur proportio, tum quod medicamentorum multorum ea sæpe natura sit, ut parcius data plus noceant, quam prosint. Nonne purgans pharmacum, perparce datum, sæpe torminum atque anxietatum autor, cum alvo clausa? Et restrictius exhibita *Nepenthe*, an non sæpe insomnia pro somnis, pro dolorum lenimine anxietates, caloresque conciliet? Nunquid, *Sydenhamo* autore, præstat quibusdam sanguinem non, quam haud sufficienter, misisse?

Tandem quarto, inertiae sive alimenti, sive medelæ, ea merito causa est, quod, viribus illa mutandi dudum dilapidatis, exhibeantur, provecto scilicet sic morbo, ut homo certa & inevitabili lege in mortem tendat.

Porro si quatuor has considerationes ad ener-

giam medicamentorum adplicuerimus, &, de quo potissimum agitur, ad Corticem peruvianum, mox manifestam, cur sæpe hic nil operetur, rationem capiemus. Ponatur ille, ubi non indicetur, datus, frustra expectabitur ab eo morbi sanatio. Detur rite indicatus, sed inepto ad cooperandum corpori, sed ægro irreparabiliter exhausto, neque vires exferet suas. Dederis optima cum indicatione corpori aptissimo, haud id, quod intenderis, obtinebis, apta ni dederis dosi. At vero aptam quam demum vocabimus dosin? Qui rite indicatum Corticem noverit, rite inventurus dosin ejusdem est, prudenter augendo, donec cernat agentem. Neque pondus hic quidquam, aut mensura, determinat, sed morbi levamen. Nunquid eandem observationem alia quæcumque medicamenta non demonstrent? Corpora dantur, quæ alvò purgare difficillimum; ne dicam impossibile: purgans sextuplo fortius solito, sed forma liquida, sed per epicrasin datum donec operetur, optatum ferit scopum. Admirandus per omnia *Sydenham* inanem excussit nobis de Opio formidinem, tum universis in morbis, tum in Variolis. An non aucta vehementer opii dosi lethalem alioqui Ileum solutum vidimus, *Rat. Med. Tom. I. pag. 284.*? Quindecim forte anni sunt, cum feminæ, intolerabilius uterini canceri doloribus desperabundæ ac furibundæ, unicum possem ab opio afferre solamen. Granis paucioribus delusus, adscendi sensim, donec septuaginta ac duobus granis spatio

24. hor.

24. hor. datis, sedamen dolorum, virium refecti-
tionem, citra vel minimum tamen somnum,
aliquot horarum spatio, cernerem.

Quæ si ita se habent, nonne audacioris do-
sis Corticis adornata Apologia est? Effectusque
egregius, ab interno ejusdem externoque usu
observatus, an hanc non approbet, non tueatur,
non laudet audaciam? Nunquid etiam tum hoc
notabile exemplum, tum complura alia, non
demonstrent inanem eorum metum prorsum ri-
diculum esse, qui vel a mediocri Corticis usu
meticulosi, vel cum purgantibus illum sociant,
vel purgantia exhibeant post eundem, quibus de-
mum innocui remedii imaginariam malignita-
tem, obstructionum genitricem, se eliminare ar-
bitrentur?

Novi equidem, audioque, optimos hos viros
ad experientiam provocare, qua a peruviano
Cortice Lienis, Hepatis, Mesenterii, &c. ob-
structiones, & cum maxime Hydropem ac Scor-
butum, innuente jam dudum *Sydenhamo*, pro-
ductos fuisse, evincere conentur. Sed pace ho-
rum, quos veneror, Virorum, parumper subdu-
bitare fas sit, an experientia decantata illa ri-
te capta, adeoque an valida sit? Quid enim?
Febres intermittentes, dimissæ sibi, generat ob-
structiones viscerum, & Icterus, & Cachexiam,
& Scorbutum, & Hydropa: quique lethalis per
se morbus non est, hoc demum modo homini
lethalis fit. Fiunt porro hæc Febre penitus sibi,
etiam citra ullam medicinam, dimissa; omni-
um

um sæculorum experientia, id testante, magno Boerhaavio colligente & describente *Cap. de Febr. in gen. & de Febr. Interm.*

Si proinde ejusmodi esse queat febrium sibi demissarum funestus effectus, quo demum jure effectus dicatur Corticis? Opponentem quidem expecto auctoritatem Sydenhami, Boerhaavii, Illustrissimique nostri Præsidis B. van Swieten, uno id ore affirmantium, fateorque lubens tres hosce celeberrimos Autores ita scripsisse, verum simul reperio ita mitigatam a posteriore priorum binorum sententiam fuisse, ut deesse non potuerit quin *Comm. Tom. III. pag. 599.* hæc scriberet: "Antea --- notatum fuit quod post
 „ has (intermittentes) Febres, imprimis si diu-
 „ turnæ & validæ fuerint, humores crassi & ac-
 „ res reddantur, simulque solidæ partes corporis
 „ debilitentur; unde ob laxa vasa, & liquida
 „ crassa, atque acria simul, Febres intermit-
 „ tes aliquando terminarentur in Scorbutum, &
 „ alios morbos Chronicos. Ubi autem pertina-
 „ cibus talibus Febribus curandis adhibetur Cor-
 „ tex Peruvianus, tunc mutationes humorum &
 „ solidarum partium corporis, per ipsam Febrim
 „ prægressam factæ, male adscribuntur usui Corti-
 „ cis Peruviani.

Et quantum ad nostros ægros, qui per octo annos in nosocomio nostro copiosissimo usi Cortice fuerint, nondum ulla Chronica inde mala notare potuimus: neque in viro, quo de agitur, nulla scorbuti signa nobis aut oculi exhibent,
 aut

aut gingivæ, aut artus? imo cachecticum habitum, inchoantemque hydropem, largo Corticis usu sublatum esse læti conspiciamus. Ut proinde rariores videantur, qui id innuant, arguantve, casus.

Imo si vera promere datur. Chronica mala inde orta experti in noscomio fuimus, quod vel meticulosiores Medici, vel præparci, aut egeni ægri, Corticem nec sat magna dosi, nec sufficiente post morbum devictum tempore, assumerent. Unde nos neutiquam contenti quod ægri quovis 14. die a curata febre dosin Corticissumerent, semper binarum, trium, pluriumque septimanarum spatio, continuavimus ejusdem usum, donec integram restitutam cerneremus stabilemque sanitatem.

Interim vix possibile creditu, quantum detrimenti humano generi afferat præjudicata hæc opinio. Utique centenos ægros perdit quotannis. Neque juvat quidquam aliorum experimentis convinci, siquidem præjudicium, alta mente repositum, contraria experimenta admittit quidem, laudatque, non sequitur tamen. Clarorum virorum epistolæ possideo, qui ad lecta mea opuscula me laudibus accumulantes, curam febrium malignarum abundantiore Cortice peractam, vehementer quidem admirabantur, atque laudabant, at vero nunquam imitaturos se se profitebantur, eo quod Hydropem, aliaque infortunia, a Corticis liberaliore exhibitione observasse se autumarent. Feminam a frequentiore
abor-

abortu, atque enormibus hæmorrhagiis ferme enectam, frequentiore Corticis usu reviviscen-tem salutaveram; at vero brevi in veteres ærum-nas relapsam dolui, postquam cum medentium, tum matronarum turba, lamentabili voce perniciosos diuturnioris Corticis peruviani effectus enarrarent, auribusque ejusdem tamdiu obstreperent, ut tandem ipsis infelix auscultaret.

Verum demus tandem id contingere nonnunquam, quod magni in arte viri tantopere formidarint, ego vero necdum potuerim observare. An ergo, quod Scorbutus, quod Hydrops, quod Obstructiones, liberaliori Corticis dosi nascantur nonnunquam, eo demum adigere nos debeat, ut miseros mortales, aut sine Cortice, aut sine eodem copiosissimo, certissime perituros, cumque eodem largissimo servandos, iniquæ ipsorum forti dimittamus potius, quam ut concedamus illos in vitam Cortice revocatos discrimen subire Scorbuti, Hydropis, aliusve cujuscumque morbi chronici? Profecto aut nihil in Medicis intelligo, aut sententia hæc mea veris ac genuinis Artis præceptis innititur, qua statuo vitali indicatione merito nos urgeri, ut vitam servemus præprimis, prospecturi postliminio symptomatibus pravis, hic, ut creditur, inevitabilibus, mox ubi vel levissima eorundem primordia advertemus.

Atque hæc de Cortice dicta sunt. Verbo nunc urinas commemorem, quarum varia phænomena in universo morbi decursu exacte, sæpiusque

piusque dedie; in chartas conjeci. Crassas eas, inque crassitudine perseverantes, & pridie operationis, & spatio 10. dierum post illam, conpeximus. Dein a principio dati, dosi moderata. Corticis, minus jumentosas, citiusque deponentes, quasvis autem naturali urina tinctiores.

Januarii 2. & 3. rebus bene satis se habentibus urinæ fere naturales; quatuor vero deinde subsequis diebus, prioribus iterum similes. Denum vero ab 8. Jan. rubicundiores cum crasso, subalbido, eoque cito apparente, sedimento, cum fursuribus tenuioribus, ad superficiem usque dispersis, cumque pellicula pingui, eademque crassa, in superficie, ad varios luminis aspectus rubellis, flavis, purpureis, viridibus, donata coloribus. Quo porro tempore ejusmodi urina erat, pus ratione vulneris copiosius fuit, simulque quod in sinibus delitescibat, foetidum. Januarii 14. & 15. pure modico iterum, vixque foetido, urina pariter vix ultra sedimen habuit, vix pelliculam, vix alium a naturali colorem. Gangræna posthac adparente cum febribus horrificis, crassæ iterum urinæ, jumentosæ, eadem, qua antea, pelle testæ, crassum, postquam diutius stetissent, deponentes sedimen: Gangræna devicta, jumentosæ quidem, ast brevi subsidentes, pelle tenuiore vix testæ, tandem fere naturales. Febre vaga horridica magnam gangrænam 28. Febr. denunciante, urinæ crassæ iterum ac returbatæ, fursuræ, pelle eadem, qua olim, testæ,

Etæ. Sub hac gangræna, quacum diu incassum luctabamur, aucta multum Corticis dosi, mirabamur urinas prope naturales esse, exceptis toto hoc 3. septimanarum tempore binis tantummodo vicibus. Prope naturales eas ideo vocor quia eo solo a naturalibus differebant, quod nubeculam paulo crassiores, in eaque pauxillum crassioris gererent farinæ.

Sphacelo stante, imminuente, superato, urinæ tum parciores fuerunt, tum fusco rubræ, per semidiem nonnunquam turbatæ, cum sedimine partim furfureo, partim oroboideo. Tandem post superatum morbum coeunte sensim vulnere, varietatem multam exhibuerunt, aliquando penitus naturales, alio tempore fere naturales, haud raro etiam cum oroboideo, crassoque sedimento.

Doctrina implicata fatis de urinis num forsan hinc illustraretur hujus excursionis causa est. Sed quam obscura sæpe, quam abdita, quam inexplicabilis illa! Ordinem servabant urinæ aliquem, ad explicationem aptum, usque ad posterioris gangrænæ finem; nullum vero observarunt postea. Corticis ope videbantur in prioribus gangrænis in melius mutatæ; post gangrænam ultimam, Corticis dosi eadem data, miras continuo exhibuere varietates. Et cur urinæ hic toties turbatæ ac jumentosæ? In Acutis adparentes notant pertinacem fere cruditatem cum inchoante, sed inani ad coctionem nisu; hic vero gangrænam imo sphacelum: pellicula,
„ qua-

„ qualis hic, notat in morbis Acutis abundan-
 „ tiam terræ & falis hebetioris in sanguine,
 „ hinc scorbuti, calculique præfaga; hi morbi
 „ postcuram observati non sunt, & pellis hæc
 comitata perpetuo gangrænam fuit. Habuimus
 sæpius urinas fere rubras, cum sedimine aut
 rufo, aut furfuraceo, aut orobo tosto, trito-
 que simili, aut squamoso: designat illa, 1. an-
 tegressum esse motum attritus vehementem. 2.
 „ Vasa laxa. 3. Cruorem acrem, salinum,
 „ solutum, nutritioni ineptum. 4. Febres in-
 „ termittentes valido paroxysmo defunctas. 5.
 „ In oris septentrionalibus his scorbutum. Præ-
 „ sagit. 1. longitudinem morbi. 2. Vasculorum
 „ attritionem, debilitationem, destructionem.
 „ 3. Sudores, urinas, salivam, diarrhœas, col-
 „ liquativas. 4. Atrophiam. 5. Hydropes quos-
 „ cumque. Ita magnus *Boerhaave* in incomparabili
 „ capite *de Urinis*. Attamen urinæ ejusmodi
 neque in Diagnosi, neque in Prognosi, horum
 vix quidquam habuere, quin contraria potius.
 Quid enim attritui valido magis contrarium
 languore perpetuo?

Non ea porro mente hæc scribo, ut doctri-
 næ de urinis detraham quidquam. Magnifacio
 quippe eandem, & in nosocomio, ad Diagnosi-
 sin atque Prognosin instruendam, opportunam
 judico, doceoque. Nihilominus hanc ipsam do-
 ctrinam necdum esse ad perfectionem deductam
 tum me præsens casus, tum aliæ multæ obser-
 vationes, convincunt. Interim hæc nos, quo-
 certio-

certiorem illam reddamus, potenter excitulant.

Super Fungo Agarici quaestionem proponendo, hoc caput terminabo. *Rat. Med. Tom. I.* & in praesentis capitis casu priore, enarravi nos & Agarici lamellas vulneri solius Arteriæ, & pulverem ejusdem toti quanto vulneri admovisse; hosque tres homines, SUMMO NUMINE AUSPICANTE, integræ reddidisse sanitati. At vero cum idem fecerimus in homine alibi dictum & in femina, de qua eosque morte amiserimus ambos; quaeritur, laudandane sit Agarici pulveris inspersio, an vituperanda?

Respondeo 1^{mo} Hominem hæmorrhagia haud compescenda post crus amputatum periisse, mortis proinde causam citra Agaricum manifestam esse.

2^{do} Feminæ, adeo esse miram historiam, adeo quasvis Physiologiæ regulas excedentem, ut plane inexplicabilis cunctis suis in partibus appareat, utque hinc examen Agarici pulveris faciat nihil.

3^{tio} Tres nostras fortunatas curas id manifesto docuisse, quod aut vulneri, aut vulneratis, sinistri nihil inde contigerit: imo in duobus viris toto curæ tempore, sanitatem ejusmodi adfuisse, ut, nisi oculis contuiti, vix credere potuissemus.

4^{to} Neque me capere, cur noceret, causam. Ignoramus forte veram ejusdem agendi rationem; sed sive agat vulnus arteriæ constringendo;

do; five cruorem de vulnere profilientem mox condensando, solidumque in trumbum, qui vasis aperturam indissolubiliter consolidet, coagumentetque, cogendo; five denique utroque modo; utique alios ab his effectus in aperta reliquorum vulneris vasorum oscula, inque illum, qui vel in his vasis continetur, vel ex vasis profluit, sanguinem, non producet. Hoc si verum, tunc hæmorrhagiam impedit cunctorum in toto vulnere vasorum; quæ alioquin vasa ipsa, quamdiu machina tortilis aliquem admittit, quem admittere debet, circulum sanguinis, fundere cruorem possunt, effuso cruore Agaricum ab arteriæ vulnere solvere, generare in vulnere putredinem, purisque impedire generationem. Unde jure concludere videor hanc pulveris insperfusionem omnibus de causis utilem necessariamque esse.

At vero resorbeaturne Agaricus? Resorptusque sitne sanguini, ceterisque Venenum humoribus?

Qualitatem venenatam Agaricum; qua Agaricum, Possidere, necdum demonstratum est; nihilominus mechanice id forte verum erit, quod tenuis ejusdem pulvis, qua pulvis, resorptus, cum humoribus circumductus, minimisque vasis impulsus, generare obstructions possit, easdemque in corticis cerebri, cerebellique vasis perniciosas & lethales. Quæritur proinde num resorbetur? Minime, neque etiam resorberi videtur posse. Constringendo enim coagulandoque,

82 DE ANEURYSMATE EXTERNO, SPURIO.

prohibet toto vulneris in ambitu resorptionem; id quod cum ceteris tum adstringentibus, tum coagulantibus, commune habet. Quid enim? An pulveres ad hæmorrhagias sive compescendas, sive averruncandas; pulveres, inquam, rebus compositis ejusmodi, quæ tam qualitate propria, quam mechanica rigiditate, venena sunt, vulneribus inculcate non insperguntur? Vitriola puta, Alumen, Aeruginem Aeris? An decoctum Colcotharis Vitrioli, quod quamvis colatum, millenas in se continet venenatas particulas, tuto non applicatur crudis tum vulneribus, tum ulceribus? Et spiritum Therebinthinæ, præsentaneum, si humoribus nostris admisceatur, venenum, nonne citra metum resorptionis adplicamus audacter? Quantumne emolumenti vulnera & ulcera ab unguento ægyptiaco non capiunt, quod ejusmodi tamen continet, quæ mista humoribus, veneno sint? Unde in femoris gangræna ac sphacelo, prout in hac ipsa morbi historia patuit, sine ullo resorptionis metu tum spiritum Therebinthinæ, tum unguentum ægyptiacum, Chirurgi adplicuerunt.

CAPUT IV.

De Aneurysmate vero.

- §. I. Resumitur Historia mulieris alibi data eo quod nunc cadauere suo præteriti nostri erroris nos convicerit . Conjectura super causis , quæ Aneurysmatis veri ideam nobis olim creaverant , & confirmatio repetitæ toties difficultatis dijudicandorum Aneurysmatum .
- §. II. Aneurysma spatio 40. annorum citra noxam , citraque incrementum , gestatum . §. III. Aneurismatis veri , nec non Asthmatis , ceterorumque Chronicorum pectoris morborum , Apoplexiæ præterea , ac variarum capitis ægritudinum , causas sufficientes , easdem superabundantes , in se homo , dum viveret , gessit , citra effectum , inde physice expectandum .
- §. IV. Alia historia priori perquam similis .
- §. V. Digressio occasione hac facta , circa causam morborum petendam , aut non petendam , & pulmonum cum vicinis sibi partibus coalitu ,

§. I. **D**E Aneurysmate interno novas , quas adjiciam , observationes habeo . Feminae binæ , de quibus dictum eadem methodo , quam ibidem descripsi , vitam miseram pergunt tolerabiliter agere , licet in una Aneurysma supra claviculam jam extet binorum

rum pollicum diametro, quod ipsum forte non nisi continuatio sit illius, quod dudum intra pectus gessit. Verum ea femina, cujus ampla historia data est alibi post abscessum in externo pectore apertum aneurysmatica visa nobis, sic quidem ut internum pectoris aneurysma nunc inter cartilagineas costarum extrorsum verti crederetur, hæc, inquam, femina, cum morte sua veram mali naturam exhibuerit nobis, Lectorum poscit attentionem.

Miseranda hæc femina, postquam ea contingerant, quæ relata sunt vitam perpetuo ærumnosam duxit, tum Aneurysmatis, tum pulmonis partim obstructi, partimque nonnihil suppurati, symptomatibus; sic nihilominus, ut alio atque alio tempore tolerabiliora hæcce, vehementiorave, essent. Qui in pectore apertus a nobis tumor fuerat, vehementerque pulsans in fundo suo tuberculum exhibuerat, ad finem Octobris 1760. haud pulsavit amplius; at vero ejusdem viciniae toto in ambitu pulsatio talis, ut viderentur inde attolli costæ. Ineunte Decembri ne vestigium quidem tumoris superfuit, at vero toto scrobis cordis in ambitu perennis pulsatio; quo autem loco infederat tumor, perpetuum observatur Lymphæ stillicidium, consolidationem aperturæ prohibens; nec exsiccatum, nisi cum Hydrops intercus ante mortem medio præterpropter anno, corpore inferiore oboriretur. Sputa pauca ejecit mucosa, aut purulenta, aut sanguine tincta, purum imo sanguinem non-

nun-

nunquam. Quæ aberat nunquam anxietas, sic demum crevit, ut tribus ultimis vitæ mensibus federe erecta dies debuerit noctesque, idque in sedili duntaxat, pendulis perpetuo cruribus, ob idque etiam indies tumidioribus. Decimo quarto die ante mortem, crura sponte aperta copioso sero fluxere, nec sine ingenti labore, saturatoque Corticis Peruviani fomento, præservari a Sphacelo potuere. Animi deliquia leviora a dimidio ante mortem anno pati ceperat; pulsationes autem consueto loco per totum id tempus nullas, sed internas tam validas, ut haud ipsa tantummodo, verum & adstantes easdem oculis, auribusque perciperent. Ita demum 23. Febr. 1762. vita miserrima functa est.

In cadaveris lustratione prima nostra sollicitudo erat illius plagæ in thorace examinandæ, quam olim abscessum, postmodum Aneurysma, idque evanidum tandem, arbitrati eramus. Rimati hunc locum, & supra costas, & post illas, intraque easdem, Aneurysmatis, aliusve tumoris vestigium, frustra quærivimus. Unde ad alia conversi, Pericardium universum tenue quidem vidimus, at versus basin cordis præ tenuitate omnino pellucidum. Cor totum tactu durum, ac dextrum quidem cum duritie depresso, sinistrum autem rotundius. Auricula dextra cum sinu distentissima erat a polypo corpore, quod ultra duos in diametro pollices habens, constansque idem externa alba, neutiquam vasculosa, membrana, interne copioso coagulato san-

guine, tandem utroque suo latere quædam veluti ligamenta crassa, albaque emittebat, quibus cum sese columnis plicisque auriculæ, ut & inter columnas, affigebat. Erant porro columnæ ac plicæ auriculæ hujus eadem proportionem quoad molem auctæ, qua moles totius aucta auriculæ esset. Polyposo hoc corpore in sinum dextrum maxime extenso sinus hic amplissimus ita replebatur, ut sanguis non nisi furtim post polypum in cor dextrum potuerit illabi. Arteria pulmonalis longum habuit fortemque polypum, accretum uni semilunarium valvularum. Cor dextrum consuetæ quidem in pariete crassitudinis fuit, columnas musculosas autem tum numerosas valde, tum crassas adeo durasque, ut nulla earum carnem, veram omnes cartilaginem referrent. Adeo ampla hujus cavitas, ut junctos meos tres digitos commode caperet. Lævus vero ventriculus & durus erat, & digitum pariete crassus, angustus autem ita, ut indicem digitum meum vix locaret, paucissimisdemum columnis instructus, hisque non liberis, sed ipso cum pariete intime nexis. Liberi in thorace pulmones, excepta levi cum jugulo, & utrinque cum diaphragmate cohæsiōe, pleni utrique plurimis, iisdemque duris, ac fanioso pure refertis, tuberculis. Tuberculorum diversa moles; sic; ut majora semicochleare puris continerent. In abdomine nihil inventum, quod ad morbum referri posset. Coli enim ac ventriculi forma, & decursus præternaturales hujus subfellii
non

non sunt sed ad alia reservandi.

Sub Anatome, postque eandem, alii alios intuebamur, hæsitabundi quærebatamus num olim decepti essemus? Et si decepti, quamnam ob causam? Equidem Aneurysma verum adesse, posse, idemque manifesto deprehensum esse, posteaque prorsum evanuisse, notabili exemplo *Tomo I. Cap. 30.* constiterat. Verumtamen id ipsum Aneurysma a costis quidem, quas inter se penetraverat olim, remotius, & ad costas superiores nunc proximius nihilominus a morte inveniebatur, loco mutatum duntaxat; hic vero nullum Aneurysmatis tota in vicinia vestigium. Undenam ergo perceptio manifestissima pulsantis tumoris? Eaque integro percepta biennio? Deinde tumor cur evanidus? Et cui causæ adscribunda est totius circa scrobem cordis plagæ pulsatio? Quid, quod internæ pulsationis violentia tanta fuerit, ut visu, audituque etiam ab adstantibus perciperetur?

Tuberculorum pulmonis signa, ordine priora, Historia morbi notavit, & signa Aneurysmatis illis posteriora. Igitur a natis, sensimque crescentibus, hisce tuberculis, capimus facile cor di dextro nasci demum resistantiam, augerique, quo suum sanguinem difficilius transmittere poterit per pulmonem. Utique subito hujus resistantiæ incremento cor brevi suffocatum, enectaque femina fuisset; sed malorum lento adeo, ut vix advertatur, incremento, vitalia assuescere, ex tot exemplis in variis locis

allatis conclusimus, ut hic faciles idem admit-
tamus. Cor igitur dextrum tota fabrica sua,
cum sinu atque auricula extensum, columnis
crassioribus, durioribus, numerosioribusque instru-
ctum; cor sinistrum, forte quod minus sangui-
nis a pulmone reciperet, angustum, liberis co-
lumnis musculosis destitutum, in parietibus ve-
hementer incrassatum, rigidumque, nec ultra
fere contractile; cor, inquam, hoc non nisi
vitiosissimas actiones edere debuit, & basi sua
auricula, sinuque vario tempore variis impleri,
deplerique, modis. Adeone inepte suspicaremur
hoc mirabile cor degenerascentes suas, extensas-
que partes, certo quodam tempore ad costas ac
latera sterni admovisse; alioque tempore ab illis
removisse, quemadmodum *Tomo. I.* locis citatis
totum Aneurysma & costas admoverat sese, &
removerat?

Hæc porro si probabilia videantur, ponatur
tandem, quo tempore hoc cor cum suis tu-
midis appendicibus hærebat costas proximius,
ponatur, inquam, a communi quacumque alia
causa tumorum, natus hoc eodem loco tumor
quisquam, qui primo durus, dein pro parte
purulentus, effusoque pure fundum adhuc durum
suppurari necdum aptum, habens; numquid ille
a pulsu vehementi cartilaginum costarum etiam
pulsare non debuerit? & si sub illo tumore ve-
luti centrum pulsationis hujus degenerascentis,
costisque admoti cordis fuit, an similitudo cum
vero Aneurysmate magna non fuerit?

Interim jure merito videor jam toties monuisse quam incerta sæpe erroneave sit vera Aneurysmatum diagnosi! Quamque ridiculum sit in hisce incertitudinibus, & errorum discrimine, Medicorum ac Chirurgorum chorum inter sese mutuo altercari; dum sæpe Anatome neminem rem acu tetigisse, manifestat! Juvat proinde nosse varios Naturæ errores, ut sæpius, quid esse dato in casu possit, quam quid sit, sententiam super eorogati, respondere queamus. Quæ sequuntur proxime, hoc meum monitum confirmabunt.

§. II. Quantumvis periculo plena res Aneurysma, inculpare potest 30, 40. annorum spatio Aneurysma externum geri. Femina quadragenaria habet a quo tempore meminit, & ut putat, a nativitate, parvum Aneurysma ad superiorem, eamque lateralem cartilaginis Thyroidæ partem dextram, pisi magnitudine, nec majus unquam, nec minus; nunc magis conspicuum, quod ex biennio, cum primum me adiret, a diuturniore lactatione vehementer emacruerit. Videtur Aneurysma Carotidis externæ rami primi; quem *Winslow* anteriorem, sive internum carotidis externæ ramum, vocat.

§. III. Dantur in corpore humano causæ Aneurysmatum validæ, imo Aneurysmata ipsa interna valida, citra sui indicia, alios potius morbos, quam hæc, mentita.

Homo ille, degno aliti foliis Au-
ratio-

Aurantiorum a terrificis suis convulsionibus liberatus, ac sanescere inde visus erat, perfectam non recuperavit sanitatem, aut saltem non constantem, ex quo ejus historiam dedi. Cum sanitatem anni abhinc spatio recuperasse videbatur, servavit semper pulsum, qui ipsi a triennio perpetuus fuerat, tum naturali omnium hominum pulsu, tum suo ipsius pristino, celeriore, fortiore; &, quotiescumque per diem explorabatur, semper miram exhibentem in ipsa illa celeritate, ac fortitudine varietatem, imo remissiones quandoque & duritiem. Hic, inquam, pulsus, ipsi a triennio ante morbum familiaris, eundem a morbo perpetuo concomitatus est. Deinde quæ a biennio eum vexaverat molesta tussis, a morbo rediit, sputa educens aut serosa, aut glutinosa, nunquam vero, nisi sub vitæ finem, idque tum raro, tum parce, purulenta. Hæc igitur bina, quorum alterum a triennio, alterum a biennio, affuerat, sanus nunc iterum visus æger, pati denuo cepit.

Resolventia, attenuantia, humectantia, emollientia, cujusvis generis longo tempore ipsi præscripta sunt, nonnihilque profuerunt: at vero sive morbus arte superior, sive negligentia in assumendo, sive notabiles in usu VI. rer. non nat. excessus, emendationem nec notabilem ægro produxerunt, nec constantem.

Sensim symptomata accessere, quæ vias dictas primas affectas esse innuerent. Flatuum quippe incredibile prorsum quantam vim maxime

me ore, nonnunquam etiam ano redderet. Vix unquam simile vidi. Equidem ipsi id fuerat ab adolescentia familiare, ut si quis ipsi, scienti quantumvis, ac videnti, manum brachiumve rudius attingebat, copiosos mox ore dimitteret flatus; ita ut miris nervorum affectionibus obnoxius jam tum haberetur: at vero nunc citra ejusmodi causas, flatus aut erupere, aut si non erumperent, continuo anxietates in ventre vel ad præcordia, ipsosve colicos generarunt dolores; evanida mox iterum symptomata, dum frequentes, fortes, ac sonori ructus, flatusque, explodebantur.

Docebant hæc, inquam, primarum viarum affectionem. Verum a quibusnam affectis partibus? Sane totius abdominis externe tacti naturalis mollitudo, optima alvus, bilis præsentia laudabilis, appetitus egregius, summa viarum primarum, dum flatus non urgerent, libertas atque integritas; notabile viarum primarum vitium non admittebant.

Historia morbi, præcedenti parte relata, verosimile id ponebat, quod convulsionum sedes in capite esset. Dolor siquidem capitis supra oculum fixus, vertigo, tinnitus aurium, sæpius longe ante convulsiones, interque easdem percepti, id insinuabant: at vero ne illis viæ primæ symbolam conferrent, flatus post singulam convulsionem emissi, eandemque terminantes, haud levem dabant suspicionem.

Quin & aliud quid confusionem formandæ
dia-

diagnoseos peperit. Febris ante natas convulsionem descriptas, quatuor mensium spatio ægrum tenuerat. Eodemque tempore pulsus de die fortis, ac frequens, sæpiusque durus, observabatur ad vespertas debilis, ac celer; cum frigore non horrifico, trihorii, aut quadrihorii spatio, durante: Aegro interim nec sitiente vespere, nec lectum petente, imo exeunte, spectaculis se recreante, hominumque domi, forisque, frequentante societatem. Convulsionibus porro curatis, continuatoque post easdem curatas Aurantiorum foliorum ultra mensem decocto, exulavit penitus hæc Febris, nec nisi ultimo vitæ mense post quartam pomeridianam frigore ac calore conspicua, 10. 12. horarum spatio ægrum vexavit: sed de iis, quæ prope mortem contingere, mox acturus, ea, quæ diu antea observata, modo prosequar.

Igitur dum tussis pluribus fiebat horis, dum incommodo flatus non erant, dum Febris vel penitus aberat, vel vespere vexabat duntaxat, dum denique frequens, ac fortis, sæpeque durus pulsus, in ceteris hominibus febrilis vocandus, homini perseverabat; nemo sane, qui multi affuere, Medicorum toto eius in corpore accusare aut culpæ quidquam potuit. Caput serene; Respiratio, etiam valido in motu, fortis, constans, profunda; validus appetitus; naturalis, debitoque tempore reddita alvus; lingua perpetuo pura; molle abdomen, videbantur iterum omnem viarum primarum affectarum, affe-

affectorum primario Thoracis viscerum, suspicionem abigere.

Hæc cum sic se haberent, frequenter convocata Medicorum consilia non nisi palliative, ut vocant, agendum esse concluderunt; notabile quid latere sese credere constanter fassi. Remedia igitur hoc scopo data, etiam posthac sumpta, quam olim, accuratius, nunquam emendationem genuere constantem. Quæ glutini ac tussi dicata, nullius erant frugis. Quæ ad flatum dissipandos laudamus, apta, multa, ac varia, & efficacissima, usu passim cassa fuere. Ipseque Peruvianus Cortex imminuit quidem, sed non sustulit Febrem; isque alias & debiliore pulsus animator, & frequentioris moderator nullam unquam in consueto ægri pulsu mutationem produxit. Egregius *Boerhaave* censebat in ejusmodi pulsu Acre adesse, quod moveret validius, & crassum quod minora vasa obstrueret. Acrimonie singularis species nullis unquam signis determinanda fuit, sed suspicionem ejusdem latentis nonnulli tum juvenilis vitæ, tum virilis, formabant errores: Verum nec Mercurius, nec saturata Sarsæ parillæ decocta, quidquam profuerunt.

Atque ita ad vitæ terminum properabatur. Crurum tumor sensim ad genua, femoraque descendens, prioribus se junxit ærumnis. Sponte sæpe sua, medicorum hortatu nonnunquam, Sedlicensibus aquis abundanter se purgantibus, depellere has aquas, sed frustra, annisus est. De-

mam

num ultimo vitæ mense anxietates, interno in pectore dolores, respiratio nonnihil debilis, appetitus prostratus, explosio flatuum continua; dolor brachiorum vagus, ac tumor; tussis per semihoram & ultra continuans, cum sputis aut serosis, aut mucosis, aut, quod rarius tamen, purulentis; decumbenti impossibilitas, insomnia, vitam fere intolerabilem reddiderunt, metumque, ne forsitan Hydrops pectoris, aut tetrius quid in thorace generaretur, incusserunt. Gravis per ultimum octiduum. Peripneumonia densum ac phlogisticum sanguinem iterato pertusa vena ostendit. Tandem anxietatibus auctis, jamque perpetuis expiravit.

Invenimus in Cadavere cranium crassum cum copiosa diploe; sinum longitudinalem vacuum fere; in cranio, supra orbitam dextram, plagam denarii magnitudine cariosam, cui meninges accretæ, ipsumque eodem in loco cerebrum leviter inde mutatum. Sub pia Matre toto quidem in cerebro, sed in sinistro hemisphærio plus, effusum serum. Piæ Matris vasa turgidiora sanguine, in hemisphærio dextro. Ventriculi superiores fere vacui; plexus choroidæi exsanguis, ac veluti repleti muco. Aeris nonnihil cum paucis admodum cruore in Arteria Cervicali *Willisii* Et quos in ventriculo quarto plexus choroidæos solemus invenire, horum hic ne reliquias quidem. Nervos opticos ante coactum quidem æquales, post eundem vero ita inæquales reperiimus, ut sinister ab ipso coactu,

tu, ad usque orbitam, crassitudine dextrum longe superaret. In thorace nullus hydrops, neque pus; pulmones obscure rubri, hinc inde lividi, flaccidi ita, ut hinc inde inter attactum disfluere fere, at vero nihil omnino purulenti. Asperæ arteriæ annuli cartilaginei plane offeïrant; offei & illi Bronchiorum: horum priores ad Bronchiorum initia, divisionesque sua ossæ extremitate, sed interna Bronchiorum membrana tecta, intra cavum æereum; idque pluribus in locis, utrinque prominebant. Cor magnum, sed flaccidum, coagulato cruore utroque in cavo plenum, parietibus suis, ac potissimum sinistris, extenuatum valde, columnis carneis in utraque cavitate instructum exilibus, debilibusque. Valvularum mitralium margines sinistri cordis duræ, fereque ossæ, ex sese genuerunt quandam penitus ossæam substantiam, oblongamque eandem, & phalangi primæ digiti minimi magnitudine parem, in cor ipsum sua pendulam gravitate. In Abdomine Ventriculus decem librarum, capta mensura, capax, non crassus. Magnum Omentum. Jecur, Splen, Pancreas, Renes, maxime dexter, debito longe flaccidiores. Copiosa, fusco-flava, Bilis. Ad Genitalia nihil repertum vitiosi.

Ostendit hæc, ni fallor, Historia anatomica abunde id, quod dixeram, posse scilicet esse præsentem in corpore Aneurysmatum causas, citra eorundem symptomata. Cor utroque in cavo flaccidum, extenuatum, extenuatius in sinistro,

fitro, oportuisset aneurysmaticum fieri. Corpus osseum mole adeo magnum ad mitrales Venæ pulmonalis valvulas intime, lataque basi, nexum, cum sanguine a pulmonibus omni momento in finistrum cor pulsum, ac proinde hoc cor præternaturaliter irritans, vicissimque contrahente se corde ad valvulas repulsum; corpus, inquam hoc, & cor, & venam pulmonalem, perpetuo irritans, sanguinisque transitum turbans, debuisset necessario hoc cor extenuatum reddere aneurysmaticum, & Venarum pulmonalium communem alveum vehementer varicosum.

Ut causa Aneurysmatis sine effectû, ita Asthmatis, Dyspnœæ, Orthopnœæ, manifestissimas causas, citra horum morborum in vita præsentiam in cadavere experti sumus. Non enim annuli Asperæ arteriæ tantummodo, verum & Bronchiorum vel si mavis intimorum Bronchiorum frustra cartilaginea, plane ossea erant, quæ ad majorum Bronchiorum divisiones intra cavum aereum notabiliter prominula, cum inspirato, tum expirato aeri, impedimento & offendiculo esse eminentia sua, & coarctatione, debuerunt. Attamen non nisi brevi ante mortem, ab hisce causis, quas longa modo dies generat quidquam Asthmatici, affinibusque illi symptomatibus simile pertulit æger. Interim non advertimus in quinquagenario homine cartilagineorum horum annulorum naturam in osseam mutari, sed solummodo, & nonnunquam, indecre-

decrepito senio; ut bene notat incomparabilis *Morgagni lib. 2. Epist. Anat. Med. 15. Artic. 18. pag. 133.* Nihilominus observavimus in ægro nostro Respirationem illibatam, profundam, fortem, lentam, non mutatam a motu & loquela, constantem; verbo talem, qua meliorem habere nemo mortalium possit. Ergone ossea hæc degeneratio solius invincibilis tussis, non aliorum morborum causa fuit? In hoc homine sic videtur saltem.

Verum & Apoplexiæ variorumque capitis morborum causas idem gessit, quos habuit nunquam. Pauculum feri supra cerebrum effusum, quod integris ejus membranis & crassum, esse, & pelluciditate vitreum, videtur; quodque perfectis membranis, tenuis modo lymphæ est; Apoplexiam, Mortes subitaneas, Paralyfes; Convulsiones, sæpe producit, ut me toties Anatomæ docuit, ut casuum anatomicorum Collectores referunt, ut evidentissimis exemplis, tum *Valsaræ*, tum suis, *Morgagni* demonstravit, *Lib. 1. Epist. Anat. Med. 4.* Equidem affuere ex hisce Convulsiones; sed an hæc inde? Dubitatum fuisse, innui supra, num a viis primis haud oriundæ, quod flatus, ore pulsi, harum paroxysmos constanti lege terminarent. Sed demus neque hinc easdem ortas esse; demus a causis in encephalo agentibus; id quod tam sæpe observamus, Ventriculum fuisse spasmodice affectum; nonne ex Anatomæ constitit bi-

nas notabiles causas, convulsionibus generandis aptas natas, in cranio repertas esse? Serum scilicet effusum pauculum, & caries cranii cum concretione membranarum, & cerebri degeneratione, ad locum cariosum: quarum posterior ad id longe potentior priore adparet.

Interim utraque harum ortas convulsionem credideris, mirari mecum debebis, quod causæ hæc mechanicæ ultimis octo vitæ mensibus integre filuerint. Nunquid vis Fol. Aurant. adeo energica, ut causas tales mechanicas liget, ne queant ultra effectus producere suos?

Quam ardua aliquando res, morborum diagnosi, Quam indignum honori artis, velle in ejusmodi consultationibus ob fallaces similitudines aliquid ita propugnare, ut haud ita sentientium famæ inde detrahatur! Mortui sæpe veriora, quam vivi, loquuntur.

§. IV. Sed en haud ab similem casum! Juvenis 28. annorum sicci, &, ut videbatur, spasmodici Asthmatis, paroxysmis a biennio affligebatur, causæ, præter nimias forte lucubrationes, ignarus. Consuluerat me morbum per annum passus, dein alios, tandem me convenit iterum die 17. Septembris proxime elapsi. Contigit porro ut eo tempore coram me, pluribusque Studiosis, paroxysmo invaderetur. Sederet suasi; renuit, mitius sibi esse, citiusque stanti paroxysmum terminari ratus. Respiratio anhelosa, cita, brevis; nisi ipso

ipso eam ita cohibente, & retinente, ut cuncti horreremus. Unicum in respiratione cohibenda solatium situm esse testabatur. Pulsus eodem tempore parvus, tempore rythmoque inæqualis. Spatio 5. aut 6. minutorum terminabatur accessus; post quem rite valentem se semper aiebat. Quandoquidem selectissimis remediis a variis Medicis præscriptis tanto tempore frustra usus esset, autor fui, ut quovis trihorio aut etiam bihorio fumeret guttulas 5. 6. 7. cum aqua spiritus salis ammon. cui ad perfectam saturationem additus esset sal succini volatililis; fumeret autem spiritum hunc sine calce viva paratum, siquidem paratus cum illa, non effervesceret, adeoque perfectum non indicaret saturationis punctum; notante ita in Chemia sua *Hofmanno*. Bene inde habuit, usque ad 21. Sept. cum perfecte sanum se perhibens, circa horam 10. vespertinam paroxysmo correptus, ad horam dimidiam post mediam noctem expiraret.

Die 24. Sept. Anatomen feci, præsentem Viro Illustrissimo *Mac-neven ô Kelli*, inclytæ Facultatis Medicæ *Pragensis* Directore per universum *Bohemiæ* Regnum, ac Professore, Clarissimo Domino *Pachner*, Foundationis *Windbaggianæ* Physico laudatissimo & circumstante magna Studioforum corona.

Pulmo dexter universus pleuræ, diaphragmati, ac jugulo accretus; antè ad Sternum quidem levius, ad posteriorem autem inferio-

remque thoracis partem firmiss, indissolubiliter vero ad jugulum, quin & ipsi inter se mutuo coaluerant lobi. Notabamus autem qua parte lobus superior jugulo cohærebat, inæqualem duritiem, ac tubercula fere cartilaginea, continentia partim pus saniosum, partim duram ac ferme caseosam materiem. Pulmo sinister perfecte sanus, undique liber.

Annuli asperæ arteriæ, Bronchiorumque tum annuli, tum frusta cartilaginea, rigiditate ossæam æmulabantur naturam, ut mecum clari, qui adstabant, Viri, studiosorumque seniores, judicabant.

Cor magnum valde. In pericardio aqua modica. In corde utroque, inque vasis majoribus, imo & percissis multis minoribus, fluidissimus, absque vel minima alicubi concretionē polyposa, sanguis; contra quam in iteratis toties luctis, & animæ retentionibus, expectari poterat. Cor dextrum tenue valde in parietibus, sinistrum valde crassum, durum, ac rigidum. Capax fatis cor dextrum ut tres digitos junctos, eosdemque fere medios, capere posset; capacissimum adeo sinistrum, ut totus pugnus in eo absconderetur, vertereturque. Copia in utroque fluidi sanguinis, in dextro major.

Aorta arteria ampla valde a basi cordis usque ultra suum ita vocatum angulum; inde parum angustior, sensim denuo dilatabatur in amplitudinem duplo majorem, ad iliacas fere usque; ita quidem, ut ibidem primo longitudine

dine sex latorum digitorum dilatata, tandem solitam capacitatem, Iliacas datura, affectaret.

Ventriculus magnus, altitudinis quidem solitæ, sed duplo majoris latitudinis. Ingens hep̃ar, ponderosum, compactum, lobo sinistro suo magnam sinistri Epigastrii plagam explens. In vesicula fellea bilis tenuissima, colore ichoris, aut loturæ carniū rubicundioris. Splen durus admodum, figuræ triangularis, angulo acutiore ventriculū contegens. Colon totum contractissimum & vacuum.

Igitur cor dextrum, ratione sinistri, parvum ac debile; cor sinistrum duritiæ ac densitate non modo robustum, sed non sufficienter flexile atque obsequiosum, capacitatem autem aneurysmaticam. Aneurysmatica magna sui portione Aorta. Pulmo in toto latere dextro vicinis partibus concretus, in lobo superiore intime connatus, & tuberculis durissimis ultra medium obfessus. Hæc, inquam, & multa, & capitalia, vitia deteximus, interea dum nulla in vita signa Aneurysmatis sive Cordis, sive Aortæ; nulla signa affecti primario a cohæsione, a corruptione, ab annulorum cartilagineorum rigiditate, pulmonis, comparerent. Et cum causis adeo valentibus morborum tum gravissimorum, tum perpetuorum, non adfuit integro biennio nisi periodicus morbus cum intermedia sanitate, qui similitudinem gessit affectionis spasmodicæ mesochondriacorum forte musculorum quam

detento, dilatato, calefacto, rarefactoque aere, solvere conabatur.

§. V. Terminarem hanc historiam, nisi obviam eundum foret iis, qui forte mirabuntur, minus versati in Anatomicis, quod inter causas majorum morborum hic videar cohæsionem cum pleura pulmonum collocare. Imitatus fui varios *Sepulcreti anatomici*, ac *Medicinæ septentrionalis* Autores; imitatus etiam *Boerhaviū Instit.* §. 835. Sano autem sensu hæc intelligenda sunt.

In cadaveribus secandis raro deprehendimus liberos ab omni cohæsione pulmones; ut haud inepte *Diemerbroeckius* tertiam aut quartam mortalium partem, hac cohæsione minore majoreve laborantem, suspicatus fuerit; idque sæpe numero sic; ut nulla ejusdem in vita signa, aut suspicio, affuerint. E contrario, in gravissimis, iisdemque annosis pectoris, pulmonisque morbis, nullam, aut vix memorabilem adhæsionem detegimus, ut hoc ipso capite bina observatione constitit. An nihilominus his positis nulli ab hac causa aut possibiles morbi, aut inevitabiles? Difficilius admittunt, qui pulmones pleuræ perpetuo contiguos esse statuunt. Demus autem verius hoc systema esse eo, quod id neget, an ideo cohæsio hæc nunquam morbifica est? An sufficienter considerant illi, quanta intersit differentia inter pulmones pleuræ, exhalante rore intermedio, semper admotos, liberos tamen sanosque; & pulmones sive totos,
sive

sive medios, cum pleura unitos, & non raro, eodem rore deficiente, induratos? Equidem ad experimentum provocant, quos toties a morte inventa cohæsiō integra, sine ejusdem in vita notato indicio. Sed quærant primo hi diligentius apud casuum collectores num vera narrent? Examinent, num frequentes sint casus connatorum undique pulmonum, cum respiratione in viventibus illibata? Afferere ausim vix paucos inveniendos fore. Hinc 2^{do} dico unico pulmone connato, altero libero; vel datis minoribus utriusque, alterutriusve pulmonis adhæsiōnibus, videri nonnunquam sic assuescere naturam, ut homines quidem initio male habeant, quales utique novi, deinceps vero assuescant, nec multo ante obitum tempore notas ejusdem exhibeant. Verum an ideo nulli, qui inde male habeant? Et cognovisse me tales puto; & descriptos ab observatoribus ejusmodi casus lego qui nullam aliam notam læsæ respirationis causam, præter hanc, notent; & magnum *Boerhaavium* hanc etiam morbi recensentem causam deprehendo. Sed tertio, demus tandem inventos in cadaveribus pulmones undique connatos utroque, respiratione in vita neutiquam læsa, qualem unum, alterumve casum ipse descripsi, an ideo integra hæc concretio ex morborum erit expungenda causis? Anatome detexit cerebrum cum membranis suis æque exacte implere calvariam, quam pulmones, secundum multorum sententiam, exacte semper repleant thoracem:

Ergone connata pia meninx cum dura, arctiusque hæc cum illa concreta, nunquam venient inter causas recensendæ morborum? Præsertim cum ex anatomicis constet hæc sic gesta in vita fuisse, nullis comparentibus signis? Certe & inculpate hæc tolerata fuisse novi; sed simul, aut Apoplexiæ, aut Epilepsiæ, aut Convulsioni, aut mania, aliorumve capitis nervorumque morborum, unicam extitisse detexi a morte causam. Pericardium secundum *Halleri* in *Addendis* ad *Tom. I. Elem. Phys.* sententiam, exacte tegitur perpetuo a superficie cordis, nisi quantum tenuis aquula intercedat; an ideo pericardium cum corde concretum nunquam extiterit cordis palpitantis, aliorumve morborum, origo? Experientia mea in cadaveribus propria, notisque a scriptoribus casibus, novi & inculpate quandoque hunc cordis cum pericardio coalitum toleratum, at sæpius non, nisi cum vita penitus miseranda, gestum.

Si tamen quis a me petierit quid causæ credam, cur hos pulmonum, cerebri meningum, pericardii, coalitus, hi inculpate ferant, graviter illi? respondeo quidem in genere, ut supra, videri nonnullos sic ærumnarum assuescere causis, ut validis vitæ viribus easdem superent: alios vero esse, quibus vita imbecillior nequeat earundem causarum suffocare activitatem, attamen insufficientem ad plures casus solvendo hanc responsionem esse facile quisque perspicit, qui mecum considerat historias autoribus, & etiam

& etiam a me *Tom. I.* hujus operis , communicatas , quæ pro omni responsione doceant nostram crassam vitæ humanæ, ejusdemque latitudinis, ignorantiam. Videantur in hanc rem *Vindiciæ* meæ contra *Hallerum*, a pag. 232. ad 236.

Tandem ex hisce & innumeris tum in Partibus prioribus, tum a casuum collectoribus recensitis, sectionibus anatomicis, evidenter capimus causas mechanicas, fixas, validas, diuturnas, perennium morborum, in corpore humano latere, quæ vel nunquam in actum ducantur, vel per paroxysmos duntaxat, vel etiam perpetuos generent morbos: unde qui malo non perpetuo perpetuas negaret causas, sæpe vehementer falleretur. Causæ hæ perpetuæ, si morbum continuant, proægumenæ simul & procatarcticæ causæ vicem gerunt; sin vero intermittentem, videntur proægumenæ præsentibus sæpe carere procatarcticis. Cur autem causæ completæ & proximæ, vere existentes, morbum non generent, ad hoc supra respondi.

C A P U T V.

De Hydropē Cystico, & Hydatidibus.

- §. I. Repetitur mirus femine morbus, qui longe
ateque descriptus Tomo II. ac tandem ejusdem
additur per mortem finis. Stupenda Anatome, do-
ctrinam, illustrans de Hydatidibus. Quæstio de
usu ac natura ventriculorum superiorum cere-
bri. §. II. Jecur scirrhosum in vita visum,
a morte inventum est mirifice hydaticum. §.
III. Bine Hydatides Mammarum, quas scir-
rhi in cancrum vergentis larva nobis impo-
suisse, ipsa chirurgica enucleatio nos docuit.
§. IV. Glandula ingens Thyroidæa, præter
quodcumque fere genus tumorum, exhibuit no-
bis quoque ingentes Hydatidas, aquosas, icho-
rosas, saniosas, sanguineas. §. V. Induratos
glandularum, partiumque glandulosarum, tu-
mores, haud raro mentiri naturam scrophulo-
sam, scirrhosamve, variis exemplis, tum a
Clarissimo Morgagni, tum a propria experien-
tia petitis, demonstratur. §. VI. Miranda
origo Hydatidum in Viro, quæ specie Herniæ
inguinalis incompletæ, scirrhosorumve in ven-
tre tumorum, nos luserat, Anatome detecta.
§. VII. Examen universæ de Hydatidibus do-
ctrinæ, quæ tandem apparet potius quid non
sit

fit Hydatidis, quam quid sit, exposuisse. §. VIII.
Cuduntur ex cunctis hucusque enarratis Theo-
remata decem pathologica, & practica.

§. I. **I**N variis hujus operis partibus multus
fui, longusque, in hoc articulo; talis
denovo futurus, eo quod similium observationum
finis nunquam detur.

Inchoabo a retexendo filo, quod abruptum
fuit quandoquidem feminæ hujus calamitatibus
mors finem imposuit, adeoque causas morbi ob-
scurioris rimandi fecit copiam.

Anni 1760. autumnum, maximamque hye-
mis partem, incommode ac misere citra auxi-
lium transegit, quia auxilium noluit. Anno
1761. Febr. 3. me iterum convenit, monstroso
planè, ac veluti in acumen prominulo ventre,
citra vel minimam, excepta exigua sinistri Epi-
gastrii plaga, fluctuationem.

Tertiam Paracentesin petivit. Diu super illa
inter nos deliberantes, dubii pependimus. Con-
stabat enim ex prioribus & Abdominis labora-
re, & Cystidis hydrope. Hydrops abdominis
autem nunc, ut dixi, fluctuatione vix perci-
piendus erat. Interim urgit adeo vitalis indica-
tio, adeo proxime suffocanda mulier no-
bis visa est, adeo anxietates arcebant
somnum, ut integris septem septimanis ocu-
lis non vidisset illum, adeo denique ci-
tam operationem a nobis per DEUM flagitabat,
ut paracentesin demum eo epigastrii a latere
umbi-

umbilici loco, quo levem fluctuationem nos percepisse supra monui, instituerims; ea videlicet spe, ut aquæ hydropicæ abdominis certo quodam corporis positu, lenique abdominis ab inferioribus eo ducta directaque pressione, hinc totæ effluerent.

Spes autem hæc fefellit nos. Qui locus fluctuare nobis visus, is verus faccus fuit, plenus humore glutinoso, tres pollices profundus, nec fere quidquam, præ tenacitate effundens.

Porro infelix nostrum conamen incussit nobis metum, ne ad aperturam, id quod in similibus solemne, Gangræna fieret. Hinc tussi quidem mistura cum Oxym. sq. prospexi, Gangrænæ autem Cortice. Unde sola Gangræna averruncabatur, cetera vero symptomata increvere, nausæque ac vomitus frequentissimi, pertinacissimique, una cum deletio penitus appetitu, se prioribus adjunxerunt.

Quod hanc calamitatem unice moderabatur, vinum fuit. Unde per aliquot dies nihil ipsi dedi, quam ovorum vitellos cum vino & aqua conquassatos, pauxilloque tosti panis. Præterea Enema injectum quotidie est. Mirum sane quantopere hinc refocillaretur mulier, quam blando somno inde recrearetur, quamque bonum appetitum, ac digestionem etiam aliorum ciborum inde nancisceretur! Unde lares suos repetere avida, nosocomio dimitti petivit. Abiit 5. Martii.

Tandem, ultimoque, ad 10. Junii reducebatur,

batur, ventre tumidissimo, cum ejusdem levio-
re fluctuantis liquidi verisimilitudine, cum va-
ginæ prolapsu, oculis ac facie collapsis, pulsa
vix percipiundo, jamque in tertium diem con-
tinuato vomitu. Vomitu ad sextum diem su-
perato, calamitates reliquæ auctæ sunt; ipsa-
que insomnis, delira, & integro triduo cum
morte luctata, expiravit Junii 17.

Factu difficilis anatome fuit, eademque ad-
huc difficilior explicatu. Ita ut qui præsens
eandem non viderit, ejusdem legitimam idam
vix formare sibi possit.

Ut in vita, ita in cadavere nihil non ex-
tenuatissimum, solo ventre excepto. Animus
erat, ablatis integumentis ac musculis, Perito-
næum prudentissime aperire; quo in situ immutato
& acuminatum tumorem, & totum contempla-
remur abdomen. Conamen vero hoc nostrum
eludit idem Peritonæum, indissolubiliter, ac fre-
quentissime, cum contentis in ventre partibus,
connatum. Pertundendum ergo ubique fuit,
eoque facto gelatum flavum, separatis in locu-
lis inclusum, prodiit undecumque. Digitus sin-
gulos intrusus in loculos, aliorum loculorum
sepimenta detexit; e quibus pertusis, pressisque,
liquor priori similis, præ tenacitate vix fluens,
prodiit.

Lento demum, ac tædiofo, fordidoque
plane examine, constitit degenerascentem ute-
rum non esse, qui corpus adeo prominens
in abdomine produceret, ut forte suspicati
eramus.

eramus. Uterum enim invenimus mole naturali minorem, vaginam autem ejus elongatam & productam ad altitudinem illam, quæ quatuor digitis latis altior pelvi esset. In latere sinistro Ovarium durius quidem, sed mole non majus, parvaque cum tuba. Uterus apertus facultatem dabat stylo prudenter subeundi orificium Tubæ dextræ, atque ita docuit hanc tubam ad latum ab utero digitum mox abire in faccum ingentem sic, ut totum hoc monstruosum abdomen tam in sinistro hypogastrio, ac ventre, quam in dextro, expleret. Crassus præterea hic faccus erat, informis, interne politus, ac glutinosissima sanie repletus.

Deprehendebatur autem idem duos includere tumores; alterum suo in fundo prope uterum, ovalem, depressum, palmæ manus magnitudine parem, polita membrana vestitum, aut loculis simili glutinosa sanie refertis divisum; alterum in suo dextro latere, rotundum, rubrum, tuberosum, biennis pueri pugnum æquantem.

Cum Ovarium dextrum non inveniremus, alterutrum horum tumorum suspicabamur Ovarium esse, verosimilius autem eum, qui utero propior; idque ita contigisse, ut tuba primo Ovario extenso accrevisset, ac postmodum inferiora Ovarii præternaturaliter circumplexa, idem demum intra suum cavum locasset.

Atque hi quidem tumores ii erant, qui in cavo sacco prominebant: ceterum plures cernere erat, minores, majores, unum pugno majorem, intra
cras

crassam facci substantiam locatos, ob idque internam ejusdem externamque superficiem inæqualem admodum ac tuberosam efficientes. Erant & hi, haud secus, quam priores, sanioso glutine repleti.

Porro in Epigastrio erat facci fundus. Dixeram faccum replere cum dextrum sinistrumque hypogastrium, tum ventrem: non replebat tamen spatium anterius circa umbilicum, infraque eundem, spatium, inquam, illud, in quo venter quandam adparens acuminatus, gravitatem mentitus erat, ut relatum est. Erat igitur in spatio descripto alius peculiaris tumor, magno sacco anterius adnatus, capitis humani magnitudinem æquans, posterius planus, anterius protuberans, compositus quoque numerosissimis Hydatidibus, per sua latera mutuo accretis, hincque referens totidem separatos loculos, hic tenues, ibi densos, membranis tuberosos, omnes autem tenacissimo glutine, in alio fuscescente, in alio flavescente, alio iterum viridescente, repletos.

Jamque Peritonæum aliud spectaculum dabat. Concreverat siquidem id cum sacco magno, in toto ejusdem ambitu, quo contiguum illi erat; verum ita, ut Peritonæum esse crederet nemo nostrum. Etenim, & qua parte faccum magnum contingebat, & qua reliquum cingebat abdomen, & qua viscera abdominis includebat gerebat, ubique tubercula plurima, quæ in loculos divisa, eandem glutinosam materiem continere,

tinebant: eorundemque loculorum ope etiam Hydatidibus cum magno illo ac glomerato ad umbilicum tumore intime & commistum, confusum,prehendimus.

Vix Intestina cognovimus. Ea quippe, tam crassa, quam tenuia, adeo inter sese commista erant, adeo concreta & connata, ut primo intuitu nihil minus quam intestina referrent. Vera horum ratio erat quod Hydatides in universo Intestinorum ambitu, & in utraque Mesenterii, ac Mesocoli superficie excrevissent, inter sese coivissent, ob idque ita omnia intestina inter se mutuo adunassent, conglomerasent: contraxissentque, ut nihil intestinis simile referrent. Sed & Hydatidas easdem glutinosissimus ichor, sanies, ve, expleverat. Interea mirabamur vesicam urinariam loco locatam suo, ita ut a peritonæo suo in loco servata illa, vagina & sursum excrevisset, uti antea dictum, & deorsum relaxata esset, cum prolapsum formasset; suo tamen cum vesica nexu mansisset immobilis. Forte pondus incumbentis sacci impedivit vesicam sursum pergere, & vaginam sequi: dum e contrario in historia relata degenerascens testiculus dexter, recto intestino immoto, vesicam urinariam viri in cristam Ilei sinistri usque dimovisset, adeoque urethram elongasset.

Thoracis angusta valde capacitas. In dextra camera Gibbum Diaphragmatis distabat a summo jugulo digitis latis quatuor, quinque digitis

tis in sinistra. Pulmones nec mali, nec compacti, nec ullibi pleuræ, nisi versus jugulum, accreti. Cor in dextro ventriculo Polypum gerebat magnum, atque album, adscendentem in Arteriam Pulmonalem; in sinistro suo ventriculo duplo minorem, eumque cum alio, qui in Auricula, polypo, connatum.

Vasa Piæ Matris sanguine turgida. Ventriculi laterales, sive superiores cerebri, vix guttas lymphæ paucas gerebant; egregie licet distenti, magni, fornicati. Quid causæ, cur, ubi omnia in cranio tam plena, ut mox a compressionē externa ablata cerebrum excrescat in fungos, tamen vacuos toties a nobis repertos hos ventriculos non comprimant, non debeat, vis reliqua molis cerebri, sanguinisque appellentis? Cur in vacuis ventriculis Plexus Choroidæus non perpetuo aneurysmaticus, varicosus, hydaticus?

Si totam anatomen respiciamus, quid monstri Mortales sæpe sinu alunt suo! Quam frequens mutatio exiguæ tubæ Fallopiæ in massam enormem, ac prope incognitam! Sed causa, origoque, tot millenarum in quovis viscere, in quavis membranacea parte, Hydatidum, quæ assignanda demum? Confer cum hisce historiam Hydatidum in ventre feminae, *Tomo I.* Obscuram totam hanc Medicinæ partem esse sequentes confirmabunt Historiæ.

§. II. Eruditissimus Medicus, nosocomii Hispani
Tom. III. H

spanici vigilantissimus Physicus, *Hazenobyl*, ejusque solertissimus Assistent *Lascovitx*, 14. Febr. hujus anni, copiam mihi fecere hepatis hominis, pridie ibidem denati, una cum morbi historia.

Juvenis 24. annorum, tumido Epigastrio quidem toto, in medio autem ac dextro longe tumidiore, a quadriennio laboraverat. Impedimento id tamen non erat, quo minus Chirurgiam addisceret, jamque in Nosocomio Hispanico Assistentis Chirurgiæ munere fungeretur, donec 4. Febr. acute decumbere ceperit. Die febris quinto delirare cepit, inque nonum delirans, obiit.

Nihil lymphæ in tumido ventre, sed jecur monstrosæ molis, ac pluribus veluti scirrhis videbatur obsessum. Horum unum Vir præstantissimus cum suo Assistente aperuerat, cumque insoliti quid ibidem detegeret. Hepar cum reliquis tumoribus intactum ad me mittere decrevit. Igitur ille aperto isto tumore magno, in visceris hujus lobi dextri anteriore parte, utcumque versum lobum minorem sito, mox erumpentem, inque sese insilientem Lympham ad plures, ut putat, mensuras, (inopinato quippe in casu vas ad manum haud erat) stupens vidit. Elapsa autem Lympha, invenit membranam albam, crassam, multis in plagis diaphanam, excavatum in jecinore locum exacte quidem contingentem, verum nullibi adhærentem illi, cum eove connexam. Hanc loco re-

posi-

positam, una cum Hepate toto ad me misit.

Membranam dixi, quod, qua alia eam voce nominem, non habeo; verum quo sensu alias membranam vocamus, eo sane membrana vocanda non erat. Alba quidem crassaque erat; sed sive bono nudoque oculo, sive microscopio intuebaris, nullis omnino sive vasis sive fibris apparebat composita; ovi albumini ad latam patinam effuso, atque coagulato, quam simillima; lacerabilis ita, ac si cultro quis eam percidisset. Erat etiam lævis, politissimaque excavati jecoris superficies.

Jamque alterum eodem in lobo tumorem aperiens, deprehendi Hydatidas, non, ut in prioribus, quæ totum cavum exacte expleret, unicam, sed numerosas, libere fluctuantes, citra vel minimam alicubi adhæSIONem, citra ullius pedunculi vestigia, ejus molis inter sese differentiæ, ut minimæ vix lineam in diametro haberent, deinde crescente ordine majores pollicis essent, imò & sesquipollicis diametri.

Cavum tertium in lobo sinistro similes omnino Hydatidas gerebat.

Deinde quarto similes reperii non in cavo hepatis, sed in magno eoque oblongo corpore, quod ad lateris extremi sinistri lobi superiora accretum, figura Lienem referret, quodque tamen Lien non esset; eo quod is, in cadavere, separatus ab illo tumore, inventus fuisset. Aquam continuit cum omnis generis Hydatidibus.

Quintus locus erat a latere dextro prioris maximique cavi, hepar tam profunde excavans, ut pugnus in eo locari posset; isque non, quemadmodum omnes præcedentes, aqua limpida, verum amurca nigra, tactuque arenacea, repletus: membrana porro unica, explens totum cavum, hanc amurcam continebat, lacera hinc inde ac complicata, & ab aspera amurca adhærente valde indurata.

Pars dextra superiorque lobi dextri continebat *Sextum* cavum, priore majus, biloculare, crassa itidem ac pingui amurca plenum.

Vesicula fellea paucam quidem, attamen flavam bilem habuit. Pararuntne Hepatis non excavati portiones hanc bilem? An vera ipsius Cystidis felleæ parata fabrica fuit?

In altero, tertioque, ac quarto cavo, multas hydatidas contractas reperire fuit, unde forte aqua illa, in qua reliquæ integræ libere fluctuarunt. In quinto & sexto nulla aqua, sed amurca.

§. III. Scirrhum in Cancrum vergentem olim cum dexterrimo Chirurgo in *Hollandia* enucleaturus, obstupui, ablatis integumentis, inchoatoque enucleationis opere, tumorem subito frangi, effluente aqua copiosa, totam concidere mammam. Curato vulnere recrevit tumor, qui magnos excitans dolores, ablatus non fuit; femina, nescio a quo morbo, brevi extincta.

Contigit mihi idem *Viennæ*. Doctissimus Chirurgiæ

rurgiæ Professor Leber, egoque, certo statuebamus verum in Mamma scirrhum adesse, liberumque eundem, & enucleandum. Sub operatione constitit pugni magnitudinis Hydatida esse, quæ a circumcreta, compressuque indurata cellulositate inæquali, scirrho inæqualitatem referret. Habebat pellem externam albam crassam, lacerabilem, nihil omnino aut fibrosam, aut vasculosam, ea de causâ non fractam duntaxat, quantumvis debilem, quod ab integumentis & circumcreta indurataque cellulositate æqualiter premeretur. Præter Lympham, qua turgibat, continuit quatuor exiguas hydatidas, liberrimas, pedunculi vestigio omnino carentes.

§. IV. Glandulam Thyroidæam tumentem nonnulli *Austriacorum* habent, plus *Styri*, his magis, *Carinthe*, omnium autem minime *Tyrolenses*, amplissimæ salubrisque Provinciæ incolæ; quibus tamen ab Autoribus familiarissima dici solet: hos, inquam, omnium minime eidem obnoxios esse, bis beatam hanc provinciam peragratus, attentus in rem, expertus sum.

In cadavere horrendam mole Thyroidæam glandulam nactus, publice dissecai. Mecum Auditores mirabantur nullum fere genus tumorum dari, quin in hac sola Thyroidæa inveniretur. Hic enim Steatoma, ibi Atheroma, alio in loco Purulentus tumor, in alio Hydaticus, in alio erat coagulatus sanguinis, fluidus fere in alio, imo hinc glutine loculus plenus erat, ali-

bi calce cum sebo mista, &c. Hæc autem omnia in una eademque Thyroidæa glandula.

§. V. Anno 1757. in *Tomo I. Rat. Med.* varia exempla attuli similium tumorum, maxime in cadavere pueri decennis addidique ibidem quosdam similium tumorum plane incurabiles esse; alios curari quidem, sed redire; nonnullos vero perfecte curari, non redituros. Curabiliores profecto hydatricos tumores pronuntiabimus, cum fracta aut consumpta pellicula, resorberi lymphæ possit, & membrana hydatrica fundi, indurataque cellulositas inflammando, suppurandoque consumi. Sed & omnis forbilis materia, ut puta sanguis, ichor, pus, sanies, aqua, serum, cum sorberi a massa humorum possit, collabentes suos tumores exhibere sæpe debet. Unde hi vel sponte, vel post data remedia non raro evanescent, iterum, vel minime, redituri.

Uxori optimi *Morgagni*, *Epist.* 50. tumor nuci avellanæ par, forma, duritie, magnitudine, subito de nocte evanescit; redit; repente iterum disparet, non rediturus.

Et ejusd. *Epist.* n. 27. „ Ipsam vero glandulam, Febri nulla prævia, sensim intumesce-
 „ scere, & duram fieri, non secus, ac alias in
 „ collo subjectas, cum in strumas grandescunt,
 „ nimis omnibus notum est, quibus magnum
 „ plerumque negotium faceffunt, Medicis &
 „ Chirurgis. Nonnunquam tamen longe facili-
 „ us, quam sperari posset, resolvuntur. Sic in
 „ septenni

„ septenni Puella *Venetæ* Parotidem, memini
 „ duram factam, ac valde tumentem, nec sine
 „ dolore jam tangendam, omni quæ substite-
 „ rat, paulatim quidem, sed penitus, discussa,
 „ materie, ad naturæ modum rediisse, uno, ut
 „ vidi inunctionis ex *Oleo Philosophorum* auxi-
 „ lio.

Pergit ille porro: „ De Strumis autem *Va-*
 „ *lisnerium* nostrum audiui haud semel testan-
 „ tem, cum rustica mulier filiolarum ad ipsum
 „ adduxisset strumofam, ipse autem ut pauper-
 „ culæ & puellulæ, nihil nisi vinum tenue su-
 „ mendum imperasset, in quo insecta, quæ A-
 „ sellos vocant, essent macerata, mulierque ex
 „ iisdem vel plura, quam ipse dixerat, in vi-
 „ num semper iniecisset, plurimasque urinas sic
 „ movisset, exacto mense cum filia redisse, non
 „ sine sui admiratione persanata.

Idem *Morgagni Epist.* 50. a n. 31. ad 36.
 plura exempla habet durorum tumorum, a sola
 materie liquida eosdem extendente. Omnium
 vero notabilissimum *Epist.* 29. n. 12.

Similem & nos, hoc ipso ineunte anno, in
 nosocomio habuimus. Mulier quadragenaria,
 biennio antea enixa, suum primo infantem,
 deinde cum eodem & alium lactat. Visa ali-
 quantisper id ferre inculpate, demum medio
 Martio 1761. dolore lateris affici cepit, idque
 in æstatem usque. Ablactato tunc infante utro-
 que, venaque tusa, sensim quidem lateris dolo-
 rem abivisse aiebat, ambas vero mammas in

tumores duros, a se mutuo separatos, mammamque vehementer extendentes, ac valide demum dolentes, permutatas esse.

Consilium empiricum adplicandi ad dorsum Nucistæ folia, ea spe, fore ut inde mammæ emollescerent, scrupulose sequitur; ita ut trium septimanarum spatio, quinquies die, integrum horum foliorum manipulum dorso admoveat. Cessanti demum ab hac adplicatione, tumor in dorso observatur Avellanæ magnitudine, quo mole sensim aucto, dolentes tumidæque mammæ pedetentim minuebantur; dorlique tumore, binos viriles pugnos exsuperante, ita concidisse mammas, ut quæ torosas easdem, formosasque habere solebat, vix nunc earum exhibere nobis reliquias posset.

Pauperrima cum esset, & publicæ instructioni apta censeretur, a Viro Exp. & Practico felicissimo *J. Schreibers* ad nosocomium nostrum missa est, 9. Jan. hujus quem vivimus anni. Accesserat prioribus ærumnis, quod a 14. diebus singultu, tussi, ac meri cruoris sputo frequenter laboraret. Igitur capitis instar tumorem video, eumque a metastatica mammarum materie natum ratus, fluctuantemque in eo deprehendens materiem, pertundi curavi. Copioso pure cum sanguine effluente, vix imminuta apparebat tumoris moles. Plurima cellulositas semilacera indies magnis solvebatur laciniis, concidebatque sic demum tumor, ut sesquimensis spatio

spatio curaretur.

Quaestio est utrum sponte Naturæ facta sit materiæ ad dorsum transmigratio, an vi foliorum Nucistæ? Vis aromatica, ac proinde stimulans, his foliis inest: vim solventem, dissipantem, roborantem, legimus iisdem adscriptam esse. Et egregius *Fr. Hoffman* laudat oleum Nucistæ ut paregoricum; & *Essentiam Nucistæ*, cum ea *Croci*, & *Aqua Anhaltina*, pro linimento loci spasmo affecti.

Experimentis iteratis quaestio hæc determinanda est. Interim quod supra relatam, & a *Morgagni* observatum, denuo hic confirmatur: materiem liquidam duras reddentem tumidasque partes, posse vel integre, vel pro parte; ad tempus, vel perpetuo; deferere has partes, & vel novas sibi vias tumoresve formare, vel consuetis corporis viis eliminari.

§. VI. Anno 1744. ineunte, Vir procerus, eusarcos, tenebricosa nocte cadit de Promontorio *Delphensi* in flumen præceps, undaque ægre ereptus, & per summa frigora iter plurium, dierum, publicus Reipublicæ Nuntius, prosequutus, tumorem percepit in inguine lævo: quem, quod molestus non esset, celavit integro anni spatio. Anno 1745. inchoante, tumor pollices fere quatuor in majore diametro, duos in minore, habens, levem sinistri cruris cum stuporem creare, tum dolorem, cepit. Cumque jam prava, ut mox patebit, symptomata se jungerent, me cum binis Chirurgis

in confilium vocavit. Tumor ipse inveniebatur durus, inæqualis, indolens, sub expansione Aponeurotica obliqui externi musculi veluti ex Abdomine natus, ac partim fursum, partimque deorsum sese extendens. Attactu tumoris vix doluit homo, sed vagas imo in ventre anxietates (sic enim agebat) passus sæpius est, easque nocte adeo molestas, ut lectum relinquere pluries cogeretur: Alvus vix, nisi vi, mota unquam, urina parca, nausea frequens, vomitus sed parcus idem rarusque; una cum cruris sinistri cedemate. Ambigua primum Herniæ femoralis signa, ambigua deinde signa tumoris scirrhusæ prope duritie; tumoris qui longa radice intra pelvim productus, Intestinum Rectum, & Vesicam urinariam premere videbatur, animos nostros in varia auxilia frustra convertisse facile quisque per se videt. Levia denique animi deliquia, accessere quæ ægrum 25. die, ex quo affueram ipsi, sustulerunt.

In Cadavere invenimus tumorem illum intus cavum, plenum ichore, mucos, & puriformi quadam materia, ex inguine continuatum per sinistram pelvis partem, Rectumque inter ac Vesicam interponentem se; &, ut in inguine, ita quoque in pelvi, tumoribus cavis mucos, ichore, pure, repletis, constantem. Hydatides præterea duas in sinistro, eodemque admodum magno, Rene, alteram diametri semipollicis, alteram pollicis integri, ambas autem non ad
Renem

Renem, sed intra ipsius magni Renis corticalem substantiam reconditas. Cætera omnia in corpore bona.

Igitur terror, violentia præcipitis casus, frigusque & tunc, & in itinere deinceps perceptum, Hydatidas in Peritonæo generarunt, quæ sensim durioribus callosisque involucris instructæ, nervos & inguinalia vasa, intestinum rectum, vesicam, suis in functionibus turbarunt, quæque, lege consueta, anxietates, nauseas, vomitus, vigilias, leipothymias, ipsamque mortem, demum genuerunt.

Multis igitur observationibus sic collectis atque enarratis, operæ pretium fore videtur in naturam tumorum Cysticorum, præprimis autem Hydatidum, pathologice inquirere.

§. VII. De Hydatidum, non quo sensu *Hippocrates* veterumque plures, sed quo nos eas intelligimus, origine, fabrica, progressu, fuit dudum ab Anatomicis, Medicisque disceptatum; certi tamen quid nunquam adhuc prolatum. Scripsere de Hydatide in *Sepulcreti* Tom. II. *Spigelius*, *Tb. Bartholinus*, *Diemerbroeck*, *Et-muller*: in *Actis Acad. Reg. Sc. Paris*. Viri egregii *Malœt*, & *Morand*; in *Actis Edimb.* egregius *Monroo*, *Comment. Literalia Norimbergensia*; & sparsim plures, ut *Warthon*, peculiari tractatu *Bidloo*, *Hofmannus* quoque, & egregius *Boerhaave* in *Epist. de Glandulis ad Ruischium*, ut etiam dissertatione peculiari doctissimus *Grashuis*: præterquam quod nonnulli Græ-

Græcorum Medicinæ parentum earundem memin-
nerint.

Collectis horum omnium sententiis, fuere Imo, qui a degenerascentibus ipsis glandulis Hydatidum deduxerint originem. Non sufficienter hæc sententia experimentis fulcitur. Dum in glandulosa fabrica humor contentus est, degenerem fabricam glandulæ detegimus, & in cadavere maxime: in plerisque autem Hydatidibus, quarum data historia a nobis fuit, nihil similis fabricæ detectum est, imo prorsus contrarium. Id porro huic sententiæ concedemus, quod glandulæ sæpius inventæ fuerunt a materia aquosa, ichorosa, sanguinea, purulenta, saniosa, distentæ, atque induratæ, haud vero id, quod omnis tumor, quem aqua, aliusve enarratorum humorum implet distenditque, glandula sit.

II^{da} Sententia illorum est, qui nasci hydatidas in vasis Lymphaticis credant sicque generari, ut tale vas inter singulas quasque, quibus scatet, valvulas, in globum extendatur; dum nempe ab obstaculo quocumque Lympha opposito motu remeat, sicque ipsa sibi viam claudit. Censeo hoc modo non nisi unicam posse Hydatidem nasci, & non ingentes illos, sive Hydatidum racemos, quales uterus non raro format, emittitque, sive innumeras illas solitarias Hydatidas. Etenim reflua contrario sensu Lympha, dum unam erigit valvulam, simul sibi viam ad reliquas valvulas præcludit.

III^{ta} Sententia vermes ad Hydatidas fabricandas

candas necessarios credit. Verminosa Pathologia, luxuriantis ingenii fætus, hypothefibus innume-
ris nixa, probata nunquam, nisi paucis experi-
mentis, quæ, ut recte monet *Morgagni*, ad ca-
sus peculiare, haud vero ad universam Patho-
logiam spectent; hæc inquam toties resuscitata,
& sponte corruens, etiam hic ejusmodi sortem
nacta est, ut fere nemo posthac fuerit, qui hy-
pothesin hanc, de origine Hydatidum ab uno,
alterove aut fictam, ut resuscitatam, tueri au-
sus fuerit.

IV^{ta} Sententia fert valvulas Lymphaticorum
vasorum, dum Lympha contrario nisu per illa
fluere cogitur, impleri ab eadem, & turgere :
Lympham hanc stagnantem lentiores, tenacio-
resque partes, a suo centro ad circumferentiam
pellere; nasci sic membranam externam illam :
præterea ab intestino motu ejusdem Lymphæ,
in hoc semel formato cavo, produci, a loco
quopiam, ceu centro, quemdam motum, qui
motus, dum ab illo, ceu centro, ducit crassio-
ra, simul ad aliquam ab illo centro distantiam
format novam rotundamque pellem; adeoque
sic rationem se dare credunt Hydatidum mino-
rum, in majore libere fluctuantium.

Ingeniose sane hi: utinam tam vere! Ac pri-
mo quidem tria, quatuorve, simul supponunt,
absque ullo argumento, quo vel unum supposi-
tum firment. Deinde Hydatidas credunt inter
quasque Lymphaticorum vasorum valvulas, eo,
quo explicuere modo, formari. Ergo haberent
sem.

semper degenerascentem membranam, in eaque fibras, valaque, pro extremo involucro. Cur ergo toties & libere fluctuantes Hydatidas, & Hydatidas majores, in quibus cæteræ innatent, invenimus haud alio involucro donatas, quam illi simili, quod a coagulante se ovi albumine, album, scissile, minime vasculosum, fibrosumve, formatur? Si hoc pro se assumserint, afferuerintque id inde probari, quod supra de generatione mira involucrorum Hydatidum dixerant, unicum modo, quod regeram, habeo. Demus paulisper illis hanc involucris nativitatem; vel ipsum vas lymphaticum, in quo hydatidis eo modo formatur, constanti lege involucrum hydaticum circumdabit; vel hydatidis formata findet suum vas lymphaticum, & cadet: Si hoc ultimum statuunt, rogo 1. cur nunquam ibidem, ubi hydatides in viscere excavato invenimus, simul invenimus, vasorum Lymphaticorum, præternaturaliter & extensorum, & diffractorum, exuvias? reliquias? vestigia aliqua? Rogo 2. si hydatidis frangendo vas suum lymphaticum se liberat, quomodo demum millenos hydatidum explicabunt racemos? Et tandem quod ad 2. sententiam dixi, id hic convenit: si a retrogrado Lymphæ motu, pressaque valvula hydatidis fit, non fiet unquam in toto illo vase nisi unica: via ad cæteras valvulas præclusa, erecta una.

V^{ta} Sententia, ob ineluctabiles priorum Sententiarum difficultates, in cellulis membranæ
adi-

adiposæ aut cellulosæ hydatidum ponit originem. Et graves quidem in arte Viri hanc sententiam amplectuntur. Tum quod cellulositas major minorve ubique reperiatur, ubi inventæ hydatides. Tum quod videantur in cellulosa substantia nonnunquam cellulæ, quarum aliæ pus, aliæ aquam, aliæ sebum, gelatum, &c. gerunt, sicque hydatidum intellectum facilitare videntur. Tum denique, quod cellulæ adiposæ videantur habere in sese minores cellulas, ac veluti sepimenta, ad explicandas hydatidas, in hydatide inventas, apta nata.

Verum & maximis hæc sententia est implicita difficultatibus. Sumamus generata in hac membrana Hordeola dicta, sumamus Atheromata, Steatomata, Melicerides, &c. an unquam quis vidit involucra horum, quemadmodum ea, quæ descripsi, Hydatidum, cocto albumini ovi similia colore, consistentia, crassitie, dilacerabilitate facili & abrupta?

Quamvis igitur a sex mille ferme annis occasiones videndi Hydatidas mortales habuerint; & quidem primo in pecore, quod ab origine mundi Deo offerendum, primo, num quid morbofi non haberet, lustrandum esset, deinde tum in pecore ad usus philosophicos adhibito; tum in hominibus, qui vel ad durabilem condituram post mortem præparabantur, vel ad usus anatomicos, pathologicosque lustrabantur: quamvis, inquam, gens humana per numerosa adeo sæcula Hydatidas frequentissimas viderit, nihil tamen

tamen certi, quam certas observationes, habet; meliusque, quid non sint, quam quid sint, docere potest. Ita ut in theoretica contemplatione Hydatidum nos doctiores non reperiamus, quam ante mille pluresque præterea centenos annos se fatebatur *Aretæus Cappadox Lib. 2. de caus. diut. morb. Cap. 1.* ubi historia Hydatidum in abdomine repertarum relata. „ Unde, „ inquit, id genus vesiculæ eruperint, via haud „ facile reperitur - - - & qualis sit ipsarum „ generationis modus, quid dicam, nihil certi „ habeo.

§. VIII. Nihilominus ea quæ certa observando novimus, hæc Pathologicos in usus nos multa docent.

Ac primo quidem Hydatidas plerumque ab ejusmodi continente materia formari, quæ ni undique partibus sive solidis, sive fluidis, sulcitur, æqualiter, dissiliret, contentumque effunderet humorem.

2^{do} Generari sic in corpore humano corpora organica morbosa, quæ sive fibrosæ, sive vasculosæ naturæ, ne vel minimam quidem umbram habent. Bis modo *Morgagni* vasa videre sibi visus est; raro & in paucis, vasa detexi ego: in centenis millenisque nulla vidi. Vicina celulositas degenerascens, atque adhærens, impondere potest, ut falso habeatur pro vero Hydatidis involucro.

3^{tio} Non semper pellucidam in hydatide inveniri materiem, sed quoque haud raro glutinosam,

sam, vix fluidam, vix ductilem, deinde ichorosam, saniosam, purulentam, imo terrestrem, ut continentem suam tunicam incrustet, induret; colore denique albam aut flavam, aut fuscam, aut plane viridem, aut etiam nigram.

4^{to} Hydatidas vel racematim inter sese, divisim tamen, cohærere, pedunculo pendulas, haud raro oblongas, atque pyriformes, vel solitarias, liberâsque hærentes, sive in majori Hydatide in viscere aliquo, sive in cavo abdominis; vel denique complures Hydatidas mutuis concrecere lateribus, ut favo apum, quam Hydatibus, similiores sint.

5^{to} Inertem bullam aquosam, levi digiti tactu destruendam, ejus esse potentiae, ut crescendo, a sese removeat compactam viscerum massam, & quidem duram adeo, ut illa Hepatitis est. An pro dilatatrice causa necessariam fingemus animam, quemadmodum eam necessariam esse, ut uterus, ovulo in eodem hærente, distendatur, *Stablianorum* quibusdum placuit? Utique nostrò in casu petulans hæc anima condemnanda valde, & castiganda foret. Sufficiat nobis observata physica alia haberi, quæ a *Mariotte*, *Boerhaave*, *S' Gravezande*, *Musschenbroek*, exculta, a nonnullis vero male intellecta, pejorque adplicata, egregiam suppeditent hujus phænomeni explicationem.

6^{to} Nullam omnino nostrò in corpore partem, plagamve dari, quæ ab hoc morbo immunis præstari queat. In Utero, in Ovario,

in Tuba, in Intestinis, in Hepate, in Renibus, in Peritonæo, in Omento, in Pulmonibus, in Plexu Choroideo, in Mammis, in Genu, in Glandula thyroïdæa, in Glandulis colli, vidi ipse: in longe numerosioribus partibus, imo in ipsa cordis substantia, optimus vidit *Morgagni*:

7^{mo} Non modo in partibus cæterum naturaliter constitutis, verum etiam ita degenerascentibus, ut monstra potius, quam partem corporis referant, Hydatidas inveniri, ut abunde docuit hujus capituli §. I.

8. Sponte sæpe easdem rumpi, ruptasque demum in viscerum superficie cicatricem adeo naturalem relinquere, ut quisque facile juraret vulnere olim ibidem inflicto natam hanc cicatricem esse: quemadmodum in cadaveribus rem invenit *Morgagni*. Unde serio animadvertit in Medicos & chirurgos, qui, inventa cicatricula, publice testati sint cor gravi vulnere quondam laborasse, aut Uterum, aut Jecur, &c. Hinc prudentiæ esse, si quis simile quidpiam in *contenta* parte deprehendat, ut simul cicatricis vestigia quærat in parte *continente*, antequam contentam illam partem vulnere quondam affectam fuisse asseveret.

9. Cum similitudo tantâ sit inter Hydatidas, Atheromata, Steatomata, Scirrhos, & Cancros, tum quod durities sæpe æqualis sit; tum quod degenerascentis cellulositatis inæqualitate & duritiæ tumores duros & inæquales, & asperos refe-

referat, qui tamen minime scirrhusi sint; tum denique quod tumor quicumque, premendo nervos, dolores excitet: hinc ab una parte prudenter & caute procedendum esse in definienda, determinandaque natura tumoris, ab altera parte nihil certius esse, quam quod vel errantem nostram vel dubiam sententiam, dies corrigat vivo adhuc homine, qui tumorem habet, aut denato saltem.

10. Hydropas, cum multis hydatidibus junctos, si ex casuum, morte alias detectorum, similitudine, suspicamur adesse, nec remediis internis, nec paracentesi, curabiles esse; excepto forte uno alterove, qui narratur, casu: hinc cum vitalis indicatio præprimis hic urgeat, cavendum esse a remediis drasticis, ne vires concidant, & evacuantibus paucis, maximeque regimine roborante, vitam quodad ejus fieri possit, protrahendam esse. Hinc forte haud penitus ineptam hanc regulam esse: „Is Hydrops omnium maxime curabilis est, qui omnibus suis „signis manifestus ab *Hippocrate Libro 2. Prorethetico*, Edit. Foes pag. 89., describitur: signis, inquam, perfectæ atque illibatæ sanitatis, excepto solo Hydrope. Novi equidem durum, quinimo ridiculum nonnullis videri *Hippocratem*, sibi tot illæsas functiones reservantem, ad bonam formandam in Hydrope prognosin, utrari profecto dentur, de quibus bene augurari liceret, Hydropici: neque me latet vel ideo pluribus *Hippocratem* vituperari, quod ipsi horum

complures vel tuto, jucunde, brevique, vel etiam nonnullos laboriose, ab hoc morbo restituerint, quibus vix media affuisset pars earum, quas requisiverat Cōs, conditionum: novi, inquam, hæc omnia; nihilominus velint, nolintque illi, tandem mecum fateantur necesse est, nunquam fere turpius auguria ab eventu derideri, quam in Hydrope: adeoque nihil eo esse certius, quam Hydropicos eo esse curabiliores, quo pluribus functionibus gaudeant illibatis; & vice versa, eosdem eo plus subire discriminis, quo illarum plures læsas habeant. Atque hoc totum, hoc unicum, quod magnus sibi voluerit *Hippocrates*. Quapropter si Hydrops hominem multum lædat; si neque remediis, neque auxilio paracenteseos obaudiat; si redeat, curatus quantumvis visus; si post punctiōem æger ventrem tumidulum servet, idque maxime inæqualiter; si vires haud constanter emendentur; &c. justus Medicorum metus est, ne palliativa tota fuerit, quæ facta sit, cura; ne viscera sive valdopere, sive irreparabiliter, obstructa, indurata, scirrhusave sint; ne faccati tumores, ne præprimis legio adsit Hydatidum. Cumque in his omnibus aut magnum in curando laborem in nonnullis, aut curam absolutam in pluribus nullam, Medici experiantur, jure utique merito *Hippocrates*, quo fausta caneret, tot requisivit conditiones.

Proderit profecto hæc nobis observatio, ut haud illos imitemur, qui continuo in Hydrope

pe pertinaciorē nihil non tentantes, debiles aliunde ægrorum vires ultra projiciant, atque eosdem, ut ita dicam, ante fata necent; sed meliora ab Hippocrate, Virisque Hippocraticis, edocti, eam in dandis, applicandisque auxiliis prudentiam adhibeamus, qua viribus, præprimisque Vitalibus, religiosissime parcamus.

CAPUT VI.

De Intestino in Inguine perforato, & Excrementis inde foras expulsis.

§. I. *Vulnera aut Sphaceli Intestinorum tam simplicia, quam cum jactura substantiæ, sæpe lethalia, non raro curabilia, sive cum labefacta deinceps sanitate, sive cum eadem præterpropter integra. Casus enarratur feminae, quæ inflammatione, dein Sphacelo Inguinis laborans, omnia Ilei morbi symptomata patitur; apertoque deinde Inguine feces, ac semicocta alimenta, inde emisit. Circa trihorium a comestione elapsum, solidiora alimenta colore ac consistentia sua ad ulcus manifestant se. Ipsum intestinum Ileum apertum esse vero simile est. Demonstratur Ileum ad magnam a Colo distantiam stercora gerere, ita quidem, ut libram Mercurii vivi, pridie epoti, stercorum sustineat obstaculo. Vis valvulae Tulpianæ*

aboletur nonnunquam sic, ut stercora & clysmata ore expellantur, & ut nihilominus in vivis maneat homo, integreque convalescat. *Diagnosis morbi. Prognosis sequitur; sed ad eandem formandam Hippocrates consulitur; Ad Hippocratis sententiam examinandam, in opem vocatur experientia Medicorum. §. II. Unde primum referuntur ex Vatero tres casus, quorum unum Coli, duos Ilei esse, suspicio est, integra tribus redeunte sanitate. §. III. Deinde casus Falchii apud Juch in Colo obtinens, cum curatione imperfecta. §. IV. Malavallus binos refert casus, alterum affecti intestini tenuis, alterum crassi, cum perfecta cura: meminitque audacis Agyrtæ, ad faciliorem herniæ introductionem intestina incidentis. §. V. Seidelius a Schenckio laudatur, ut morbi similis, Ileum forte occupantis, curam integram referens. §. VI. Ramdohr apud Heisterum hominem integre curat, latam portionem Gangrenosi Intestini abscindendo, & abscissas utrimque oras ad se mutuo adducendo, uniendoque. §. VII. Albini miles 20. annis a vulnerato Colo elapsis, apertum id in Epigastrio sinistro exhibet. §. VIII. Idemque monstrat miles Bouchardi, tertio anno a suscepto vulnere. §. IX. Kalschmidii homo a gangræna Ilei curatur cum ano adscititia. §. X. Notabilis per omnia casus Pfaffii, cum integra cura, quamvis Ileum variis vicibus pessime affectum visum. §. XI. Maichanquez singulari arte curat Ilei vul-*

vulnus. §. XII. Mangetus integram curam describit Intestini sclopeti maj. ris globo perfossi.

§. XIII. Idem N. G. referunt a globis.

tribus. §. XIV. Mangetus narrat ex Ileo hernioso, pro Bubonocèle aperto, alterum periisse, alterum integre curatum fuisse. §. XV.

Wagnerus. quadruplicem curam refert. Ileo intestino in 2. vel 3. vulnerato viso. §. XVI.

Spöring similiter §. XVII. In Acad. Reg. Sc.

Par. integra cura fit, partim excisso, partim a natura separato Intestino tenui, ad octo

latos digitos. §. XVIII. Mira historia separatæ magnæ Coli portionis, valetudine integra suc-

cedente, Autore Magnifico Kestler. §. XIX.

Ex neglecta Hernia inguinali perforatio, & transsudatio fecalis, vita salva, sed imperfecta. §. XX.

Modus exponitur, quo ejusmodi aperture solent in inguine nasci. §. XXI.

Dilata hucusque prognosis ægræ nostræ tandem fit, & Hippocrates vindicatur. §. XXII.

Indicatio, & cura. §. XXIII. Mira circa

tussim. §. XXIV. Multi ægri in Nosocomio pinguescunt.

§. I **V**ulnera Intestinorum simplicia persæpe lethalia esse, certissimis constat omnium sæculorum testimoniis: at vero eadem hæc, simplicia non modo, verum etiam cum notabiliore eorundem portionis jactura, sive integre curabilia esse, sive cum labefactata plus minus sanitate, experimentis comperimus.

Latus differenti se hic nobis aperit, spatiosusque campus! Porro ut commode atque utiliter spatiemur, duce utamur notabili casu, quem nostrum nobis nosocomium suppeditavit.

Femina 37. annorum, rarioribus, hisque levioribus, hysteriis passionibus exceptis, illibata valetudine perpetuo usa, beato partu ter felix, & a quinquennio, ex quo non peperit, rite menstruans, secundo die Februarii, ultimo elapsi, enarrando nunc morbo corripitur.

Scilicet sana surrexit, elapsa autem una alterave hora subito Hypogastrii dolore corripitur; cujus causam errore quopiam se posuisse negat: neque enim suillas carnes, pridie moderate captas, una, cum sale conditis rapis, edulii genus utique haud insuetum sibi, tanti causam doloris credere se posse. Dolori se calor junxit, clausaque integro quatruiduo alvus. Quarto morbi die vomitus, isque assumentorum, accessit. Vocatus tunc demum Medicus, venam illico jubet in pede tundi, potumque purgantem, tribus vicibus exauriendum, præscripsit: at vero hunc revomuit actutum; moxque dein stercorea vomuit. Interim cum tempus menstruum adesset, menses suos solitis suis sex diebus hoc tempore passa est.

Vomitum stercoris detestabilem, tum ore percepit continuo ægra, tum horruit in excipulo sæpius evacuando maritus. Porro nunc primum advertit parvum inguinis dextri tumorem.

Febr.

Febr. 8. alvus pauca, exhibito pulvere, successit; & bis iterum secta vena auctus in inguine tumor est, quem herniam esse Medicus censet. Vocati autem duo Balneatores herniam esse negant, sed alius, incerti scilicet, generis, tumorem declarantes, emolliens cataplasma, sæpe renovandum, suadent.

Cum a secundo cataplasmate, nimium calente, inguen veluti ureretur, credit in pejus actum cum tumore esse. Saltem pergentibus cunctis symptomatibus, ipsoque vomitu stercoreo, tumor inguinis 14. Febr. nocte ruptus est, fuditque primo oleum lini, quod enemate injectum ad unc. iv. fuerat, deinde materiem foetore stercoream. Atque ab hoc tempore vomitus penitus cessavit. Conati sunt injectis enematibus materiem tam stercoream, quam semicoctam, alimentosamque, ad alvum determinare, sed incasso sæpe labore. Tandem 25. Febr. alvus sponte prodiit, quemadmodum & 26. & 28. Febr..

Hucusque res, me incio, perrexerat, quando egregius Medicus *Schrebeirs* miserrimam hanc primum invisens, ejusdemque misertus, tum & de publica Studioforum utilitate sollicitus, me convenerit, num intra nosocomium suscipere illam vellem, proponens? Extemplo afferendam jussi; ita ut 28. Febr. ante vespertas allatam jam examinarem, deprehenderemque viribus ac pulsu debilem, cætera bene valentem & appetitu gaudentem. Aderantque ad vulneris labia ci-
bi

bi semicocti. Digiti porro a vulnere spatio, vulvam versus, aliud vulnus detego, quod ipsa mulier ignorabat adesse. Explorando detego hoc vulnus sub musculis communicare cum vulnere primario, haud vero in cavum se penetrare abdominis: vulnus autem primarium, externe pollicis latitudine, oblongum, sensim brevius angustiusque, in cavum Intestini penetrare; stylumque ab ejusdem externo latere, longitudine digiti, & ultra, ad extremam ossis Ilei cristam pergere, ita ut inter expansionem tendineam, & peritonæum fistula ibidem formata esset.

Vidimus 1. Martii trihorio postquam jus cum farinaceis coctum comedisset, totam vulneris aperturam oppletam his farinaceis; ita tamen, ut pars hæc esset assumptorum exigua, & alvus prodiret naturalis, bene compacta, fecalis, colore utcumque grisea.

2. Martii dura copiosaque alvus. Quæ brevi post undecimam comesta Brassica fuerat, in vulnere primum adparuit ad horam pomeridianam secundam. Ita & Radices Dauci 3. Martii. Defuit hoc die alvus. Ad 4. Martii immissum enema, incredibilem produxit copiam fecum, colore griseum, partim pultis instar, partim ingentes compactam in massas. Martii 5. & 7. alvus nulla. Ad 6. & 8. clysmia immissa eduxit copiosam.

Brassicam, & Daucum, & Farinacea juri incocta, vidimus intra trihorium ad vulnus adparere, nunquam autem maturius, quantumvis
fæ.

fæpius vulnus intra id tempus detegeremus. Dubitamus tamen aliquando an non nonnihil prius? Dubio eximendus dedi ipsi ruberrime tingentem misturam; verum nihil inde ad vulnus. An quod saliva, succis gastrico & enterico, jure carniū, epota aqua, diluta nimis? Hinc alio die post Brassicam dedi elixa Cerasa. Verum & hoc die exacto fere trihorio, non prius, primum Brassica, & elapso præter propter ab assumptione quadrihorio, una cum Brassica exuviæ Cerasorum. Sex ab assumptione elapsis horis denuo pelles Cerasorum.

Quærebatur nunc, quodnam Intestinum vulneratum esset? Tenuene, an Crassum? Ab una parte, Colum perforatum esse excrementa suadebant, quæ a principio de vulnere copiosa, parciore dein, prodierant: suadebat præterea olei lini; in anum injecti, per inguen elapsus.

Verum ab altera parte, brevè illud trihorii tempus, quo assumpta in vulnere comparebant, Ileum penetratum esse videbatur innuere. Obijci potest continua ad vulnus irritatione, eademque forsitan per Intestinorum tractum continuata, res deglutitas veluti sollicitari, quo maturius descenderent. Respondeo me negare minime ab irritamento hoc deglutita citius forte ad hunc locum adparere, adeoque me nihil inde ad physiologiam in sano corpore concludere: sed simul adverto præter celeritatem, etiam deglutitorum immutatam naturam Ilei vulnus potius indicare, idque a Bauhiniana Valvula remotius:

præ-

præsertim quod ea, quæ alvo reddebantur, bene cocta essent. Etenim demonstravi Tomo I. nonnunquam Intestinum Ileum, ad 2. ad 3. imo fere ad 4. pedum a valvula Coli distantiam, fæcalem colligere materiem. Igitur non repugnat vomitui stercoreo probabilis alias Ilei perforatio: potuit enim is ex materia in Ileo contenta exortus fuisse. Similisque omnino nostra doctissimi *Kalschmidii* ægroto esse videtur, qui in 15. diem Ilei morbi symptomata passus, demum periit, atque a morte exhibuit Intestinum Ileum, ulnæ a Colo distantia, stercore repletum, sic quidem, ut integram Mercurii vivi libram, pridie haustam, exacte sustineret.

Si quis opponat verosimile non videri, ut nostræ feminae in casu, quæ fæcalis materies in Ileo adfuisse supponitur, copiosum vomitum stercoreum per integros novem dies continuasset; tum quod stercoris in Ileo præsentia rarior sit, tum quod inveniatur, si adsit, parcius: respondeo primo ad casum præsentem exponendum sufficere, ut ejusmodi materies nonnunquam in Ileo adsit; secundo ignorare nos quamnam fæcum copiam Ileum quandoque possit continere. Inveni aliquoties scybala pauca, alia vice stercus liquidum copiosius: *Kalschmidius* vero ad ulnæ a colo distantiam ulque repletum Ileum; quæ profecto quantitas vomitum fæcalem pluribus continuare diebus posset.

Sed contra; si cum quantitate & diuturnitate

e vomitus stercoracei, jungamus olei lini, enenmate injecti, per vulnus exitum, videmur vix posse, nisi in Colo, vulnus locare.

Imo videmur posse. Demonstravi enim Tom. I. in morbis Iliacis Coli valvulam enormi Intestini dilatatione sic aboleri, ut vix reliquias sui superstites exhibeat; quemadmodum in conservatis Tympanitici intestinis sæpe soleo Medicinæ Studiosis demonstrare. Hinc si habeamus exempla deletæ ita valvulæ, ut e Colo patula in Ileum via sit; si deinde habeamus exempla restitutæ sanitatis etiam post certissimum argumentum deletæ vis valvulæ, quemadmodum historia pueri *Tomo I.* suppeditat, nulla est in casu præsentis explicando difficultas, si statuamus inchoante morbo viam hanc præternaturaliter patulam fuisse, per eandemque oleum lini vulnere effluxisse.

DIAGNOSIS proinde patet. Inflammatio valida Intestini Ilei, Peritonæi, Aponeuroseos musculorum obliqui interni, obliqui externi, forsitan etiam transversalis, pessimum Ileum genuit; Inflammatione autem in sphaeelum versa, portio intestini Ilei, Peritonæi, Aponeuroseos, Integumentorum, corrupta excidit, reliquitque hoc foramen.

Dubia PROGNOSIS, imo valde prava; tum propter gravissimam in Medicina auctoritatem, tum propter evidentissimam experientiam.

Ac primum quidem magni *Hippocratis* auctoritas prognosin admodum pravam dare jubet.

Sed

Sed mitigant hanc Autores quàm plurimi, eosque inter haud pauci, qui *Hippocratem* hic, si ullibi, infimulent falsi. Neque defendam *Hippocratem* ego, neque condemnabo, Historia medica candide tradita num forsitan quod in Illo obscurum, quod dubium, quod contrarium, adparet, illustratura sit, legitimumque conversura in sensum, sequentia docebunt.

Hippocratis igitur *Aphorismus* 18. & 21. Sect. 6. sic habet: „ Cui perfecta est Vesica, aut Cerebrum, aut Cor, aut Septum transversum, aut aliquod ex Intestinis tenuibus, aut „ Ventriculus, aut Hepar, lethale. Si ex Intestinis tenuibus aliquod dissectum fuerit, non coalescit.

Lindenianam interpretationem sequutus, monendum habeo, *Perfectionem*, Διακοπήν hic *Hippocrati* significare, interprete in hunc locum *Galeno*, Intestini tenuis magnum vulnus, id ad extrema usque dividens, abscindens, integram ejusdem continuitatis solutionem faciens, ἐς τὸ πέρας, ad extremum usque: & quemadmodum *Philothæus*, autor, ut *Lindanus* censet, secundæ sæculi, in Comm. ad hunc locum, δι' ἀβύθου τομήν, sectionem ad profunda, aut per fundum, penetrantem. 2. Θανατῶδες, & θανάσιμον, haud innuere semper absolutam morbi, vulnerique, lethalitatem, sed etiam non raro eorum aut pravitatem, aut majus minusve periculum. Confer *Aph.* 4. N. 16. cum 5. N. 1. & 4. & 2. N. 2. cum 4. N. 67. Cui lubet multos Apho-

Aphorismos conferre cum variis *Coacarum*, *Prorrheticorum*, *Epidemicorum*, aliorumque *Hippocratis* operum textibus, is de eo, quod hic assero, brevi convincetur.

Ne longus sim, ob idque tædiosus, referendis iis, quæ multi Interpretes; alios alii transcribentes, in hos textus commentati sunt, facta producam duntaxat, quæ Prognosin longe firmiorem formabunt, quam omnia alia opinionum commenta; quæque forsan veritatem, *Hippocratis* stantem a parte, demonstrabunt. Nec referam, quippe ad rem nihil facientes, quæ multiplices enarrantur, *Cultrivororum*, *Insectivororum*que historias; cum suspecta sit fides multarum: uti neque casus illos, qui numerosi & apud Autores extant, & quotidiana experientia confirmantur, mortis post vulnerata intestina, maxime tenuia, observatæ; siquidem id genus vulnera periculi plena esse apud omnes in confesso est.

§. II. *Eximius Vaterus*, merito ab incomparabili *Morgagni* in hanc rem laudatus, refert 28. annorum hominem, qui & multa sæpe devorasset, & æstuante corpore gelidam bibere copiosam solitus esset, inguinis tumorem advertisse, quem Medicus & Chirurgus Herniam rati, Brachierio atque Emplastris curare anniterentur. Aucto cum pessimis Ilei symptomatibus tumore, *Vaterus*, in opem vocatus, abscessum deprehendit, qui, adhibitis biduo maturantibus, ruptus, primo copiosum pus ingenti cum levamine

mine fudit, sequentibus vero diebus cubitum longos lumbricos, & semicocta alimenta. Spem tamen haud abiciens *Vaterus*, datis remediis traumaticis, balsamicis, ac roborantibus, vidit demum hominem integræ redditum, constantique sanitati.

Ob rationes antea datas Intestinum Ileam apertum fuisse fit verisimile: *Vaterus* integre a se curatam mulierem, cui Colon in inguine apertum esse arbitrabatur: itidem sanatum virum a se fuisse, cui Hernia suppurata, extrorsumque rupta esset.

§. III. In Dissertatione, qua *C. Juch* hæc *Vateri* observationes propugnavit, observatio ex *Cl. Faschio* habetur hominis, qui, in Bubonocèle sphacelata, excrementa alvina, una cum intestini Coli portione, per inguen excrevit, in vivisque, licet imperfectius mansit. An cum ano factitia?

§. IV. Dissertationum inauguralium de Chirurgia, a solertissimo *Hallero* collectarum, Tomo V. ea *Adriani Malaval* ob binos est memoranda casus.

I. Femina in Bubonocèles operatione, Intestinum tenue de Gangræna suspectum, vino, ejusque spiritu, calefactis irroratur, reponitur. Primo sedantur, tandem silent prorsum prava quæque symptomata, proditque alvus. Decimo vero die, inguine rupto, exeunt continuis 6. vel 7. septimanis excrementa. Attamen consolidatum vulnus est, postque menses binos sat firma restituta valetudo.

2 Mulieri in eadem operatione, eodem cum felici in principio eventu, rumpitur ad 7. diem Intestinum foras, & continuis 15. diebus ster- cora fudit. Die 20. alvus prodiit, & *Obtundi* spatio consolidata apertura sanitatem optimam adduxit. Cum nulla ante diem 20. alvus, totoque illo tempore excrementa inguine proflua, perforatum videtur Colon fuisse.

Ad confirmandam ejusmodi vulneris lethali- tatis negationem, herniaria methodus cujusquam *Circulatoris* enarratur, qua ille ad faciliorem Intestini elapsi introductionem, illud larga inci- sione aperire solebat,

§. V. Affertur etiam ex *Schenckii* libro ter- tio *Seidelius*, feminam produens, quæ octavo tumoris inguinalis die primum potum, idque intra *horæ spatium* ab eodem assumpto; deinde etiam portiones carniū, ac panis, aliasque alimenti solidioris reliquias, aperto de inguine misit: assumtis autem medicamentis adstringen- tibus, consolidantibusque, nec non adhibitis vulnere Sarcoticis primo cibos, tandem & po- tus, retinuit, *sexque hebdomadum spatio* elapso penitus consolidata apertura, convaluit. *Ileum* penetratum fuisse videtur.

§. VI. Celeberrimus *Heisterus*, ut rem cer- tissimam, narrat in Chirurgiæ Cap. 116. *Guel- pheryti* contigisse, ut in incarcerata Hernia Chi- rurgus Ducalis *Ramdobr* partem notabilem Gan- grænosi Intestini excinderet, utraque extrema ad se adduceret, quo exciperent se mutuo, ea-

que tunc leviter circumligaret : effectum hinc, ut bina hæc extrema coirent, alvusque deinceps naturaliter semper flueret.

§. VII. Celeberrimi ac nobilissimi *Albini* miles, *Adn. Acad. Lib. 2.* cui *Colon* in prælio *Ramelienfi* vulneratum, mansit quidem vivus, verum elapsis deinceps 20. annis *Albino* adhuc ostendit in sinistra Epigastrii regionem suam fastidium alvum, cum tunicæ villosæ prolapsu tam superioris quam inferioris vulnerati Intestini portionis.

§. VIII. Similem prorsus historiam *Mangetus* in *Bibl. Med. Tom. II.* ex *Bouchardo* refert, ea differentia, ut post tres annos ab inflicto vulnere suum virum is viderit; suum vero militem post 20. annos *Albinus*.

§. IX. Doctissimus *Kalschmidius* in *Act. N. C. Vol. 9. N. 4.* Vetulam profert, quæ antiquæ Herniæ incarcerationem passa, ejuldem operationem octavo demum die subiret; Intestino, (& ut ipse dicit, Ileo,) ita corrupto, ut intolerabili cum foetore prosilirent fæces. Ubi alvus diu nunc podice, nunc inguine prodiiisset, demum post bimestre vedi pag. 308. ulcere exivisse; at vero utrum perfecte consolidatum inguen fuerit, an manserit in inguine anus, ex enarratione colligi certo non potest.

§. X. Doctissimus *Pfaffius* *Nov. Act. N. C. Vol. 2. Obs. 12.* hunc notabilem casum refert. Homo 28. annorum biennis herniæ oscheoceles incarcerationem præ nimio messis labore patitur,

tur. Binorum Balneatorum laboribus Hernia, quo die morbi non additur, reponitur quidem, verum non cessant Ilei morbi symptomata, atque tunc primum accedens Autor stercora reperit vomentem. Petitis auxiliis undecumque, mitigat quidem symptomata, alvumque copiosam solvit, verum adeo non tollit morbum, ut tumor, dolorque scroti, & redeuns intolerabilis abdominis cruciatus, quo morbi die non adjungit, oriatur. Gangræna nata, jubet, aperiant tumidum scrotum; e quo mox flatus & excrementa prorumpunt. Balneator altera die plura in parte foraminula per sondam explorans, invenit in Intestino prope testem nucleos Cerasorum, quorum quadraginta eduxit, sequenti autem die multo plures. Notat porro historia ægrum, reposita primum hernia, copiosa Cerasa una cum nucleis declutiisse; notat quoque violentam adeo tussim adfuisse, ut prodirent cruenta sputa. Cognito intestini vulnere, enemata ultra non injecit, omnibus Chirurgis, ut ipse putat, ea tunc condemnantibus, sed Suppositorium immisit, advertitque crassiora alvo, inguine vero tenuiora, prodire. Jamque, nescimus quo die, novus in inguine tumor natus, suppuratus, & arte apertus, tum pus dedit, tum fæces liquidiores: inguine nunc hæc ejiciente, scroti apertura sensim coivit. Novus tandem, isque priore altior, abscessus in inguine observatur, qui apertus, pus non fæces, fudit: tandem & hoc, & illo, sensim consolida-

148 DE INTEST. IN INGUINE PERF.
tis, sanitas completa successit.

§. XI. apud *Mangetum Bibl. Med. Tom. II.*
D. Maichanquez narrat ex vulnere angustiore,
quod uxori inflixerat maritus, demum excre-
menta prodiisse,, dilatato parumper vulnere ad-
,, paret *Intestinum Ileum laesum.* (Digito forte
,, explorando deprehendere potuit canalem an-
,, gustiorem, cellulis carentem,),,, placuit in
,, casu desperato periculum facere, nec ægra 25.
,, annorum dolores recusabat, modo vita dona-
,, retur. Intestinum caute acu alligari curo cu-
,, ti, recentisque laridi lamella interposita, ut
,, fæcibus alvinis pateret transitus, cutem jun-
,, gere jubeo; quod & factum; potiones præ-
,, scribo vulnerarias, quibus ad stuporem cura-
,, ta est, binosque enixa est liberos annis se-
quentibus.

§. XII. *Mangetus* ibid. ex *Carolo Patino* re-
fert fuisse hominem, cui globo sclopeti mayo-
ris abdomine perfoſſo, prope umbilicum, de-
mum die quinto globus ano ejectus fuerit, &
perfecta cura, *exacto mensis spatio* successerit.

§. XIII. *N. C. Decad. 3. ann. 4.* referunt
curam similem globis tribus ano ejectis; aliam-
que Rustici, postquam una cum fæcibus nu-
cleos Ceraſorum foramine inguinis, sponte aper-
to, ejecisset.

§. XIV. Et de duobus, quibus Chirurghi pro
Bubone aperuerant ipsam Bubonocelem, unus
quidem intra paucos dies obiit, alter autem,
cui per 14. dies excrementa exierant, *sex septi-*
mana-

manarum spatio integram vulneris consolidati-
nem nactus est: tandemque & tertius, cui ex
cæso punctim Ileo chylus effluxerat, curatus in-
tegre fuit; referente *Hardero* apud *Mang.* ibid.

§. XV. Idemque ex *Wagnero*, qui ex variis
id refert autoribus, narrat *Ileum transversim*
perscissum, & extra vulnus prolapsum, futura
cum vulnere intercedente, penitus coivisse: in
alio integram curam observatam esse, post aper-
turam vermibus erodentibus factam; tandem.
Hafniæ quemdam, erosione etiam a vermibus
facta, integre esse curatum; alterumque, cui
ex sphacelata hernia umbil. nuclei prunorum
jam cariosi exivissent.

§. XVI. In *Actis Suecicis Stokh. an. 1746.*
notissima mulieris historia est, cui venter ro-
dente & erumpente *Tenia* sæpius apertus, ite-
rumque ad tempus consolidatus fuerit.

§. XVII. In *Hist. Acad. Reg. Sc. Par. anni*
1723. ex suppurata Hernia Chirurgus suscepit
ossa pedis ovilli N. 16., exciditque gangræno-
si intestini portionem latorum quatuor digito-
rum; similemque circiter portionem, post hac
a natura separatam, invenit. Expectabat porro,
ni moreretur homo, anum factitiam verumta-
men observans sensim minus inde exire, dedit
ipsi alimenta solidiora, & vidit *spatio 33. die-*
rum inguen clausum.

§. XVIII. Et quid demum de casu cogitan-
dum, observato a magnifico Archiatro de *Kestler*,
anno hujus sæculi 1729. feminae scilicet, cui

in incarcerata Hernia visa esset periisse integra portio, semipedem longa, intestini Coli: claudente nihilominus accurate se apertura, alvoque totis, quibus deinceps vixit, annis naturaliter fluente? Profecto totam a sphacelo separatam Coli portionem, cum exsiccata eandem, intusque linteo carpto infarctam, sollicitè Vir magnificus reservasset, ad me examinandi, ac Studiosis demonstrandi, causa miserat. Ipsum Colon esse, & tota ejusdem substantia, & Ligamenti vestigia, saltem illius tertii, a *Morgagni* & *Winslow* descripti, Mesocolo tecti, & quæ aderat adhuc Mesocoli portio, evidenter docebant. Igitur sollicitè scrutabamur qua demum lege notabilis adeo Intestini portio sphacelo solvi, apertoque excidere inguine potuisset, intereaue temporis, non adductis ad se mutuo, ut alibi factum notavimus, utriusque extremis, excrementa a Cæco sic pervenissent ad anum, ut neque anus nasceretur in inguine, neque intra cavum abdomen decideret quidquam?

Res sane nobis incomprehensibilis visa est, nisi concederetur, quæ exciderit, Intestini partem, ejusdem vel tunicam externam esse, remanente interna; vel tunicam esse internam, superstitè externa: ut sic, reservata quadam tubi continuitate, excrementa tuto versus anum devolverentur. Verum mox hujus Dilemmatis falsitas apparebat, cum sola interna pars Intestini non habeat ad se accreta ligamenta, nec
con-

connatum Mesocolon; cumque externa Intestini portio integra solvi minime potuisset, manente continuitate Coli ope tunicae internae: neque enim portio hæc separata lata & per medium fissa membrana erat, sed clausum intestinum; quod utique hac forma minime separari potuisset, continuitate tubi intestinalis permanente ope tunicae internae,

Tandem veram totius phenomeni rationem & causam sic videbamus intelligere: Intestinum inflammatum, qua parte Mesocolo hæret, accubuit Peritonæo in inguine, eidemque accrevit: gangræna incipiente, tunicae Intestini variæ a se mutuo dissolvebantur: gangræna pergente, lata in inguine facta apertura est: ita soluta interna pars intestini, cum *totius* intestini anterioris parte, cum peritonæo cum expansione tendinea, & integumentis, foras prolapsa est. Habet ergo prolapsa portio cavum integrum, a cujus anteriore parte hæret Mesocolon, ligamentum tertium, omniumque Intestini tunicarum portio, & cujus reliqua pars interioribus Intestini tunicis tantummodo componitur.

Sed statuimus antea tempore inflammationis diræ Intestinum Colon, qua parte Mesocolon habet, accubuisse & late concrevisse, cum peritonæo. Necessè igitur fuit ut, prolabente extra inguen interna Intestini parte, cum omnibus concretis partibus a facie eiusdem anteriore, ut, inquam, Colon externa sua parte in ventre, integrum, firmiter suæ aperturæ oris

cum peritonæo cohæserit, ita ut nihil in cavum ventrem dilabi potuerit eorum, quæ a Cæci sacco aut Intestinis tenuibus deorsum, anum versus, descendunt.

§. XIX. Sub finem anni 1745. negligens herniam femina incidit in symptomata morbi Ilei, quæ demum aperta alvo brevi evanuerunt. Attamen dum morbum curasse videbamur, aperuit se inguen, fuditque paucam, ferofam, flavam, ac subinde vere stercoream materiem. Capto Clariff. *Albini* consilio, laboravi cum Chirurgo novem mensium spatio antequam locus clausus esset; optima interea vigente sanitate. Locus molliore quidem, sed apto admodum Brachierio firmabatur, ne rediret malum. Attamen sex cum dimidio elapsis annis, denuo aperitur, citra symptomata ulla prava; citra stercoream materiem. Nescio, quem finem res habuerit, quum ad ultimam aperturam, illam, cum Patria, reliquerim.

§. XX. Docent omnia hæc exempla siccatis ab inflammatione partibus, alterius cum altera cohæSIONem fieri, antequam inguen aperiatur: sic quidem sæpe ut nihil in cavum ventrem, sed per inguinis aperturam; eave clausa, per podicem cuncta exeant.

Haud tamen eodem ubique modo. Vulnere instrumento in Abdomen inflicta, plus periculi habent effundendi cavum in ventrem stercoreis, & semicocti chyli. Docet id notabile exemplum a *Mangeto*, ut teste autopte, relatum hominis

minis, qui sic triangulari instrumento fauciat-
 tus, ut vermes excrementaque sinistro inguine
 exirent, sexto demum post decimum die mo-
 riebatur; idque exhibebat præprimis memoran-
 dum, quod Intestini Coli labia jam tum un-
 dique, firmiterque, & exacte, cum vulneris
 labiis coivissent: unde mors unice inde ipsi
 contigerat, quod fæces intra ventrem pulsæ ef-
 fent, priusquam perficeretur expositus mox coa-
 litus, sæpe fat cito, ut, datis exemplis con-
 stitit, contingens.

§. XXI. Atque ita Prognosis, petita & di-
 lata hucusque, formari demum potuit.

Prognosis igitur primo fert summo semper
 in periculo eos versari, quibus intestina, potis-
 simumque tenuia, aut vulnerentur, aut gan-
 græna aperiantur: cum, vel integra aperti In-
 testini cohæsiōne cum Peritonæo nondum facta,
 fæces, crudusve chylus, intra cavum abdomen
 dilabi, certumque proinde efficere interitum
 queant; vel etiam, fæcibus quidem extra In-
 guinis aperturam prorumpentibus, gangrana ve-
 ro in sphacelum jam conversa, late nimis dif-
 fusa per Intestinum corruptio sit. Hacque lege
 veridicus agnoscitur *Hippocrates*, qui morbum
 non indiscriminatim Intestini cujusque, sed
 Intestini *tenuis*, ut determinate utroque in
 Aphorismo loquitur, *Σπασμὸν*, vel *Σπ-
 ασμοῦ*, appellans, eum valde periculosum,
 esse indicavit. Confirmant hanc Strages, quas
 adeo multiplices omni tempore solet descrip-
 tus

tus hucusque morbus edere. Et si per Διακοπήν intelligere debemus vulnus usque ad fundum omnia penetrans, & dividens, ut supra constitit, etiam vere pronuntiavit Intestinum ipsum post διακοπήν non coalescere libero, ut antea modo; cum illud facie anteriore uniri cum Peritonæo, & reliquis læsis in vulnere partibus, iisdemque firmari, obturari, supplerique, ex observatis chirurgicis & anatomicis constet. Ut profecto inique admodum in *Hippocratem* ii Autoreſ declamarint, qui numerosi, illum hac assertione vehementer errasse, asseverarint.

2. Eorum, qui inde non pereunt, multos dari, quibus sanitas omnino integra non redeat, aperta manente inguinis, ventrisve, alicubi apertura, per quam, ceu anum, natura suas spurcicies, fœtore abominabiles, hominemque per omnem vitam humana societate fere privantes, de corpore eliminet.

3. Horum nonnullis aivum nunquam ultra per anum emitti, imo in Intestinum Rectum & Colum, utpote collapsum, enemata immitti amplius non posse; ut *Vaterus*, *Bleigni*, &c. habent: nonnullis vero manere aliquam sive fœcum, sive materiæ mucosæ, tenacisve, per Intestinum Rectum excretionem; ut *Acad. Reg. Sc. anni 1701. Platerus*, *Hildanus*, *Bleigni*, *Palsinus*, *Cbeseldenus*, *Albinus*, viderunt.

4. Reperiri etiam, quos Artifices peritissimi, adductis ad aperturam vulneris ambabus separati Intestini oris, invicemque unitis, atque ad
vul-

vulnus alligatis, ita percurarunt, ut continuaretur canalis intestinalis a summis ad infima usque, & alvus lege naturali deinceps semper processerit.

5 Passim his, qui integre curati, adeoque ad perfectam sanitatem rediisse perhibentur, Intestinum manere loco læsionis angustius, prætereaque ad locum vulneris adfixum & connatum, ob idque causam pravorum quandoque symptomatum, imo lethi ipsius existere: constare quippe ex historia Medica, & confirmari notabilissimis exemplis, anatome demonstratis, ab egregio *De la Peyronie Tom. I. Act. Acad. Chir. Par.* truculentissimos dolores Colicos hinc nasci, dum Intestina materie aut flatibus nimium turgeant, spasmisque torqueantur; imo vi spasmorum, aut impletione nimia rerum indigestilium. Intestinum ad locum adhæsionis dilacerari, & abdomen fœcū impletione lethali turgere, Accretionem hanc Intestini cum abdominis partibus confirmatam *Heister* vidit, in femina eadem, quæ integre sana ab operatione *Ramdhorii*, anno posthac pleuritide occubit. Unde id hominum genus semper de hisce præmonendum est. Atque hisce omnibus ita consideratis, clare patebat in femina nostra Prognosis. Vel enim morituram gangræna partis affectæ; vel gangræna abdominis, si forte intestinum in toto vulneris ambitu necdum hæreret exacte cum Peritonæo, ita ut in cavum ventrem fœces a superioribus descendentes,

tes, facile & subdole dilaberentur : vel victuram quidem, sed cum molesta in inguine ano: vel curandam integre quidem, attamen cum proægumena permanente caussa variorum morborum, ni caveret sibi, imo & mortis. Videatur super his omnibus Ill. Præses, *Cap. de Vuln. Abd.*

§. XXII. Indicatio fuit vires conservare, auferre impedimenta consolidationis, vulnus purum, atque ab aëre tutum, molle & humidum conservando, alimenta eligendo ea, quæ quotidiana experientia docebat omnium minime per aperturam exire, & alvum propterea libera clysmatum ope perpetuo servare. Enemata enim, formidanda, ut supra vidimus, quando Colum apertum, necdum agglutinatum est, ne in cavum abdominis cadant, hic tuto injecimus, eo, quod Ileum læsum crederemus.

Vidimus his scopis conferre alimenta facilis digestionis, & cum consuetudine plebejorum convenientia. Jus carniū præprimis indicatum, omnium maxime vulnere disfluebat; uti &, quæ siti sedandæ necessaria, aqua. Hinc Cerealia, ac Farinacea varia, incocta juribus proderant, & aquæ potus ita moderatus, ut parva admodum copia sumeretur, & sitis potius emulsis sedaretur spissioribus. Usus demum docuit alimenta solidiora, pauca quidem copia simul, sed repetita, omnium maxime ad consolidationem facere. Præsertim si jaceret mulier tota fere die in lecto. Ulcus interea tectum primo fuit

fuit cataplasmate emolliente ; deinde Emplastro Diachyli cum gummi , superposito cataplasmate , postea emplastro defensivo rubro , tandem eo , quod dicitur *Fernelii ad rupturas* . Tertio mense potuit sine nocumento aliquantum sedere , tandem & surgere , ambulare , operari , sine incommodo . Advertimus porro haud simul & semel ulcus clausum ; sed ita , ut primo per 1. 2. dies , dein per 4. vel 7. clausum esse videretur , ac posthac denuo aliquot extillantibus guttulis humesceret . Contigit sic , ut mulier hæc intra binos menses curata dici potuerit , excepto hoc repetente aliquoties stillicidio ; curata vero integre perhiberi non potuerit nisi mense inchoante sexto , quando levis hæc ulceris veluti sudatiuncula cessavit , non reditura Juvit ad integram consolidationem vinum mar-
te & cortice peruviano medicatum .

§. XXIII. Symptomata aliena nulla se junxerunt morbo , toto curæ tempore , nisi tussis , cujus nulla indagari causa potuit , morigera tamen demulcentibus ac paregoricis . In homine *Pfaffi* notavimus tussim molestantem atque violentam *Albini* miles tussi vexebatur , quotiescumque aërem frigidiusculum ad nudum Intestinum admisisset , nec antequam recaluisse sedanda . Observando potius hæc discimus , quam Physiologice explicamus . Neque Intestina , Mesenterium , ac variæ abdominis partes duntaxat , hanc observationem suppeditant , vedi la pag. 317. quos pertinax tussis comitetur , mox his curatis evanida . Et
quis

quisnam subinde, mearum auditorium scalpendo, haud tuffiat; Acriorem, pertinaciorē, & ad omnia rebelliorē tuffim observavi nunquam, quam in Puerpera olim, attamen, ejecto pudendis corpore oblongo, calloso, veluti incantamento curatam. In diagnosi, ac cura morborum, observationes ejusmodi usum habent. Bis diarrhæam passa est, Rheo, & Lyfimachia victam.

§. XXIV. Egressa demum nosocomio est, pinguis & torosa; id quod in ægris nostris toties observantes, minus remediorum vi tribuimus, quam vitæ, ab omni cura & sollicitudine vacuæ, somno pleniori, quieti, optimo alimento.

C A P U T VII.

Varia.

§. I. *Puellæ, Atresia laborantis, de qua anno 1761. Historia completa. vedi p. 317.* §. III. *De Calorem generantibus causis aliis præter attritum, imo absente attritu.* §. IV. *De Observationibus clinicis Nosocomii.* §. V. *De Febre Hæmorrhoidali, deque Observationibus Nosocomii circa Hæmorrhoidas* §. VI. *Ad Quæstionem de Bezoardicis remediis, toties a gravissimis Practicis explosam, jamque nihilominus renovatam, Responsio.* §. VII. *Non.*

Nonnulla de Mistura Viennensibus dicta Hofmanniana . §. VIII. Quædam , quæ ad C. XV. §. V. omiffa fuere . §. IX. In quosdam Criticos .

§. I. **Q**Uæ *Atresia* laboraverat puellæ historia anno superiore data est, sed incompleta, felici exitu terminata fuit. Tumores in abdomine varii, copiosaque in Vagina callositas, methodo interna, externaque ibi rem enarrata, atque ad Octobris citciter exitum continuata, sensim fusa sunt, mensesque rite fluere interea ceperunt: ita ut perfecte sana die 5. Nov. 1761. domum perrexerit, & hoc mense Septembri proxime elapso ob ventriculi vitium me conveniens, testata sit menses sibi copia ac tempore debitos adesse, nullosque aut in ventre tumores, aut nullam ad pudenda supereffe callositatem. Novo sane argumento Corticis peruviani præstantiæ; licet enim alia remedia præter hunc dederimus, prout superiore parte descripsi, tamen justo cuique rerum æstimatori evidenter adparebit Cortici potissimum adscribendam victoriam esse.

§. II. Cum anno superiore de viscerum cavorum dilatione agerem, eademque nunc incrassari, nunc extenuari, nunc ejusdem manere crassitie in dilatatione, ostenderem, evitari non poterat quin sermo incideret in uterum, veluti cavorum viscerum fere principem, propriaque observatione typis necdum edita, quod de

de eo demonstratum esset, confirmantem. Ad-
dam propterea, quam præsens annus academi-
cus suppeditarit, novam confirmationem.

In tertium mensem gravida vapulat a marito,
pedibusque ad hypogastrium conculcatur. Ven-
ter posthac ratione graviditatis crevit quidem,
sed admodum inæqualiter: ita ut dextro hypo-
gastrio ille sensum tumidior, ac tandem sub
mensis ultimo admodum turgens observaretur,
suspicioque Gemellorum, quorum in medio al-
ter, alter sinistrorsum, locatus esset, animis in-
nasceretur Obstetricantium. Denique 31. Jan.
hujus, quem vivimus, anni, partus ingruere
dolores. Recte tum uterum situm, tum foetum,
arbitrata obstetrix, prægnans serio cooperaretur,
adhortata est. Cum autem minime promove-
retur partus, alia obstetrix, & tertia, & quar-
ta, atque ordine hoc & octava vocatæ, socor-
dem esse, quod cum Natura foetuque haud coo-
peraretur, parturientem clamarunt. Unde tan-
dem inhumanus maritus, duplex, ut patebit,
homicida, verberibus illam, quo cooperaretur,
adegit. Illucescente inanium partus dolorum se-
ptimo, eidemque fatali die, optimæ spei Stu-
diosus, inque arte obstreticia magnæ dexterita-
tis D. *Hopf*, invenit in ore uteri humerum
infantis, & secus illum funiculi partem, por-
tionemque placentæ. Cum educturus infantem,
hæc omnia loco movere deberet, ac ferme re-
movisset, subita ingensque hæmorrhagia femi-
nam sustulit.

Ad-

Adductum mox ad me uterum examinavi. Facie anteriore sectus ille, infantem eximendi gratia, distentus mansit, ubique fere pollicis habens crassitiem. In percissa transversim hac crassa substantia vasa inventa numerosa sunt, angustiora, ampliora, & quæ calamum scriptorium facile caperent, nonnulla, omnia autem fere vacua. Necessè porro fuit ut hæc ipsa vacuitas, & tempestatis frigus ingens, horum vasorum lumen, uterique crassitudinem, multum imminuerint. Quo loco placenta fuerat, cernere erat vestigia multa lacunarum. Idque notabile præprimis, quod uterus in ambitu placentæ fibras musculares referret bene multas; cujusmodi fibræ *Ruischio* ideam musculi fætum pellentis, placentamve, generare quondam potuere. Portionem crassi hujus uteri, demonstrationis ergo, servo in liquore.

Quod vero partum adeo difficilem reddiderat, ac crudele mariti facinus arguebat, erat uteri substantia, dextera sui parte abeuns in Steatoma figuræ fere rotundæ, pendensque pondere medico libras tredecim & quatuor uncias. Ovarium utrumque naturaliter sese, una cum tubis, habebat. Præ enormi igitur hoc Steatoma necesse est uterus & rigidus, & pro parte repletus fuerit, adeoque dolores partus in fætum directe agere non valuerint; imo potius ipsum Steatoma, urgentibus hisce doloribus, corpus infantis compresserit, neve rite exiret, impediverit.

§. III. Observationes Thermometricas nostras, circa varium gradum caloris, in varia sanorum ægrorumque corporum conditione, ac statu, nec non circa ipsarum calorem gignentium causarum diversitatem, multis hujus anni academici experimentis ita reperiimus confirmatas, ut data dudum de iis sententia undique facta tectaque videatur. Inter multas observationes, cum prioribus nostris easdem, referenda historia videtur, quæ hac æstate, in Acutis morbis publice tractandis, observata est.

Femina 37. annorum Febre continua putrida laborans, (quæ nobis observata immortalis Cœi de fallacia judiciorum in diebus non bonis, cum materia haud rite cocta, veridica omnino esse, usque in quartam hebdomadam, demonstravit,) die morbi 4. 5. & 6. perpetuo conquerebatur de interno calore urente, caloremque 6. 8. 10. 12. gradibus naturali intensiorem in Thermometro notabat; interea dum ego, dum nonnulli Medici adstantes, dum tota Studioforum cohors, vix unquam in pulsu motum febrilem notabilem palpabilemve, imo potius pulsum bonum, plenum, æquabilem, deprehenderimus; dein die 7. 8. 9. 10. & Thermometrum, & sensus ægræ, & attractus noster, & febrilis admodum pulsus, calorem magnum una demonstrarunt. Ut merito putem nihil certius, demonstratiusque esse hac propositione: Caloris causam indubitato esse mutuum vasorum humorumque inter sese, nec non ipsa

ipsarum humorum nostrorum particularum attritum; at vero necessario caloris causas longe alias, quam hunc attritum, in rerum natura existere; quandoquidem calor tum ad sensum, tum ad thermometron, isque & intensus admodum & diuturnus; toties in homine reperiatur, penitus absente, omnium votis, attritu. Miror ab iis, qui hujus veritatis testes oculati aut fuerunt, aut esse potuerunt, haud ita pridem in publica Thesi indirecte eandem oppugnatam esse.

Constitit quoque, experimentis infinities repetitis, medium horæ quadrantem sufficere, ad hominis explorandum cum thermometro calorem, additis ad notatum tunc gradum gradibus binis. Solet quippe 1. calor verus, isque haud ultra augendus, quadrantis horæ spatio notari, 2. a semiquadrante ad quadrantem binis tantummodo gradibus augeri. Unde liquet semiquadrantis spatio haberi determinatum caloris gradum, additis duobus. Vix enim ex quinquaginta vicibus semel continget, ut hæc regula fallat; &, si rariore casu, saltem haud ultra dimidium, integrumve gradum, fallit. Sed hæc ea conditione dicta sunt, ut thermometrum & bonum sit, & bene ab initio vestibus ac stragulis tectum, dum sub axilla ponitur

§. IV. Observationes Clinicæ de Acut. morborum cruditate, de coctione perfecta & imperfecta, de eadem ichoata & completa, de

statu morborum, de diebus indicatoriis & criticis, de Metastasi varia, de morbis novis ex præcedente acuto natis, de urina, de pulsu, de respiratione, de varia Hypochondriorum in Acutis conditione, de signis ex habitu corporis petendis, æque variis functionum læsionibus; hæc inquam, observationes nos demum omnes convicerunt veraciorem in tota Bibliotheca, Scholave medica, Autorem *Hippocrate* non dari. Quod cum ita se habeat, merebitur sane hæc materies, ut Deo vitam largiente viresque, Pars hujus operis ultima integrum *Hippocratem*, ad lectos ægrorum demonstratum, & confirmatum, compendio exhibeat; quo demum omnes ad *Hippocratem*, Virosque Hippocraticos, & admirandos, & sequendos, incitemur.

§. V. Doleo ex male intellecta doctrina mea Theses quodammodo erroneas sæpius a Medicinæ Candidatis proferri publice. Amans illos, perpetuoque amaturus, & jam sæpius hoc ipso loco veram meam sententiam paucis elucidavi, & circa quasdam nondum recensitas Theses sequentibus elucidabo.

Propositum iterata Thesi fuit, *Dari Febris Hæmorrhoidalem*: postremaque vice defendenda simul proposita fuit Hæmorrhoidalis fluxus crebritas, Viennensibus, quam cæteris omnibus, notabilior.

Quid illi nomine *Febris Hæmorrhoidalis* intelligant, id plane ignorare me fateor; ignorabunt forte quoque Thesium autores. Oportet enim

enim hoc nomine intelligant Febrim, vel quæ ab Hæmorrhoidum affectione, obstructione, inflammatione, suam ducat originem, vel quæ Hæmorrhoidum fluxum pro crisi habeat. Porro neutro modo hanc febrim licebit hæmorrhoidalem vocare.

Non priore modo; nam in libro unde hoc nomen mutuati sunt, signa nulla enarrantur prægressæ alicujus affectionis hæmorrhoidalis: e contrario verbis notatur disertis post febrim jam natam, nec raro alterum, tertiumve diem jam numerantem, tumentes demum apparuisse Hæmorrhoidas.

Neque etiam posteriore modo. Narrat enim morbi historia admodum frequentem hanc febrim fuisse, attamen vix esse inventos paucos, quibus aut a Natura, aut ab arte, promotus hic fluxus fuerit: multos vero nixus duntaxat hæmorrhoidales, citra fluxum earundem, perpeffos esse; irritoque hoc nixu, citra alias substitutas, sive a Natura, sive ab arte, evacuationes, cito integreque convaluisse.

Demus autem, quod dari non potest, a paucorum, numero qui infrequenti admodum febre hac fluxum hæmorrhoidalem a Natura, arteve, passi sint, totam febris naturam desumi oportere, ideoque *Febris Hæmorrhoidalis* appellanda est? Eodem sane jure inflammatoriam aut acutam quamcumque febrim, vocares Alvinam, vel Mensentericam, quæ alvo judicetur; Renalem, quæ per urinas; quæ emesi, Vomitoriam;

quæ sputis, Sputatoriam; quæ catameniis, Menstrualem; quæ post aurem tumoribus, Paroticam; & sic porro. Est igitur loquendi modus, qui e scholis medicis petitus non est: quemque Autores harum Thesium ad lectos ægrorum, me demonstrante, non didicerunt.

Qualisnam ergo est, de qua hæ Theses, febris? Febris est talis indolis, ut similem sui in tota historia medica non habeat: quippe in summa, imo in crescente Cruditate, bonis jam gauderet perturbationibus criticis; quæ irritis, nec per alias excretiones suppletis, ad evacuandum nisibus, brevi tutoque judicata esset: cum e contrario perpetua atque æterna Naturæ lex sit, ut Criticæ perturbationes, si profuturæ sint, cocta materie, bonoque die compareant; utque morbi minime judicentur ab irritis ad evacuandum conamine, nisi eidem alia evacuatio conveniens, atque sufficiens succedat; aut nisi, defectu etiam hujus, vagi materiæ morbosæ errores homines diu torserint, & , multis occisis, demum quosdam post diuturnas ærumnas in vita servant. Quemadmodum in illa Epidemia apud *Hipp. Epid. lib. I. pag. 941. 945.* Foel. in qua nullæ omnino crises observabantur, aut nullæ saltem, quæ id, quod inceperant, perficerent.

Objiciet mihi forte quisquam benigna Resolutione eos fuisse curatos, quibus irritis Naturæ conamine, nec aliunde suppleto, cita contigerit perfectaque salus; adeoque famosam hanc
fe.

febrim, veluti sui similem in Medicina non habentem, a me describi non oportere.

Verum qui sic censeret, is leges & conditiones benignæ Resolutionis, ad gravem, ad periculofam, ad inflammatoriam hanc febrim, contra omnem Medicinæ legem, experientiamque, adplicaret. Secundo non adverteret idem, hac sua prolata sententia, illico rationem concidere totam, ob quam vocetur febris hæc Hæmorrhoidalis.

Atque hæc de nomine hujus Febris sufficiant. Superest additamentum videre ad Theſin de febre hæmorrhoidali ultimo deſenſam, adjectum: „ Et Hæmorrhoides Viennensibus, „ quam aliis Nationibus, magis familiares sunt: „ ut merito de his ſuſpicentur sæpe Medici.

Paucis Lectorem hic volo. Nonus jam annus eſt, quod & in ipsis ægrotantibus, & in ſcriptis Tyronum in gratiam typo editis, & in Cathedra, genuinam *Hippocratis*, id eſt Naturæ, tradiderim de Hæmorrhoidibus doctrinam: qua conſtitit vere Criticas dari Hæmorrhoidas, tum in Chronicis, tum nonnunquam Acutis in morbis, haſque a Medicis attente obſervandas eſſe, juvandas, ac promovendas: dari præterea Hæmorrhoidas ſymptomaticas: dari etiam noxias plane, & pernicioſas: tandem autoritate & aſperientia eos damnandos eſſe cum Medicos, tum Plebejos, qui omnium fere morborum curam ab Hæmorrhoidibus, vi promotis, expectarent. Hanc meam ſententiam Theſibus de hac re publice editis cognitam,

Clari Viri, quorum alii calidis in regionibus, alii in frigidis, Medicinam faciunt, literis ad me datis confirmarunt.

Quod autem maxime Medicinæ Studiosos de Hæmorrhoidum 'apud *Viennenses*, universosque *Austriacos*, natura convincere debuit, numerus est bis mille & ultra hominum, quorum exactissima historia adhuc prostat, qui, ipsis circumstantibus, examinabantur, & quos inter vix quatuor extitere, in quibus ipsa Natura hæmorrhoidum fluxum indicaret. Igiturne, post tantam experientiam, ipsis adstantibus captam, *Viennensibus*, *Austriacisque*, Hæmorrhoides præ aliis familiariores? Hæmorrhoides saltem illæ, quæ se aperiundas clament? Minime; nisi velint eas frequentes hic esse, atque pro crisi notandas, quas, Natura non indicante, Medici & Chirurghi hominibus sponte creant: verum tunc nullatenus intellexere me in *Tractatu de Hæmorrhoidibus* docentem, atque omnium sæculorum autoritate demonstrantem, qua demum ratione Medici has considerare, & circa easdem gerere se debeant. Doleo profecto has Theses ipsis inconsideranter elapsas esse, id præprimis veritus, ne qui alibi gentium easdem legant, vel animum in studendo socordem, vel in proferendo aut obstinatum aut malevolum fuisse, suspicentur.

§. VI. Eodem prope modo res habet erga *Febres malignas* dictas, quibus *Petechiæ*, *Miliares*, aliavæ exanthemata, se jungere solent.

Pro.

Propriis ad lectos ægrorum experimentis, numerosa Tyronum semper cingente corona, petitis ac repetitis; libro meo de *Febrium Divisionibus*, (in quo præcipuorum cujusque Nationis, præsertim Germanæ, Medicorum, suffragiis luculentissimis suffultus fui); nec non *Tomo Rat. Med. i.* demonstratis, Medicinæ Studiosi convicti fuerint oportet de veritate asserti, statuentis malignitatem morborum sæpe a methodo medendi unice gigni; petechiales autem & miliæres efflorescentias perquam raro Naturæ curantis esse opus: præcipue dum hæc invictis experimentis confirmata viderunt in spatiosissimo nosocomio Hispanico, ab eruditissimo, sagacissimoque ibidem Medico discipulo quondam meo laudatissimo, G. Hæzobol, edito tractatu anno 1761. An igitur mirari me non oportuit, quod e schola Vienneſi Pathologici prodierint, qui publice edidere hanc Thesin: „ Sed etiam absque calido regimine erumpunt exanthemata, non igitur aut febris miliaris, aut alia, a calido semper oritur regimine, aut bezoardico medicamento, *Praxis*. Et dubitari potest an unquam a bezoardico medicamento exanthema enasci visum? Profecto cum ejusmodi opinione in ægrorum perniciem nonnulli abuti possent, cogor paucis eandem examinare.

Vera in eo dixere a calido regimine, aut bezoardicis, *haud semper* exanthemata nasci; neque unquam id asserueram, sed *sæpe*: & si non
exan-

exanthemata, saltem alia frequentia mala. Potuerant, debuerantque meam circa hæc mentem clare percepisse, in *Vindiciis* meis contra *Apologiam Ill. Halleri*; quas *Vindicias*, ut verbo hic moneam, Vir quispiam, æque in Theoreticis, quam in Practicis, præcellentissimus, confirmaturus est, numeroſo plane experimento & vivis in brutis, & potissimum in vivis hominibus, multis coram testibus, magnisque suis sumtibus, capto. Hinc hisce non immoror; quæ vero ad Bezoardica, & ad regimen calidum spectant, hæc paucis tangam.

Varii generis Bezoardica sunt. 1. Bezoardicum *animale*, confectum ex Hepate & Corde Viperarum, siccatis in sole, inque pulverem redactis. *Lemmerly pharm. univ.* Ratione salis alcalini & obesse in febribus putridis potest, augendo, quæ ad putredinem adest, dispositionem; & nocere potest movendo sudorem eo morbi in stadio, in quo aut nihil movere licet, aut saltem non sudores.

2. Bezoardicum animale aliud est *Lapis Bezoar*, præsertim Orientalis. Pluries hunc ad experimentum in Nosocomio revocavi, siquidem AUGUSTISSIMA, pro munificentia sua, promovendarumque scientiarum amore, copiam hujus lapidis mihi fecerit. Præter alia experimenta quondam publice capta, hæc 13. & 14. Julii hujus anni cepimus. Lapis nucis moschatæ minoris magnitudine, per horam in unc. iv. aquæ frigidæ immissa, dabat aquam grate amaram.

Reli-

Relicta per 10. horas amarorem eidem aquæ copiæ conciliavit nauseosum, & omnibus nobis, quotquot gustaverimus, abominabilem. Unde merito conclusisse videmur infusionem ita dictam Lapidis Bezoar, cum aqua aliqua aromatica, aut cum vino, ut plurimum fit remedium movens esse, stimulansque ad sudores. Referri huc & Bezoar Occidentalis, Pedra del Porco, Fætitius Lapis de Goa, &c. &c. solent.

3^{to} Bezoardicum *minerale*, vocant Antimonium fixatum cum spiritu nitri; id quod parum calcinatum, corrosivum; quod multum calcinatum, iners; quod iusto modo calcinatum, prodesse in morbis potest. Bezoardica varia mineralia ab aliis metallis parantur.

4^{to} Remedia elapso sæculo, prioreque hujus, quod agimus, sæculi parte, titulo Bezoardicorum famosa varii generis erant, quemadmodum apud *Michaelem*, *Ludovicum*, *Schröderum*, *Herculem a Saxonia* *Techmeyerum*, *Barbette*, *Etmüllerum*, innumerosque alios Scriptores medicos, præsertim *Germanos*, legimus. Sic erat v. g. Mistura contracta Bezoardica, sic vocata, binis assumenda dosibus composita ex dr. i. Mist. simpl. Ludovici, & dr. semis Liq. c. c. succinati. Hæc autem Mistura simplex Ludovici sic parabatur: & spir. tart. rectificatissimi p. iiii. spir. urinosi volatilis, & spir. vitrioli novies sublimati, aa p. i. Totum hoc, cessante effervescencia, misceatur cum spiritus Theriacalis V. partibus, & per retortam destilletur. Si nunc huic
sim.

simplici dictæ misturæ Camphora , Opium , & Santalum , addebantur , vocabatur Tinctura Bezoardica . Alia quoque Mistura Bezoardica celebris erat hæc : R̄ Aq. Rutæ , Scorzonæræ , a unc. ij. Mist. simpl. Ludovici dr. i. Spir. fulig. rect. gt. XXX. Syr. Scordii dr. IV. m. pro binis dosibus . Ubi vero post hæc data ad sudores delirium imminebat , dabant sequens : R̄ Aq. Cord. Herc. a Saxonia unc. i. Aq. cinamomi dr. IV. Aq. Theriac. camph. dr. ij. c. c. essentificati , vel , loco ejus , Sal. Vol. c. c. Scrup. i. Salis vol. succ. Grana X. Syr. Flor Tunicæ dr. IV. Ad sudorem vero una dosi tunc eliciendum dabant Tinc. Bezoard Ludovici dr. i. Scrup. i. spir. c. c. Ad normam porro hanc innumeras invenire est formulas apud Autores supra laudatos , aliosque .

Porro quod omnia hæc Bezoardica in morborum principio data , repetitaque , calorem jam nimium augerent , non movenda moverent , turbarentque coctiones , flos Hippocraticorum virorum , Sydenham , Baglivus , Boerhaave , De Gorter , Ill. Præses , ipseque etiam clariss. *Fredericus Hoffmannus* , unanimiter sese horum usui opposuerant ; veluti malignitatem ita dictam in morbis , ac varii generis efflorescentias , petechias maxime ac miliares producentium foventiumque : quemadmodum videri compendio potest *Tract. de Febr. divis.*

Quod *Hoffmannum* hic cum cæteris laudem , perversæ concepta de egregio hoc viro opinio

me cogit: ubique enim condemnât regimen calidum, & Alexipharmacorum, Bezoardicorumque usum; compendio autem capite *de Febre purpurata* §. II. Quam graviter, inquit, „ dein calida & alexipharmaca medicamenta „ noceant, docuit sane uberius experientia, qua „ constat *eadem*, cum *æstuoso regimine*, in cau- „ sa esse, quod ingruente primum novo hoc „ morbo (miliari) omnes fere perierint, quum „ jam sub temperata methodo plurimi evadant. „ Quin liberalior tantum infusorum, & deco- „ ctorum calidorum potus, sudorem nimium „ movendo, & serum plus justo exhauriendo, „ officit. ” Equidem suasit nonnunquam *Bezoar-* „ *dica* : sed qualia? Scilicet *sua*; ex c. c. non „ usto, Lap. Cancr. Antim. diaph. & Cinnabari. „ Non sunt hæc communi notione *Bezoardica*.

Et in *Cap. de Febr. epid. exanth. sive pete-* „ *chizante*: „ Ex medicamentis, inquit, Alexiphar- „ maca, salia volatilia, Bezoardica calida & „ spirituosâ, licet ceu efficacissima vulgo com- „ mendentur, plus damni, quam emolumenti, „ attulerunt, præsertim liberalius, & cum ca- „ lido regimine exhibita. Dissolutionem enim „ sanguinis elementorum promoverunt, & ob „ id majorem petechiarum fecerunt copiam; „ vel Cephalalgias etiam, anxietates, inflam- „ mationes, vel etiam sudores copiosos, susci- „ tarunt. Quin novimus his ad præservationem „ cum regimine assumtis, MOX IPSO CONTA- „ GIO CORPUS fuisse affectum.

Et ut innumeros similes locos præteream, instar omnium ille est, quem habet *Cap. de Febr. ard.*, Notandus vulgaris, admodum tamen „ perniciosus ERROR PRACTICUS, quo primis „ statim diebus, liberali manu, essentias Be- „ zoardicas, & Alexipharmacas porrigere sue- „ scunt MORBORUM ARTIFICES, AD MALI- „ GNITATEM, UTI STOLIDI PUTANT, A „ CORDE PELLENDAM. Hæc enim, si sanguis „ reduntat, æstum inflammatorium magis au- „ gent, & febrem graviolem, & diuturniorem, „ reddunt; quin si alvus simul diutius clausa, „ SANGUINEM NIMIUM RESOLVENDO, EXAN- „ THEMA PARIUNT.

Ut & *Cap. de Purpura Chronica*: „ Multo vero minus . . . essentias & tincturas Bezoar- „ dicas, hic morbus ferre potest, sed potius ex „ ex illorum usu semper augetur, magisque ac- „ cenditur. Vidimus certe mitioris alias genii „ purpuram Chronicam, febris & vehementiæ „ symptomatum prorsus expertem, . . . horum, „ & regiminis usu IN MALIGNAM FUISSE „ CONVERSAM. Et in genere id „ quoque pro comperto est Purpuram, quo ci- „ tius, & impetuosius, per medicamenta, & „ calidum regimen expellitur, EO FACILIUS „ & LEVISSIMA DE CAUSA EVANESCERE, „ & INTERIORA REPETERE.

Magnorum igitur horum Virorum exempla semper in praxi sequutus, ea nunc in nonum annum Medicinæ Studiosis ita demonstro, ut de

le veritate moniti clarorum horum Virorum nullum dubium superesse possit. Et nihilominus, quis credere possit! ejusmodi reperiuntur, qui schola mea vix egressi, publice sustineant dubitari posse num a Bezoardico medicamento natum unquam exanthema sit? Erubescodum Viennæ ejusmodi proponi video, & me ideo circa hæc explico, ut dum boni practici alibi hæc legent, noscant saltem ex me non hausta, ex mea schola petita non esse.

§. VII. Ejusdem propemodum farinæ est, quod in alia Thesi inaugurali circa Misturam ita dictam *Hoffmannianam* est prolatum: „Mistura Hoffmanniana haud recte *criminatur* in febribus, non tantopere stimulat, ac dragma nitri in libra una vehiculi,” Nihil hic, nisi vitiosum, profertur. Etenim 1. non determinatur copia Misturæ, quam Celeberr. *Hoffmannum* ipsum, varia copia, varia ingredientium proportionem, dedisse, ex lectione omnium ejusdem operum constat. Oportuisset profecto prius exacte determinare vehiculi, contentique in eodem dosin, antequam minus stimulans, quam dr. 1. nitri in Libr. 1. vehiculi, statuere-tur. 2. Autores ejusmodi Thesium in nosocomio non didicerunt nitrum semper hac proportionem ad vehiculum dari oportere ægris. Vix quatuor libræ dragmam nitri capiunt, quando a stimulo vel minimum metuemus, præsertim dum ægri copiose bibunt. Sed 3. si mistura hæc, ante natum *Hoffmannum* jam obsoleta,

Hof.

Hoffmanniana debeat vocari, per me licet, nam & sic cum cæteris ipse soleo; modo *Hoffmanni* prudentia, & circumspeditione, adhibeamus eandem. Optimus enim ille Vir curam tradens *Februm continuarum putridarum*, curam *Febris ardentis*, curam *Inflammatoriorum quorumcumque morborum*, vix hujus misturæ, eive similis, meminit; longe alia, eaque sæpe adposita satis, præscribens: interea dum quamplurimi Medici, contra mentem, consuetudinemque *Hoffmanni*, Acutos suos ægros ab ipso morborum principio, perque totum eorundem decursum, hac mistura infarciunt totos. Tandem 4. quandoquidem Absorbentia acidis saturata, adeoque etiam *Mist. Hoffmanniana*, auxilii aliquando præstantis sint in morbis, quos diuresi curari Natura docuerit, ut nonnullæ sunt *Dysuriæ*, & quidam cum valido pruritu cutanei morbi, quales eorundem vires in ægris nosocomii demonstravi; facile per se quisque percipit remedium hoc diureticum iis in morbis & damnosum esse, posse, & damnosum sæpe esse, in quibus tota Schola Hippocratica cane pejus & angue vetat, quidquid, Natura non indicante, imo repugnante, crudos, ob idque ad motum bonum ac salutarem ineptos, movere possit humores: in eo occupata unice, ut coctionem promoveat, viasque excretorias omnes expediat sic; ut paratas easdem, aptasque omnes, inveniat post coctionem Natura, perque harum unam, pluresve, morbosam eliminet materiem.

§. VIII. Ad male intellectam meam de lata pulmonum cohæsione cum pleura sententiam, utrum scilicet morbifera dicenda illa esset, an non; alibi respondi: neglecta tamen necessaria animadversione in citationem plurimorum Autorum, qui apud Ill. *Hallerum Elem. Physiol. Tom. III. pag. 122.* vel Lobi, vel alterutrius, vel Pulmonis utriusque omnino concreti, in genere; veluti *integræ cum integerrima respiratione cohæ- sionis*, testes fuisse perhibentur.

Itaque regero 1. Cunctorum, qui hic laudantur, Autorum numerum valde exiguum esse, præ numero illorum, qui hanc adhæSIONem si- ve aliquam, si ve integram, morbosam nota- verint.

2. Haud vero omnes illos Scriptores id te- stari, quod testati esse Ill. Viro *Hallero* vi- deantur.

Primo enim Juvenis apud Ill. *B. van Swieten, Comm. Tom. I. pag. 510.* non habuit adhæSIONem dimidii pulmonis, ut *Hallerus* scribit, sed dextri pulmonis tantummodo *medii lobi*. Ad- dere necessario hic debeo, Ill. Præsidentante, juvenem, ante fatalem Apoplexiam, Hæmop- toicum fuisse.

Secundo, quæ ex *Actis Haarlemensibus* notatur cohæSio, *sinistri* quidem totius pulmonis fuit, sed non gesta inculpate. Additur enim respiratio- nem fuisse a novem & ultra mensium spatio *valde impeditam*.

Tertio inter illos, qui integram cohæSIONem
Tom. III. M cum

cum integerrima respiratione observaverunt, recenseor & ego, *Rat. Med. Tom. I.* minus æque tamen. Sic namque scripsi ibidem, „Nec
 „ vitiose respiravit quatuor primis diebus, uti
 „ neque post peripneumoniam curatam, nisi
 „ sub mortem. Respiratio tantum fuit natura-
 „ rali brevior, pulsusque naturali paulo cele-
 „ rior ac debilior, vix tamen inæqualis.” Præ-
 terea operam navaturus omnem, qua juxta
 leges physiologicas vitæ modum explicarem ho-
 minis, qui totum thoracem, plueram, diaphrag-
 ma, pulmonem, pericardium, cor, vasa ma-
 jora, mediastinum, in unum solidum sic con-
 cretum habuerat, ut harum partium nulla po-
 tuisset seorsim moveri; amplectebam, ut longe
 commodiorem, illorum sententiam, qui pulmo-
 nes perpetuo statuunt contiguos pleuræ; & ni-
 hilominus rem hanc totam, ut mihi inexpli-
 cabilem, cogebar dimittere. Unde profecto qui
 hac mea historia uti vult; ad probandam inte-
 gerrimam cum universo accreto pulmone respira-
 tionem, tum plus dicit, imo utcumque con-
 trarium potius, quam ego; tum si quid prius
 probaret, consequeretur quoque necessario id,
 quod omnia mox enumerata viscera partesque
 in unum solidum perfecte concretæ, integerrimam & circulationem, & respirationem, non
 læderent. Quia igitur quod nimis probat, pro-
 bat nihil, mentio non fuisset hujus casus fa-
 cienda.

Quarto *Boyleus* inter eosdem numeratur. Ve-
 rum

rum nec ille *integrum* Pulmonem adhærentem vidit, nec cum illo integre adhærentem *integerrimam* notavit *respirationem*. Ait quippe se vidisse Pulmonem *multis in locis* adnatum, qualisnam vero respiratio fuerit, ne meminit quidem.

Quinto idem testari narrantur *Acta Edimburgensia*, *Act. Tom. II.* Acta quidem hæc nonnullos incompleto coalitus notant, sed egregii Viri *Waugh*, & *Lovis*, *respirationis* notabiliter in vita læsæ meminerunt; & ad adhæSIONEM completam, cuius *Hallerus* mentionem facit, doctis. *Andrew St. Clair*, *respirationem*, quamvis æstate mortem præcedente emendatam notet, eandem saltem antea admodum difficilem, atque cum tussi pertinaci, nocturnisque sociatam describit sudoribus: præterquam quod, si quid probaret hæc historia, una probaret, quod absonum, pulmones, ut pleuræ undique adnatos, sic eosdem TOTOS tuberculis caseosis, vomicisque purulentis PLENOS, *respirationem* integerrimam non lædere. Typographo metam urgente, deficit tempus reliquos laudatos in *Elem. Phys.* Autores consulendi.

3. Demum assero multorum in Anatome minus versatorum Sectionibus diffidere, prudentiæ sæpe esse; cum in casuum Collectoribus haud defint, qui inter cohæSIONEM fibrosam, & aliam sive mucosam, sive inflammatoriam, sive serosam nuncupandam, de qua toties Partibus prioribus egi, quæque brevi ante mortem fit, haud sufficienter interstinxisse videantur.

Quos porro si expunxerimus, numerus tandem illorum, qui notabilem integrumve pulmonum ad vicina coalitum, cum illibata respiratione, observaverint, exiguus omnino adparebit.

§. IX. Refutatio a me expectabitur forsitan iniquarum quorundam animadversionum, publicis Novellis insertarum, in & in meas contra Ill. *Hallerum* editas *Difficultates* ac *Vindicias*. Verum cum ab una parte harum animadversionum Autores se ipsos refutarint, ineptissimos se demonstrando, qui de rebus Medicis tolerabile quid proferant, cum ab altera parte, quemadmodum paulo ante monui, eximium opus, meris, iisdemque numerosis experimentis, *Halleriana* refutaturum, ad typum paretur, aliusque Vir in Italia celeberrimus simile contra *Hallerum* opus paret; æquitas a me hac vice poscit, ut hos Scriptores publice non prostitutam, sed ipsis potius suam ipsorum crassam & ineruditam Criticem condonem.

C A P U T VIII.

Varia de Sudoribus in Morbis acutis.

§. I. Hippocratica tota nostra Methodus est. §. II. Longus Hippocratis textus ex Progn. limitatur, & suis exceptionibus traditur, ex ipso Hipp. §. III. Morbi nomina exemplo Hipp. querenda. §. IV. Quæstio an sudor in ægra nostra 7. die contingens, Criticus esset, nec ne, utrinque agitur. Quandonam ante sudorem criticum rigor præcedat oportet, quandonam non? Licet sudores optimi sint prægressi, nihilominus in alios morbos incidere ægri, imo & in mortem, possunt. Ea occasione exponuntur quidam textus Hipp. & Gal. §. V. Multi iterum textus Hipp. de sudoribus continuis aut frequentibus explicantur, tristisque confirmantur exemplo.

§. I. **H**ippocratis methodus ea nostri Nosocomii est; Hippocratis est, quam ad lectos ægrorum sequimur, norma: non proprie quia ejus, sed quia purum est Naturæ studium, nullis aut innixum, aut sociatum hypothesibus. Uti ad hoc demonstrandum plura specimina toties dedi, sic etiam nunc, quo Medicinæ Studiosis hæc norma maneat alta mente reposita, & quo promissis, alibi de

totius doctrinæ Hippocraticæ adornando compendio datis, stare incipiam, notabilia quædam referam.

¶ II. De sudoribus ab lectos ægrorum frequens sermo est; qui, ut Hippocraticæ doctrinæ accommodandus, textum Prognost. Libri ut basin agnoscit. „ Sudores optimi quidem per
 „ omnes morbos acutos, qui diebus judicatoriis contingunt, & penitus febre liberant.
 „ Boni vero quicumque toto corpore orti, ostendunt ægrum facilius ægritudinem ferre.
 „ Pessimi autem frigidi, quique circa caput tantummodo, faciemque, & cervicem, oriuntur. Ii namque cum acuta febre mortem, cum mitiore vero morbi longitudinem, præsignificant: qui & per totum corpus eodem modo, quam secundum caput, fluunt. Qui vero Milii formam referunt, & circa cervicem tantum pravi, boni autem qui guttatim, & exhalantes, contingunt. Atque hoc in totum de sudoribus animadvertendum est, quod nonnulli ex dissolutione corporum, alii vero ex vehementia inflammationis oriantur.” Et
 „ Coac. n. 572. „ Sudor optimus sane, qui febrem die judicatorio tollit; utilis autem & qui allevat; malus vero frigidus, & ubi caput duntaxat, & cervix insudat. Nam & temporis diuturnitatem & periculum denuntiat.”

Dum ad hunc textum doctrinam clinicam accommodamus, semper memores sumus legis ejusdem nostri in Arte Dictatoris, qua Natura

ræ aberrationes & exceptiones attendere caute jubeat, doceatque etiam bonis cum sudoribus morbos nonnunquam aut lethales, aut longos, fieri; tum & defectum sudorum bonorum ita aliunde suppleri, ut & citum sequatur, & tutum judicium. His cautelis progressi, quousque Artis præcepta indubitata, quousque dubia *Hippocrates* eadem tradiderit, intelleximus. En porro exemplum.

Femina 26. annorum, febre continua acuta, una cum repetentibus sæpe doloribus capitis, atque pectoris, decumbens, die morbi quinto ad nosocomium nostrum adducta est. Maculas subpurpureas paucas in pectore mox in illa deteximus, ad dorsum, in ventre. Subdubitantibus Medicinæ studiosis num forte publicum morsus non forent, paulatim constitit ejuscemodi non esse: 1. Quia sapissime in morsu pulicum punctulum distinctum rubicundius reperitur, lætior in ambitu rubeo. 2. Quia sensim loca pallescunt, ut paucis postmodum horis, saltem die altera, aut vix, aut nulla, reperiās vestigia. Nihil tale in hac ægra; nam & maculæ hæc integra, quam occupabant, plaga rubræ æqualiter, & centro conspicuo carentes, nec ante diem morbi 12. evanidæ; an ad Petechias ergo referendæ?

§. III. Quærebatur morbi nomen? Acuta febris cum cephalalgia ad Phrenitidem sæpe-referenda est, præagitive saltem illam; eadem cum laterum dolore, ad Pleuritidem. At vero

utriusque loci dolor, nec perseverans, neque
 explens pleuritidis aut phrenitidis definitionem,
 relinquebat nobis acuti solam febris ideam. Igi-
 tur morbum vocavimus febrim continuam pu-
 tridam, imitati Magistrum, qui Epid. I. hi-
 storiam *Cleonactidis* sic infit: „*Cleonactidem*,
 „ qui supra *Heracium* decumbebat, ignis, id
 „ est febris ardens, vehemens ordine vago pre-
 „ hendit: dolebat autem ab initio capite &
 „ sinistro latere.” Quemadmodum igitur ille
 morbo, quem vagi capitis laterisque dolores ab
 initio concomitabantur, nomen febris ardentis
 servaverat, ita & nos nomen synochi putridæ.

Secundum indicationem, in simili morbo for-
 mandam, bis ipsi Vena secta est, data alimen-
 ta, potulenta, medicamenta, qualia ejusmodi
 ægris *Tomo I. Rat. Med.* nos dare solere de-
 scripsi. Sudor eam die septimaprehendit, isque
 calidus, universus, copiosus, sex horarum spa-
 tio, tam insigni cum morbi levamine, ut post
 placidam noctem, sola superesset capitis gravi-
 tas die octavo; febre prorsum cum cæteris exu-
 lante symptomatibus

§. IV. Quærebatur essetne judicata ægra
 διὰ τελευτῆς?

Utique dies criticus erat, & qui pro crisi
 sudor optimus. Aphor. 4. 36. Morbi autem
 conditio hæc erat: Cruditatis signa urina ha-
 bebat, alvusque, usque ad initium sudoris: in-
 terim ipsa febris post ultimam missionem san-
 guinis cujusdam coctionis signa tulerat, perque
 illud

illud ipsum remissionis tempus somnus inquietior, subdelirium, levis nausea, criticam quandam perturbationem subinsinuare potuerant, maxime cum brevi post sudor tantus, tantoque cum levamine, sequeretur.

Verum defuerat rigor ante sudorem. Rigorem autem sudores criticos præcedere oportere, *Hippocrates* lib. I. *Epid.* in *Cleonætidis* historia, in qua admirando Laconismo suo sylvam obervationum integram comprehendit, nos docuit. Simulque retulit, eo quod rigor ante sudorem defuisset *Mulier*, quæ in littore habitabat, licet ipsa post sudorem febre omnino vacaret, tamen quinto febris ardentis die symptomata rediisse cruditatis, nec sanatam ægram, nisi ad undecimam obrigescens, nova febre corripere, ab eaque tandem die decimo quarto judicaretur vomendo, sudando. Quare eodem libro I. *Epid.* edit. *Foëf.* „ Plerique ægotantium circa Crisin rigeabant; ac præcipue ii, quibus non fluebat de naribus sanguis: rigeabant autem hi, & sudabant.”

Hinc in *Zoili* pag. 1203. Historia. Nescio, inquit, quomodo ille sine Rigore judicaretur. „ Et dein sudores non decernentes enarrans, subjungit: Absque Rigore est die 14. judicatus. „ Ostendit tamen postea, quam imperfecta ejusdem judicatio fuerit.

Itaque defectus rigoris de sudoris jubebat dubitare bonitate, ad crisin sufficiente, ab altera parte

parte consulenda erat, quam de sua ipsa regula fecerat *Hippocrates*, exceptio. Quippe refert „ Epid. 4. pag. 1131. *Menandri Vinitorem*, „ non esse, ut quidem sororem *Timenæi*, rigores passum, quamvis judicatione absolveretur, eo quod alvum perturbatam, ac liquidam, ab initio morbi habuisset.”

Ad hanc exceptionem explicandam juvat decimus, isque obscurior, textus libri VI. Epid. cum *Galen*i explicatione. Textus sic habet: „ Ante rigorem Urinarum suppressiones, si cum „ bonis signis processerint, & alvus dejecerit, „ somnique affuerint.” In quem *Galenus* dum historiam *Menandri* elucidat: „ Igitur si alvus „ plura dejecerit, Urinæ suppressæ fidere non „ convenit ad futurum rigorem præsentendam: „ at si alvus fluxa non sit, proximamque esse „ morbi judicationem prænoveris, ægrotum rigere, sudareque, necesse est.”

Cum igitur ægra nostra, quemadmodum *Vinitor Menandri*, perturbatam aliquomodo ac liquidam habuisset ab initio alvum, judicatio æque bona & perfecta, quam illa *Vinitoris*, censeri poterat. Verum ita censendo non fuisset mentem *Hippocratis* rite assequuti. Crebritate enim observationum ille didicerat haud modo, qui horrore præcedente caruissent, verum etiam qui illum præcedentem habuissent, sudores, incertæ prognoseos esse, donec status insequens judicationis confirmaret certitudinem: quippe integre judicari quandoque ægros sudorum horum

alteruîro, unicâ saepe alios repetitâ vice ; imo non semper inde ne a morte quidem ægrum præservari : Ita *Charion*, ex potus abusu in febre ardentem lapsus, licet die 7. post rigorem acute febricitans, diffusoque per totum corpus sudore manans, certo quodam modo judicatus videretur, nihilominus die nono novum insultum passus est ; & graviozem die 14. cum sudore ; aliumque die 17. novo cum rigore, febre, sudore ; ac tamen non nisi 20. die (quodenum modo non narrat,) absolute judicatus est. Et *Dromeadae* uxor, licet ter sudorem cum rigore experta, nihilominus 6. die periit.

Igitur toties horum omnium exempla auditoribus in nosocomio demonstrata, in pronuntianda sententia cunctari omnino jubeat. Docuitque eventus haud inanem fuisse cautelam. Ægra nostra die 8. 9. 10. calido balneo crurum insidens, vomuit. Urinam hypostaticam die nono miserat. Die undecimo alvum coctam, biliosam. Die 13. vix vestigia macularum. Die 14. optime ac blande purgabatur abunciis quatuor aq. Lax. Vienn. noctemque dato paregorico transegit tranquillam. At vero die 15. febre invadebatur tantî caloris, ut 104. gradum Therni. Fahrench. æquaret ; qualem febris in illa necdum attigerat. Die 16. mane calor 106. vespere 109. gradus notabat. Vomitus interea, dura alvus, urina jumentosa. Die 17. febris cum cephalalgia, vomitu flavo, flava alvo, ac pultacea, quater missa. An tandem

dem vomitu judicata alvoque? Fere quidem ; integre autem nondum. Etenim diebus insequentibus cum urina hypostatica vires rediere, pulcreque restitutæ sunt functiones ; caput autem vertiginosum mansit, & hebes, & grave. Unde purgans cum paregorigo repetitum: nihilominus a die 23. vagi observabantur colici dolores, noctu quam inter diu graviores, vomitusque frequentes. Et hinc, & quod oculorum album id innueret, & quod brevi ante ægritudinem vermes his ore expulisset, haud immerito vermium nata suspicio est. Datis ideo cum antihelminthicis, tum purgantibus, demum sanitatem integram 34. die adepta est.

§. V. Atque hæc de sudore critico ; de eodem vero aut continuo, aut frequenti, paucis videamus. Sudores frequentes aut continuos, vi productos morbi, nunquam in Nosocomio salutavimus salutare, sed vel in mortem, aliosve in morbos tendentes, vel demum, hisce cessantibus sudoribus, animadvertimus aut per alias vias, aut per bonum sudorem, febres judicatas.

Confirmatam proinde ubique Hippocraticam veritatem conspeximus. Epid. 1. *Erasin*, qui 5. die morbi sui periit, febres aderant ad mortem usque cum sudoribus. Et Epid. 3. ægr. 4. *Phreniticus* homo primo die habuit sudorem copiosum, assiduum, toto corpore dimanantem ; ita & die altero, & tertio, cum symptomatibus gravibus, quarto vere periit. Cur *Euxeni*
uxor,

uxor, Epid. 7. pag. 1234. septimö post remissionem die obiit? Sudores affuerant ab initio per totum corpus; iterumque morbo medium agente cursum Cur *Nicolai* filius die 7. mortuus? Quia præter alia symptomata prava notat Hippocrates Epid. 7. pag. 1234. illum per morbi crudum statum bis sudasse. Cur *Philiscus* Epid. 1. pag. 966. die 6. cum sudoribus frigidis extinctus? primo ac tertio crudi morbi die sudaverat.

Sic viri immortalis doctrinam intelligimus, quam diversis operum suorum docuit locis. Prorrh. 1. text. 58. „Sudor in febribus acutis copiosus, pius est.” Et mox initio 2. Epid. „In siccis caloribus magnis, febres ut plurimum circa sudorem; sin vero ipsis durantibus leviter ac guttatim pleure ceperit, febres eadem jam ab initio sudores copiosiores, difficiliorumque crisin, quam alias, habent: licet tamen haud ita difficilem, quam si a morbi ipsius ratione, aut natura, profuerent.” In *Phrenitico*, in *Euxeni* conjuge, in filio *Nicolai*, in *Philisco*, veritas constitit effati Hippocratici Coacar. no. 574. „Qui una cum febre incidit sudor, pius est.” Et quidni? Γὰ κρίσιμα ἐς βελτιον ἢ αὐτίκα ἐπιφαίνεται, dixerat Epid. 2. sect. 2. „Haud ilico cum morbo appareant ea, quæ in melius judicent.” Et quare non debent hæc ab initio apparere? Respondet ibidem pag. 999. Γὰ

Τὰ προαρινόμενα ἢν ὡς πρὶν, „ Quæ in cru-
 „ ditate præmature judicant, morborum recidi-
 „ vas faciunt, & si non has, tunc Crises aut ma-
 „ las, aut nullas: quin & si copiosiora, perni-
 „ ciosa sunt.”

Ex quibus liquet quantopere & *Hippocratis*,
 & nostræ experientiæ, illorum Medicorum ad-
 versetur methodus, quæ ab initio ad excretio-
 nes quascumque, potissimumque sudoris, vires
 intendat omneis; methodus, inquam, quam opti-
 mus *Boerhaave* adeo damnavit Aph. §. 715,
 716. „ Sudor,” inquit, „ in initio acutæ, fe-
 „ bris cujus causa paullo pertinacior. — si
 „ perennat, orbat sanguinem liquido diluente,
 „ reliquum inspissat, obstructions facit lethales;
 „ sanguine postea vix diluentibus, vel resollen-
 „ tibus auscultante; unde omne fere acutorum
 „ genus produci potest.” Longus forem omnia,
 quæ in hosce binos textus *Boerhaavii*, ut & in
 610. ac 698. *Illustrissimus Commentator* habet,
 referendo: sufficiat monuisse cuncta eo collinea-
 re, ut penitus codemnet cum *Boerhaavio* lecti,
 conclavis, aëris, medicamenti, calorem, in com-
 munibus, quorum causa pertinacior est, acutis;
 & ut multis, potissimumque tribus diversis in
 locis, resumat æternas *Sydenhami* laudes, „ quem,
 „ ait, generose, animose, ausu generoso, se lo-
 „ lum fere, primumque, communi torrenti op-
 „ posuisse.”

Triste hujus exemplum vidit Nosocomium
 quondam. Italus homo a primo, ad quintum
 diem

VARIA DE SUD. IN MORB. ACUTIS. 198
diem febris, putridæ acutæ, potu Theano copiosissimo, lectoque ac cubiculo calido, profusissimos sibi elicuerat sudores, a quibus vehementer debilitatus, meam demum implorabat opem. Pergente sudore die 6. & 7. nauseas passus est, ventrisque dolores, die octavo copiosissimam alvum, ab 8. die ad 10. qua mortuus est, perpetuos sudores. Mala utique arte infelix homo per primos quinque morbi dies crudam moverat materiem, sanguinemque exsiccat; unde die 6to. criticorum infidissimo, ad ventriculum & intestina materiæ morbosæ perturbatio nata; octavo die, non critico, evacuatio quidem alvi flava ac copiosa, sed ceterum sanguis adeo spissus, ut tranare per minima non potuerit, debilitasque observaretur tanta, ut nec movere artus, nec in lecto se erigere, citra animi deliquium, posset; ac præterea, ab octavo die ad mortem usque, sudor a sanguine sic condensato, ut aquosa epota haud ultra secum commiscere posset, perpetuus manaret. An palpabiliore testimonio doctrinam datam possumus confirmatam videre? Caput XXI. funesta exempla plura suppeditabit.

C A P U T XX.

Varia de Crisi morborum.

§. I. Observationes Hipp. de morbis sine Crisi terminantibus; ad Resol. benignam minime referendis. §. II. Ejusdem observationes de Crisi perfecta. §. III. De Crisi imperfecta cum recidiva. §. IV. Ejus mos agnoscendi Crises, quæ alios in morbos tendant, imo quæ in mortem: regulæ ejus de Criseos bonitate & perfectione judicandi. §. V. Perfectæ Crises, quæ imperfectæ videbantur, & versa vice. Crises cum perniciosis symptomatibus bonæ. Ea occasione differitur de urinis nigris, quæ per se lethales, nonnunquam tamen cum bona Crisi apparuere. Attamen una ægra excepta quotquot post urinas nigras convaluere, non nisi post plures ærumnas convaluere. Galeni, & multorum cum illo, de urina nigra errores hypothetici. Et in chronicis urinam nigram laudamus, factâ bonâ Crisi, formidamus faciendâ. Pisonis textus & casus non docent contrarium. §. VI. Crises bonæ & perfectæ cum pravis, alio modo, urinis, pravis sputis, &c. Crises malæ, imo mortes, bonis cum sudoribus, cum bona, imo hypostatica urina. §. VII. Ad firmam prognosin tamen urinae bonæ passim requiruntur, ad easque Hipp. attendit cum ma-

xume, §. VIII. Bonæ ac praviæ urinæ solæ prognosin non formant: jungenda illis semper signa reliqua. Bonæ, insolitæ licet, Crises. Ad generalium regularum exceptiones perpetuo attendendum; ea vero lege, ut haud ita exceptiones consideremus, ac si regulam generalem auferrent. Pulcherrimum Hipp. in hisce exemplum. §. IX. Solæ ne urinæ morbos judicent? Probatur. §. X. Difficile sæpe exordium determinare acutorum: qui hic se gesserit Hippocrates? §. XI. Agitur quæstio num, Crisi bona contingente, prædici possit fore eam perfectam, aut non perfectam? Regulæ Hipp. omnem hic nobis prudentiam suadent. Morbi sive lethales, sive periculosi, nonnunquam formantur insciis ægris, inscio medico. Historia ægrotantis adjungitur, quæ multa confirmat dictorum.

§. I. **E**X Hipp. Gal. Aretæo Capp. ceterisque subsequentium Medicinæ Corryphæis, summus in arte Boerhaavius dedit nobis succinctam descriptionem cruditatis, coctionis, criseos, evacuationisque criticæ, in morbis acutis, Inst. §. 922. 925. 926. 928. & a 931. ad 940. His, ut per se perspicuis, non immorabor, recensurus duntaxat quas ipse Hippocrates, quas nos post illum, exceptiones in norma generali observandas deteximus.

Atque ut ab Hippocrate ordiar, observavit ille 1^o. Morborum finem citra Crisin. tradens

dens illam, quam in *Thaso* observaverat, constitutionem morborum, 20. 40. 80. die judicatorum, „ Erant etiam, subjungit, quibus ne „ quidem sic, sed errabunde, & nulla obler- „ vata judicatione, febres desinerent. „ Eademque in urbe grassantibus postmodum febribus continuis remittentibus, *Tritaiophyis* dictis, notat „ ægrotantium plerisque febres absque judicatione desuisse. „ *Praxi Medica* in 29. annum occupatus, necdum potui casum aut observare talem, aut demonstrare.

Cum simile quid, raro tamen, post *Hippocratem* unus notare alterve potuerit, *Boerhaave* prudenter *Inst.* §. 913. „ In morbis acutis, „ ait, qui in humoribus consistunt, disponitur, „ ut plurimum, certo tempore, materies morbi „ ita, ut fiat subita mutatio morbi in sanitatem vel &c. „ Quæri potest num morbi, qui citra crisin finiebantur apud *Hipp.*, ad sanationem per *Benignam resolutionem* referendi sint? Verum cum in *Resolutione benigna* inter cætera requiratur benigna morbi materies, & in *Historia* data ab *Hipp.* materiei perquam malignæ signa obtinuerit, ἀπίστων illi *Hippocratis morbi* per benignam *Resolutionem* non explicantur. Esetne hæc variarum rationum una, cur *Hipp.* dixerit *Aph.* 2 -- 19. „ Acutorum morborum ὁ πᾶσι πᾶσι, non omnino, non absolute, non citra ullam exceptionem, tutæ sunt prædictiones sive mortis, sive sanitatis? „ Etenim si nihil critici in morbi sanatione

natione observatur, etiam nihil certi Medicus ad præsentem futurum morbi statum, pronunciare potest.

§. II. Ut morbos descripserat ἀρίστως ita descripsit multos διὰ τέλεος, δι' ὅλης, integre, judicatos. Sæpe adhuc addit: „ Neque morbi est facta reversio, ” Fatendum tamen est neque „ unum neque alterum sæpe adjunxisse morbis, quos simpliciter judicatos tradidit, licet & perfecte, integreque, & citra morbi reversionem, essent judicati. Crises tales perfectas Nosocomium exhibuit multas.

§. III. Descripsit judicationes cum reversionibus, quæ frequentes admodum ipsi visæ; ita quidem ut Epid. I. integram viderit constitutionem, in qua nullus servaretur, nisi post recidivam, reconvalescerentque quotquot relapsum passi essent. Ut Hipp., ut omnes Medici, ita & in nosocomio nos frequentes relapsus cernimus. Est alia ratio cur Hippocrates in laudato mox aphorismo fassus sit, acutorum morborum haud esse tutas citra ullam exceptionem prædictiones. Sæpe sæpius cernimus Crisin omnibus numeris absolutam, integramque post eandem brevi redeuntem sanitatem, dum interea primo, altero, tertio, quaternario dierum elapso, morbus idem, aut similis, aut prorsum alienus, redeat. Contingitque subinde, ut de qua Crisi, num perfectam dicas, valde dubitares, eandem perfectissimam salutes; quamque arbitratus perfectissimam esses, hanc doleas fallentem. Ad talia in

nosocomio data exempla ipsum hunc aphorismum adplicare soleo, & una cum Medicinæ auditoribus prudentiam disco in danda prognosi.

§. IV. Judicatos *Hipp.* vocat, quibus varia tamen incommoda, eademque sæpe gravia, post Crisin acciderint, imo quorum nonnullos mors abstulerit. Libr. judicatos appellat, quibus parotides postliminio suboriebantur; iisque necdimittentibus, nec suppurantibus, vel Diarrhœa biliosa nascebatur, vel Dysenteria, vel crassarum Hypostasis urinarum. *Metonem* Epid. 1. judicatum die 5. pronuntiat, cui nihilominus post judicationem pervigilium ac delirium leve nonnunquam affuit, a quibus non nisi crebriore narium hæmorrhagia est liberatus. Ibidem *Clazomenium* nobis refert die 20. Judicio liberatum, qui tamen ad diem 40. multa passus, demum mansit Amblyops. inter judicatione absolutos retulerat *Scymni fultonis ancillam*, & *Cratistonaëtam*, quos, licet parotidibus suis critice suppuratos, mors dira abstulit. Sic etiam videmus apud ipsum morbi crisin in mortem describi. Et Epid. 3. *Euryanactis* filiam narrat 6. die judicatam, quæ postea, & ut videtur circa 19. diem legitur obiisse. Sane si ad constantes judicationes perpetuo addidisset suum *per totum*, suum omnino, aut *perfecte*; si ad imperfectas vel nihil addidisset, vel, ut Epid. 1. morbus judicatus quidem, sed *intermisit* tantum; historias morborum suorum accuratius traditas forte gauderemus. Haud

Haud vero id *Hippocrati* ita visum, idque merito, est. Exemplo hoc ipso suo prudentem cautelam docuit posteritatem. Dixerat Aphor. 2 — 12. & *quinquies* in Epidemicis repetiverat: „ Quæ in morbis post Crisin relinquuntur, recidivas facere solent.” Porro recidivas aliquando letales esse demonstraverat. Hinc mos illi perpetuus invigilandi post Crisin ægrotis. Crisin esse perfectam ex aliis non noverat signis, nisi rerum post eandem eventum. Hinc toties additit *ἐν ὑπέρσπερσι*. Debuit ergo suos in ægros perpetuo attentus fuisse, ut vel integra vel imperfecta ægrorum in sanitatem illibatam constantemque restitutio, vel mutatio in alium morbum, vel recidiva nonnunquam letalis, sibi primo innotescerent, antequam, quam jam Criseos nomine donaverat, vel veram, vel personatam duntaxat fuisse, asseveraret.

§. V. Dixeram superius crises, quæ numeris omnibus videantur absolutæ, sæpe minime absolutas esse, & quæ imperfectæ admodum adparerent, has integras fuisse rerum constare eventu. Cum id in nosocomio toties visum, operæ pretium erit altius, ac præcipue ex *Hipp.* repetere.

Cum urinis plane nigris & subnigris, seu tenuibus, seu cum contentis quoque nigris, Crises acutorum morborum observamus bonas.

Attamen nihil in praxi Medica certius ac testatius est summa nigrarum urinarum perniciem.

Consulamus hunc in scopum universam Medicinam.

Hipp. in progn. „ Viris, mulieribusque, omnium pessimæ urinæ nigræ, sicut pueris aquosæ. ” Et *Coac.* n^o. 580. „ Pestifera autem est, inter urinas & quæ hypostasim habet nigram, & quæ ipsa quoque est nigra: sed pueris pestifera est magis aquosa. ”

Unde *Hipp.* describens febres ardentes lib. I. *Epid.* 1. „ a quibus plerique omnes moriebantur ” addit: „ Urinæ his erant nigræ, tenues, & paucæ. ” Exemplis præterea urinarum nigrarum pravitatem demonstrat. *Pythio in Thaso*, post urinas primo subnigras, deinde nigras, 10. die mortuus legitur, *Epid.* 3. *Mulier in Cyzico* cum urinis nigris tenuibus, deinde oleosis, 17 die periit, *ibid.* *Mulier in Thaso ad frigidam decumbens*, 80. die interiit, notante sic *Hipp.* „ Urinæ huic perpetuo nigræ, tenues, & aquosæ fuerunt, ” *ibid.* *Adolescens in Foro Mendacium* post urinas subnigras obiit 7. die, *ibid.* *Femina in febre ardente post puerperium* 7. die expiravit, urinis 5. & 6. die paucis, tenuibus, subnigris, *ibid.* 1079. *Philiscus* habet die 3. 4. & 6. urinas nigras, 6. die moritur, *Epid.* 1. *Erasinum* mors die 5. abripit post urinas nigras. *Epid.* 1. *Abderæ, Apollonius* in mortem incidit 34. die cum urinis, quas *Hipp.* scribit, ex quo ipsum in morbo viderit, fuisse nigras *Epid.* 3. *Silehus* morbi die 11. extinguatur, cum toties nigras urinas,

nas aliquando cum hypostasi nigra reddidisset.

Hoc *Galenus* libr. I. Cris. cap. 12. *Charter.* tom. 8. „ Pessima igitur est omnis urina deni-
 „ grata, adeo ut neminem unquam servatum
 „ viderim ex iis, qui talem urinam minxe-
 „ runt: Exceptiones quasdam adjungit, sed quæ
 ad rem non faciant; agit enim *Hippocrates*
 in his ægris, non de urinarum contentis, sed
 de ipsa urina subnigra nigraque. Hinc quod
Galenus, hoc textu, quod *liber Galeno ad-*
scriptus de urinis, cap. 20. quod *liber de urinis*
ex Hipp. Gal. aliisque subjunxere: „ Minus ve-
 „ ro perniciofa est si solum id, quod subsidet,
 „ nigrum fuit; atque adhuc minus, si solum
 „ enæorema, ac multo minus etiam, si nebu-
 „ la: ” hæc, inquam, exceptiones locum hic
 non habent, quandoquidem de ipsa urina ni-
 gra sermonem facit *Hippocrates*, non de con-
 tentis.

Equidem negavit omnino *Galenus* urinam
 nigram existere posse, quæ simul tenuis esset:
 negarunt idem cum *Galeno* Auctor libri *de*
urinis Galeno adscripti, liber *de urina ex Hipp.*
Gal. aliisque, ut & *Theophilus Jatrofophista*
libr. de urinis, qui omnes libri apud *Charte-*
rium tom. 8. inveniuntur. Et cur negarunt?
 Quia causam nigredinis urinarum hypothesis il-
 lorum ab atra bile deducebat; quæ cum crassa
 esset, non posset urinam nigram simulque te-
 nuem exhibere.

Miror *Galeni* aliorumque errorem, miror eo-

rum erga *Hippocratem* irreverentiam. Error est crassum liquorem nigrum non posse aquæ limpidae copiosæ conciliare nigredinem sic, ut aqua hæc cum nigredine sit tenuis, atramenti enim crassamentum exiguum nigram reddit copiosam aquam, haud ablata ejus tenuitate. Hic tamen adeo palpabilis error seducere hos Auctores eo potuit usque, ut, quod tot locis vidisse se testetur *Hippocrates*, non suspiciant, imo se simulent ignorare. Unde recte *Lud. Mercatus* vol. 1. lib. 2. asserit illos omnes urinam nigram posse tenuem esse *oscitanter* negasse, toties nigram ac tenuem demonstrante *Hippocrate*.

Duretus in verba *Hippocratis*: *Pestifera autem est inter urinas, quæ & hypostasim habet nigram, & ipsa quoque est nigra*: „Pestifera est „inter urinas, de qua sperabilis nulla curatio „est febris acutæ, cujus ardore talis mejendo „emittitur.”

Quamvis igitur omnium testimonio urina vere nigra letalis sit, idque tot confirmavit *Hippocrates* exemplis, videmus tamen & cum iisdem servatos ægros, & una cum illis crisin bonam factam.

I. *Metoni* ad 5. diem judicato urinæ subnigræ erant, tam ante, quam post Crisin. Haud omnino recte *Hippocratem* intellexisse *Foësius* videtur, dum de *Metone* scribit: „Urinæ istæ „nigricantes, etsi taceat *Galenus*, non sine ma- „gnæ naturæ efficacitate, potuerunt esse salu- „tares, ut in acutis morbis contingit, qui per „uris

urinas judicantur, ut multas pleuritides judicatas scimus per urinas nigras, *crassas tamen*; & quæ solent urinæ nigræ salutare esse, ferè crassæ sunt; *tenuis* letales." Etenim subnigras urinas, earumque subnigrum enæorema *Hipp.* refert ante crisin fuisse, ergo non crassas, utpote in quibus enæorema non apparet: post crisin vero urinarum cum tenuitate nigricantium diserte meminit

Epid. 3. *Mulier in Thaso austera & aspera* habuit ad diem 3. urinas nigras ac tenues, cum enæoremate valde rotundo; eademque nocte perfecte judicata sudoribus est, & catameniis.

Epid. 1. *Herophon*, post nigras tenuesque urinas, est judicatus imperfecte die 9. perfecte autem 17.

Epid. 3. *Heropytus* urinas nigras habuit, & tandem convaluit.

Epid. 1. *Epicratis* uxor judicata est post urinas tenues, ac subnigras.

Epid. 3. *Nicodemus* 24. die integra judicatione absolutus est, post urinas tenues ac nigras.

Igitur sex exempla apud *Hipp.* prostant servatorum ægrorum, quibus urinæ aut subnigræ aut nigræ fuere: & quod ipse, idem alii magni practici observarunt.

Si *Galenum* per se ipsum explicare debemus, etiam sic censuisse reputandus est. Ipse enim, qui dixerat, ut vidimus, eorum, qui in acutis nigram minxissent, se servatum vidisse neminem.

minem, ille ad casum *Mulieris austerae & asperae*, ait: „ Urina licet esset nigra nihil attulit periculosi: quod retenti menses essent „ magis melancholici.” Imo in comm. ad *Mulierem quæ ad frig. aq. in Tbaso decumbebat*, „ Quandam novi,” inquit, „ quæ talibus (nigris) „ urinis magna copia evacuatis, ἀφελισθεῖσιν, opem perceperit.”

Prosper Alpinus lib. 7. cap. 14. de *Præfag.* non malas urinas esse nigras judicat, si cum copiosa hæmorrhagia narium, ut in *Metone*; aut cum largis catameniis, ut in *Muliere austera*, observantur.

Ludovicus Mercatus laudato mox loco: „ Tam men ad salutem,” inquit, „ aut ad mortem „ prædicendam, non est solum nigra urina consideranda, sed alia signa salutaria, aut deleteria adjungere oportet, & inspicere an bene „ exeant, vel male. Namque diffidendum non „ est interim dum virtus constat, ut statuit „ *Avicenna*; quantumvis ab omnibus urina „ talis habeatur.”

Prosper Martianus in *Coac.* no. 580. commentatus, *Mercati* sequitur sententiam. vide edit. Rom. 1626.

Hinc cl. *Rega*, *diff. de Urinis ut signo*, „ in „ æstate anni 1727. ait, vidi ego hic *Lovanii* „ duorum ægrorum, qui adhuc superstites sunt, „ urinam per plures dies atram valde, cum sedimento quoque nigro.” Non addendo autem utrum acute an chronice hi laborarint, minus forte

orte probant bina ejus exempla, ut patebit
 10X.

Sed *Plempius*. fund. lib. 5. sect. cap. 5. in
 cutis malignis nigram urinam quandoque cri-
 cam salutat.

Porro inquirendum est, cur uno tempore om-
 nis denigrata urina absolute letalis habita fue-
 rit, alio tempore minus fuerit?

Hippocrates raro ratiocinando, sed simplici-
 ter passim phenomena enarrando, parum quo-
 que hic explicat; nisi quod in febre ardente
 epidemica, de qua supra actum, narret & ple-
 rosque in ea febre urinas nigras habuisse, &
 aliosque periisse: tum in historiis variorum
 morborum suorum, qui nigra minxerint, aut la-
 vores nimios, aut calores ardentis, aut victum
 corruptum, aut Bacchum, Veneremve, morbi
 inter causas recenferi oportere: denique in
 nonnullis humores melancholicos esse consideran-
 dos.

Numquid hinc celebris illa nata distinctio,
 quam post *Galenum* omnes magni scriptores pra-
 ctici foverunt, qua causas urinarum nigrarum
 partim deducerent a cruore per violentiam fe-
 bris exusto, partim ab ipso humore atrabi-
 lario, qui quidem ante morbum existeret, vi
 autem morbi valida moveretur, miscereturque
 humoribus? Saltem eo collineant omnes ut ni-
 gram urinam semper quidem periculosam valde
 existiment, longe vero perniciosiorem illam,
 quae a corrupto, & exassato per ardores san-
 guini

guine, quam quæ ab humore melancholico orta sit, pronuntient: & cum menstruum sanguinem retentum tolerent melancholicum fieri credere, hinc *Galenus* in Comm. ad *Mulierem morosam* supponit ipsi urinas nigras minus noxias fuisse; quale quid cum ipso censet *Duretus* edit Leyd.

Attamen motu humoris atrabiliarii in acutis *Hippocrati* nihil perniciosius visum. Passim in Coacis, in Prorrh. in Aphor. id videre est. Vid. Aph. 4—22. 23. 24.

Sane si videamus eorum qui, narrante *Hipp.* servati sunt, historias, excepta *Muliere aspera & morosa*, habuere omnes post Crisin aut perfectam aut imperfectam, prava symptomata varia, Crises perfectiores, nigrarum urinarum in colorem meliorem mutationes, alias excretiones salutare. Unde etiam *Hipp. Coac.* 577. & in *Progn.* vel solas nigras lividasque urinarum nubeculas damnavit; & *Prorrh.* 1. n^o. 4. inter alia Phrenitidem ex urina decolori cum nigro enæoremate præfagiit; dein *Coac.* n^o. 581. letale pleuriticis dixit sedimen nigrum in urina porracea, & demum *Coac.* 582. „ In er-
 „ rantibus febribus nigræ nubeculæ quartanam
 „ denuntiant; decolores urinæ enæorema ni-
 „ grum habentes, cum pervigilio, & perturba-
 „ tione, phrenitidem; urinæ cineritiæ vero cum
 „ dyspnœa, hydropem prænuntiat.”

Unde quod *P. Alpinus*, quod *F. Plempius*, aliique, ejusmodi urinas nonnunquam Criticas

opellarint, id secundum *Hipp.* & celeberrimos
 usdem Commentatores, haud aliter capimus,
 telligimusque, quam quod in his ægris, Cri-
 os tempore, una cum nigris urinis, apparue-
 nt hæmorrhagiæ narium, uterive, sudores,
 c. qui morbum aut integre, aut imperfectius
 dicantes, simul indomabile illud, & vix co-
 ile, letiferumque per sese, de corpore expu-
 rint: pari profecto ratione, qua Petechiæ &
 Tiliaria, dum cum aliis evacuationibus pro-
 mpunt, critica quibusdam vocantur.

Exceptionem quidem Auctores petunt chro-
 icis in morbis, dum hepar, lien, aliæve ab-
 ominis partes, sua atra bile, Criseos in mo-
 em, exonerent sese, vel dum melancholicorum
 intermittentes febres nigris judicenter urinis
 ateor & tales formidandas me Crises vidisse,
 ptasse vero ne viderem unquam. Qui histori-
 m Bilis atræ ex *Hippocrate* bene possidet,
 propriaque praxi demonstratam tenet, ille de-
 num novit quid non timendum sæpe ab atra
 ile mota, & quod, etsi aliqui fortunatiores
 mergant, post ejusdem expulsionem validam,
 omitu, alvo, urinis; ejusdem motus nihilo-
 minus sit perpetuo formidandus. Ideo *Hippocra-*
tes, & cum flore practicorum *Boerhaavius*,
 deo anxie ac sollicite inculcarunt nobis, ut
 e movenda bile atra ne cogitarem quidem,
 onec eandem sic primo immutassemus, ut ta-
 is haud amplius esset, neve unquam prodiret
 oras, nisi sic mutata, mitigata, soluta, atte-
 nuata.

nuata, dilutaque foret, ut antiquæ naturæ plurimum deposuisset. Verbo repetam, si in melancholica quartana febre urina nigra Critica dicenda sit, Crisin hanc infidam sic gaudent practici prægressam, ut formident futuram; eamque ob causam quartanam talem cortice, cæterum contrario, moderentur sic, ne bilis atra in motum ducta occidat.

Difficultatem contra hanc sententiam movere quis posset ex observ. C. Pisonis lib. de Coll. fer. sect. 3. cap. 9. Agens hic auctor de Colica Pictonum, & de ea Colica nephritica, quæ Pictonicæ perquam similis, bonas se narrat observasse urinas, quæ sic atræ essent, ut ni quis attente conspexisset, a nigro sanguine tinctas credidisset, tumque subjungit:

„Ejusmodi urinæ atræ mihi sane olim fuere
 „in autumno familiares, & per plures dies,
 „vel etiam quindecim, assiduæ: sed fere iis
 „post aliquot dies dolor Nephriticus, a me
 „descriptus, successit. Alias cum nullam aliam
 „injuriam iis succedentem expertus essem, plu-
 „rium ægrorum deinceps postea querelas super
 „iis composui, & animi anxietatem, earum
 „occasione obortam, longe facessere jussi” Hinc
 quisquam forte concluderet urinas nigras tam
 pestiferæ naturæ minime esse, quam hucusque
 descriptæ sint.

Sed regero i. summas easque multiplices auctoritates pro sententia de harum pravitate urinarum laudatas, unica hac observatione Pisonia-

iana, eaque omnino extraordinaria, non eli-
 i. 2. Ex ipso Pisonis textu abmiguum fieri an
 ere nigra ejus urina fuerit? Et an non po-
 tus sic nigredinem retulerit, qualem toties in
 chronice Nephriticis contuemur, quæ a san-
 guine commixto penitus videatur nigrescere,
 quamvis non ea, de qua hic agitur, urina ni-
 ra sit. Calefacta urina differentiam demon-
 strat. 3. In renibus ac vesica urinaria, ut &
 in omnibus sive naturaliter cavis, sive præter-
 naturaliter excavatis, corporis partibus, ejus-
 modi humorum aut solidorum degeneres muta-
 tiones ut consistentia, & forma, ita & colore,
 nos experiri, cujusmodi circulatio humorum non
 toleraret, sed a quibus extingueretur: nihilo-
 minus degeneres has conditiones longo sæpe tem-
 pore tolerari, quia extra circulationis veluti
 territorium sunt. Hoc modo vidi in chronica
 Nephritide, vidi in Dysuria, sic alcalinam pro-
 leuntem urinam, ut mictionis momento vehe-
 menter effevesceret cum aceto. Sic Pisonis ne-
 phritici urina, non atra de sanguine secreta,
 sed corruptum atque atrum transeuns antrum,
 atra reddi potuit.

Ergo, quo ad thesin propositam redeamus,
 Crisin quandoque fieri bonam cum urinis, &
Hippocratis & Auctorum præticorum pene uni-
 versorum, testimonio, vel absolute per se leta-
 libus, vel saltem summopere periculosis, di-
 scimus.

§. VI. Quod de urinis nigris vidimus, idem
 innu-

innumeris in ægris nosocomii nostri observamus de urinis tenuibus, de urinis fœtidis, de urinis bonam nunquam gerentibus hypostasim. Cernere e contrario datur in summa acutorum cruditate vel alvum quæ naturalis sit, aut etiam quæ flava ac pultacea conditione critica dici queat; vel urinas perpetuo hypostaticas, interea dum capit morbus augmentum, immo dum tendit in mortem; vel inflammatoriis morbis pectoris sputa cruda, cum alvo urinaque adeo coctis, ut morbus inde judicatione integra absolvatur; vel respirationem bonam, cum perpetua morbi cruditate, viceque versa signa quævis coctionis cum respiratione fere desperata.

In hisce difficultatibus pro more ad *Hippocratem*, ceu ad sacram anchoram, confugere, antequam diagnosin ac prognosin formemus, solemus, examinaturi quid circa hæc observaverit ille, quæ in hisce se gesserit?

Epid. 7. in historia *pueri Eratolai* dysenterici mirarum terribilia tot symptomata, graphice ibidem descripta, unico in homine posse contingere, ab homine posse tolerari, posse post tot tantaque eundem sanescere hominem. Ast in media enarratione *Hippocrates*, interrumpens filum orationis, jubet attendamus ad id, quod πνεῦμα ὅποῖον ὑγίαινοντι, respiratio haud aliter ipsi, quam sano homini solet, contigisset.

Ibid. *Cydis* sive *Cydios filium* legimus morbo terrifico, diuturno, affectum, & (quia neque de morte, neque de alio morbo ulla mentio,)

io,) sanitati restitutum. In tanta calamitate
um pravitate unicum notat memorabile: „ *ἡ ἔκ-
τα δὲ ἐπιείκως διὰ παντὸς μέτριον* : respiratio per
omnia, fere semper, erat moderata: ”

Dixerat in prognosticis, sæpiusque repetitive-
rat: Oportet considerare respirationem vim
habere magnam in cunctis morbis acutis. ”
Unde adeo sollicitus fuit respirationis modum
plerorumque ægrorum suorum, ac *pravæ* ma-
xime in lethalibus, enarrare. Hinc quamdiu bo-
nam respirationem cernimus ægrotantium, con-
cludimus spem vitæ magnam superesse, quod
aut illibata, aut perpaucum læsa tantum, innu-
mera organa esse oporteat, a quibus vitæ de-
pendeat perennitas, quodque cruditatis etiam
ummæ coquendæ spes bona affulgeat. Hinc
nunquam desperabundi? Nunquamne tristis est
facienda prognosis? Non tristis, sed utcumque
lubia tamen. Vel enim nobilis hæc functio
perennando universam morbi cruditatem emen-
tatura, coctura, expulsura est, sanitatemque red-
ditura; vel, copia ac malignitate crudorum hu-
morum aucta, functio bonæ respirationis læde-
tur, ac delebitur, unde mors: quamdiu vero
bona manet, bonam spem format.

Hipp. Prorrh. n^o. 102. „ Qui sopore op-
pressi, circa initia tenuiter exsudantes *cum
urinis coctis οὖροις πέποις* ardentes, citra ju-
dicium perfrigescentes, rursus ex brevibus
intervallis peruruntur, torpidi, soporosi, con-
vulsi, perniciem habent. ”

Galenus qui bonis urinis nimium ubique fudit, voluit pro τὸ ὀρον πέπον, ἐπίπνον: sed 1. omnes fere auctores hic se *Galeno* opponunt, dicentes lectionem esse genuinam τὸ πέπον; addunt quidam, ut *Jacotius*, se in moribundis coctam, imo hypostaticam, vidisse. 2. Quod *Hipp.* hic, idem significat *Coac.* 180. verbis iisdem, & convenit cum sensu *Coac.* 579.

Quod *Hipp.* in hoc loco notat de bonitate urinarum in summa morbi pravitate; quod *Jacotius* in pessimo morbo de urina hypostatica observat: idem in Juvencula brevi ante mortem cum pessimis morbi symptomatibus per plures dies observavi.

Epid. 2. *Bion* eodem tempore & crudas habuit urinas multas, & criticam naris sinistrae in splenitide hæmorrhagiam; relapsum licet deinceps passus, servatus est,

Vidit *Hipp.* *Coac.* 582. diuturno tempore crudas urinas, cum cæteris omnibus signis salutaribus, tam frequenter, ut ausus fuerit regulam inde condere crisin per abscessum prædicendi.

§. VII. Attamen ab alia parte ad firmam prognosin, certamque salutem urinas cum cæteris bonis signis bonas passim requiri ab *Hippocrate* est certo certius.

Pro parte id jam vidimus in tot hominibus, qui post urinas nigras subnigrasve, perierint; pro parte id docebunt sequentia: *Coac.* n^o. 575.
„ Urina in febribus albam, levem sedimen habens,

bens, celerem liberationem denuntiat:” profequitur deinde reliquas bonas urinæ conditione in acutis requisitas, maxime vero fortunatam acutorum curam prælagit ex varia urinarum bonitate in magno textu libr. *progn.* Unde ad mortem *Hermocratis* Epid. 3. addidit. „ Huic „ ad usque finem & surditas permanebat, & „ urinæ prodibant vel turbidæ, rubræ, non „ subsidentes, vel albæ, non coloratæ, nec „ enæorema habentes. ” Quæ ibidem mortua legitur *Iliaca mulier*, hanc notat paucas habuisse tenuesque urinas. Idemque in *Mulieris post abortum febricitantis*, deindeque mortuæ, historia advertit. Epid. 3. *Mulier in foro Mendacium*, quæ die 14. mortua est, minxit die 8. multum crassumque inscia, die 10. mane multum ac nihil subsidens. Et in grassante morbo, quæ multos sternebat, lotium perturbatum fuit, multum atque pravum. In pessimo genere febris ardentis, ac phrenitidis: „ Urinæ copiosæ, tenues, „ nec critici quid, aut levantis, habentes. „ Et „ paulo post: „ Vel enim densæ erant, vel nullo modo habentes aut coctiones, aut utiles „ purgationes. *Homini Calvo*, ad 4. diem „ mortuo, copia urinarum prodiit, nunquam „ bonarum. ” Illius qui 4. die *Phrenitide* perierat „ urinæ tenues fuerant, parva enæoremata habentes, *διεσπασμένα*, divulsæ, non „ subsidentes. ” *Pario* ad 120. diem mortuo urinæ fuerant perpetuo malæ.

Memorable quoque magnum Virum lib. I.

Epid. pag. 953. suspicari ne *Bioni*, *Cratiæ*, *Arætonis* puero & *Mnesistrati* uxori, ideo post prægressam judicationem dysenteria fuerit suborta, quod post judicationem urinas reddidissent dilutas multas, liquidas, ac tenues.

§. VIII. Porro hæc ita, quemadmodum jam monui supra, non sunt intelligenda, ac si ob solius urinæ pravitatem, sedimentique defectum, *Hippocrates* desperatas credidisset ægrorum res; verum proprie tunc, quando, una cum urinæ vitiis, cruditatis notabilioris indicia in excretionibus reliquis, & præprimis in vitalibus aderant functionibus: erat enim perpetua sibi & inviolabilis lex haud judicandi unquam ex unico signo, sed ex multorum collectione, ut patet ubique. Hanc Cõi immortalis legem & nos observantes, nunquam boni quid ad lectos ægrorum prælagimus, si multa alia prava signa pravas comitentur urinas: nunquam spem sinu fovimus, si una cum optima urina, & quidem constanter hypostatica, alia signa perniciofa, functionum potissimum vitalium læsarum, animadvertantur. Quod autem de urinis, hoc quoque de aliis quibuscumque signis sive cruditatis, sive coctionis, dictum velim. Et e contrario quotiescumque in laterum pulmonumve inflammatione cum sputis aut nullis, aut pravis, aut paucis, bona alvus seu sola, seu bonis sociata urinis, levaret pulmonem, viresque repararet collapsas, nunquam prognosin infauftam formavi, lætique mecum medicinæ studio-
si plu-

si plurimos pectore inflammatos vel sine ullis bonis sputis, vel cum bonis duntaxat post crisis prudentibus, egregie curatos salutarunt. Sed bona alvus, & probe hypostatica urina nunquam inani spe animos lactaverunt nostros, quando partes alias, easdemque nobiliores, cruditate nobiliore laborare cernebamus. Pariter egimus ad insolita: haud parcius enim laudavimus illa, modo prodesse, quam si consuetas suas observaret Natura leges. Præiverat exemplo *Hippocrates* suo Epid. 1. Noverat consuetas lege febres ardentes solvi sudore, alvo, urinis, hæmorrhagiis; ast didicit tamen postea eos qui urinas aut nihil aut parum modo hypostaticas, & plerumque dilutas admodum reddidissent, modo insolito dysenteria curari. Rarior sane pleuritidis per sudores judicatio; *Anaxionem* tamen libr. I. Epid. licet 27. die cocta sputa ejiceret, legimus nihilominus perfecta judicatione non fuisse absolutum, nisi largis, qui de toto corpore, ad 34. morbi diem profluerent, sudoribus.

Equidem *Carolus Piso* de Coll. fer. sect. 3. cap. 9. putavit haud insuetum esse ut sudores pleuritidem judicent, idque se in pleuritico civis *Pontano* observasse, quinimo *Hippocratis* id se auctoritate confirmare posse. Verum legitimam hanc *Pontani* civis pleuritidem fuisse & ipse postea pag. 254. dubitavit, & nos dubitamus cum illo; deinde quem laudat coacarum 393. textum, is haud videtur nobis id, quod ipsi, significare,

re, nisi alio sensu & modo. „ In his igitur,
 „ ait *Hippocrates* ibidem, & omnibus qui pul-
 „ monum affliguntur morbis, bonum quidem
 „ est facile morbum sustinere, dolore defungi,
 „ sputum prompte expuere, facile spirare, siti
 „ esse vacuum, reliquum corpus æqualiter in-
 „ calefcere, ac molle esse. Ad hæc somnos,
 „ sudores, urinæ educationem, laudabiliter fieri;
 „ quibus contraria mala sunt. Quandocunque
 „ ergo bona hæc omnia *huic sputo* (quod mox
 „ ante descripserat optimum) adfuerint, ho-
 „ mo servabitur. ” Clarum est sudores hic ab
Hippocrate laudari, & alvum bonam, bonasque
 urinas, sed tamen sic, ut sputa morbum præ-
 cipue iudicent, id quod non ita in *Anaxione*;
 licet laudabilia sputa ad 27. diem ejecisset, eguit
 tamen ad iudicationem absolutam sudore 34.
 diei.

Hæc nobis animo præsentia, multa utique
 dubia levant, multa etiam quæ certa credidera-
 mus, dubia reddunt, artisque genuinos observa-
 re terminos docent; quæ tantummodo vere cer-
 ta pro certis, pro incertis ac dubiis dubia tra-
 dit. Sic scilicet hæc nos docent plures excep-
 tiones, seu Naturæ a consueto tramite aberrat-
 tiones, ut muniti quidem simus, dum occur-
 runt nobis, at nihilominus ad consuetas ejus-
 dem leges nos indefinenter conferamus, nisi nos
 illa, vi phenomenon aliorum, cogat exceptio-
 nem a regula sua generali agnoscere.

Suo iterum exemplo id docuerat admirabilis
 per

per omnia *Hippocrates*. Ecquis Viri in arte certitudinem & fiduciam non stupeat, dum animo meditantem super consuetas Naturæ vias Epid. 7. illum cernit! *Fullo in Syro*, præter alia prava symptomata, urinas posuit citra sedimen limpidas, & citra evacuationes criticas ullas; & ad diem 18. certe non criticum, judicatur. Stupefactus primo titubatur *Hippocr.* & qui demum hoc portentum explicet, anxio animo volvit. Ea occasione *Nicoxeni* recordatus, qui quoque citra sudores aliasve evacuationes, die 7. sic judicatus esset, ut belle sumeret suas sorbitiones, suum vinum, suum uvas insolatas, sed quem 17. die deprehenderit in pessima post crisin tam infidam recidiva, ut ab ea illum non nisi magnos post labores die 20. servasset, & sanasset; intelligit ejusmodi criseos perfidiam, eaque probe confirmatam videt perpetuam suam experientiam: sed eo minus, cur *Fullo* in sanitate perseveret, capit. Tandem incidit ipsi in mentem, quod *Fulloni* enema ex *Thapsia* paratum injectum sit, rogatque num forsitan paradoxo causa lateat in eo, quod alvus enemate sæpius mota, morbi eduxerit materiem? sicque febris citra ullas evacuationes alias, rariore cæterum diei minime critici exemplo, judicata sit? Alvum non videtur conspexisse, firmiorem sententiam alioqui prolaturus.

Quod porro *Cous*, non nisi ejusmodi conjectura arrepta, hoc problema solvere se credit posse, nos convincit de ejus observationu cer-

titudine inconcussa, doctrinæque æternitate. Simulque fateor, inter tot naturalium legum exceptiones, me nunquam in acutis, in quibus resolutionis benignæ spes nulla esset, neque in privata praxi, neque in publica, quemquam sine quapiam evacuatione judicatum vidisse; eamque ob causam semper & prædixisse, & eventu confirmasse, aut recidivas, aut alios morbos, aut mortem, si casus talis observaretur.

§. IX. An idem judicandum, ac metuendum, si morbus acutus citra ullas evacuationes, præter eam hypostaticarum urinarum, judicatus esset? An vero, etiam cæteris evacuationum criticarum feriantibus organis, solæ urinæ sic omnem morbi materiem critice eliminare queant, ut tuta sequatur integraque judicatio?

Profecto rariores sunt casus, in quibus morbi acuti per unicam modo excretionis viam plane judicentur; adeoque, quemadmodum frequenter non contingit, ut cæterarum evacuationum unica duntaxat totam morbi materiem eliminet, ægrumque perfecta judicatione absolvat; ita quoque frequens ea urinarum non erit. Veram tamen crisin acuti morbi ut olim in praxi, ita in nosocomio vidi; sic quidem ut cæteræ excretiones aut naturales omnino essent, aut plus minus cruditatem redolerent; urinis vero hypostaticis constanter emissis morbus levaretur, reliquæ excretiones emendarentur, & perfecta sequeretur judicatio.

Hoc idem *Hippocrati* sic visum esse ejus opera

ra arguunt. Epid. 1. „ Atque in hoc statu
 „ (febris ardentis) ex quatuor maxime signis
 „ servabantur hi, quibus *aut* ex naribus san-
 „ guis profluxisset, *aut* copiosæ urinæ, quæ mul-
 „ tam eandemque pulchram hypostasim haberent,
 „ per vesicam exivissent, *aut* qui per alvum
 „ turbulenta biliosa tempestive demitterent, *aut*
 „ qui fierent dysenterici. Multisque contigit ut
 „ non ab uno horum descriptorum signorum
 „ judicarentur, sed ut plurimi per omnia de-
 „ currerent, graviusque habere viderentur. Sed
 „ hi omnes, quibus ista contingerent, incolu-
 „ mes evaserunt. Mulieribus etiam & virgi-
 „ nibus contingebant quidem hæc præscripta si-
 „ gna omnia; *quibus autem horum quidquam*
 „ bene fieret, vel muliebria liberaliter appare-
 „ rent, per hæc servabantur & hæc judicabant.
 „ Nec periisse ullam novi, quibus *horum quid* bene
 „ successisset. Nam *Philonis filia*, cum libera-
 „ liter sanguis de naribus fluxisset, ideo mor-
 „ tua est, quod 7. die, (quo judicabatur,)
 „ intempestive utique, cenasset.

Epid. 2. metastases ex imperfecta crisi fu-
 turas expectat, nisi urinæ eruperint. Ergo cre-
 didit morbi materiem, quæ in corpore restita-
 verat, critice excerni urinis posse.

Ibidem in *Scopi* acuto morbo, ut etiam pag.
 1085. vocat urinæ hypostases *Corporis in morbis*
purgationes. „ Οὐρæ καθαρσις πολλή, inquit, „ καὶ
 „ πληθεὶ καὶ ὑπόσσει. Urinarum purgatio
 „ multa erat, tum copia, tum subsidencia. ”

dam-

damnatque urinas „ nec coctiones, nec probas
 „ purgationes habentes ” laudat illas, „ quæ
 „ probæ essent per vesicam expurgationes.

Epid. 1. „ Quibus febre judicatorie desinen-
 „ te parotides, in febribus cum dolore subor-
 „ tæ, neque conquiescunt, neque suppurantur,
 „ eos diarrhœa biliosa, *vel* dysenteria, *vel* cras-
 „ sarum urinarum hypostasis liberat: quale quid
 „ *Hermippo Clazomenio* evenit.” Videmus ite-
 „ rum urinas hypostaticas dignitate & præstantia
 „ critica certare cum alvi criticis evacuationi-
 „ bus.

Epid. 4. „ Hæmorrhagiæ erant, & per uri-
 „ nas purgatio & crisis. Αἱμὸρ ῥῶι, καὶ ἔρσι-
 „ σιν ἢ καὶ θάπτεις, καὶ ἡ κρίσις.

Ibid. „ diserte affirmat *Menandri Vinitari*,
 „ cui alvus circa initia liquida fluxerat, nunc
 „ vero substiterat, per solam urinam judicatio-
 „ nem contigisse. Καὶ τὸ ἔρπον ἐκρίθη.”

Epid. 3. describens malignum in febribus
 erysipelas, in pessimos artuum, pudendorumque
 abscessus abeuns, „ illud vero ipsis inerat,” in-
 quit, „ ut quæcumque abscessum facerent ad
 „ suppurandum, si *vel* tempestitiva, opportuna,
 „ alvi perturbatio, *vel* probarum urinarum
 „ transmissio fieret, per ea ipsa solutio proce-
 „ deret.”

Unde & Aphor. 4—74. statuit a futuris alio-
 quin in morbo abscessibus ægros urinam, quæ
 crassa reddatur albaque, liberare; liberationem
 vero hanc citius contingere, quando abscessum
 futu-

futurorum materies duplici via eliminetur, narium hæmorrhagia & urina. Igitur pari passu urina procedit hic cum hæmorrhagia, ut paulo ante cum critica alvo.

Coacarum 575. „ Urina subrubra, habens, „ que subrubram hypostasim, atque lævem, si „ quidem ante septimum diem fuit huiusmodi, „ septimo die (aut septimam febrem) solvit. „ Εβδομαῖον ἀπολύει.

Aphor. 7—54. crisin iterum certam declarat urinis dicendo: „ his per venas in vesicam pi- „ tuita versa, morbi fit solutio: „ Hunc Aphorismum *Duretus* vocat gravissimum super urinæ materie, & *super Crisi per eam suscepta & editi*.

Coac. n^o. 207. „ Ex acutis morbis, in fe- „ bribus ardentibus maxime tubercula ad au- „ res exoriuntur, ac, nisi critice solvantur, & „ maturescant, aut sanguis ex naribus profluxe- „ rit, aut urinæ crassam hypostasim acceperint, „ ægros interimunt.” In quem textum *Prosper Martianus* advertit *Hippocratem* in prognosticis laudare in acutis mitioribus urinam hypostaticam per omne morbi tempus, non qua signum coctionis, sed qua signum mitissimi morbi, & materie benignioris, unde morbi solutio evenit per solam ejusdem urinæ excretionem: Criticas deinde urinas non differre ab ea libri prognosticorum, nam eos referens *Hipp.* modos, per quos febres solvuntur, urinam concoctam appoluit, inferens solam urinæ coctionem

nem *absque alia evacuatione*, ad morbi solutionem facere. Et quid clarius in hanc rem dici potest, quam dixit *Hollerius* lib. 3. sect. 3. Coac. „ Atque aliquando judicari pleuritides „ multa urina & biliosa micta scripsit *Hippocrates*. Et nos vidimus pleuritides graves dissolutas urinis multis, crassis, & nigris; conversa, ut *senex* scripsit, deorsum materie: quod certe minus mirum videri debet, quam peripneumonias urinis solvi.” Et „ Pus in pulmone effusum, a natura attenuatum; transmittitur in venas, & arterias; atque hinc modo ad renes, modo ad intestina, dimittitur: mirabili Naturæ providentia, omnia moliente, ut salutem ægro quærat.

Eundemque in locum *Jacotius*: „ Ex quo fit, ut per urinas pulmonis vomicæ critiche expurgari possint.”

Et *Pr. Alpinus* lib. 6. cap. 16. „ Per urinas plures Acutorum morborum fuisse iudicatos & nos vidimus, & *Hippocrates* in *Epid.* se vidisse scripsit.” Addit deinde ex *Galeno* signa, quibus crisis per urinam futura prænoscat, si nempe defunt signa omnis cujusque alius evacuationis futuræ; postea signa a se observata adjungit, ubi præter signa *Galeni* ponit morbum non admodum esse vehementem, hypogastrium grave ac dolens, & in vesica veluti inflationis perceptionem.

Unde recte *Jacotius* in libr. IV. Comm. Coac. urinam sic Criticam considerat in sua natura.

ura, ut ipsa sputa pulmone ejecta.

Et *Boerhaave* §. 1016. Instit, ubi n^o . 1. quandam hypostaticam urinam toto morbi tempore emissam consideraverat, veluti indicium optimumque morbi prælagium, deinde n. 2. Urina multa, ait, alba, stranguriosa cum sedimento copioso alboque, critico tempore emissa, sanat, & abscessus tollit. „ Etiam §. 938. omnes criticas evacuationes recensens, sputa, alvi fluorem, urinam, hæmorrhagias, &c. urinam iterum ut paris ad crisin efficaciam dignitatis, quam sputa, quam alvi fluorem, quam hæmorrhagias, considerat.

Jure igitur concludere videmur, existente inter ægros nostros eo quandoque casu, ut præter urinam criticam nulla prorsum alia evacuatio contingat, non minus faustam prognosticandam esse, cæteris paribus, quam si in aliis, ut per solum sudorem, per solam hæmorrhagiam, aut sola sputa, aut alvum, morbi exellatur materies.

§. X. Cum ex omnibus hucusque dictis pateat, quod ad crisin bonam determinandam oporteat, dies morbi accurate notare, adeoque morbi principium exacte definire; haud citra difficultatem id efficere sæpe non possumus. Non raro namque apud multos, potissimum plebejos, contingit, ut, seu ingenio, seu morbo, stupidi, ignorent qua die, qua diei hora, primum morbi experirentur insultum, & ut quotiescumque de integro examinentur, vacillent. Ubi, nunc
ab

ab eorum consanguineis, necessariisve, id rescire non datur, res dubia manet. Hi tamen numero sunt pauciores. Dantur autem numero plures, qui initia morbi exacte teneant, sed ubi dubites utrum cum incommodis principio perceptis acuta, qua laborent, febris una occeperit, an vero accesserit postmodum. Lassitudines spontaneæ passim adfuere; sed hæ Aphor. 2.—5. æque morbos futuros denuntiant, quam præsentibus. Dolores capitis, artuumque, inappetentiam, nauseam, haud minus acutos morbos præcedere, quam comitari, docent nos ægri, qui ab ipso nos convocantes principio, hæc symptomata sæpe ante primum febris insultum patiuntur. Ambigui itaque sæpe hærentes in nosocomio, Oraculum pro more consulimus.

Epid. 3. *Herophytus* rectus incedens, ὀρθὸς αἰδὼν, & obambulans, capite autem dolens, videtur jam a principio febricitans ab Hipp. credi, ex symptomatum, quæ a principio cephalalgiam concomitabantur, syndrome.

Sed ibidem pag. III. *Apollonius* videtur diutius ante febrim male habuisse, erectus licet & obambulans; acutæ autem febris initium non habuisse, arbitro Hippocrate, nisi quando per intempestivum potum, intempestivumque carnis bubulæ esum, inciperet incalescere.

Mulier in Thaso morosa & aspera Epid. 3. die prima incommodi percepti, licet erecta & obambulans, ejusmodi symptomata habuit, ex quibus Hippocrates febris inchoamentum cum pri-

prima symptomatum origine notaverit.

Qui post cœnam in somno horrore correptus, Epid. 7. surrexit mane capite gravis, horruit, vomuit, gravitas capitis perseveravit, sub noctem remisit, ad usque secundi diei meridiem. Rursus inhorruit tum, noctemque tulit molestatam. Haud tamen ante tertium diem symptomatum horum, cepit *Hipp.* febris acutæ notare initium, quæ demum, ut videtur, ad 14. diem morte terminata est. Facile nos in historia ægri febrim initio jam adfuisse suspicamur, sed *Hippocrates* ex signis quæ hic non memorat, v. g. ex defectu caloris, ex pulsu, certus fuit, quod hominem non sit, nisi tertio die, aggressa.

Epid. 7. Anamnesin refert *Anaxenoris*, quod Lienosus scilicet & pravi esset coloris, quodque obortus sinistro in femore tumor derepente evanuisset. Data hac Anamnesi, morbum præsentem sic infit: „ Neque multis post diebus „ ad lienis regionem exorta est illi per initia veluti Epinyctis, insuperque tumor, ac dura „ rubedo. Post quartum autem diem febris ardens suborta est, & in ambitu omnia livida „ apparuere, ac veluti putrida. Mortuus est „ leviter antea purgatus, mentisque compos.” Vel ægrotum ante quartum diem vidisse *Hippocratem* oportuit, vel ex *Thessalo*, *Polybio*, *Draconte*, aliisve, historiam morbi adeo accurate tenuisse, ut Epinyctidi, rubroque tumori febrim defuisse, eamque haud nisi post 4. diem accessisse, statuerit, Epid.

Epid. 7. *Epicharmi* puer primo die necdum febricitasse videtur, sed aepesiam contraxisse, id est cruditatem ex deambulatione, qua excalefactus supponitur fuisse, & ex potu, quo frigido æstuantem ex motu sanguinem condensaverit, omnemque perspirationem suppresserit. Ab introversa transpiratione ad ventriculum nausea orta vomitusque. Altero die anxietatem passus emeticum sumsit ex aqua cum aceto & sale. Post pituitæ vomitum, rigor primum ac febris major. Quarto die morbi totius, scilicet tertio die febris, mors.

Epid. 3. *Philistes* in *Thaso* diu capite doluerat, & soporosus ante morbum acutum decubuerat: Morbi vero acuti, cujus die 5. obiit, initium *Hippocrates* notavit duntaxat ex quo in morbo abusus potibus esset.

Hicce, similibusque muniti observatis, dum minime stupidi ægri sunt, probeque existunt memores antecessorum, exacte, opinor, determinare novimus, utrum cum ipsis primis perceptis incommodis, an vero postliminio ortus sit, quo laborant, morbus acutus. Febris enim indicia, majore calore, cæterisque symptomatibus sociata, hic juvant; licet plures pauperum suos, quibus victum quærissent, labores, per unum, pluresve dies, adhuc continuarent. Diffidendum tamen non est dubium superesse nonnunquam tale, ut incertitudo per totum morbi decursum perseveret, nec morbus ad demonstrationem regularum Hippocraticarum ullo modo sit accommodandus.

Quæ

Quæ si ita se habent, an non capimus, quam inique nonnulli Hippocraticarum legum de diebus criticis inconcussam negent veritatem & constantiam? Si primo non utantur prudentia *Hippocratis* in determinandis acutorum initiis; si secundo non abstinant ab applicandis hisce regulis ad casus incertos; si tertio, ut bene notat optimus *Baglivus*, contra leges Hippocraticas naturam præpostera medicatione interturbent; habebunt unde perpetuo in *Hippocratem* invehantur, dum in se solos invehi illos oporteret, dumque suis invectionibus falsis *Hippocratem* magis confirmant, quam oppugnent.

§. XI. An, Crisi bona contingente, certo determinare possimus, utrum ægri perfecta judicatione absoluti sint, an vero recidivam temendam habeant, aliosve morbos?

Ne absolute unquam hic determinent, auditoribus meis Auctor perpetuo sum. Exceptis enim casibus, ubi *Epidemiæ* natura talis est, ut omnes fere recidivent, qualem *Hippocrates* sic describit *Epid. 1.*, „Haud scio an eorum „cuiquam, qui superfuert, rite factæ recidivæ „non recurrerint, omnesque, quod sciam, servabantur, quibus hoc recidivæ genus contigerit:” exceptis observatis *Epidemiæ*, in qua vix recidivæ apparent, qualem *Hipp.* describit *Epid. 2.* ajendo. Nec nisi admodum paucis recidivæ contingebant:” hisce, inquam, „exceptis, innumeræ causæ existunt, quæ recidivam morbi ejusdem, quæ morbos ex acuto

alios, quæ demum cum optima crisi mortem inferre queant; adeoque summam in prælagiendo nobis inculcent prudentiam. Causæ hæ ab ipso morbo petendæ sunt, ab ægro, ab assistentibus ipsi, a Medico, ab errore Pharmacopæi &c.

1. Ab ipso morbo vel corpore morbofo pendere ejusmodi casus, docent nos quotidiana observata. Novi ex regulis criticis requiri criticæ evacuationis eam constantiam, ut omnis morbi materies de corpore expellatur: Quis porro Medicum certiore reddet fore ut, quam laudet, quam gaudeat critica evacuatio, ejus sit constantiæ? Ex causis nobis ignotis; ex non sufficiente virium expultricium robore; ex facili recessu materiæ per circulationem motæ in nobiliora loca; ex angustia finium minimorum canalium, quos permeare critice motus, expellendusque humor, debeat, optima crisis quæ gaudia excitaverat, in luctum vertit. Ne longus sim, qui historias ægrorum apud *Hippocratem* attente revolvit, pluries has similesque bonæ sed non perennantis, criseos, reperiet causas.

2. Ipsi ægri vix judicati, animi passionibus, errore regiminis, diætæ, imaginatione venerea &c. bonæ suæ perdunt judicationis effectum. Cur *Philonis filia*, quæ ipso die optime judicata erat, periit? Intempestive cœnando debilem obruerat naturam, vasaque debilitata sua copiosiore chylo inferciverat, quam illa essent, transmittendo. Quare *Mascho* die 14. ut de-

be-

bebat, bene judicato, tam pessima recidiva? Ἀμαρτὰδες βρωμάτων ἐγένοντο: Die 17. errata in ciborum ratione contingerant. Cur *Scopus* Epid. 2. post crisin *Synanches* inciderit in alvi segnitiam, febrimque continuam? Φλαύως διχίτηφέντι respondet *Hippocratis*: improba utebatur diæta. Si aëre nimis libero utantur, dum v. g. crisis per sudores fit, continuat, imo aliquando, ut *Sydenham* in quodam morbo advertit, 24. horis perseverare debet, aër frigidior imprudenter admissus omnem nostram spem illico fallit. Præterquam quod aeris mutatio spontanea morbos mutet, eorumque symptomata. Fuerat *Perinthi*, Epid. 2. aër in Epidemicis morbis siccus diu calidusque; ast cito mutatur in humidum a copiosa minutissimaque pluvia: tanta hinc in acutis mutatio, ut qui iis non nisi ad finem contingerant, sudores, jam ægros ab initio invaderent. Ponamus tale quidquam contingere dum v. g. nunc fit critica per alvum aut urinam evacuatio: mollitudo cutis aëre calido humente nata, allicit motam per circulationem morbosam materiem, quæ forte, apta quidem ut systemate mesenterico, aut renali, excerneretur, minus apta erit, quæ per cutaneos evacuetur poros, crisinque sic turbatam monstret.

3. Ab iis, qui ægro adsint, inserviant, adeant, turbari critica evacuatio potest. In irato ob uxoris morositatem viro, in alio quem uxoris cum alio viro adstantis zelotypia torquebat,

visitantium hominum importuna multitudine, vidi anxietates ortas, crisesque turbatas. Nec defunt, qui res eo tempore haud concedendas ad manducandum aut bibendum suadeant, obtrudant; id quod ne Medico subolsiat sæpe religiose cavent; sique ille quid suspicatus, interrogaverit, præfracte negant, culpamque turbatæ naturæ in Medicum impudenter refundunt. Cum a tot tantisque rebus fortunata judicatio morbi turbari queat, quis non videat, quam plena dubiæ alex sit, quamque circumspectum esse oporteat in prognosi?

4. Ad evacuationes criticas a Medico medicamenta, quæ eo usque data fuerant, incaute continuata, imprudenter ablata aut mutata; evacuatio critica quod nimia crederetur, suppressa, imminutave, vel quod minor falso supponeretur, imperite aucta; nimia Medici in usu alimenti aut potus, indulgentia, virium intentione restaurandarum, ut ad laborem sustinendum æger sufficiat; aut diætâ continuata, quæ in vigore morbi bona, jam insufficiens est: famulorum pharmacopolæ forte errores in paranda, apportandave, medicina, & millena id genus alia, criticam evacuationem turbare, minuere, augere, sufflaminare possunt.

5. Quid quod Crises sint, quæ videantur perfectæ, nec tamen sint? Quæ sanitatem reparasse appareant, nec reparaverint tamen? Intereaque temporis homines quid vitii in corpore alere minime credantur, & nihilominus alant?

alant? Hoc genus vitia nonnunquam a bona natura sic coqui, alvoque, aut urina, aut per spirationis organis, tam blande eliminari, ut æger prorsum ignoret, credibile omnino est; sed sæpius post simulatam aliquantisper sanitatem, varios in morbos erumpere, testatissimum est. Desumatur a Variolis exemplum. Hisce sic defuncti, ut perfectâ valetudine frui videantur, si vena tundatur, fundunt æmulum pleuritricorum sanguinem. Cum omnibus propemodum Variolosis meis, *Sydenhamo* docente, semel, bis, ter, a curatis variolis sanguinem detraxerim, potero centenis confirmare, quod hic assero, exemplis. Porro ejusmodi cruor in corpore circumductus, videtur in multis sic, sensim subigi, ut attenuatus insensibiliter eliminetur, aut etiam sic, ut diathesin phlogisticam amittat; attamen, quod dolemus toties, potest subitaneis incute tumoribus furunculos generare, abscessus ad articulos, ad oculos inflammationes, suffusiones, cataractam, amaurosin: ad aures baruëkoiam, surditatem; ad pulmones aut vomicas aut puris continua sputa, variaque ad viscera & partes, alia atque alia, formidandos morbos creare. Haud eget confirmatione thesis, quam, heu nimium! demonstratam mecum dolent omnes practici, si post variolas venæ sectiones negligantur. Multi quidem inter variolarum curationem & erupturos postea morbos, languent; verum non desunt plures, qui, ut monebam mox, ferant hanc diathesin insensibiles,

les, infcii, usque ad tempus, quo alius inde erumpat morbus.

Sane miri casus, quos suppeditat praxis, millies mihi in memoriam revocant sententiam *Hippocratis*, quam inexperti rident, experti mecum verissimam agnoscunt. *Libr. I. de Morbis de Abscessibus* agens, qui multis in pulmone, sæpe lethales, nascuntur, addidit „esse, qui ob bonum corporis habitum eosdem in se fieri, „ne sentiant quidem.” Binos memorabo quos hac æstate habui casus. Vir nobilissimus in *Moravia*, totus torosus, ac sanus, vomicarum ingentium in thorace latitantium prorsum ignarus vixit, donec in prandio ab officulo aviculæ imprudenter quidem, sed feliciter, deglutito, maximas pateretur angustias, & sub conaminibus extrahendi officulum excitata tussicula, subito pus expueret, horrende foetidum, ad plures libras; post aliquot dierum quietem denuo plures libras; atque sic per 7. 8. vices, ut vix ausim describere dolium, quod pure plenum eo tempore evacuassee se æger affirmet. Norunt mecum casum bini celebrandi in arte Viri, qui ægrum tractantes, mecum super eo sæpius consulere, doctissimus *Sagar* Physicus, meritissimus circuli *Iglaviensis*, Botanices simul ac Historiæ naturalis eximius Cultor; & doctissimus Dominus *Magb*, Archiater nobilissimæ & excellentissimæ Comitissæ viduæ *de Liechtenstein*, in praxi medica colenda & promovenda eminens, & quod magis mirabar, bimestri spatio

vix

vix inq̃e exacto, vidi nobilissimum Comitem in prædio meo suburbano me visitantem, adeo sanum, & torosum, ut quid in ejus valetudine culparem, invenirem prorsus nihil. In curatione ejus lac, aqua Selterana, mel, opium, cortex Peruvianus, primas tenuerunt.

Dixeram diathesin phlogisticam longo tempore in corpore circumlatam, haud raro, absque formato primum sacco, ex sanguine videri immediate transudare, dilatata vasa pulmonalia, aut bronchialia, atque purulentorum sputorum forma expui, ut incautis vomicæ pulmonalis videatur evacuatio esse idque ideo præcipue quod longiore sæpe tempore hæc continet sputorum ejectio. Casus plures variis in hac *Rat. Med.*, anatome demonstratos, communicavi; dabo alium confirmatum sanitate. Nobilissimus vir ex rheumatismo dimidii anni, ex morbilis deinde, & angina, incidit, anni abhinc spatium, in magnam debilitatem, & in induratum valde hepar, deinde in febrim tertianam. Solvente ac deobstruente remedio, succis herbarum potissimum, curata febris fuit; iisdemque remediis, aqua selterana, atque continuato cataplasmate ad durum epigastricum, hepar denuo molle factum est, vires rediere, somnus, appetitus; ut demum declinante æstate munere suo publico fungi æger, itinera quotidiana curru, aut equo, sanitatis ergo, peragere potuerit, & exceptis flatibus sæpe torquentibus, integram videretur sanitatem adeptus. Ast subito, ineunte

Septembri, raucus fit, moxque tussiendo pus coctum album copiosum commode, unica tussicula expuere cepit & toto mense Septembri & Octobri continuavit, sanitate interim, liberimoque semper pulmone, perseverante. In excellentissimo Comite priore latuit omnes enormis copia puris, vomitis contenta pulmonis; in posteriore, diathesis purulenta sanguinis magna & copiosa, non nisi numerosissimis innotuit sputis.

Ergo dubia prognosis danda semper est, bona quamvis fiat evacuatio critica, & nunquam post eandem dum videtur absoluta esse, nimia indulgentia erga ægrum utendum, ne nostra culpa quod forte insensibiliter exivisset, vel recidivam, vel novum morbum faciat; neve in ipsam Medicinam, aut Medicos, refundatur recidivæ, aut deterioris, causa.

Addere juvat historiam ægrotantis lethalem, quæ tum per se singularis est, tum egregiam facit plerorumque hucusque dictorum ἀνακεφαλαιώσιν.

Femina 27. annorum, quæ veris variolis se laborasse asseverabat, leviolemque dabat virulentæ gonorrhœæ suspicionem, morbos acutos pluries perpeffa, menses suos aliquando interruptos, semper irregulares tempore, copia autem paucos, habens, tandem 15. Augusti proxime elapsi horrore ac frigore, spatio 5. horarum corripitur, magno succedente calore. Tristi necessitate coacta, lassum suum ac dedolatum corpus

pus ad hortenses labores iterum admovit, superstitie ad prandium & cœnam aliquo appetitu. Die altera laborem hortensem eadem difficultate profecuta, tandem die tertio ingravescente morbo lecto surgere non potuit, æstu laborans ingenti, siti intensa, cephalalgia apositia, artuum omnium dolore, vigiliis, &c. Pulverem quo suaderet sumsit, modice sudavit. Die quarto maculis rubris sibi cutem tingi advertit, vespere evanescentibus. Die quinto maculæ renatæ; pedes, manus, venter, pauculum intumuerunt. Die sexto eadem. Huc usque & alvum quotidie habuerat, & nunquam dormiverat ferre. Die septimo inchoante, mox ubi ad Nosocomium SS. Trinitatis adducta esset, ad nos adferebatur.

Femina hæc quamvis primis morbi diebus labores suos profecuta esset, *erecta & obambulans*, ὀρθὸς αὐτῇ, ex regulis tamen datis iudicabatur a nobis acute ab ipso initio laborasse, adeoque acuti ac maligni morbi diem nunc septimum agere. Cum in summo æstu, notante thermometro Fahren, in umbra gradum 81. caloris, febriente corpore laborans valide sub dio, tenuiora humorum suorum dissipasset, incrassasset, reliqua, dein sine auxilio bono, cum intempestivo sudorifero, jacuisset, mirum minime est petechias accessisse, morbumque evasisse malignum.

Symptomata porro, die 7. inchoantē, hæc invenimus; cephalalgiam, artuum gravitatem, vehe-

vehementem sitim, cutem aridam & urentem, aridam linguam, respirationem difficilem, fortem ac celerem pulsum, ventrem tumidulum, dolorem, attactu auctum, in latere dextro, eoque inferiore, thoracis, petechias tandem, & ad femora vibices, quæ tamen ex aliquot horis coloris intensitatem multum dimiserant.

In toto morbo, undique examinato, nihil non crudum. Petechiæ, & errore natæ, & quod morbus indies incravesceret, vere symptomaticæ; ergo tuto, *Sorbaitii* consilio, negligendæ, ac si non adessent; & febris acuta, tanquam plane cruda tractanda. Unde vena secta est, diluentia, nitrosa, expectorantia remedia præscripta, cataplasma dolentibus adplicitum locis. Post V. S. respiratio paullo facilior fuit; petechiæ, quæ jam illi ad nos intranti minuebantur, plus disparuere, vespere vero, quamvis in parvo somno leviolem sudorem, humidamque postea ac calidam cutem haberet, vix ultra nisi ex vestigiis relictis cognoscebantur.

Vespere cum calore 102. graduum cephalalgia ingens, & ferme suffocans respiratio, alteram V. S. suaserunt. Symptomatum inde remissio.

Inchoante die octavo, licet calor 100. graduum thermometri non transcenderet, febris tamen magna fuit, pulsu minus, quam pridie, suppresso. Preserverantibus ventris utcumque doloribus, continuatum cataplasma est, & injectum emolliens enema, quod copiosa stercora solvit, eduxit.

Suffo-

Suffocans respiratio, quæ die 7. ad meridiem, & ad feram vesperam affuerat, hoc die octavo ad 9. matutinam minus violente, ad 2. pomeridianam post levem horrorem violentissime ingruit, ita ut, ne suffocaretur penitus ægra, tertiam V. S. tentaremus: verum vix fluente sanguine, & imminente animi deliquio, sub stragulis reposita est, & aceti frigidi aspersione ac frictione sic recreata, ut facilius respiraret. Calorem notabat tunc eo, qui pridie, majorem; graduum scil. 104., percipere se affirmabat sub sterno corpus veluti durum, ac dolens, quod in paroxysmo auctum respirare prohiberet.

Ex his phænomenis suspicati, ne præter acutum morbum, spasmodici quid respiratorios afficeret nervos, dedimus inter remedia dicta nonnunquam lene neuroticum, spiritum C. C. succinatum, mistum cum tantillo diacodii, & admovimus vesicantia. Nihilominus ad mediam septimam subdelirare cepit, valde febricitavit, vehementer sitivit, & cum cute primum jam humida sudare cepit ad octavam, sudore per totum corpus profuso, cum somno perturbato. Urinam tunc reddidit, quæ boni coloris enæorema suspensum habuit. Nox valde inquieta, quietior ad auroram somnus parum modo læsam respirationem ostendebat. Mane febris minor, & calor tantum 100. gr. Vesicantia operabantur.

Signa bona plura hic aderant. Sudor, post hor-

horrorem, universus, symptomatum emendatio, somnus tranquillior, febris sedatior, calor minor, bonus vesicantium effectus, urina bona.

Verum contingerant hæc media octava morbi die, quæ non critica: Coctionis signa ante sudorem non adparuerant, & dies 9. continuis omni hora variantibus anxietatibus, pectoris, & febribus, transacta est. Ergo nihil critici in sudore prægresso. Porro hoc 9. die observavimus dormienti, quam vigilianti, respirationem liberiores, quod acuto morbo spasmodorum adjunctorum confirmavit suspicionem. Interim hoc toto die pulchre fluxere vesicantia, bonique fuit urina coloris, calor 101. gradum tantum notavit. Nox insequens molesta, sudor frequens.

Die 10. inchoante pulsus fortis ac celer, ad meridiem moderatus; cephalalgia continua toto morbo, sudor indefinens, apositia. Post meridiem permutationes, perpetuæ respirationis ac febris, cum somno, ut videbatur, placidior, aliquoties capto. Enema alvum copiosam, stercoraceam, eduxit.

Subnascebatur interim suspicio num febris hæc referenda non foret ad speciem illam, quam libro *de Februm divisione* Capite 9. descripsit, quam postea vidit, accuratissime descripsit, feliciter curavit, egregius *Lautter*; qualis si foret, cortex peruvianus ilico præscribendus esset.

Verum species illa febrium ad intermittentes
uri-

urinæ, ac maxime pulsus, referendam se esse debet; nostra febris erat continua remittens utroque hoc signo. An vero etiam in continuis remittentibus si malignitatem redolerent, non dedimus sæpius summo cum effectu Corticem? Utique daturus fuisset, nisi bonæ eousque & naturales urinæ circa tertiam matutinam, mox instante II. die in vere hypostaticas pulchre mutata, jussissent paulisper expectare eventum morbi.

Die igitur II. vere critico, post hypostaticas urinas, placidus somnus, facilior respiratio, multus, isque universus sudor, sputa pauca glutinosa. Hocque die quinquies missæ urinæ, habebant omnes sedimen album, læve, æquale, copiosum. Febris moderata sic, ut post meridiem vix ultra perciperetur.

Igitur habebamus hic plurima bona signa, quæ bonæ Criseos, criticæque evacuationis, certitudinem ad salutem indicabant; sive evacuationes sudorum & urinarum, primumque apparentium sputorum indicium, sive insignem morbi, ejusque symptomatum, emendationem, intuearis.

Principiis vero imbuti Hippocraticis, cavimus a certitudine prognoseos, visuri num bonorum signorum gauderemus constantia. Prudenter sane: nam ad 8. vespertinam reversio anxietatis in respirando; quæ ad 10. remissior, tandem ad 2. adeo vehemens, ut intra horam vitam una ademerit.

An malum, postremos sudores prægresso caruisse horrore? Sed alvus per totum morbum libera fuit. An spasmi motam, & critice probe excernendam, natura tamen sua crassiolem, materiem morbosam, sic in angustiis pulmonum compresserint, ut tota simul subsisteret circulatio? Nunquid, simili casu denuo se offerente, cortex peruvianus non foret audacter ab initio exhibendus, tanquam antispasmodicorum princeps? Si optime hypostaticæ urinæ formidolosas se ostendat aliquando, ut hic, ut & ex *Hipp.* & seq. patuit, an non imprudenter imitemur *Galenum*, tantopere bonis fidentem urinis, ut ex iis solis prognosin credat posse formari?

C A P U T X.

De Morbis acutis cum Petechiis, aut Miliaribus.

§. I. *Petechiæ & Miliaria rarissime, si unquam, Critica sunt; frequentissime Symptomata; Symptomaticorum vero plurima factitia: quod quamvis demonstratum pluries, nec dum animis patrium evellere errorem potuit.* §. II. *Hinc natæ Tironum objectiones, & scrupuli, contra demonstrata. Objectio 1^{ma}. de Aphthis est. Ostenditur hanc ipsam objectionem evincere tum Miliaria factitia esse, tum brevi occidua fore, 2^{da}. Objectio ponit si, quæ de ca-*
lida

lida methodo, ut Miliaria generante, dixerim vera essent, Miliaria & antiquiora, & universaliora esse oportere: Respondetur argumento a pari, quo objectio refutetur. 3. Objectio supponit, quamvis Viennæ calida methodus vix in usu sit, tamen & in urbe, suburbiisque & in omnibus nosocomiis, etiamque in meo, Miliaria frequentissima esse: adeoque falsum esse, quod eadem generet calida methodus. Respondetur, salvo honore multorum præstantissimorum Viennæ Medicorum multos medicos, ipsamve plebem, vel utrosque, aut calida medicamenta, aut calidum regimen, aut utrumque, vehementer amare: deinde præterquam a calida methodo, etiam pluribus aliis de causis illa generari: Falso accusari meum nosocomium, demonstrari Diariis hic communicatis; utpote quæ & rarissima in illo Miliaria, semper symptomatica fuisse, doceant. Animadversio in imperitos, qui maculas rubras, & sudamina, cum Petechiis & Miliaribus inepte confundunt. 4. Objectio statuens exanthema hoc, ob regularem oriundi, crescendi, decrescendi que tempus, criticum dicendum esse, nihil probat: id textu Hippocratis, plura alia adhuc docentis, ostenditur 5^{ta}. Objectio supponit ideo critica esse Miliaria, quod eadem moderari, mutare, minuere non liceat, ut quidem id, quod vere symptomaticum: Respondetur summo ægrorum emolumento, & licere, & oportere 6^{ta}. Objectio comparat illa cum Variolis

& Morbillis, ponitque male a me negari, quod ut hi illis, sic illæ his, superveniant: respondetur paucis exceptionibus regulas universales non destrui: adeoque jure me negasse. 7^{ma}. Objectione me ipsum ut idiopathica descripsisse: respondetur negando. 8^{va}. Objectione condemnat meam in Miliari febre methodum, V. S. educatione agrorum ex lecto, vesicantia &c. Respondetur demonstrando V. S. necessitatem apud Germanos, deinde Sydenhami exemplo a Boerhaavio & illustrissimo Præsidente laudato, meam methodum commendari. Vesicantia id non facere, quod supponit obiectio, demonstratur observatis; verus demum illorum usus & effectus ostenditur. 9. Obiectio nititur testimonium Fr. Misericordiae annihilare, probatur non modo verum fuisse, sed novis constare & firmari experimentis. 10. Obiectio agit de omisso maximam partem in latino Lautteri textu gallice reddendo. Respondetur quod incuria fecerim, idem vitium in eodem textu gallice reddendo paulo inferius commissum esse ab iis, qui ob id me carpant. 11. Obiectio spectat contradictiones notatas in libro doctissimi Domini Hazenohrl: Responsio demonstrat, aut imaginarias has objectiones esse, aut malevolas. Obiectio 12. de usu candela ad detegenda miliaria, & responsio. Obiectio 13. supponit me perperam Hoffmannum Fuchsum, Triumphum, in meas partes laudasse; respondetur laudari in meam sententiam

tiam debuisse, eo quo laudavi sensu non vero in eo sensu, quo adversarii velint, & qui meus non fuerit. §. III. Epilogus hujus capituli necessaria.

§. I. **E**X quo Medicinam, idque Viennæ potissimum, feci, per observationes, quas in nosocomio meo, & apud Ægros in urbe atque suburbiis in consilium vocatus, plurimas habui, dudum didici duo hæc: 1. Clarissimum meum in Cathedra Viennensi Antecessorem, & augustissimæ Imperatricis ELEONORÆ Archiatrum, Paulum de Sorbait, ante 100. fere abhinc annos, verissime de Petechiis, extra pestem contingentibus, scripsisse Univ. Med. quod essent motus noxius ac symptomaticus; & Expulsio symptomatica, cujus tam parum noxia esset retardatio, ut extantibus iisdem venæ sectio tuto institueretur. 2. Incomparabilem Sydenhamum 80. abhinc elapsis annis in Scheda monitoria justissime non modo similia de Petechiis, de Maculis purpureis, & de Miliaribus, testatum esse, verum etiam raro a natura, sæpius mala arte extorqueri, luxisse.

Hinc elapsis propemodum quatuor annis in dedicatione Thesium de Div. Febr. ad auditores meos hæc dixi: „ Dantur Exanthemata Petechialia, & Miliaria critica; dantur mere symptomatica; dantur denique accidentia, aut „ accidentalialia, ut vocant, prava arte producta. „ Pestilentiosis temporibus Critica frequenter,

„ frequentius symptomata, describuntur Au-
 „ ctoribus: tempore autem minime pestifero;
 „ Exanthemata hæc tum critica, tum sympto-
 „ matica, rariora sunt, accidentia vero, fatali
 „ scilicet arte genita, frequentissima. ”

Post editum hunc librum, magis convictus fui, magisque, de tanta utriusque, Exanthematis, veluti critici, raritate: ita ut vix critica dari, spondeque generatorum Exanthematum pleraque, ac fere omnia symptomata esse; cæterum symptomaticorum in *Germania* numerosissimorum pleraque esse factitia, audacter statuiam.

Hinc in omnibus fere quæ edidi opusculis medicis, hanc veritatem proposui, statui, unguibus defendi rostrisque: ut demum omnes, qui Medicinæ addiscendæ causa ad inclytam hanc Universitatem confluunt, dictis convicti factisque, ad extinguendum hoc pessimum, ac sæpe lethale symptoma, animum admoveant, dum ipsi per sese praxin exercebunt.

§. II. Sed altiores egit radices patrius error, quam ut exantlatis hucusque laboribus evellatur animo. Id me docent ipsi Medicinæ Tirones, quos conversatio cum vetustioribus Medicis, quos male relata exempla, quos horror omnis ejus quod novum dicitur, licet sit præjudicata opinione antiquius, ita præoccupavit, ut sylvam objectionum collectam mihi sæpe objiciant, ad quas toties responsa ipsis dedi, quibus videbantur convicti recedere; haud ita tamen, quin
 con

convictionis obliti, sæpius ad me redirent, cram-
bem recoquentes antiquam.

Cum porro salus publica suprema lex sit, &
cum nosocomii nostri Diariorum collectiones,
quas opuscula *de Rat. Med.* referre solent, in
usum studiosorum præcipue evulgentur; operæ
præmium erit, in hac octava ejusdem operis
Parte, easdem tum amplius evulgare, tum elu-
cidatius exponere, ut demum omnis de illorum
animis auferatur hæsitatio. Quæ autem utilius
atque efficacius id exequi possim, putavi nihil
ad id accomodatius fore, quam recensitionem
earundem objectionum, quas mihi contra meam
sententiam opposuerunt, & ad quas responsa,
quæ dudum dederam, nondum rite intellexisse
eosdem deprehendo. Nosocomii observata simul
ad objectiones easdem dirigam, & applicabo.

I. Objiciunt mihi sæpe problema, quod Ill.
Med. Præses L. B. *van. Swieten*, capite *de*
Aphthis, Medicis proposuit illis, quibus occa-
sio rem propius examinandi, quam sibi, ut Ar-
chiatrorum Comiti, liceret, frequentissima adef-
set; *utrum scilicet Miliarem morbum inter, &*
Aphthas, tanta intercederet affinitas, ut quod
apud Belgas Aphthæ, id Miliaria apud Germanos
essent; unde concludunt non posse Miliaria dici
factitia, quia factitiæ non sunt Aphthæ.

Quidquid ex problemate concluditur, æque
problematicum manet, quam problema ipsum.
Verum demus non esse problema, sed demon-
strationem; quid inde? Profecto Miliarium in

Germania ruinam necessario præfatur.

Belga natus, & spatio 19. annorum luculentâ ibidem praxi exercitatus, certi quidquam & novi de aphthis proferre potui; utpote qui pluribus annis posterior magni *Boerhaavii* in Coll. Pract. auditor fuerim, quam Ill. Præses; & qui integris novem annis post. Ill. Viri abitum praxim ibidem exercuerim.

Aphtharum nomine quid intelligatur proprie, ex definitione *Boerhaavii*, & Commentario Ill. Præsidis cuique notum est. Antiquitus videmus eo nomine potissimum intelligi puerorum morbum, & etiam exedentia adultorum ulcera, quæ cancri aquatici, vel ulceris *Nomæ* nomine, nunc describimus; minime vero aliquod symptomâ, vel evacuationem criticam, quæ in acutis creberrima conspiceretur, ut quidem postea *Forestus* in *Belgio* potissimum sic de aphthis agit, ut dixi: addit vero libr. 14. in Scholio ad obs. 22. : „ Ast Aphthæ quæ in febribus „ in morbis acutis, & in pestilentia, & quæ „ frequentius in periculosis febribus apparent, „ ex flagrantibus exhalationibus etiam in peripneumonicis; ut sæpe vidimus, raro non diro augurio spectantur.” *Sennertus* in *Germania* prax. lib. 2. part. 1. cap. 18. ut infantum morbum describit; sin vero adultos occupat, ad malignitatem morborum acutorum refert.

Ex quo vero regimen & medicamenta calida *Belgis* per integrum fere sæculum acceptissima

simâ fuere, aphtharum frequentia tanta ibidem fuit, ut gauderent & ægri acutum morbum quandoque sine aphthis curari. Luxerat quidem diu infamem ob illas Patriam suam *Boerhaavius*; verum triennio ante sua fata vidi, audivique, venerabilem Senem gloriantem, & exultantem, quod indies aphtharum crebritas minueretur, spemque sui interitus daret, eo quo Hippocraticæ methodo, multitudine suorum discipulorum sensim inductæ, inciperet, pergeretque cedere error antiquus.

Hoc adeo verum, ut ipse ego, ultimis Batavæ meæ praxeos annis, celebresque mecum in Patria practici, testarentur, vix bis ter in anno aphthas se in adultorum acutis cernere morbis; læti ob id inprimis, quod inciperemus hoc modo carere ejusmodi in acutis symptomate, quod criticæ evacuationis honesta appellatione vix esset recensendum. Equidem *Boerhaave Instit. §. 938.*, & *Aphorism. cap. de Aphthis*, ad crifin eas retulerat; sed ad qualem? Ad difficilem, laboriosam, periculo plenam, ac sæpe lethalem; raro scilicet ortam a natra febris, sed, *Aph. 991. probl. 3. maxime si medicamenta, victus, regimen, calefacientia (aut adstringentia) initio hujus morbi data*. Agnovit eas absque calefacientibus nasci, sed simul ab iisdem nasci maxime asseverat. Ergo agnovit quoque aphthas factitias. Hinc minime in Collegiis mirabamur, quod magnus ille vir, *Sydenhamum* imitatus, nobis tam serio inculcaret, ut in initio

eiusmodi febris, quæ adjunctam Diarrhœam & Dysenteriam haberet, & in quarum fine alioqui essent adparituræ aphthæ, purgans daremus quo eiusmodi Aphthas præcaveremus. *ibid.* probl. 4. Si autem iussit nos aphthas, ne nascerentur, præcavere, agnovit aphthas negligentia medici factitias; aphthas, inquam, quæ in fine morbi haud affuissent, si medici in morbi principio suas partes explevissent. Eodem prorsus modo hic *Boerhaave* egit, quo ante 100. fere annos *Sydenhamus* agebat, dum bubones, parotides, antraces, periculosas sæpe febris pestilentialis crises, tam salutariter sudore 24. horarum, ac purgante, præcaveret, ut omnes inde feliciter emergerent; interea dum aliorum plurimi, quibus hæc Medici non præcavissent, desiderarentur. Vid. de Febr. pestil. & peste ann. 1665. 1666. Eodem denique modo, *Sydenhamii* ac *Boerhaavii* sapiens exemplis, *Cl. Allionius*, Miliaria, in febre ad illa disposita, ne erumperent, præcaveri docuit, bina ternaque venæ sectione, totidemque purgantibus; quam methodum ut saluberrimam toties expertus, vehementer laudat.

Itaque quo magis urgent adversarii problema hocce, eo magis statuminant, & roborant, sententiam nostram.

II. Si Regimen, & calida medicamenta, miliaribus producendis apta nata forent, utique ad 16. sæculi initium, quo *Sylviana* methodus florere incepit, necesse est tunc illa adparuisse, & ex
eo

eo tempore ubique, siquidem calida methodus exinde universalis fuit. .

Transeundo errorem in Epochâ Sylviana commissum, siquidem initium 16. sæculi, imo vix illud 17. nec dum *Sylvii* videre natales, virique opera prima ante 1664. lucem non viderunt; dicam calidam methodum dudum ante Epocham illam in Germania viguisse. Sed his transmissis argumentum argumento opponam, quo ejusdem imbecillitas pateſcat. Si congressus venereus posset luem veneream, ac gonorrhœam, creare, hanc & illam creasset jam ante numerosa sæcula, siquidem semper obtinuit ejusmodi congressus. Atqui ante finem sæculi 15. nullibi Europæorum locorum morbus hic notus fuit. Ergo eundem producere congressus venereus non potuit. Est quidem ridiculum argumentum; sed quo objectionis ridiculitatem demonstret, necessarium. Utriusque autem facti, argumento utroque contenti, rationem rogatus, fateor responsi nihil me invenire, quam, quemadmodum finiente sæculo 15. morbi venerei, ab impuro congressu contracti, primo in regno Neapolitano apparuere, & deinde reliquos ordine Europæos invasere, prout infectorum commercio succedente ordine utebantur; a qua tamen causa, licet antea millionesies & millionesies posita, lues venerea nunquam orta esset; sic post elapsi sæculi principium (eam enim epocham figere Riveriana suadent,) nata Miliaria esse ex regimine calido, a calidis medi-

camentis ab aëre aut non, aut non sufficienter, renovato, ab eodem multorum hominum exhalationibus inquinato, ab interna corruptione humorum, illi simili, quam calida dicta generent, & forte ab aliis nonnullis causis; a quibus tamen causis nunquam anteagenerata essent Mera observatio est, cujus causam neque in Purpura, neque in lue Venerea, ingenio assequimur, naturæ utriusque corruptionis ignari.

III. *Frequentissima sunt Miliaria Viennæ, & in omnibus nosocomiis, & in privatis, ædibus etiam quandoque reperiunda in meo nosocomio. Atqui Viennenses Medici calida methodo tam parum utuntur, ut qui eosdem de illa accusaverit, videatur de lana caprina disputasse, neque ego certe calidis utor in nosocomio. Ergo non verum, quod ea calida methodus pariat.*

Reservandum mihi responsum ad ea, quæ de omnibus Nosocomiis obijciuntur, admitto majorem, & ad minorem, salvo semper honore plurimum Viennensium medicorum, qui egregiam methodum curandi adhibere solent, morbosque acutos, in quibus exanthema prodit, sic curant, quasi illud non adesset, id quod mihi testati sunt sæpius; respondeo 1^{mo}. formulas multorum Medicorum adeptum, certo me nosse, & in nosocomiis, & in urbe, suburbiisque, plurimos reperiri Medicos, qui calidis Alexipharmacis, copioso præprimis Croco, ipso acutorum principio, perque universum eorundem decursum, utantur, & hanc suam methodum publice laudare

dare non vereantur, ut virus, quemadmodum *Hoffmannus* Medicis pravis exprobrabat, de corde pellant. Extant innumeræ formulæ Hofmannianæ dictæ misturæ cum bona Croci dosi; formulæ linctuum pro tussi catarrhali, quibus suspicione aut latentis, aut saltem futuri exanthematis, crocus est admistus. Præsens in consultatione vidi celebrem Medicum, animadverso, ut postea patuit, culicum morfu, cardiaca calida ad exanthema, ut ajebat, foras ejiciendum, jam dedisse: methodo tamen a me, binisque aliis Collegis, in rationabilem mutata, æger absque vel minimo exanthemate brevi integreque convaluit. Advocatus ad consultationes, aërem nedum agris, verum nec sanis, calore tolerabilem, sæpius deprehendo. Quin & animis adeo alte insitum calidi aëris præjudicium offendi, ut hora consultationis is, ne conquereretur; moderaretur, moxque, abeunte me, incenderetur, quam fraudem, aliquando maturior interpellans, detexi. Plures etiam boni Medici apud me conquesti sunt, quod, quantacumque diligentia aëris commendarent, curarentque temperaturam, tamen vulgus æque nobile, quam ignobile, calidum perpetuo aëra, se abeuntibus, concilient agris. An ergo falsum non est, quod, qui de hisce conqueratur, de lana cavillet caprina? An miremur, quod exanthemate infamem se Regia *Vienna* lugeat?

Resp. 2^{do}. ut prava arte Miliaria alioqui defutura produci, sæpe conquestus sum, ita luce
cla-

clarius evici aliis occasionibus, haud sic calida medicamenta requiri, ac si, citra illa, petechia aut purpura gigneretur nunquam. Equidem etiam sine medicamentis calidis aptum aëra esse, qui illa producat, calidiorem: adeoque a Medicis, temperatam medelam dantibus, Miliaria millies creari, dum aut studio imperent, aut conniventia tolerant, acute laborantes calido in aëre foveri perpetuo. Demonstravi pluries quoque purpuram eorum sub cura produci, qui calidi remedii, calidique aëris osores, vano interim metu aëros lecto sæpius eximere, eorundemque propriis inquinamentis in lecto fœdatam athmosphæram sufficienter mutare, ac lustrare, religioni habeant. Generari forsitan eadem facilius dum in aëris, lecto vix mutatis, venæ sectiones fuerint omissæ; sive præ defectu necessariæ distinctionis veram inter imaginariamque debilitatem, sive præ generaliore, quam par est, persuasione insequuturi cujusquam nocu-menti, si aëris acutorum principio vena sece-
tur, quando aut impetus humorum vehemens non sit, aut cutaneæ sperentur, expectenturve, eruptiones. Præterea docuit experientia toties, absque calidis remediis, abs calido aëre, Miliaria & Petechias produci, quando plures aëri, eodem in loco collocati, athmosphæra mutua, aut non mutata, aut saltem haud sufficienter, ut in bellis toties visum, vesci cogantur. Quin etiam omnibus sic a Medico directis, ut nullatenus exanthema gigni debeat, gigni nihilomi-
nus

mus idem, dum qui jam prius istud vel in mi-
asmate alibi concepissent, vel aliis explicitis de
causis sibi comparassent, curandi susciperentur.
Tandem spontaneam acutis in ægris humorum
corruptionem, spontanea exanthemata, penitus
tamen symptomata, & perniciosa, generare
nonnunquam.

Cum ergo tot existant causæ, a quarum vel
unica hæc exanthemata citra naturæ operam
produci queant, nonne iniqua prorsum argumen-
tatione concludere velint, exanthema ideo da-
tis de causis non gigni, si earum vel unica de-
sit? Eodem plane modo concluderet quis febrim
ardentem gigni posse nunquam. Optimus *Boe-
rhaave* Aphor. 740 „Causa, inquit, (febris
„ardentis) labor nimius, inter longum, æstus
„solis, sitis diu tolerata, usus calefacientium,
„fermentatorum, aromaticorum, acrium, ve-
„neris nimix, delassatio immodica, maxime
„æstate, &c.” Sex igitur septemve varias, seor-
simque subsistentes, febris ardentis causas enu-
merante *Boerhaavio*, licebitne negare hujus fe-
bris præsentiam, eoquod ad eandem præsentem
sistendam ex bis septem defuerit una, duæ, tres?
Ut febris ardens non gigneretur, deesse oportu-
iisset causas omnes: data autem earum vel
unica, generari potuit.

Sic una responsum habetur ad objectionem,
petitam a viso quoque Exanthemate in nosocomio
nostro. Nunquid ideo apud nos, citra bonæ
naturæ operam comparere haud potis est,
non

non porrectis licet medicamentis calidis? Ordine adplicentur exanthematum recensitæ causæ omnes ad ægros, qui eadem apud nos acquisiverint, & capiet facile quisque, quod aut a degeneribus prorsum humoribus, aut proprio neglectu, aut suscepto antea contagio, subinde debuerint nasci.

Dedi in variis *Rat. Med.* locis catalogum horum & omnium, qui unquam exanthematicis apud nos laborarunt; ex quibus antequam demonstrationem formem, recentiora nonnulla prius enarrabo. Anno 1762. feminam cum Miliaribus in nostro nosocomio acquisitis ægram habui, idque hunc in modum: per decem dies acutæ febris labore agitata femina, demum ad nos confertur. Die 15., non critico, Miliaria prodeunt notabili cum incremento morbi. Die 19. non critico, abundantior purpura. Die 21. non critico, post ingentem horrorem calor, sudor, copiosiora Miliaria, quæ & pauciora ante, & copiosiora post, auditoribus demonstravi; eaque demum sic, ut die 24. moriente ægra, tum essent copiosissima, tum aliquantisper a morte, adhuc bene prostant.

Anno currente, ad 8. Aug. juvenculam suscepimus, quæ cum continua febre ædibus expulsa, ad feminam pauperrimam sibi notam contulerat, ibidemque citra ullum auxilium ad medium tertium diem jacuerat. Inde in quodam nosocomium, in quo exanthematicorum legio, delata, sex horis citra auxilium tantummodo

modo plurimum tecta, ac probe sudans, mansit; inde ad nos sella portatili bene clausa conducta est, maculis petechialibus hinc inde jam conspicuis, pectore anxia & tussiculosa. Die 4. & 5. morbi alvus cocta biliosa, naturalis urina, sudor levis, febris pauca. Ad meridiem diei quinti febris admodum magna, valido cum sinistri lateris ventrisque dolore. Post factam sanguinis missionem obdormivit, ac sudore toto pomeridiano tempore diffluit, maculis petechialibus inde non promotis, sed ita sensim obscurantibus sese, ut ad 9. morbi diem ulla vix relinquerentur vestigia. Quod autem notandum, post venæ sectionem die morbi 5. factam, crisis facta videbatur sudoribus & alvo, ita quidem, ut bona indies perseverante alvo, cum urina existente passim naturali semelque hypostatica, ad 10. diem inchoantem nullam prorsus febrem ultra deprehenderemus.

At vero 16. die mensis, morbi die 12., non critica, notavimus alba quædam, eademque parva admodum Miliaria in pectore, at ita inconstantia, ut nunc conspicua, hora vix elapsa, evanida, pauloque post iterum visibilia essent. Idem morbi 13. die; perseverante interim, quæ ante Miliaria affuerat, sanitate. Die morbi 14. & 15. bene conspicua, sed minutissima. Die 16. 17. 18. 19. 20. mane quidem pauca, post meridiem vero plura. Die 21. mane plura, post meridiem pauciora. Die 22. vix visibilia, 23. nulla. Cum puella hæc post crisi
fin

254 PETECHIIS AUT MILIARIBUS.

fin sana vixisset, ita ut quovis die ambulans & sedens extra lectum, nec ante eruptionem, nec sub, nec post illam, ve minimum ægrotasset, templum, i. Sept. adivit, silentio suppressens levem ventris dolorem. E templo redux vomuit, quæ comederat, fere, tam integra, quam in mensa fuerant. Levem inde experta febrim, sudavit nocte multum, & sana surrexit, mansitque.

Dedi jam alibi historiam feminæ, quæ sub idem tempus, ad diem sui morbi 5. purpureis maculis extantibus, ad nos allata fuerat, septimoque die judicari visa, ingens post hac negotium nobis facesserat; & alibi alius, quæ a triduo Petechiis tincta, ad 7. diem ad nos conducta, & ad 11. mortua est.

Ex cunctorum recensione decem homines, spatio decem fere annorum numeramus, qui alterutrum exanthema, aut utrumque, in nostro nosocomio acquisiverunt. Horum porro decem, tres in nosocomiis, exanthemate infectis, aliquantisper decubuerant; unus negligentia petechias sibi comparavit. Quinta ad peripneumoniam neglectam, extra ædes nostras, habuit Scarlatinam ad Miliaria, in nosocomio vero variolas & petechias, a degeneratione humorum subtilissimorum summa. Sexta ex morbo maxime maligno, cum mictu cruento, fere desperato, petechias contraxit. In reliquis, morbus acutus per 4. 6. 8. 10. dies neglectus, jam motu, calore, labore, sudore, in multos loci versus

sus errores, malignitatem jam contraxerat.

Cum exanthematibus jam conspicuis quatuordecim ad nos allati sunt ex nosocomiis aliis, privatisve ædibus.

Igitur spatio decem fere annorum 24, homines exanthematici in nosocomio nostro fuere: Octo scilicet exanthemate petechiali, quos inter cum variolis una; undecim solo miliari: quinque utroque, eosque inter una cum pessimis variolis, affecti.

Horum quatuor diem eruptionis reliquere incertum; novem quidem die aliquo critico habuere eruptionem, novem vero die non critico, duo in restituta post morbum sanitate: verum in horum nemine criticæ evacuationis notam sustinuerunt; aut enim in morborum acutorum incremento prodire; aut si in statu, decrementoque, cum symptomatibus pravis; ita ut inde perierint nonnulli, copioso licet exanthemate tecti, pluresque sive Cortice peruviano, sive criticis evacuationibus aliis, sive utrisque, servati fuerint: judicato, curatoque jam morbo, supervenere Miliaria, absque ullo præeunte concomitante, subsequente, symptomate.

Hisce igitur mature consideratis, capient facile studiosi nostri cur morbus hic a Natura raro, ab arte vel casu ut plurimum genitus, etiam nostro in nosocomio compareat? compareat autem adeo rarissimus, ut utroque exanthemate simul sumpto, vix quinquies inibi bienniali advertatur spatio? & si numeremus eos

modo, qui illud in nosocomio acquisiverint, unicus modo singulo detur anno? Præterquam quod in hac enumeratione liberalem juniorum quorundam Medicorum in numerando modum de industria imitati simus, ne quid cavillent; haud vero, eandem approbemus. Si enim pauculas illas maculas rubras, vel purpureas, quas *Sydenham* passim: quas *Boerhaave* pluribus in locis, a petechiis distinguendo ad pessimam humorum corruptionem referunt; si præterea quasvis pustulas miliaceas, sudore genitas, quas Patres Greci ἰδρωα vocarunt, Latini *sudamina*, *papulas sudorum*, quales ut fano in æstivis sudoribus, sic sudantibus ægrotis sæpe obveniunt; si, inquam, hæc omnia ad Petechias, & Miliaria relegemus, tunc ab orbe condito, per universas mundi plagas, petechiæ & miliaria sunt ἐνδημινώτατα. Hoc autem negatur ab omnibus. Quam incongrue ergo miliaciis illis sudaminibus, in sudore critico nonnunquam prodeuntibus, crisin morbi clamitent per Miliaria fieri! sed *nova* data occasione, de hisce latius: Dives enim differenti seges mihi adest. Capiunt quoque quantopere præter veritatem mihi objecerint, quod Miliaria solent, *etiam fatentibus nobis*, & diebus prodire criticis, & morbi afferre, omniumque symptomatum, insigne levamen. Contrarium prorsus ex allatis vident exemplis. Si præterea videant, quæ in hoc ipsum notarint, viri, eruditione aut praxi aut utroque clari, *Pourchon*, *Trumphius*, *Fuchsius*,
Klei-

Kleinus, *Hazenobri*, *Lautter*, erunt de iis, quæ profero, convicti. Et qui multitudine observationum cæteros antecellit cl. *Allionius*, qui ipsius ex professo de Miliaribus, tanquam naturaliter genitis, differuerat, nonne disertis scripsit verbis hæc; „Tertio aut quarto die, (ain-
„ bobus criticis) exeunt pustulæ, septimo, &
„ octavo, plerumque lethales: minus funestæ,
„ quas dies sexta (criticorum infidissima) affert. Et per manipulos & cohortes, incerta
„ die ac hora, fit hujus exanthematis expul-
„ sio. „

Jurene ergo, an injuria, Discipuli mei ex *Thes. de febr. Divis.* colligant criticum me pronuntiasse miliare exanthema? Conqueror pluries objectiones, quas refutandas susceperam, aut jam refutaveram, nihilominus tamen veluti meam propriam sententiam laudari, pari, ni fallor, injustitia qua quis *Sydenhamum*, toties calidam methodum refutandam assumentem, veluti calidæ methodi celebraret Patronum: aut qua quis assereret *Davidem* Regem in Psalmis 13. & 52. Dei negare existentiam, quando impiorum sententiam oppugnaturus, referret quid ipsi in corde suo dicerent.

IV *Crisin Miliaria* referunt, inquiunt mihi studiosorum nonnulli, regulariter procedendo, certamque efflorescentiæ, exsiccationis, ac desquamationis servando periodum.

Sat superque responsum, quod ad tertiam objectionem dedi, hanc quartam diluit, ut in-

salutatam hanc præterire possim. Verum cum Discipulis meis nihil non debeo, dabo illis & aliquam hujus objectionis refutationem peculiariorem. Nescire me fateor quid in mentem venerit ipsis, quod allatis de causis Miliaria critica vocent? *Hippocrates* saltem tale quid, propter has causas, criticum non vocasset. Grassabatur populariter *Perinthis*, Epid. 2. Febris ardens, quæ ut plurimum die 14. judicabatur sudoribus, at vero in ipsa æstate sudores jam a principio comites habebat; prætereaque die 7. (critico) die 8. (non critico) die 9. (critico.)

„ Τρηχύσματα ἐν τῷ χρώτι κεγχρώδεα, τοι-
 „ σιν ὑπὸ κωνώπων γινόμενοις μάλιστα ἱκελα
 „ ἀναδήγμασιν, ὃ παντὶ κνεσμώδεα. Aspredines
 „ in cutæ miliaceæ, culicum moribus maxime
 „ similes, oboriebantur, haud multum tamen
 „ prurientes. Ταῦτα διετέλει μέχρι κρίσεως, hæc
 „ ad usque crisin perseverabant.” Ergo erat
 symptoma peculiare in hac febre ardente, quod
 & diebus criticis, & non criticis efflorescens,
 perdurans diu, & periodum disparendi servans,
 morbum nedum judicabat, verum ad morbi
 crisin, nempe sudorem, disparebat. Ergo Exan-
 themata regulariter procedentiæ, certamque efflo-
 rescentiæ, exsiccationis, desquamationis, perio-
 dum observantia, nec *Hipp.* nec ulli in hunc
Hipp. locum commentatores, ad criseos natu-
 ram & genium ea de causa retulere.

Plura sane hoc in textu nos *Hippocrates* docet. Ac primo quidem, ut jam dictum, regula-
 las

las crescendi evanescendique servantem efflorescentiam, minime tanquam criticam, sed tanquam mere symptomaticam, consideravit. Secundo crisin neutiquam huic tribuit, aut sudoribus diei 14. Tertio, in hac ardente febre, quæ tam benigna, ut ipse testetur illam nihil habuisse maligni; & ut, licet ab initio sudores perperam adessent, tamen pauci inde morerentur; in hac, inquam, febre, adeo benigna, agnovit excretiones dari symptomaticas, contra illorum sententiam, qui ideo negent symptomatica posse Miliaria haberi, quod sæpe in benignis acutis contingant, in quibus illi credunt tantam humorum non dari degenerationem. Et morbum benignum salutavit *Hippocrates*, & in benigno morbo exanthemata descripsit symptomatica.

Dum igitur accusamur quod Crisin acutæ febris non Miliaribus, sed aliis, aut simul, aut postmodum contingentibus evacuationibus, adscribimus auctore id facimus *Hippocrate*. Ut enim ille agebat in descripto exanthemate, ita nos symptomaticam Petechiam ac purpuram habemus, eo quod utraque die erumpat & critico; & non critico quod eruptio in die critico pejor sæpe demonstratur, quam in non critico; quod cum eruptione, postque eandem, morbus sæpe ingravescat, morbi que symptomata; quodque, etiamsi morbus in melius vertatur, tamen ea in meliorem conversio minime exanthemati symptomatico, sed aliis criticis perturbationibus & evacuationibus

bus potius adscribunda sit, quæ morbosam eliminantes materiem, simul illud symptomaticum crudumque exanthema, quod secundum *Allionium* coctionem non patitur, pellant foras.

V. Attamen instant: *Symptomatica dici hæc exanthemata nequeunt, eo quod symptomatica, si modum excedant, suppressere, minuire saltem, liceat, oporteatque: nunquam vero Miliaria; ni mortem velis, pejorare morte creare symptomatica.*

Profecto ut Symptomaticos in acutis sudores, ut *Sydenham* Collegæ sui Petechias, ita *Allionius*, nosque cum ipso, ægrorum e lecto exemptione, venæ sectione, enematibus, cortice peruviano, symptomaticos hosce motus moderamur cum bonis ægri rebus, totosque auferimus. Ergo sunt Symptomatica exanthemata.

VI. Comparant Medicinæ Tirones Miliaria ac Petechias cum Variolis & Morbillis, naturali ortu, progressu, effectu; id me perperam negasse arbitrati, quando scripsi Variolas & Morbillos non supervenire Miliaribus ac Petechiis, sic ut penitus prodeant, crescantque, quemadmodum quidem hæc illis; contrarium nempe ex *Cammerario*, & *Albrechto*, N. C. Sodalibus, demonstrari.

Cum Tironibus multæ ineptiæ condonandæ sint, & ad has respondebo. Primo ex quinque rationibus, ob quas hanc comparisonem, libr. de Febr. Divis., negaveram, quatuor suppressere, ac, veluti illas quatuor non adduxissem, unicam quintam arripuerunt. Attamen arripiundæ

dæ erant omnes quinque , ut stringeret causa negati . Secundo etiam hanc , quam memorantur unicam , mutilarunt . In Febr. Div. sic scripseram : „ Variolæ & Morbilli non superveniunt Miliaribus & Petechiis , sic ut penitus prodeant , & crescant , sicut quidem hæ illis , sed tantum eo , quo dictum est , modo . ” Porro illa alibi dixeram : „ Miliaribus enim , aut Variolis , aut Morbillis , aut Scarlatinis , Petechiæ superveniunt ; & vice versa Variolæ , Morbilli , Miliæres , ad Petechias accedunt , vix elevantes se , morumque denunciante propinquam . ” Communem observationem sic me exposuisse crediderim . Rogo enim practicos quosvis , num eandem utrimque consuetudinem observent sic , ut eo modo Variolæ Miliaribus & Petechiis superveniant , quemadmodum hæ ambæ illis ? Num , quo in loco Miliæres & Petechiæ frequentissimæ sunt , sic in illis Medici expectant Variolas & Morbillos , quemadmodum in Variolis ac Morbillis , Petechias aut Miliæres ? Si igitur nudo , quo scripsi , sensu verba mea intelligantur , eam referre sententiam censeo , quam tenent necum Medici omnes . Verumtamen exempla prostant Variolarum Petechiis ac Miliaribus supervenientium . Admitto utique illa ; utpote quæ simile elapso jam sexennio protulerim . Sed num rariores exceptiones subvertant communes naturæ leges ? Tunc nullas leges Medicina haberet , nullas Physica tota , nullas

alia quælibet ars; semper enim aliquid est, quod extra easdem divaget.

VII. *Sed ipsemet ego, pergunt, in Febr. Div. Miliarem morbum velut idiopathicum, & gravissimum quidem, descripsi, cujus illa esset proprietas, ut morbosam materiem ad corporis deferret superficiem.*

Nunquid, qui sic fantur, mea voverunt attente? Videant ergo revolvendo me morbum nunquam idiopathicum vocasse, sed descripsisse talem, qualem Natura rarissime, causæ aliæ numerosæ passim, generent. Minusne factitia lues venerea est, quod Auctores Syphilici eam describant tanquam morbum gravissimum, cujus illa proprietas sit, ut solida æque quam fluida corrumpat? An inde sequitur luem veneream morbum esse, in quem unusquisque ex communibus vulgarium morborum causis incidere queat?

VIII. Ajunt mihi Medicinæ Tirones se Medicos, veteris opinionis tenaces, advertere acriter in vectos, & quotidie invehi, in methodum, quam in exanthematicis tractandis observem: ægre illos ferre me venam secare, me aëros lecto eximere quotidie, & si ferant, per aliquot horas in sedili collocare erectos; me vesicantia admove, quæ longe acrius solida fluidaque humani corporis agitent, stimulentque, quam, de quibus conquerar, calida stimulantia: interea medicos se frequentare, quibus quotannis innumeri exanthematici curandi committantur, qui tamen
in

in febre simpliciter miliari venam non tundant, qui Ethmulleri consilio ægros hosce compluribus diebus lecto haud eximant, qui vesicantia nunquam, nisi efflorescentia retrocedente, ac debilitato vehementer inde ægro, admoveant.

Medicinæ Tirones, qui his visis auditisque in data ipsis doctrina vacillant, manifeste docent se nec ad ea, quæ apud alios viderint, nec ad illa quæ in nosocomio nostro sibi demonstrata sint, accurate satis attendisse; nec sufficienter se utriusque methodi consequentias & effectus ponderasse.

Profecto in initiis acutorum venam secantem non viderunt me unquam, quando vires vera debilitate prosternebantur, neque in schola medica didicerunt. At vero observare potuerunt in natione Germanica, quæ fluxui hæmorrhoidum sive naturali sive factitio, quæ frequenti admodum venæ sectioni, plus justo assueta est, quæ vorax præterea, vinoque indulgens ac cerevisiæ est, venæ sectionem in acutorum principio, si nihil vetat, egregie conducere: neglectu V. S. ex benignis malignos, eosdemque exanthematicos morbos, esse exortos; sic quidem ut notare potuerint ægros, neglectu jam exanthematicos, instituta ac repetita sanguinis non dissoluti, sed vere pleuritici, missione, e mortis ereptos fuisse faucibus. Obliti penitus videntur confirmatæ toties apud nos observationis Sydenhamianæ, de ea apparente debilitate in febribus, cujus cardiacum venæ sectio esset.

Ut dubio procul inter causas frequentioris alibi exanthematis missio sanguinis, acutorum principio neglecta, recensenda veniat.

Deinde causam, cur rarius apud nos exanthema, evidentem semper habui, & indefessus docui, esse quotidianam lecti refectionem: intra quod tempus ægri debiliores alium in lectum transferuntur; qui minus debiles per horæ quadrantem, horam, horasve complures, &, si ferunt, bis die, in majore ac commodiore sedili collocantur. Hinc toties videre mecum auditores plures ægros, quibus omnia symptomata, futuri exanthematis præsaga, adessent, febrim duntaxat acutam, minime exanthematicam, sed sæpe benignam, esse perpefflos. Viderunt mecum alios, erumpente exanthemate ad nos allatos, tolerabiliter valde morbum hac methodo tulisse, nec quenquam quid detrimenti inde unquam passum esse. Ita ut longe alia & penitus contraria a nostra methodo observaverimus, quam apud alios divulgatur.

Nec insolita hæc nostra ratio, nec nova est. Summorum in medicina virorum est celebratissima. Docuerat nos eandem dictis factisque immortalis *Sydenhamus*, Tempore febris contagiosæ variolosæ adeo abhorrebat ab ægris suis lecto addicendis, *ut ejusdem additionis effectus compararet cum intempestiva cardiacorum eodem in stadio exhibitione*. Sufficiebat ipsi, nec, ubi rerum arbiter erat, unquam aliter concessit, ut ægri cubiculi ambitu se continerent, a lectulo,
æque

æque quam a cardiacis, abstinentes: quarto vero die lecto adjudicabat: porro si benignæ ac discretæ essent variolæ, & calida tempestas, *quotidie per aliquot horas lecto exemptos detineri curabat*. Quo demum effectum, ut feliciter morbi progressus ac maturatio fieret, ægrique longe minore cum tædio morbum perferrent. Sin vero aut frigidior anni tempestas, aut eruptio copiosior id minus concederet, lecto quidem eisdem detinebat, verum & moderate tectos, & , foco in Camino mediocriter, bisque die duntaxat, accenso, quando hyems scilicet ingrueret, locum in lecto sæpe mutare jubebat, ne ad perniciosos hic semper sudores coegerentur.

Sed *Sydenhamo* objiciebant, quod nunc mihi; multos methodo prorsum contraria tractatos nihilominus convalescere. Respondebat vir candidus negari tamen non posse, quin quoque plurimi illa contraria methodo interirent, pluresque adhuc interituros, nisi vel a frigidior tempestate, in quam fors inciderit morbus, vel a Phlebotomia, servarentur: tumque notabile hoc addit: „ Ex dictis, ut obiter attingam, „ facile erit vulgare illud problema solvere, „ quæ fiat scilicet, ut perpauca adeo e plebe „ hoc morbo pereant, si ad eos comparentur, „ qui inter divites eodem *trucidantur*? Quod „ quidem vix ad aliam causam potest referri, „ quam quod ob rem domi angustiore, & „ agreste vivendi genus, vix fiat illis copia si-
bi

„ bi nocendi, regimine magis accurato, ac delicatiori.

Quando nunc *Syndenham* in valde confluentibus ægros lecto addicebat, veniam concedebat ab hac in illam lecti partem corpus pro arbitrio suo transferendi, eosque, febre maturatoria adpetente, ad id serio monebat, imo per alios curabat illos in lecto versari. Si autem facies in discretis ad 8. diem flaccesceret, ac pallefceret, sudorque bonus eo tempore cessaret, & phrenitis oriretur, præter venæ sectionem, & paregorica, asseverat sæpe se ægros ab imminente morte præservasse liberiores auriæ illis conciliando; quo ut rite fruerentur illos lecto aliquantisper surgere jubebat. Confirmat autem experientiam suam exemplis phreniticorum, qui post sedulitatem irrisam custodum externo aëri frigido, eique nocturno, se exponendo, servati sint; & exemplo juvenis, quem in variolis mortuum nunc a phrenitide habitum, lectoque exemptum, & in mensa, ut cadavera solent, positum, aër frigidior in vitam quasi revocaret. Coma variolosum eadem ratione tractans, *eadem sanguinis contemperatio* inquit, & *maculas purpureas vidi sublatas*. Urinæ suppressionem in variolis, acutisque aliis, ægrum lecto eximendo melius, quam per omnia alia remedia, curabat. Conqueritur alio loco vir præstantissimus, incautionibus quibusdam necesse videri, ut ægri in variolis lecto affigantur, eo quod sudores, in quos illi pro-

clives, cum facilius inde manarent, tum æstum moderarentur febrilem: ubi tamen sole evidentius esset, quod exsiccatō hinc corpore ad diem undecimam quamplurimi vitam cum morte transmutarent. In malignis variolis, non ductus opinione, sed experientia firmatus, asserebat „ nec venæ sectionem, nec medicamenta diluentia, & refrigerantia, per se periculum auferre; plus vero expectari oportere ab aëre moderato ac renovato: sic quidem ut non, nisi nocte, lecto committendi essent, quibus confluentes illæ anomalæ variolæ eruptionis præviderentur. Et in genere confluentium semper usque in tertium & quartum eruptionis diem vix, nisi nocte, lectum ægris concessit, sexto autem morbi die, scilicet tertio aut quarto eruptionis, cum ægri præ debilitate abstinere lecto de die vix poterant, eosdem, & ob virium defectum, & ob sufficientem pustularum copiam, lecto addicebat, ea tamen lege, ut non plus tegerentur, quam sani consueverant, & in lecto se verterent sæpius, verterenturque, ne sudores, hic adeo noxii, prolicerentur. Quare & ipsos infantes cunis sæpe eximi curabat.

Patet igitur evidenter *Sydenhamum* haud solos eos condemnasse, qui aëre ac stragulis in lecto calefacerent, verum etiam hos, qui ægros in lecto simpliciter detinerent: Hoc porro inculcavit, ac repetivit, urisitque, sincerus ille & candidus vir, toties, ut hujus articuli necessi-

tatis

tatis ipsum oportuerit penitus convictum fuisse. Hoc ipsum tanti fecit, ut judicaverit non modo frustraneam sine eo esse reliquam antiphlogisticam curam, verum etiam ut descripturus in *Schedula monitoria* singularem epidemicam febrim, in qua *mala passim arte* gigni observabantur Petechiæ, Maculæ purpureæ, Milia rubra, quæ licet sponte sua *nonnunquam*, ingruant, *sæpius* tamen lecti calore & car-, diacis extorquentur, hæc summe notanda verba adjungat: *Æger jugem in lecto decubitus, quantumvis levissimis stragulis coopertus sit, non sine magno suo periculo experitur.*

Hæc porro incomparabilis ille veteranus multiplici annorum serie, non ex ludicra cerebri Phantasia, sed Natura duce, didicerat, innumerabiliterque viderat confirmata. Quicumque deinceps naturam imitati in medendo, *Sydenhamiana* verissima invenerunt. Et quod luculentius testimonium *Boerhaaviano*? *Variolarum adeo accurata Sydenhami descriptio*, ut decies legi merenti, pauca modo addenda habeam. Aphor. 1379. Quicumque Medici in Schola Boerhaviana Medicinam edocti, & cum *Boerhavio Sydenhamum* secuti, nihil non exacte verum ibidemprehenderunt. *Boerhavii* jam senescentis discipulus, cum publico communicavi in Tomo I *Rat. Med. Cap. 12.* & in tractatibus quos de variolarum insitione conscripsi, propriam meam annorum multorum in variolis praxin, quæ *Sydenhamianis*, & ad hæc adje-

dis

Etis *Boerhaavianis*, ad utraque autem additis propriis observatis innixa, felicitate curandi demonstrat, quam tuto ac proficue hac via eatur. Pediluvia bis die per universum morbi tempus a *Boerhaavio* ad methodum *Sydenhami* addita, quum eo tempore ægri in lecti crepidine, si debiliores; in sedili, si firmiores, erecti collocentur, adeoque atmosphæram adhuc frequentius mutent, hæc, inquam, utilitate sua magnopere se commendaverunt.

Quid quod etiam hæc praxis a multis illorum confirmetur, ac laudetur, qui oppugnent eandem? Obruta Europa fuit Dissertationibus de inoculandi variolas præstantia, eo præter alios sine summopere commendanda, & ubique introducenda, quod sedeat, quod ambulent, quod ludant, quod cursitent suo in cubiculo inoculati, tam in febre contagiosa, quam post plenam eruptionem; sic ut ne ægrotare quidem videantur, neve metus retropulsionis adsit ullus. Provoco ad complures scriptores, qui hujusmodi narratiunculis suos delectarint lectores. Quid igitur metuatur ne benigna miliaria, quibuscum ægri, ut ajunt, vix ægrotent sæpe, retrocedant, retrocedendoque necent? quid metuant ne erupturum quod creditur exanthema, extra lectum hæud fatis pellatur foras? An quod, ut suo jam tempore dolebat & conquerebatur *Hoffmannus*, exanthema miliare *factitium* ex facili retrocedat & necet? hoc aliquando contingere cum *Hoffmanno* & *Sydenhamo* arbitror
in

in Petechiis ac Miliaribus factitiis, nec non in variolis atque morbillis, quos copia ac malignitate methodus prava auxerit; cæterum quod *Sydenham* testatur, id plures mecum videre medici, Variolas, Petechias, Miliaria, copiosissima in denatis confertissimaque extare; sic ut mors eorum retrōpulsioni tribuenda non esset.

Dolendum interea est, quod exultans olim de excusso hoc pulvere Medicina, *Sydenhami* potissimum ac *Boerhaavii* laboribus, nunc de novo eodem conspergi contegique sic videatur, ac si nunquam fuisset excussus. Olim honori dicebatur magnorum horum virorum inhærere vestigiis; ab illis vero discrepare in gravioribus rebus, dedecori. Summa cum voluptate horum vituperia, illorum encomia, legimus apud Ill. *Hallerum* in *Comm. super Meth. Stud. Boerb.* Nec horum solummodo, sed & illorum, qui antequam medicina hoc inclytum virorum par venerabunda suspiceret, vel ob communem cum iisdem sententiam humano generi profuerant, vel ob contrariam nocuerant. „ Ab eo viro, „ (*Helmontio*) in *Sylvium*, aliosque medicos, amor transiit antacidorum, quibus innumeræ malæ, in Germania imprimis, curationes peractæ sunt. „ Hall. pag. 888. De *F. D. Horstio* Prof. Magdenb. „ Extant etiam præctica, & non mala aliqua, ut calidæ curationis in variolis refutatio. „ Pag. 891. Et „ *Franciscus de le Boe Sylvius, Hanoviensis* — „ egregius — auctor, tot laudes corruptit „ no-

„ nova ad Helmontianam nata Theoria , qua
 „ omnes fere morbos, & acutos omnes inprimis,
 „ ab acido deduxit, alcalinis vero, &
 „ quidem volatilibus, sanare voluit; neglecta
 „ interim, aut non satis laudata V. S. atque
 „ refrigerante diæta. ” Pag. 894. *Thomas Sydenham*
 „ meruit post *Hippocratem* primo loco re-
 „ cenferi, non a grata sola posteritate, sed dum
 „ inter vivos fuit. Eam laudem sibi peperit,
 „ quod ab omni Hypothesi purus, omnem la-
 „ bore suum unice observandis morbis impen-
 „ derit, eorumque curationem ab ipsa per fe-
 „ lices eventus, inprimis præeunte Natura edo-
 „ ctus, proposuerit; febres autem, rejecta ina-
 „ ni veneni specifici, aut acidi hostilis theoria
 „ in universum per acida atque refrigerantia expu-
 „ gnare docuerit. ” Pag. 895. *G.H. Welsch* —
 „ in praxi secutus est vulgarem sui ævi me-
 „ thodum. Calida & Bezoardica dedit in febri-
 „ bus. ” Pag. 897. *J. Michaelis*, Professor Lip-
 „ siensis de Chemica secta, magnus medicamento-
 „ rum compositorum calidorum & sudorifero-
 „ rum inventor, & ex eo ipso Patriæ non
 „ utilissimus, quæ his alioquin nimis indulget ”
 „ Pag. 897. *Casp. Theophilus Bierling*, parum latinus
 „ homo, & deditus formulis, quarum vim non
 „ mediocrem sub finem subjecit, non tamen
 „ absque judicio fuit, qui præter sæculi morem,
 „ in Germania inprimis raro exemplo venam in
 „ variolis secuerit, calidam curationem rejece-
 „ rit. ” Pag. 901,

Et quid volupe magis, quam ea encomia legere, quibus *Sydenhamum* sequacesque ejus, in-
 iatiabiliter extulit Ill. noster Præles? Videatur
 ad §. 715. & 716. Aph. Boerh. ubi, postquam
 in sudorum in acutis expulsionem, usumque cro-
 ci, aliorumque calidorum remediorum, acriter
 animadvertisset, hæc demum addidit: „ Legi
 „ merentur de hac re illa, quæ passim in suis
 „ operibus habet *Sydenhamus*, qui generoso au-
 „ su primus, & solus fere, se huic torrenti op-
 „ posuit, & PERNICIOSAM HANC MEDENDI
 „ METHODUM GRAVISSIMIS ARGUMENTIS
 „ DEBELLAVIT, ILLIQUE CONTRARIAM FE-
 „ LICI IN PERICULOSISSIMIS ETIAM MOR-
 „ BIS, EVENTU STABILIVIT.” Et ad proble-
 ma *Boerhaavii* §. 698. *Cur lecti, aëris clausi,*
victus, medicamentorum calor, adeo hic noceat? „
 „ Perversa hæc methodus, ” inquit Præles,
 „ inprimis invaluit, quia medici quondam fue-
 „ runt in hac opinione, per sudores tutissime
 „ febrilem materiem de corpore eliminari pos-
 „ se; atque ideo tepore lecti corporis omnem
 „ superficiem fovendam semper voluerunt. Ve-
 „ rum uti optime demonstravit *Sydenhamus*,
 „ in fine morbi cocta & subacta morbi ma-
 „ teries sic quandoque expellitur; in morbo-
 „ rum vero initiis, importuna arte sic expres-
 „ sis sudoribus, liquidissima pars sanguinis dif-
 „ flatur, & MORBI SEMPER IN PEJUS RUUNT.
 „ Unde huic torrenti se generose opposuit ma-
 „ gnus ille Vir, solus tunc fere. ” Et ad §.

610. ubi Boerhaave scribit: *Si itaque exorbitare deprehenditur circulatio, moderamen fit abstinentia, victu tenui, potu aquæ, aëre frigidiusculo — medicamentis blandis refrigerantibus;* sic Ill. Commentator habet: „ Elapso sæculo „ Medici fere omnes erant in illa opinione „ omnes febres tutissime & citissime sanari posse per Diaphoresin. Hinc in calidissimo aëre „ ægros detinebant, stragulis tegebant, imo „ obruebant, ut nempe tota corporis superficies „ hoc calore, sudoribus emittendis foret aptior. „ Verum magno ægrorum damno sic ignes ignibus addebantur, & enormiter exacerbabatur „ febrium impetus. Omnium maxime vero huic „ methodo insistebant in illis morbis, quos cutaneæ eruptiones comitabantur, quales sunt „ variolæ, morbilli, &c. Primus fere se huic „ torrenti animose opposuit *Sydenhamus*, atque „ passim in suis operibus indicavit nihil perniciosius esse. ”

Et quid miremur Ill. Viros *B. van Swieten*, & *Hallerum*, in *Sydenhamo* celebrando adeo fuisse profusos? Laudes Viri antea paucis verbis omnes inclytus comprehenderat *Boerhaavius*, in *Orat. de Commend. Stud. Hipp.* dum primum conquestus quod inter recentiores de *Medicinæ usu* scriptores, pauci, si ulli essent, veterum perfectionem attigissent, cum tamen Priscos in cæteris artis nostræ partibus longe superassent, in hæc verba erumpit: „ Unum eximium „ habeo, *Thomam Sydenham*, *Angliæ* lu-
Tom. III. S „ men,

„ men, Artis Phœbum , cujus ego nomen si-
 „ ne honorifica præfatione memorare erubescere
 „ rem : quem quoties contemplatur , occurrit
 „ animo vera Hippocratici viri species , de cu-
 „ jus erga Rempublicam Medicam meritis nun-
 „ quam ita magnifice dicam , quin ejus id sit
 „ superatura dignitas. ”

At quorsum hæc , forte inquierent , de *Sydenhami* laudibus aberratio ! Ut miremur hodiernam praxin eo iterum ruere præcipitem , unde *Sydenhamus* , Virique post illum in praxi summi , eandem tam fortunate eripuissent ; hodiernam , inquam , praxin sic tradi , colique , ac si ingentes illi , quos laudavi , Viri , ejusdem regulas , natura duce inventas , nunquam posteris tradidissent ; venerandaque eorum nomina in tradenda praxi vix amplius resonare . Doleo Artis fata ! Interim probe noscant genuini omnes Artis filii , dum alienam a laudatissimis his viris praxin coli cernant , ex mea saltem schola petitam non esse ; ut qui primum in mandatis habeam Boerhaavianum , id est Sydenhamianum , id est Hippocraticum puræ naturæ studium , unice tradere cum theoretice , tum præctice ; secundo , ut qui , etiam citra tale mandatum , nunquam aliam doctrinam traditurus essem , quam eam , de cujus usu & certitudine tantorum annorum praxis certissimum me reddiderit . Unde etiam nunquam me defuturum polliceor , quin masculam hanc medicinam tuear voce , & calamo , contra quoscunque .

Ut

Ut autem difficultatem hanc VIII. demum absolvam, debeo adhuc *Vesicantia* tueri in acutis. Postquam *Aræteus Cappadox* forte primus iisdem Medicus usus est, Medici plerique eadem magni fecerunt; cum vero, quemadmodum cum cunctis medicamentis comparatum est, haud omnibus ex æquo prodesse, *Caji*, *Massariæ*, *H. de Saxonia*, *Terilli*, *Baglivii*, *Hoffmanni*, *Veratti*, operâ, usum abusumque illorum rite intelleximus. Observatione practica propria ad eas Cl. horum virorum adjecta, constat mihi evidenter, *Vesicantia* prodesse, ubi vis vitæ debilior, quam ut morbum coquat; deinde, quando intentio est certam corporis partem irritare sic, ut in eandem major calor, rubor, dolor, humorumque advocetur, & acceleretur, affluxus; quo demum quæ pars a morbo præcipue afficiebatur, ea minus humorum accipiat, multaque vis morbi ex reliquis corporis partibus in unam veluti derivetur: præterea quando topicus dolor, cæteris immoriger auxiliis, irritandus eo fine est, ut, qua doleat, materies attenuetur, discutiatur, pellaturve foras: forsitan quoque quando in nervis aut motus tumultuarius, attenuata ac dispulsa agitante eisdem materie, moderandus; aut sufflammat, stimulo agitandus est. An evacuationibus aliis sufficienter institutis, dissolvant quoque cruorem phlogisticum? Sapientioribus hoc determinandum relinquo, id modo testatus, quotiescumque dolorem pleuriticum; ad Phlebotomias

mias iteratas, cæteraque auxilia immorigerum, Vesicante brevi sustulimus; quando vesicans mihi in Pleuroperipneumonia omnem brevi sedavit dolorem, febrim non modo non intensiorem, sed moderatiorem fuisse, multoque facilliora sputa prodiisse. Proxime autem ad Vesicantia qui accedant, dropaces, phœnigmi, sinapismi, huc quoque referendi sunt. Vesicantia præprimis in parte quam rubefaciunt, solutis epidermidis cum dermate vinculis, Vesiculas excitant, quæ, maligniores si exceperis acutos, laticem, qui ad ignem concrescit, continent.

Ex phænomenis enarratis destruuntur ratiocinia praxeos vacua, quasi calorem in corpore præparato excitarent, eo, qui a calidis Alexipharmacis excitatur, formidabiliorem. Unde in præparatis, ut semper requiro, corporibus, ad intolerabiles capitis dolores, ad coma utrumque, ad deliria, ad pungentes dolores pleuriticos, ischiadicos, &c. salubriter adhibentur, humorum minime inde aucto motu. Et dum *Sydenham* in variolis consuesceret *Allium* pedibus adhibere, dum nos aut idem aut simile admoveamus, sic calorem; dolorem, & metuendam adeo in Variolis phrenitidem, minui observamus, ut eandem ob causam febris ipsa adpareat moderatior. Quare & per totum variolarum decursum hæc salubriter adhibentur. Itaque si quis rogasset *Sydenhamum*, quid sibi vellet *excratationibus* suis in alexipharmaca, quæ tam parce dentur, ut qui in eadem invehatur de lana

disputet caprina; ubi ordiri debuisset ab execratione Vesicantium? Utique solita modestia sua vir candidus respondisset, se a calida methodo experiri in febribus caloris augmentum, a Vesicantibus autem & Epispasticis, post requisitas evacuationes admotis, haud modo non auctum, sed imminutum calorem; hic cessare oportere ratiocinia; hic solam consulendam esse, quæ jugis ac sedula ad lectos ægrorum, & minime in musæo, comparetur, experientiam.

IX. Quædam supersunt minoris momenti in Discipulorum objectionibus, ad quæ tamen & ipsorum, & veri amore, respondendum est. Ac primo quidem referunt mihi *a multis falsam haberi, quam ad corroborandam sententiam meam a R. R. Fratribus Misericordie mutuaveram observationem; vigere quippe apud ipsos eodem semper modo ut olim, & olim ut nunc, exanthematicos morbos.*

Quæ de raritate Miliarium in Nosocomio Monasterii horum fratrum in *Tract. de Febr. Divis.* cum publico communicavi, hæc ex diariis depromferam, quæ suos in usus sibi exaraverat Rev. Frater *Bertrandus*, noster Collega expertissimus, confirmata testimonio reliquorum fratrum, Conservavi hæc mihi, ut cui lubet ostendere ea possim. Qui vero dubitet de Diariorum illorum fide, me imitetur, olim subdubitantem; & ut ego tunc, & postea, & haud ita pridem, ita ipse Monasterium intret, examinetque ægros; inter 140. 150. quorum plerique

rique acute degunt, sæpe 1. 2. 3. sæpe nullum, quem Miliaria tegant, inventurus, idemque ab expertissimo Viro, dignissimo illius Nosocomii Physico *Guarin*, cunctisque confirmari Fratribus, auditurus: qui & id addent, quos paucos exanthematicos habeant, iis dudum domi aut neglectis, aut prave tractatis, exanthema jam paratum expulsumve fuisse, antequam ad ipsorum deferrentur nosocomium.

Ergo resumo, quam olim feceram conclusionem: Si non a causis peculiaribus, quas toties jam memoravi, verum a causa cunctis communi, Miliaria orirentur. Fratres Misericordiæ iisdem, æque ac alia nosocomia quædam, scaterent: atqui sæpe raros, sæpe nullos, in tanta acutorum ægrorum turba habent eisdem affectos. Ergo.

Inquisivi sæpius in methodum ipsorum, & tractatu de *Febr. Div.* plurima dixi. Id modo & Exp. Physicus, & Fratres, addunt, quod nulla dies sit, in qua ægrorum lecti non bis penitus reficiantur, nisi vires id omnino vetent. Quantum id ad avertendos cutaneos morbos in acutis conferre debeat, demonstravit supra *Sydenhamus*; demonstrat experientia quotidiana.

X. Objiciunt studiosi *a me in Gallica ad amicum Epistola minus fideliter ex lingua latina in Gallicam versum esse textum Lautteri, siquidem illo maximam partem Miliarium factitiam scribente, ego illud pro maxima parte in transferendo omiserim,*

Fateor illud *pro maxima parte* omissum esse, sed negligentia, non vero peculiari intentione: cum enim tantum hoc probandum suscepissem, quod Miliaria *pro maxima parte* factitia essent, non indigebam Lauteriana experientia, nisi quatenus idem, quod ego, probaret. Demonstraturus quippe quod idem ille, quod ego, diceret, frustra plus dicentem induxissem. Sed ridiculum est nugis ejusmodi inhærere. Oporteret alioquin rogare num is, qui in eodem textu Lauteriano Gallice vertendo, ubi in Latino est, *ad incitatus fere redactus*, redderet *deja réduit à l'extremite*, omittendo *presque*, an inquam, talis homo aut alia editione operis Lauteriani usus, esset, aut malitiosius illud *fere* omisisset?

XI. Laudantem me ore scriptisque egregii Hazenöhrli opus super hac materia mirantur studiosi, cum videatur ipsis hic Auctor sibi minime constare. Primo quod scripserit anno 1760. pauca sibi obtingisse Miliaria, dum interim ipsi Studiosi Hispanicum nosocomium frequentantes, copiosam inibi miliarem repererint. 2. Miliaria in nosocomio eodem Studiosi viderunt & benigna, & morbi cum emendatione, ut capere proinde nequeant cur Medicus ille eadem critica esset neget. 3. Eundem qui scripserat anno 1760. pauca exanthemata se vidisse, mox asserere quod multoties, quod sæpius, emicuisse viderit. 4. Illa saltem exanthemata factitia appellari neutiquam posse, quæ nec ipsi Auctori ibidem Physico, nec ejus Chirurgo, pepercerint:

Ut paucis multa comprehendam, an memecum dissentientem sincerus homo suspicabitur, dum in cathedra v. g. dico pauca Miliaria mihi in nosocomio obtingere, & dum paulo post auditoribus assero me in urbe, ac suburbiiis, eadem sæpe multoties, pluries, emicantia observare? Ita nullam in libro egregii hujus Medici contradictionem infert, quod pauca miliaria viderit in suo nosocomio, quod plura viderit alibi, five in altera sui nosocomii parte, cui non præerat ipse, five in sua privata praxi. Quin quod eadem in *multis* non critica, *multoties* cum morbi gravamine contingentia asserat, an id eodem ipso anno, & non potius multorum serie didicerit annorum? Quod vero *sæpius* studiosi Miliaria apud ipsum viderint, quod viderint etiam *benigna*, nemo inficias ibit qui noverit quoties turmatim Milites ad ipsum deferrentur, quibus exanthema jam erupisset, aut in procinctu staret; haud vero multa ipsi apud eum videre tunc, quando pauca haberet. Quod Chirurgus ejus gravi exanthemate anno 1760. decubuerit, quid mirentur? Debuerat is etiam alteri Nosocomii Hispanici parti prospicere, ubi exanthema erat *epidemicum*, ut publica scripta testantur. Qui igitur inter exanthematicos diu noctuque versabatur, nunquid eundem demum exanthematicum mirari oportet? sed an conclusio legitima est; quia ille Chirurgus in parte ea Nosocomii Hispanici, ubi exanthema *epidemicum*,
etiam

etiam exanthema contraxit; ideo etiam exanthema plurimum fuit in qua parte Nosocomii *Dominus Hazenökr* Medicinam faciebat? An quod eruditissimus ille Nosocomii Physicus an. 1757. diu noctuque inter exanthemata versatus, demum contagione iisdem quoque gravissime corriperetur, concludere possint exanthema etiam frequens apud ipsum triennio post animadverti oportuisse? Aut quod illi bini ex contagio in exanthematicos morbos inciderint, ideo non esse verum quod factitia exanthemata dentur? Nescio demum, quid sibi velint.

Quod autem clarus idem vir Miliaria, una cum aliis evacuationibus coctis erumpentia, neget critica esse, nec his, sed evacuationibus illis aliis, criseos concedat prærogativam; id ideo fecit, quia aliter facere Medicus rationalis non potest. Sat superque probatum est Miliaria & Petechias nunquam critica, semper vero esse symptomatica: demonstrationes pluries attuli. Quid ergo de iisdem, una cum aliis bonis evacuationibus conspicuis cogitandum, nisi quid pravum, quid indomabile, bonitate Naturæ simul expelli de corpore, dum cocta expelluntur. *Hippocratis* alumni, dum ad sudores criticos, urina tenuis nigra; dum ad hæmorrhagias criticas, gangrænosa alvus; dum ad alvum criticam, sputa ichorosa simul compareant; criticam evacuationem salutamus, non pessimam quamque crudam, sed vere coctam; una gaudentes Naturæ robur tale, ut cum optima

tima evacuatione simul corrupta & nocitura eliminantur.

Sed offendit illos hæc explicatio, eo quod apud Exp. Virum hunc viderint Miliaria admodum benigna; adeoque non ea, quæ cum urinis, nigris, cum gangrænosa alvo, cum sputis comparentur ichorosis.

Profecto videre benigna talia, sed etiam viderunt, benignis copiosiora, maligna. Quid ergo ex illis paucis benignis concludant oportet, nisi, quemadmodum apud me pluries album criticam, cum pravo sputo, in pectoris inflammationibus sic viderint, ut aliquando valde mitis morbus appareret, facileque alvo judicatus & urinis; ita Miliaria, quantumvis mala & symptomatîca, citra ulla malignitatis indicia adesse posse, & morbum aliis criticis evacuationibus benigne solvi, ac judicari?

Rogant me an saltem illa Miliaria, quæ, crisi jam facta, & doctiss. *Hazenöhl*, & ego, vidisse nos testamur, non sint vere critica, aut metacritica; qualia plura *Hippocrates* descripserit, quando a priore crisi morbi materies haud fuisset eliminata sufficienter?

Quod toties demonstratum est criticum dici minime posse, non potest iterum assumi, ut criticum: adeoque inanis tota hæc quæstio est. Sed undenam ergo illa Miliaria judicato penitus morbo? Forte a contagio. Si homo levi venereo contagio, nec dum se manifestante, affectus, in morbum acutum inciderit, morbo-
que

que absolute judicato, prodeuntem gonorrhœam aut bubonem percipiat, utique non vocabimus gonorrhœam aut bubonem morbi acuti, jam judicati, crisin, sed effectum contagionis ante morbum contractæ.

Contagium porro miliarium in urbe, quæ iisdem adeo scatet, contrahere facile est; quando vero in corpore latere possit, antequam effectum edat, incertum. Sufficiat contagia alia nosse, quæ diu lateant. Rabidi canis, insitarum variolarum, veneris impuræ, contagia sæpe brevi, aliquando multo latuisse tempore, antequam in nervum erumperent, practica observata demonstrant.

An miliaria tamen talia prodire, post crisin acuti morbi absolutam, sic possent, ut nulla ægritudo observaretur, nullave febris?

Profecto possent, cum describantur apud Auctores miliaria dicta chronica, quæ vel in sanitate illibata, vel perfecta morbi crisi, homines sic adoriantur, ut sæpe non ægrotent. Provoco ad testimonia publica. Inducor fere ut credam chronica Miliaria, quæ in aliis cum nonnullis incommodis, sine febre; in aliis sine febre, aut ulla molestia, ut v. g. scabies, sæpe efflorescunt, plurimum deberi ejusmodi contagio, quod diutius breviusque latens, demum chronice efflorescat, ut *Hazenohrlus*, ut ego, post absolutam acutorum crisin aliquoties observavimus.

Sed nondum finis objectionum. Vehementer
Me-

Medicinæ Tironibus displicent hæc ejusdem Auctoris verba: Sed vidi *multoties* illos, qui con-
 „ ferto exanthemate scatebant, gravius longe
 „ ægrotasse iis, qui paucò macularentur: Rogant me an ejusmodi ratiocinium non sit practi-
 cis contrarium observationibus? Multoties, in-
 quiunt mihi, vidimus, qui copiosa sputa red-
 derent in morbis pulmonicis, gravius longe
 ægrotare iis, qui pauca expuerent: Vidimus,
 ajunt, *multoties* homines febre ardente detentos,
 qui die critico egregie sudantes, gravius longe
 ægrotarent iis, qui parum tantum. Nunquid in-
 de julte quis concludat nec sputa, nec sudores
 critice morbos judicare?

Benigne ferant Medicinæ Tirones, me re-
 spondentem, si ad acutorum crises in nosocomio
 meo attentiores animus adplicuissent, si Hip-
 pocraticæ doctrinæ vel levissimam conservassent
 memoriam; se talem objectionem mihi factu-
 ros non fuisse. Etenim dum die critico bonæ
 contingunt, copiosæque evacuationes, v.g. spu-
 torum in inflammatione pectoris, sudoris in fe-
 bre ardente, solent omnes, quotquot talia fiunt
 se melius habere iis, qui parum aut expuant,
 aut sudent. Ab una enim parte evacuatio cri-
 tica magnitudini morbi respondeat oportet; un-
 de Priscorum axioma: *Nil paucum criticum*:
 ab altera parte emendatio morbi, ejusque sym-
 ptomatum, in signis bonæ criseos haud infim-
 um locum tenet. Ita ut studiosorum objectio
 duplex supponat falsum. Sin vero rariore casu,
 (ne-

(nequaquam autem *moltoties*, id enim falsum,) post ejusmodi sputa, sudoresve copiosos, ægri gravius longe ægrotarent iis, qui modo paucos haberent, referendæ hæ evacuationes forent ad *πίστιμα μὴ πρίνοντα*, & infidæ cum *Hippocrate* perniciosæque, declarandæ.

Sed superfluum, & inane est, ad similia argumenta attendere; cum enim sat superque demonstratum sit *Petechias* & *Miliaria* ne vel umbram criseos habere, refutat se ipsum omne argumentum quod critica eadem falsa supponit.

XII. Cum videant *Studioforum simpliciores* quomodo *Medici alii* apud ægros suos accensa utantur candela, examinaturi num pectus, collumque exanthema ferat? dubitant an fors ideo nosocomium nostrum pauciora non exhibeat exanthemata, quod candela haud semper lustremur.

Crudum dubium, cruda solutione dignum. An quod cænaturus luce candelarum indigeam, quo, ferculis patinisque distinguendis sim, etiam candelam pransurus petam? cura nostra est acutos maxime ægros iis in lectis collocare, qui cortinis apertis, plenum lucis jubar admittant, adeoque exanthemata vel minima actutum revelent. Imo ægros lecto exemptos plena die mecum studiosi solent, num efflorescant, examinare. Sin vero loci angustia, & major ægrorum numerus, nec non si insignis debilitas ægri in lucem vetat eum adducere, aut dies in hyeme tenebriosior sit, candela utimur accensa. Quapropter dum dies plena plus candelula illuminet,

net, & e contrario ægri alibi passim sic locentur, ut Medicus eos lustraturus candela egeat, arbitramur nos in exanthematum detegenda præsentia esse cæteris certiores. Minutulorum artifices crassiora opera ad candelæ lucem, ad plenam diem subtiliora, reservant. Addiderim Exp. Dominum Guarin, & omnes Misericordiæ Fratres, ob plerorumque ægrotantium situm candela uti, nec tamen ideo invenire exanthemata.

XIII. Tandem proposuerunt mihi studiosi dubium circa Cl. Hoffmanni, Fuschii, ac Triumphii allatam libr. de Febr. Div. auctoritatem; & quidem sic; ut Cl. Hoffmannus, statuens exanthematicos hosce morbos cum sponte genitos, tum vere criticos esse; ut Fuchsius, miram de cura uterini sphaceli per remedia externa theoriam proponendo suspectus, deinde exanthema violente extortum cum euphoria procedere, quod impossibile, docens; ac præterea exanthemata puerperis uteri inflammatione laborantibus, ante nonum puerperii diem salutaria esse contra me statuens; tandem Triumphius, qui haudquaquam de sudoribus, ut Miliarium genitoribus, verum ut Miliarium comitibus, differuerit, ac datis dedita opera calidissimis Bezoardicis, & Miliaria expectaverit, & eadem inde nata salutaria esse pronuntiaverit; ut hi, inquam, tres admodum inidoneè a me ad confirmandum meam sententiam adhiberi ipsis videantur.

Si tres hosce Auctores ideo laudassem, quod me-

mecum censerent raro sponte naturæ miliaria & petechias gigni; utique male laudassem: si hosce viros ideo celebrassem, quod calida in exanthematicis morbis non commendarent; falso eosdem celebrassem: cum vero eam ob causam illos laudaverim, quod amare de iis Medicis conquesti sint, qui vel exanthemata producerent, ubi cæteroqui futura non fuissent, vel qui regimine calido uterentur in morbis, quibus exanthemata supervenire possent; tunc iusto titulo hos omnes in meam sententiam citare potui & debui. Relegant ergo Discipuli mei & quid probare voluerim, & quid allati dixerint Auctores, pudeatque ipsos se, omnia tumultuario commiscendo, mihi intentiones varias imputasse, quas nec cogitaverim unquam, nec cogitare quidem potuerim.

§. III Triste sane ac tædiosum est, temporumque, notat iniquitatem, toties dicta repetere oportere, cogique ad respondendum objectionibus, quas, si non malevolus animus, saltem defectus attentionis in audiendo, legendo, reminiscendoque, pepererit. Ast vero Publici ego servus, publicæ amator promotorque salutis, elucidare hanc disputationem debui; qua demum a Tironum mentibus quævis hæsitatiois nebulæ dispellerentur? Interest *Austria*, totius interest *Germaniæ*, tam clara in luce Sydenhamianam collocari Boerhavianamque doctrinam, ut cujus miserandæ pestis, sive indies sævius grassaturæ, sive maximam partem propulsandæ, arbi-

arbitri sint, serio jubeant exulem de finibus agere suis. Est mihi cordi hoc negotium, nec plane ingratos meos cineres *Germanis* fore hariolor, quando ab hac funesta plaga pene immunes, me adjuvante & urgente, se redditos esse recordabuntur. Feliciora vivimus tempora, diesque gratiores, quam ut publicam salutem Nationis erroribus immolaremus.

Interim animos juniorum Medicorum ad sanam doctrinam amplectendam ea eriget experientia, quam complures, qui mecum sentiant, frequentem habuerunt. Egregius *Klein*, cujus opus honorifica præfatione exornandum esse Ill. *Haller* censuit, se deprehendisse declarat „ Ex-
“ anthémata simplex accidens esse, & sympto-
“ ma; nec critici quid, nec salutis spem face-
“ re” Cl. *Allionius* Taurinensis Professor eadem in acutis, summo cum ægrorum emolumento, prævenienda esse, speciali tractatu evicit. Celebrerrimus *Valcarenghi* in Regia *Ticinensi* Universitate Prof. primarius, in *Spec. Pract. Cræmonæ* 1761. edito in Quarto, aperte evicit nec ea Miliaria, quæ in febribus suppuratoriis, nec ea, quæ in veris acutis adpareant, critica esse; hinc cum laudato *Allionio* omnem curam eo dirigì oportere, ut in hisce dictis morbis non prodeant: meamque denique, de Miliaribus & Petechiis factitiis sententiam, sua confirmat experientia. Egregius *Glas*, Comm. 7. de Febr. multus est in demonstranda Miliarium artificiosa generatione, & nocumento. Eximiorum Vi-
rorum

rorum *Hazenobrl* & *Lautter* tractatus, eadem propria experientia confirmantes, jam laudati sunt toties. Plures Medicorum, qui in ultimo truculento bello militibus curandis operam navarunt, serio mihi testati sunt, Miliaria & Petechias invenisse sese copiosas aliquoties, quo loco alii, sive calido regimine, sive aëre haud satis renovato usi, præcessissent; pauca vero, ac sæpe nulla in nosocomiis, quibus præfuissent ab initio. Laudabilissimus studii Naturalis, Botanices, ac Medicinæ cultor *Cramer*, dignissimus *Pontis ad Leytham* Physicus, pluries mihi narravit, dum plura millia *Borussorum* captivorum anno 1757. & 1758. suæ curæ demandati essent, inter 300. eodem tempore, acute ut plurimum, laborantes, vix quatuor aut quinque exanthemata passos esse; illos vero quatuor vel quinque, aut nimium tectos, aut arcte conclusos se reperisse, antequam sibi demandarentur: Leuca autem a se distante Pago, ubi ab initio morbi calida methodus in usu erat, vix ægrotaffe quosquam, qui exanthemate non macularentur; a militibus in incolas contagium transiisse; pluresque, una cum medico suo, exanthematum genitore, mortem occubuisse.

Quando igitur Medicinæ studiosi, & Medici juniores, qui in nosocomio meo demonstratam veritatem viderunt, serio hæc dicta revolvunt animo, an non gravis molestia, quæ ægros sub calido regimine premat; an non periclitans adstantium sanorum salus; an non formidabile di-

scrimen, quod in calido regimine a minimo, eoque fere inevitabili, frigore exlurgat; an non tot ægrorum perditio, qui vix priori morbo sustinendo pares, altero, eoque sæpe calamitosiore, torqueantur; an non acutorum, inflammatoriorumque morborum dubia, propter imaginariam exanthematum curam, alea; an non præsens ipsorum medicorum periculum contagionis & mortis; an non demum omni velamento denudatus patrius error; adhortari, incitare, animare, cogereque ipsos debeant, ut in acutis morbis curandis inclytum *Sydenhamum*, admirentur, sequantur?

Præter insignia hæc emolumenta, quæ, exanthemata haud ultra faciendo, universo generi humano conciliabunt ilico, etiam eidem supremum hoc beneficium præstabunt, ut contagio sensim imminuto, dira tandem plaga cesset, nec ultra, nisi in summa humorum corruptione, appareat.

C A P U T X.

Problemata de Scorbuto.

§. I. *Cur nobis scorbutus, quam Antiquis, notior? Quosnam potissimum affligit? Scorbutus alcalinus, muriaticus, acidus, differt ab acrimonia spontanea alcalina, muriatica, acida.*

§. II. *Daturne talis triplex scorbutus? an autem unicum modo esse nonnulli recentiorum ve-*

re demonstrarunt? Cum plura ad id observata requirantur, quam illi attulere, ut lis dirimatur, testimonia plura examinantur, & varia diaria marina consuluntur; ac 1. quidem Jacobi Quartier. 2. J. van Linschoten. 3. Duodecim Nautarum, qui soli de naufragio, & hybernatione in Nova Zembla superstites, post varios errores in patriam redierunt. 4. Guill. Corn. Schouten. 5. Classis Nassoviæ. 6. Laurentii F. Haan. 7. Friderici Martens. 8. Trium navium missarum ad novas terras australes detegendas. 9. Navis dictæ Barneveld. 10. Guillelmi Dampier. 11. J. Egede. §. III. Putridus scorbutus esse Marinis evincitur, idemque cum terrestri; queritur porro, cum terricolis mitior redditus sit; an eadem causæ etiam mitigare eundem mariculis possint? Hinc cognoscendæ marini scorbuti causæ forent. Causæ sufficientes non sunt aut marinus aer respirationi adversus, non aer humidus, non sal, nec vegetabilium succulentorum defectus. Cur vulgus marinum frequentissime, rarius navium procures, afficiuntur? Machina Suttoni ventilatoria aeris humiditatem noxiam sæpe non tollit. Concluditur ex combinatis pluribus causis scorbuto Classarios affici, quæ causæ navis procures tangere nequeunt, §. IV. Scorbutus marinus & alcalinus esse unice adparet, & tamen remedio æque calido, quam frigido, sed semper ex Vegetabilibus succulentis, persanatur. Queritur

unde hoc? Pringleana experimenta an id explicent? Quid in nautarum salutem suadendum supremæ potestati? Curaretne morbum ær purus? §. V. Parcimonia nostra in dandis medicamentis, Nautarumque in iisdem devorandis aviditas, efficere videntur, ut longe citius efficaciusque nobis illi curentur.

§. I. **S**Corbutus, morbus pro parte Antiquis notus, ast vero, quia rarior, minus accurate, quam quidem posterioribus ævis, descriptus. Cum enim in longis, tædiosisque navigationibus potissimum contrahatur, utique rarior fuerit morbus necesse est, quando naves littora duntaxat lambendo, novis ubique alimentis, nova ubique refocillarentur aqua; frequentior vero, ex quo sævum mutandis mercibus æquor arando, diuturno sæpe tempore per immensa maria fluctuantes, commercium agunt. Ergo & in navibus jam multo numerosioribus, plebeque onerationibus, dicta de causa scorbutici longe plures quam olim, & in continente quoque copiosiores, quod innumeri ex navibus in terram deportentur; quo tam scorbuticorum in regione numerum augeant, & morbum veteribus curatius cognoscendi occasionem exhibeant Medico.

Observatur scorbutus quoque frequentior populis Septentrionalibus, maris quippe plurimum accolis, i. quod ibidem Athmosphæra sit, ob fluxum refluxumque maris, heterogenea, ac putre-

trescentia, in littore relinquentis, impurior. 2. Quod frigidiora incolent humidioraque loca. 3. Quod Borealiū gentium complures magnam vitæ partem in nave transigant, scorbutoque affecti suos repetant lares. 4. Quod protractiore ibidem hyeme, vegetabilibus diutius careant. Quippe generaliter loquendo [exceptiones enim res habet, ut patebit,) in scorbutum cæteris proniores sunt, qui vegetabilibus diutius carent ut *Bachstrom*, ut *Anglorum* plures, demonstrarunt: ita ut v. g. in urbe diu, arctēque obseſſa, ci- ves, copiæque præſidiariæ, Scorbutum patian- tur; interea dum, qui obſident, Scorbuto im- munes vivant vegetabilium abundantia, quam liber ad exercitum aditus, ipſique horti subur- bani, ſuppeditant.

Dum vegetabilia dico, intelligo ſucculenta: habentibus enim urbibus obſeſſis, & navibus, abundantiam cerealium, piſorum, fabarum, ni- hilo minus ſcorbutus in illis ſæpe ſævit. *Vien- nenſis* Inclſyta Facultas Medica Doctiſſimo *Cra- mero*, ipſam de ſcorbuto hungarico peſſimo con- ſulenti, antiſcorbuticas herbas ſiccatas, hyems enim erat, & antiſcorbutica deſtillata miſerat; dolens autem reſpondet *Cramerus* nullum mor- bi levamen ab iis ſe conſecutum eſſe. Patebit poſtea ſpiritus quoſvis antiſcorbuticos ſemper inutiles fuiſſe nautis.

Cauſa proxima ponitur eſſe ſanguis rubra quidem parte craſſus, ſeroſæ vero partis una portio, mucoſa; altera, acris; acris autem ſpe-
cifi.

cificè: muriatica scilicet, acida, alcalina.

An porro similis acrimonia acida, muriatica, alcalina in scorbuto, quam in humorum acrimonia spontanea, in qua etiam hæc triplex notatur acrimonia? Schola medica multam utriusque notat disparitatem. In spontanea acrimonia cujuscumque speciei sit, haud notatur putredo, atque exulceratio, gingivarum: non illa dentium vacillatio; non dolor ille, immobilitasque in genu, sæpe cum tendinum cruris flexorum contractione; imo ne illa quidem matutina lassitudo: in sola spontanea acrimonia alcalina apud *Boerb. Inst.* §. 912. notatur quidem putredo; in muriatica §. 914. rigiditas totius corporis: attamen conferenti has §§. cum capite de scorbuto *Boerb.* ingens apparet inter utrumque differentia. Describitur in spontanea acrimonia alcalina, sanguis dissolutus; in scorbutica, sanguis parte rubra crassus; in spontaneæ alcalinæ sero, nulla mucositatis mentio; in scorbuticæ acrimoniæ alcalinæ sero pars mucosa una est, acris altera. Sed in singula spontaneæ acrimoniæ specie sanguis omnibus in partibus, pro specifica acrimonia, peculiari modo peccat; ut hinc acrimoniam ab acrimonia characteristice distinguas: in scorbutica vero singulæ speciei sanguis idem crassus, serum partim crassum partim acre; acre autem illud speciem a specie unice discriminat. Febris adest, abest, sic ut in scorbuti definitione non contineatur, quamvis quædam detur scorbuticorum nonnullorum pecu-

peculiaris febris. Quam Doctiss. *Murray* in suæ navis scorbuticis numerosioribus epidemicam petechialem, eandemque funestissimam descripsit, hæc contagio maligni morbi, non scorbuti, tribuenda erat.

§. II. Estne igitur diversa scorbuti species? Estne singula specificis suis curanda remediis? Gravissimi Auctores post *Eugalenum* & *Sennerium*, sic docuerunt; egregii autem Medici non defuere, qui acrimoniam quidem specificam agnoverint, curam vero indiscriminatim tentarint calidioribus dietis antiscorbuticis, & acidis, sæpe etiam inter se commistis. Videntur igitur hi sua curandi methodo indicasse, quod specificam hanc in scorbuto acrimoniam minus admitterent. Quin etiam dum historias navales accuratius examinemus, & consulamus, fere in paradoxam opinionem incidimus, ac si unicum scorbuti speciem duntaxat esse stupendæ arguissent curationes.

Sed priusquam concludamus, expediet consuluisse eos, qui omnium optimam morbum, noscendi & curandi occasionem nacti, nobis sua reliquerint observata.

Occasionem de Scholarum doctrina circa scorbutum dubitandi, suppeditavit nobis opus tam utilitate, quam amœnitate, commendabile, Doctissimi Medici, *Richardi Walder*, quo iter præclari Architalassi *Anson* per orbis ambitum, testis oculatus complexus est. In hoc erudito opere invenimus innumeris exemplis, quorum

quodque centenos homines una capit, quæ proinde simul plures millenas sanationes referunt, hanc sententiam, veluti axioma positum, quod scorbutus navalis sit alcalinus, si putridus, sit qui vocetur calidus; de quo innumeræ historiæ nullum dubium reliquum fecerunt: quodque hic ipse scorbutus putridus tutissime, ac citissime curetur, tam copiosis antiscorbuticis calidis, quam frigidis; ita ut nautarum salutis æque conducere copiosus Cochleariæ, Ceparum &c. usus, quam immensa Aurantiorum ac Limoniorum pomorum copia. Mox nos in limine offendit tale paradoxon axioma, cum scholæ subvertat doctrinam; unde memores Præceptoris monitus *μηδὲν εἰνῆ, μηδὲν ὑπεροπᾶν*, consulamus prius alios scriptores marinos, examinaturi num idem, vel contrarium, illi experti sint, antequam Walterianum axioma, aut amplectemur, aut repudiemus.

Quod mihi primum occurrit, est Diarium *Jacobi Quartier*, qui jussu Regis Christianissimi *Francisci I.*; anno 1535. Americam Septentrionalem lustrans, hybernare cogebatur ad ripam fluvii *Canada*, prope locum nunc dictum *S. Crucem*; nautarum ingentem stragem hic scorbutus fecit, universalem brevi facturum, nisi incolæ ipsis indicassent arborem *Anedda*, cujus & cortice & foliis plurimi reconvaluere. Doctus scriptor *A. Montanus*, qui nobis hujus diarii copiam fecit, in sua *Americæ Borealis Historia* nihil attulit lucis, ut cognoscamus ar-

bo.

borem: nec licuit apud *R. P. Hennepin*, apud *Denis*, apud *Martiniere*, aliosque, qui regionem illam peragrarunt, aliquam ejus descriptionem invenire. Nec in Doctissimi ac Nobilissimi Confiliarii, & Professoris, *Nicolai Jacquin*, *Historia Stirp. Amer.* aliquid habetur, cum ad eam in America latitudinem non pervenerit. Hinc ad alios, qui nobis nota magis antiscorbutica suppeditarint, nos conferamus.

In pluribus diariis variarum Classium Navaliū, quas sub finem sæculi 16. sive Respublica Batava, sive Urbium Batavarum nonnullæ, sive denique cives ditissimi, miserunt ad viam tendendam, juxta *Muscovicam* ac *Tartaricam* oram, in *Chinam* ac *Japoniam*, strages nobis occurrunt, quas edidit scorbutus miserandas; eo quod expeditione qualibet infortunato admodum succedente, vel complures naves inter perpetuas atque insuperabiles glacies, montesque glaciales, naufragarentur; vel nautæ itineris tœdio, longitudine, periculo, confecti, proprios demum lares repeterent; vel in *Nova Zembla*, aut alibi, hybernare coacti, una vice ad unum usque perirent omnes, alia vice ex *Nova Zembla* in binis apertis scaphis, ex nave majore, glacie confracta, compositis, iter 400. milliarium in pelago errantes conficerent, donec demum ad extremam *Russicæ* oram appellentes, inde in Patriam, ex toto numero duodeni, redirent. Non immorabor aliis diariis, quam his, quæ ad scopum faciant.

J. van.

J. van. Linschoten in itinerario anni 1594. refert se appulisse in locum, quem *Waygat* appellant, alii *Nassovicum Fretum* mensis Junii 27. ibidemque detexisse inter gramina, aliasque herbas, *Cochleariam* copiosissimam, scorbuticorum illuc appellentium tutissimam refectio-

Diarium duodecim illorum, quos retuli, post hybernationem in *Nova Zembla*, in Patriam rediisse, refert illos anno 1597. in insulam ignotam conscendentes, præ gaudio exclamasse ad visam primo *Cochleariam*, eo quod fere cunctos *Scorbutus* reddidisset pene immobiles; inde non comedendo, sed continuo vorando, se percepisse, non modo veras esse, quæ *cochleariæ* in Patria laudes darentur, verum etiam omni illam laudem superiorem; quandoquidem celerem adeo mutationem perciperent, ut, paucis post diebus, panem biscoctum denuo masticare, quod dolentes gingivæ, dentesque vacillantes, ante nequivissent, commode inciperent.

Data hæc exempla monstrant *Scorbutum* curatum *Cochlearia*: unde forsan quis suspicabitur *Scorbutum* frigidum, sive acidum fuisse, hincque herba alcalescente & calida sublatum; talem vero, si acida & aciescentia antiscorbutica regio dedisset, non modo non curatum, sed in pejus versum, imo lethalem fuisse redditum.

Respondebunt nautæ iidem. *Scorbutus* redierat dum promontorium *Wardbus* petitori, multum in fluctibus aberassent. Appulere demum
ad

ad extrema borealia *Lapponiæ* in portum *Cola* vocatum, intimiusque se penetrantes, baccas *Rubi* copiosissimas deprehendere, quibus affatim comestis a Scorbuto convaluere omnes.

Fructus acido dulces copiosissime comedentes, curantur a Scorbuto iidem ipsissimi homines, quos antea eodem in itinere, eodem in climate, eodem cum victu, *Cochlearia* curaverat. Quid ergo de natura Scorbuti statuendum? *Acida* & *Alcalina* curarunt saltem eandem Scorbuti speciem.

Rubi copia ingens, ingens & *Cochlearia* per boreales omnes regiones: in omnibus itinerariis utrumque describitur, & ad scorbutum ex æquo laudatur. *Denis*, quo tempore in *Canada* habitabat. Rubum ubique invenit tam copiosum, ac fertilem, ut qui suis de pratis eradicare vel-
lent, non possent.

Ann. 1615. 1616. 1617. *Guillelmus Cornelii Scobouten*, *Hoornanus*, quo novas, transvecto freto *Magellánico*, terras detegeret, australem orbi partem circum navigans, refert cum tædiofi itineris longitudine, tum diversi generis commeatus, aquæ bonæ potissimum, penuria, potio-rem nautarum partem scorbuto affectam esse; tentasse se dudum hinc inde insulam ut detegeret, & in continentem descensionem faceret ægrotantium; sed frustra. Scapha demum littus aliquod attingente, nautas herbam detexisse *Nasturtio Hortensi* similem, eamque dein adhuc copiosiore in insula dicta *aquosa* ad

300 PROBLEMATATA DE SCORBUTO.

12. gr. lat. aust. Coctis inde pultibus abundanter comestis, scorbuticum nautam adeo levatum se percepisse, ut herbæ vires haud potuerint satis mirari.

In Diario Classis navalis dictæ *Nassovicæ*, quæ undecim navibus constans, Architalasso *Jacobo Eremita*, ab anno 1623. usque ad 1626. vesta circum orbem est, nullas in principio detegimus scorbuti querelas; causa videtur limoniorum abundantia fuisse, quæ tanta nonnunquam, ut abuterentur, & ut classis primo anno numeraret 42. suorum Dysentericos inde periisse. Postmodum vero, ut in longis solet tædiosisque itineribus, scorbuto aliam post aliam navem petente, deviando continentem quærere decretum fuit in procerum consilio, limoniorum quærendorum, aliusve remedii antiscorbutici gratia: at vero nulla insula detecta, deservanda classe ob scorbuti immanitatem desperatum est. Detegunt tandem insulam *Annabon* ad gr. III. lat. austr. nautæ & in insula Aurantiorum copia incredibili repleverunt sese, & bis centum milia eorundem secum in naves induxere. Ex eo tempore nulla scorbuti in diario mensio fit.

Scorbutus igitur natus in plaga mundi australi, curatur antiscorbutico calido, Nasturtio Hortensi; curatur antiscorbutico frigido, pomis Aurantiorum & Liminiorum; eodem prorsum modo quo antea vidimus Scorbutum borealem integre curari calidis Cochleariis, & frigidis Rubis.

L. F.

L. F. Haan, in *Historia Freti Davidis* plagam Occidentalem in *America Boreali* notat, ut in qua crescat species Rubi, humi repentis, fragorum sapore grati, copiosissimi. Deinde totam Regionem describens, arbores ferre eam nullas ait, sed aliquas frutices, & baccas ceruleas, similes Juniperi in *Norvegia* baccis: tum & copiosissimam *Lactucam*, quam ibidem *Groenlandicum acetarium*, vocant, & *Acetosam*. Hæc lactuca & acetosa pro incomparabili antiscorbutico habentur, ut refert; ita ut iisdem plurimum vescentes, incredibile quam cito, & integre, convalescant.

F. Maartens, Chirurgus navis *Hamburgensis*, in Diario sui itineris in *Spitzbergen*, & *Groenlandiam* suscepti, inter cæteras plantas meminit *Cochleariæ* quam ibidem pro scorbuto, copiosissimam, & sapore gratiorem, & in acetariis vehementer amatam, notat.

Joannes Egede, Danicus per 16. annos Missionarius in veteri *Groenlandia*, refert cap. 3.
 „ præstantissimam viribus *Cochleariam*, incom-
 „ paraabile adversus scorbutum remedium, co-
 „ piosam ubique ad oras maritimas reperiri,
 „ sapore autem haud acrem ita, amaramque,
 „ quam in regionibus temperatioribus. Stupendas
 „ cæterum per eandem se curas vidisse.”

Anno 1721. a Societate Indiæ Occidentalis Batavæ missæ tres Naves, ut novas Regiones ad gradum lat. austr. 56. quærerent, eruditum habent hujus expeditionis diarium, cujus
 in

in capite 7. hæc de scorbuto leguntur: „ Apri-
 „ lis 27. altitudinem attigeramus graduum 23.
 „ min. 2. lat. austr. Hic demum incommoda,
 „ diu observari cepta, quæ illos, qui longa
 „ itinera mari conficiunt, insequi solent, nos
 „ gravius premebant. Quantus enim cumque
 „ commeatus nobis datus esset, minuebatur ta-
 „ men, ita ut quotidianæ portiones, ne tan-
 „ dem deficerent penitus, indies parcius dispen-
 „ sarentur. Quin & panem, cum communem,
 „ tum biscoctum, sitis corruerat, quemadmo-
 „ dum & reliquum, qui insuper vermibus sca-
 „ tebat, commeatum. Percepta quoque & aquæ
 „ sensim crescens penuria; quare & parcius il-
 „ la nautis cepta dari. Tandem & ipsa fæti-
 „ da ac verminosa, non ultra fuit ad sitim ido-
 „ nea, nec ad humectanda corpora, quæ enor-
 „ mis calor exsiccaverat, apta, nec utilis ad
 „ deperditas illorum vires restaurandas.”

Præter cæteros morbos, „ Scorbutum inde de-
 „ duxit, nasci scilicet illum oportere ratus, eo
 „ quod sicca esset, ac suffocans in mari atmo-
 „ sphæra, quod salita alimenta corrumperentur,
 „ quod potabilis lymphæ deficeret, noctesque præ-
 „ primis gelarent. „ Signa, scribitur in Diario,
 „ morbi prima manifestantur ad gingivas, haud
 „ tumidas duntaxat, sed & nigras ac putridas;
 „ hinc fœtens anima, hinc corrupti dentes va-
 „ cillantæque adeo, ut nedum navalem, ve-
 „ rum etiam nec alium quemcumque cibum,
 „ manducare queant. Inde porro per univer-
 „ sum

„ sum corpus morbus vagatur. Ad crura, ad
 „ brachia, ad alias partes, maxime vero ad
 „ genu, patellam, Maculae visuntur, pulico-
 „ rum morsibus similes, rubrae, purpureae, livi-
 „ dae, nigrae, una cum articulorum doloribus.
 „ Posthac brachia, coxae, femora, hinc inde
 „ tument; livida sic aut nigra, quemadmodum
 „ alias a contusione fit. Palata videre est, qui-
 „ bus frustra veluti crassae corruptaeque carnis
 „ adhæreant, die a chirurgica ablatione altero
 „ renascentia. Multorum cernas horride tumi-
 „ dos vultus. Accedunt demum tremor, pal-
 „ pitatio cordis, tensio ventris, miseranda ar-
 „ tuum contractura, vehemens sæpe dolor,
 „ & morbo penitus irradiato, mors: non ita
 „ quidem ut omnia hæc symptomata eundem
 „ hominem impetant; nam ad interimendum
 „ sufficiunt pauciora.”

Remedia deinde prosequutus, Cochleariam
 quidem præstantem esse censet, sed recentem
 tantummodo, haud vero in spiritum evectam;
 cum is, inquit, calidior existens, tenuiora dis-
 sipet, figat crassiora. Cæterum in longis itine-
 ribus nihil reperiri præstantius, quam in conti-
 nentem descendere, quo ægri sereniora aura ali-
 quantisper vescantur.

„ Vix fari datur, inquit, quantum marinum
 „ hunc morbum aer mutet, emendetque, cam-
 „ pestris; ac quantopere simplices *herbæ praten-*
 „ *ses*, ipsumque vile adeo habitum *gramen*, vi-
 „ res exerceant curandi valentiores illis omni-
 „ bus,

„ bus, quæ ut decantata remedia laudentur .
 „ Miror sane Medicos illos , qui naves , quæ
 „ sua consilia observent , a scorbuto immunes
 „ fore obfirmata fronte asseverent. Etenim quæ
 „ eorum remedia ad efficaciter præservandum
 „ alia, quam illa, quæ ipsissima in longis defi-
 „ ciant itineribus? ”

Inter medias has misérias insulam detegunt ad gr. 15. lat. austr. cujus nigri incolæ insulæ afferunt producta : Nuces scilicet *Kokos*, & quandam herbam abundantissimam, amarescentem, similem per omnia *Nasturtio hortensi*. Incredibile, ait quantopere inde reficerentur omnes ; ita quidem ut, licet lapidibus fere obruti ab insularibus fuissent, ni fugam capeffissent, insulam tamen *Refectionis* appellarent; quo nomine eandem posthac in Geographicis mappis decoratam deprendimus. Est in eadem fere altitudine cum insula supra dicta, ob inventas a nautis aquas *Aquosa vocata*, in qua eadem herba & copiosissima deprehensa est, & mirifice antiscorbutica.

Anno 1719. navis *Barneveld*, post infortunatos per immensum pelagum errores, appellens tandem ad amplissimam insulam *Madagascar*, ad oram *Africæ* occidentalem, nautarum 120. scorbuticos in littus duxit, sub tentoriis locavit, & post 14. dies plerosque iterum sanos in carinam recepit, nullo adhibito remedio præter speciem *Nimphææ*, quam in aqua copiosissimam invenientes, tum juribus incoxere, tum more acetariorum comederunt.

In

In itinere circum orbem universum *Guillielmi Dampier* legimus, qua ipse vehebatur, navem deposuisse ad Promontorium *Bonæ Spei* suos Scorbuticos, eo quod ibidem quocunque fructuum olerumque genere plerique brevi soleant convalescere. Non addidit Auctor numerum scorbuticorum, qui in hoc promontorium depositi fuerant, sed convaluisse refert omnes, quatuor duntaxat, qui omnium pessime in nave habuerant, exceptis.

Famosissima Scorbuti cura est insula *Sanctæ Helenæ*, inter 15. & 16. lat. austr. gradum, „Raro fit,” inquit *Dampier*, „quin scorbutici hic amissam dudum recuperent sanitatem. Fert insula hæc herbas optimas, unde balneis per insulanos adornatis rigiditas, immobilitasve cruris percuretur: a suo autem scorbutico fructibus, oleribus, recentioribus alimentis, cito liberantur; ita quidem, ut qui penfili lecto ex navi in continentem ducti fuerant, elapso octiduo pedibus incedant, imo saltent: juvat vero aura ferena.”

In tædioſo itinere ex *Nova Hollandia* ad idem promontorium, homines scorbuticos primum 20. perdiderunt; deinde vero morbo aucto, auctis itineris tædioſi laboribus, putridaque existente ad bibendum aqua, misere omnino cum nautis agi ceptum. Interim navis præfectus, magnam in navi possidens *Tamarindorum* copiam, jussit definitam cuique ad prandium portionem cum oryza dare; id quod om-

nes multum reficiebat.

„ Porro ita commune omnibus, ait, malum
 „ erat, ut vix existeret, quem immunem dice-
 „ remus; malum subdolè sic obrepens, ut ipsi
 „ nos vix perciperemus ægrotantes, vixque do-
 „ lentes; sed debiles quidem & inappetentes:
 „ subdolè, inquam, sic, ut plurimis eorum,
 „ qui morti adpropinquarent, vix suaderi pos-
 „ set suo manerent in pensili lecto, donec de-
 „ mum immobiles redderentur: quando vero
 „ se lecto immobilitate affixos cernebant,
 „ condebant testamentum, haud ultra biduum,
 „ triduumve, calamitates protracturos se certi.”

§. III. Ubique quæ de ipsa morbi descrip-
 tione & symptomatibus diaria habebant, in mea
 relatione collegi, ut constaret marinum illum
 scorbutum, in nonnullis symptomatibus, alia
 atque alia in nave, differentem, tamen præci-
 puis in rebus sic convenientem esse, ut scorbutum
 putridum vere referat; conveniatque omnino cum
 eo scorbuto, quem terricolæ habent: ita ut idem
 prorsum morbus esse appareat terra marique.

Subdolum hunc morbum lævius gentem bo-
 realem afficere observamus, ex quo tellus mul-
 tis in locis sit reddita ficior; aggeribus sic
 adornatis, ut externæ aquæ secludantur, liber
 internis concedatur effluxus: ex quo ædes sic
 suas construxerint, ut minus humescant intus,
 ac liberiore perflectentur aëre: ex quo durioribus
 alimentis plura ceperint molliora interponere,
 sic ut dies nulla transeat, in qua variis lactu-
 cis,

cis, oleribus, fructibus, non vescantur; crudis, coctis, elixis, tostis: ex quo Asiatici alias noxii, potus; sic saltem *Boerhaavii* sententia erat; corpora ab acrioribus, diluendo, magis liberarint: ex quo tandem se contra cæli inclementiam firmioribus vestibus muniverint. Quin & cæteris paribus, vita laboriosa admodum, in eadem regione boreali, sub eodem victu & aere, immunes omnino a scorbutis; aut levius saltem affectos, præstat aratores, fabros ferrarios, lignarios, &c. interea dum textores, sartores, sutores, pictores, phrighiones, viri literati, gravissime afficiuntur.

Examinandum est undenam scorbutus in navibus? ut pateat num vel hæc, quæ terricolis mitiorem reddiderint, vel adhuc alia, maricolarum quoque mitigare tollereve scorbutum queant?

An igitur 1. ab aëre marino, ita ut ex mari quidquam exhalaret, quod aëri commistum, ipsum sæpe redderet respirationi ineptum, & ad scorbutum generandum aptum, ut quorundam opinio fert?

An 2. ab humidiores semper atmosphæra?

An 3. a salitis?

An 4. a penuria vegetabilium?

Ut primo generalem responsionem ad hæc omnia, deinde ad singula propriam, adornem, dico has quatuor causas ita universales esse, ut ex æquo omnes in nave afficiant, Gubernatores majores, minores, & Classarios vulgares.

Constitit vero universali observatione classis *Ansonianæ*, aliorumque, nautas potissimum scorbuticos esse, minus esse præpositos minoris ordinis, adhuc minus præpositos majoris ordinis, omnino nihil fere Præfectos supremos. Cum igitur quatuor hæ causæ omnes ex æquo afficientes, non omnibus ex æquo scorbutum creent, haud videntur ejus causæ appellari posse.

Doctissimus *Lind*, qui de Scorbuto tractatum Historico dogmaticum erudite & practice scripsit, dum examinat an salita scorbutum creent? egregie respondet non videri, quum sal in putredine ea præservet, quæ cæteroqui in putredinem proclivia sint: cum 2. diuturniore tempore aqua marina, dira necessitate cogente, pota, scorbuticis haud nocuerit: quod tertio salita visa sint homines ab eodem præservasse.

Observatum quippe fuisse, dum naves *Anglicanæ* cum *Bataris* conjunctæ, stationem diu peragerent, ne portu solveret *Gallica* Classis, *Anglos* scorbutum corripuisse non corripuisse *Bataros*: causa quæsitæ, constitisse id, quod classiariis *Bataris* bis in septimana ex brassica sale condita pararetur prandium, *Anglis* vero minime: cæterum in omnibus idem utrisque regimen contingere.

Pergit Doct. *Lind* docere non esse, qui scorbutum faciat, sale marinum. Scorbuto afflicti, inquit, mox omnia salita auferuntur; att-

attamen morbus pergit, & furit. Præterea scorbutum natum ostendit, non nisi recentibus carnibus vescente nauta. Sic *Ansonii* classi, *Mexico* recedenti, inter medias recentes carnes morbum natum: *Cæsarias* legiones, Clar. *Cramero* notante, cum carniū recentium abundantia; *Russicum* exercitum, referente *Nitschio*, salitis carentem, in turpes incidisse scorbutos.

In quæstione porro de Vegetabilibus, merito occinit Doctissimo *Bachstrom*, in eo, quod & ad præveniendum, & ad curandum, sint egregia: id urbes obsessas, id *Hollandorum* brassicam confirmare lubens fatetur: attamen censet etiam hanc *Bachstromii* esse limitandam sententiam. Quod enim 1. de urbibus obsessis constitit, id in multis aliis obsidionibus, ubi similes causæ existerent, non ita constitisse. 2. In media Vegetabilium abundantia scorbuticos effectos esse classiarios.

Exemplum terribile affert, quod egregius *Huxham* confirmat. Dum classis navalis Architalassi *Martin* in Freto Gallicano diu observabat Classē Gallorum, in summa abundantia vegetabilium omnium & optimarum aquarum, tanta afficitur Scorbuto, ut inter 4000. classiarios 400. numerarentur miserrime affecti: sic ut Doctis. *Huxham* cernens redeuntem in *Pleymuti* portum classē, graphice ac lamentabiliter conditionem descripserit ægrorum. Unde Cl. *Lind* defectum Vegetabilium, scorbuti feracem, non nisi causæ occasionalis vice fungi putat.

Sed ut certius, quid de Scorbuto proferatur, quid causæ est, quod plebs navalis infima hoc morbo maxime laboret? minus, aut vix proceres?

1. Proceres navis & præpositi nautarum habent mutatorias vestes, ut madefactas exuere, siccas induere queant. 2. Lectos suos pellibus animalium munitiores adversus frigora, quam plebei, habent. 3. Omnes suas vestes habent præpositi, quam classarii, crassiores, arcendo frigori aptiores. 4. Habent navium Gubernatores, & supremi Ministri, Tamarindos, Aurantiorum ac Limoniorum poma, horumque defectu varia Limoniorum genera muria condita, succum Limoniorum qui in doliis, & melius adhuc in lagenis diu fervari possit, conditas sale brassicas, rapas, phaseolos, endiviam &c. vina, cerevisias lupulatas, &c. hæc omnia simul sumta & non vegetabilia sola, concurrere videntur, quo minus navium Proceres hoc morbo affligantur.

Vita laboriosa nautarum an non deberet illos eximere potius a Scorbuto, ita ut minus eo, quam Proceres, laborarent?

Si solus labor exercitus Scorbutum præcaveret, labor neglectus conciliaret, utique nautæ essent ab eo proceribus navis exemptiores; sed ut, non obstante sua vita laboriosa, magis tamen Scorbutum contrahant, plures inevitabiles ipsis causæ, evitabiles Proceribus, efficiunt; ut jam vidimus.

An machina *Suttoniana* apta non est, ad
Scor-

Scorbutum præcavendum in navibus?

Juvat ad aera puriorem reddendum, ac renovandum; in eoque sane egregia nautis est: si autem humiditate diuturna peccet aer, nil machina juvat; cum pluviosa tempestate expulsum aera humidum, humidus subsequatur. Unde gravissimus *Ansonio* Scorbutus *Mexico* redeunti, & omni genere abundanti vegetabilium. Pluviis saturo aere explente naves, nulla dies serena illuxit, quæ navem permetteret ficcari. Venti interim & procellæ spumantes undas in naves invehebant, nautas redebant madidos & frigidos. Cum nunc inter causas occasionales nulla sit aere humido ac frigido peior, cum is diuturniore tunc obtineret tempore, Scorbutum pessimum nasci oportuit.

Ex cunctis liquet victum corruptum, aëra humidum ac frigidum, vestes tenues & humidæ, humidos tenuesque lectos, Vegetabilium succulentorum defectum, animi mœrores ac tædia longi itineris, una concurrere ad Scorbutum generandum; aera humidum ac frigidum, cum vestibus & lectis nautarum frigidioribus, Scorbutum creare posse in media Vegetabilium opulentia; Vegetabilium defectum solum sine humiditate & frigore & mœroribus, vix creare Scorbutum, ut optimus *Lind* in *Scotie* Montanis incolis, & in *Finnis* evicit.

§. IV. Ex mirandarum curarum collectione constat illas peractas esse herbis calidis, & frigidis; alcalescentibus, & acidis: *Cochlearia*, *Na-*

sturtio, Brassica, Cœpis, Nymphœa, Lactuca, Acetosa, Rubi baccis, fructibus Tamarindorum aliisque, maxime pomis Aurantiis, Citreis, ac Limoniis: quovis graminum genere: nec non quibusvis succulentis Vegetabilibus: Vino, cerevisia, aceto.

Quamvis remedia, quæ morbum curaverint, oppositæ sint naturæ, Scorbutus tamen navalis, symptomatibus descriptus suis, unius modo speciei fuisse apparet; maxime id concludere licet ex curatione eorundem hominum primo per cochleariam, deinde per Rubi baccas; ut supra constitit.

An vero Cl. Viri *Pringle* experimenta, accensæ cochleariæ, dum chemicis quibusdam operationibus eandem exponebat, præcipuam difficultatem haud tollant, docendo unicum Scorbuti genus unico medicamento genere curatum esse?

Si hæc experimenta aliis clarioribus elucidentur, lubens Viri Doctissimi sententiam amplectar: verum ne huc usque amplexus sim, me alia experimenta remorantur. De acore in ipsius experimentis ex Cochlearia percepto, ideo non concludo acidum in Cochlearia adeste, quia didici propriis experimentis, dum alcalina vegetabilia, dum ipsa jura carniū, certum quendam corruptionis gradum consequuta, quid acidi redoleant, id fugax acidum, licet syrupo violarum detectum, ideo non docere naturam rei acidam, cum brevi post totum abeat in alcali,

calinum. Ergo vix video, cur, ob fugax tale acidum, credamus & alcaliscentia vegetabilia, & jura carnum, in corpore humano ut acida agere? Equidem in experimentis clarissimi Viri alcali volatile cochleariæ avolavit multum, indeque natura herbæ alcalina vehementer mutata est; sed an mutata tota? An mirande curationes putridi scorbuti ægris, armentorum instar, crudam de pratis herbam vorantibus factæ, præsens non habuere alcali, idque copiosum? Deinde in Pringleanis sufficiens distinctio inter fermentationem & putrefactionem desiderari mihi videtur. Desiderari etiam arbitror debitam distinctionem putrida inter & alcalina. Putrida multa cum acidis non effervescent, donec certum adipiscantur putredinis gradum, quo fiant alcalina. Necdum etiam mea experimenta me convincere de vera putredine, etiam nondum alcalina, in vivente corpore animali. In tot morbis putridis, etiam conclamatis, dum sanguis vena tusaeductus, aut aliunde effluens, examinatus est, nunquam, ne in pessimis quidem variolis, putredinis signa vel minima mihi dedit *Mortono* putridus sanguis de vena exiliens descriptus, ob raritatem hic vix memorandus est. Et demum non datur in tota Chemia machina, quæ utcumque Machinæ humanæ similis sit: Comparentur alimenta & potulentia cum excretis secretisque omnis generis, an huic similem possideat Chemia machinam? Unde donec clari, quem veneror, semperque vene-

venerabor, Auctoris, experimenta elucidentur, cochleariam, nasturtium, allium, &c. vocabo calida alcalescentia, imo alcalina Antiscorbutica.

Nunquid ergo in vegetabilibus, præter prædominans acre, aliquid aliud est, quo sic operentur, ut acre illud nihil obfit, & illud aliud, quidcumque demum sit, curam scorbuti peragat totam? Foretne vis eorum saponacea? an aliquid aliud?

An non his, qui salutis publicæ vi muneris coguntur invigilare, incumbit ut supremæ potestati ea indicent, quibus horrendus hic morbus præveniatur? Et an inter hæc consilia etiam hoc salutare non suadendum: ut loco tantorum vegetabilium siccorum, parentur in dolis succulenta vegetabilia omnis fere generis sale condita, ut nunc pauca modo parari solent? Si Viri Clarissimi *Poissonier* aquas marinas levi negotio potabiles reddenti succedat conatus, laudes merebitur æternas.

An ad stupendas & celeres scorbuti curas plurimum non contulit aura serena, in quam ex navi deducti scorbutici inducerentur, & qua compluribus fruerentur diebus?

Purus, ficcus, tepens aer, partem medicinæ in his expleverit necesse est, dum humidus frigidusque aer symbolam adeo magnam morbo generando contulisset: sed absoluta talis puri sicci tepentisque aeris necessitas non demonstratur ex eo, i. quod ægri sæpe jacuerint in littore sub-

sub tentoriis, ubi certo & humidus aer, & frigidus sæpe est. 2. Quod plures tales celeres curæ peractæ sint, ægris in continentem non expositis, verum nave detentis. Curam vero fortunatiorem ac celeriore bono cum aere expectare oportet.

§. V. Quid demum causæ, quod marini scorbuti, ejusque pessimi sæpe tam celeris, atque perfecta cura fuerit: quodque terricolarum scorbutus curam nostram toties diuturnam, laboriosam, ac sæpe impossibilem arguat? An dosis esset medicamentorum, quam ad guttulas, ad cochlearia, ad vascula aliquot nycthemeris spatio evacuanda, præscribimus (interea dum historia marina homines curatos ostendit illos, qui vegetabilia cruda integris manipulis, qui poma aurantia & limonia denario numero, qui præterea herbas & fructus, coctos, elixos, afflos, juraque eorum, ad victum sic adhibebant, ut nulla re alia vescerentur?

C A P U T XI.

De Machina ad Curandum Ileum desperatum.

§. I. Communicantur duæ Epistolæ agentes de Machina, nuper in Italia excogitata, qua tres homines, Ileo desperato laborantes, integræ sanitati brevi restituti sunt; referentes quoque facta in canibus eadem experimenta. §. II.

Tra-

Traduntur novem mea experimenta cum hac Machina capta; qua occasione etiam phænomena, quæ circa vermium in corpore animalis domicilium, & circa vitales actiones, observantur, noto. §. III. Quatuordecim Corollaria tam Theoretica, quam Practica, ex dictis deducta.

§. I. **E**Ruditissimus ac solertissimus Medicus Joannes de Videmar, celeberrimus Mediolanensis Practicus, ad promovendam Medicinam natus, jam pluries de ejusmodi Machina ad me scripsit, quæ excogitata in Italia, ad desperatum Ilcū morbum, præsentē jam vomitu stercoreo, solvendum pluries admota, nonnullos homines mortis faucibus eripuisset, eosdemque spatio incredibiliter parvo reddidisset sanitati.

Primæ ejusdem literæ ad me datæ XII. Kal. Jan. 1762. sic se habent: „Machinam, de
„qua alias sermo fuit, a Domino Physico Mo-
„linari huic nostro Fabro Laurentio Mazzoni
„demandatam, istuc brevi deferendam intelli-
„go; ita binas alias historias, ad eam spectan-
„tes, quæ bis fortunatum obtinere eventum,
„tibi communicatas volo; eaque simul in de-
„natis per me capta experimenta coram Ar-
„chiatro Vandelli, ejusque nepote D. Domeni-
„co Vandelli, ut de ejus usu certiores apud
„Litteratum orbem rationem reddere queamus.”
Et primo:

„ Rustica mulier torosa, quartum agens lu-
 „ strum, post magnam falsamenti, fructuum-
 „ que horeorum, ingurgitationem, quatuor
 „ miliarium iter suscepit. Domum redux dolo-
 „ ribus *ad ileum dextrum* vexatur, cum abdo-
 „ minis intumescencia, vomitu, anxietatibus :
 „ nihil profuere enemata sæpius applicita, ni-
 „ hil iteratæ V. S. nihilque fatus emollientes,
 „ & oleum lini magna satis copia epotum; ita
 „ *ut ad octavam diem* increbescences, jamjamque
 „ morituram proclamantes, ut transferretur ma-
 „ china, conscii suadeant nonnulli: qua appli-
 „ cata magna tepentis aquæ copia quatuor
 „ dierum spatio, sed per intervalla, injecta,
 „ mirum! dextram abdominis intumescenciam
 „ se movere visum est, doloresque demulceri
 „ ceperunt, multisque brevi post dejectionibus
 „ liberata fuit.

„ *Frater Josephus Fidelis a Mediolano*, Ca-
 „ pucinus, moribundis in Xenodochio adstans,
 „ quadragenarius, post diuturnam toleratam
 „ febrem vix reconvalescens, in vomitum fere
 „ continuum incidit, materie primo aquosæ,
 „ viridescentis, magnæ copię, singultibus iden-
 „ tidem comitantibus, nullisque trium dierum
 „ spatio sedibus. Omnibus in cassum adhibitis,
 „ foetentes jam incipiebat vomere fœces. Re in
 „ angusto sic posita, adstans Chirurgus & Lithoto-
 „ mus magni nominis *Dominicus Ocelli*, machi-
 „ nam experiri solitus, ad eam confugiendam
 „ esse autumavit, motum peristalticum inversum

„ revocandi ergo. Manu operi admota, paula-
 „ tim, sed repetito, injicitur tepida: paucae,
 „ sed crebrae redduntur sedes, (qui effectus
 „ machinae hujus singularis & proprius alvum
 „ crebro irritandi,) brevi cessat emesis, perma-
 „ nente adhuc singultu; verum analepticis re-
 „ creatus, integre convaluit, prout mihi retu-
 „ lit idem ægrotus.

„ Ad ea, quæ in denatis ipse animadverti
 „ coram testibus, nunc devenio. Nudatis igi-
 „ tur intestinis, aqua per machinam injecta
 „ paulatim præterfluere omnes intestinorum con-
 „ volutiones, usque dum continuato per os exi-
 „ ret rivo, conspexi; ne guttula quidem in ca-
 „ vo abdominis ejecta, intactis, etiamsi satis
 „ extensis, intestinis; neque tam impleta ac
 „ distenta inveni, ut rupturæ periculum mina-
 „ rentur, quin majori extensioni locus foret.
 „ Iterato periculo in cadavere, cui Ileum pone
 „ valvulam apertum fuit, aquam vix ad li-
 „ bram injectam per aperturæ colum exire vi-
 „ dimus, nihil prorsum resistente valvula, haud
 „ secus, ac si nulla adesset: ex quo vera scrip-
 „ sisse *Matthæum de Gradibus, Guainerium*,
 „ aliosque, intelleximus, qui suppositoria in
 „ anum intrusa, abrupto vi filo, per os ejecisse
 „ ægrotantes nobis tradiderunt; quin imo di-
 „ gito immisso in colum, desursum versus abs-
 „ que ulla resistantia in ileum transivisse ani-
 „ madvertimus.

„ Nec per constructam Machinam istuc quan-
 to

„ tocyus translaturam experti fuimus aliis duo-
 „ bus in cadaveribus; hinc pari modo injecta.
 „ aqua ultra valvulam præterlapſa non fuit;
 „ ita ut non ſemper æque conſtructam, neque
 „ in omnibus æque validam eſſe feteamur oporteat;
 „ quemadmodum & *Hales* in canibus,
 „ aliiſque in hominum cadaveribus *Anatomici*
 „ annotavere. Horum duorum cadaverum inte-
 „ ſtina ad ſpithamæ longitudinem, ſupra &
 „ infra valvulam, de induſtria diſſecui, atque
 „ e corpore extraxi, in diem ſequentem pericli-
 „ taturus, quid inde eſſet. Injecta igitur in co-
 „ lon aqua, in Ileum pertranſiit; minime mi-
 „ ratus ſum, eo quod partes in ſitu quandam
 „ habeant actionem, quam non retinent di-
 „ vulſæ, quemadmodum partium uſus in dena-
 „ tis valde laceſſitur.

„ In vivo cane de induſtria parato iterum
 „ periculum fecimus, in eoſque facillime tepi-
 „ dam omnes inteſtinorum anfractus, ad pylo-
 „ rum uſque, pervaiſiſſe vidimus. Ex quibus
 „ patet Inſtrumentum hoc nullum neque in vi-
 „ vis conatum inferre poſſe; eo magis, quia
 „ dum ſatis eſt, injectio de ceſſatione admo-
 „ neat, atque extracto tubulo immediate poſt
 „ rejiciat aquam.” Hæc de Machina ſatis.

In ſecunda Epiſtola data *Mediolani* ſept. Kal.
 Jun. 1762. ſic ſcripſit: „ Habes hic annexam
 „ delineationem, atque deſcriptionem Machinæ,
 „ clyſteris vice adhibitæ. En caſus! Mulier fere
 „ quinquagenaria, colicis doloribus quatuorde-
 „ „ cim

„ cim dierum spatio vexata, nihil prorsum
 „ per inferiora emittens, omnia evomebat, in-
 „ cassum adhibitis clysteribus emollientibus, acri-
 „ bus, ipsoque tabaci fumo, atque oleo amygd-
 „ dalino cum hydrargyro deglutito, nec re-
 „ petitis V. S. ac balneis, levare potuit. Ipso
 „ momento, quo Machinæ ope injecta fuit sac-
 „ charata, aqua, tot dejecit prædura scybala,
 „ ut vix credi possit; quibus exacte inspectis,
 „ præmulti uvarum acini, jam multis mensi-
 „ bus retro comesti, reperti sunt.

„ Verum quidem est, quod mulier hæc mul-
 „ tos sustinuit labores in aquæ violenta inje-
 „ ctione, quemadmodum optime notat Exp.
 „ Hales in hæmast. Exp. 25. ac parum affuit
 „ ne in animi deliquium laberetur in fœcum
 „ dejectione; ast analepticiis roborata, in diem
 „ sequentem injectione iterata, iterumque in-
 „ terpositis aliquot diebus repetita, optima nunc
 „ fruitur valetudine, quæ iliaco morbo mori
 „ proxime videbatur.

„ Haud absimilis ei hæc machina est, quæ
 „ ad extinguenda incendia apud Martin descri-
 „ bitur, in *Grammatica scientiarum*.

„ Jam in cadavere Machinam hanc experti
 „ sumus, vidimusque aquam ad pylorum usque
 „ adscendisse; ast ignoro usque dum, an in
 „ omnibus cadaveribus hoc eventurum sit? Re-
 „ petitis experimentis te commonefaciam. Du-
 „ bium tamen est an, posito quod æque eve-
 „ niant in omnibus demortuis, in vivis pari-

„ mo-

„ modo eventura sint, (quemadmodum & tu
 „ notas super *Halesiana* experimenta,) majo-
 „ rem propter *Tulpianæ* valvulæ vim in his,
 „ quam in illis.

Clarissimus *Hales* loco citato, & tu quoque
 „ in capite de *Tympanitide & Ileo morbo*, Me-
 „ dicos admones ut hujusmodi casibus enema-
 „ ta excogitent tantarum virium, quæ intesti-
 „ norum obices tollere possint. Hæc tibi com-
 „ municata historia satis evincit, quantæ sit
 „ efficaciam similis aquæ injectio.

His ita a dignissimo viro perceptis curavi
 mihi juxta delineatam calamo effigiem Machi-
 nam ejusmodi parari: quam tabulam lubenter
 communicaturus essem, si in actis *Bononiæ*,
 aliisque Italicæ Eruditorum Societatis, non pro-
 staret brevi; & nisi, ut ante monitum est, fe-
 re similis haberetur in *Martini Gram. Scient.*

Die Martis 28. hujus anni, primum expe-
 rimentum in nosocomio fecimus in cane viva,
 mediocris magnitudinis. Injecimus tribus itera-
 tis vicibus in intestinum rectum libras medicas
 unciam XII. propemodum sex aquæ tepi-
 dæ.

Post singulas injectiones canis incredibili im-
 petu aquam cum stercoribus ad 4. 5. pedum
 distantiam expulit ano. Has tres injectiones spa-
 tio horæ quadrantis absolvimus.

Liberata Canis per 3. 4. minuta spatiosum
 cubiculum circuivit, corpus posticum totum
 madidum ubique affricans. Postea cucurrit ala-

criter, bene dormivit, saltavit, manducavit eo, & seq. die.

Violenta hæc vis, qua injecta aqua ad tertiam usque vicem resiliret, nosque injectionem ter repetere cogeret, suspicionem dabat an valvula *Bauhiniana* transitum non denegasset.

Unde die 29. & 30. & 31. Martii eodem modo experimentum repetivimus, eundem an effectum editurum esset curiosi. Et phænomena injectionis eadem erant, & æque bona canis post injectionem valetudo.

Unde 1. Aprilis experimentum sic mutavimus, ut ano bene circum siphunculum clauso, & cane melius intra manus firmata, sex ad minimum libras continuata opera injecerimus. Porro dum libræ pene quatuor injectæ erant, canis vomere cepit, primo aquam, dein cibos, vermes tandem teretes vivos. Injectione interim pergente, vomitus rivi lati instar profiliit ad distantiam 3. aut 4. pedum.

Vis ergo machinæ continuatior resistantiam valvulæ superavit.

Animus erat ilico interna examinare. Strangulavimus canem, & aperuimus. Crassa intestina modice, tenuia minus, ventriculus immenso distentus erat.

Apertis colo & ileo, oblongum in valvula hiatumprehendimus.

15. Aprilis sano ac vegeto cani unica continuata vice, nisi quod semel quidquam alvus resiliret, injecimus ultra octo libras aquæ tepidæ.

dæ. Post injectas 5. libras vomere cepit, pluriesque vomitum exinde repetivit. Paucis post minutis a fordibus canis mundatus, ac linteo ficcatus, hilaris ac sanus fuit per plures dies; postea dimissus adiit ilico suum in vicinia herum, reditque adhuc sæpe nos blande salutaturus.

18. Aprilis in cadavere humano vires exploravimus Machinæ. Sexagenario major cum calculo in vesica in nosocomio obierat. Vesicam cum calculo primum eduxeramus, ne utilissima demonstratio, quam posthac communicabo, turbaretur. Injecimus tunc ope Machinæ tepidam per anum, quæ ut facilius progredereetur, intestina plurium manibus molliter compressimus, sic tamen ut aquæ progressum levatis sæpe manibus bene contemplaremur. Vidimus intestina crassa cito impleri; nonnullam quidem nasci ad valvulam remoram, sed brevi sublata; injectam aquam momento citius intestina tenuia permeare; non extendi ea notabiliter; ventriculum autem valde turgidum fieri, oreque mox elabi aquam. Valvula hiabat; antequam vero percinderemus, ex colo aquam in ileum promovere satagebamus, haud æque feliciter in quovis intestini situ: certus ac determinatus situs requirebatur, ut ex Cæci sacco aqua in Ileum transfiret.

3. Maji canem masculum 16. mensium, fortem, nacti, experimentum iteravimus. Valida corporis contorsione & ejulatu tres primæ tepidæ

dæ libræ vi expellebantur ano. Qua dein accuratius circum cannulam firmata, tres alias libras commode, & non interturbate, injecimus: aqua interim vomitu quidem valido, sed eo, qui in primo cane observatus, debiliore, ejectabatur, cum paucis cibis, & teretibus lumbricis, ad tertiam usque vicem.

Decreveramus etiam hunc extemplo aperire; sed cum inde minus recte, quam priores canes, se videretur habere, pepercimus ejus vitæ, visuri an quid ab operatione infortunii observari daretur. Ast hora elapsa canis per omnia se sanum esse demonstrabat. Cum haud illepidus cuiquam placeret, qui pro suo magno ac vetustiore cane libenter eum mutaret, dedimus illi nostrum, postquam per novem dierum spatium certiores nos de ipsius perfectissima sanitate reddidissimus.

Canem ergo majorem illum 12. Maji ad experimentum ducentes, spatio binis minutis breviori injecimus aquæ tepidæ 8. vel 9. libras, quæ incepere tunc violento saltu, minus tamen violento, quam in primo experimento, ore exsilire. Vomitus iterum ut in prioribus ter repetierat, isque singula vice copiosissimus. Materies ejecta partim aqua erat, partim copiosa caro, partim lumbrici teretes, digitum, sesquidigitum, longi, valde graciles, partim copiosissima tenia, & gluten multum.

Apertis per longitudinem intestinis deteximus innumerabilium teniarum copiam, sic ut cate-

na cohærentium sibi cucurbitinorum vermium, five Ascaridum planorum, hinc inde, forte per vim aquæ, fracta, plus vigesies iret, rediretque per totam tenuium intestinorum longitudinem, glutine involuta copiosissimo. Lumbrici teretes Teniam concomitabantur ubique.

Peculiare in hoc cane fuit, quod Colon in medio ventre sub umbilico originem haberet, rectaque descendens, mox Rectum formaret; longitudinem igitur una cum toto Recto 8. vel 9. pollices emensum duntaxat: quale quid & in homine *Dionis* se testatur observasse. Ceterum breve hoc Colon ab injecta aqua probe elutum erat, compactas modo fœces & in ortu suo, & in magno suo processu vermiculari, gerens.

Utrique canī, quem strangulaveramus, effectum machinæ contemplaturi, laxato post apertum abdomen & thoracem fune, vita pulcherri-me redibat. Quo animadverso, mox ad actiones vitales contemplandas, reliquo examine ad tempus dilato, nos accinximus. In priore cane, aperto pericardio, cor pulsabat uno tempore æquabiliter, alio inæqualiter: vita labascente, per vices quievit & palpitavit. Levis digiti attactus momentaneam vitam reddebat. Attenti ad ultimum cordis motum, vidimus utrumque ejusdem ventriculum æquabilissime agere, & æquæ fortiter; idque etiam ubi post aliquantillam quietem, five sponte, five flatu, tactuve, suos redintegraret motus. Quo autem certiores hu-
jus

jus essemus , corporum invertebamus , ut cum sinu & auricula sua ventriculus sinister sub liberiore conspectum caderet; unde sinistrum cor pulcherrime agere cernebamus, ut ante videramus pro parte.

Quod autem diu, distincteque, ac de industria, notabamus, vix cuspis dici poterat ad basin in systole multum accedere, idque etiam a principio, dum cordis validior motus existeret, notavimus. Dicendum potius est in systole cuspidem, & latera ventriculorum, se simul leviter contrahere.

Arteria intercostalis percissa pulchre ostendebat velociorem illum saltum, quem arteriosus sanguis ad singulam cordis contractionem edit.

Uterque cordis ventriculus apertus multum, sinister autem plus, sanguinis continebat.

In altero cane pericardium ægre a corde secedebat. Attenti ad omnia, vidimus clare in systole cordis basin, æque ac mucronem, & parietes, ad se invicem accedere, & cor facere se ipso minus: motus vero vitalis ad finem usque pergebat æqualiter in utroque thalamo, inverso corde, quemadmodum in cane priore ut cordis sinistri motus apte conspici posset. Tandem, quod non in cane priore, cessante, motu vitali ventriculorum, auricula dextra quater vibrabat, quo tempore sinistra semel. Cor sinistrum cum sua auricula æque plenum sanguine, quam sua cum auricula dextrum. In sinu dextro polypus magnus.

In utroque canum experimento dextrum cor non vixit sinistro diutius. An quod, corde in situ manente, cor sinistrum minus conspicuum sub ultimis vitæ scintillis mortem testari maturiorem videatur? Igiturne aliqua cordis inversione opus, ut certi quid affirmemus, detegamusque errores?

In humanorum Cadaverum examine cor sinistrum sæpe minus quam dextrum repletum inveni sæpe æque repletum, aliquando repletius. A methodo secandi multum pendet: qui cor dextrum prius aperiunt, hi motu, præssione, evacuant cor sinistrum plus, quam aliter; qui sinistrum prius eandem ob causam possunt dextrum inanire.

Finem Capiti huic, & simul operi, imponam quibusdam Corollariis & Problematis.

1. Patet in Canibus facta Machinæ operatione sic, ut aqua injecta bis, ter, cum facibus alvo expelleretur, vomitum non adfuisse.

2. Canes post hanc operationem minime ægrotaſſe.

3. Quod vomitus non successerit, violenteque ex ano fuerit expulsa aqua, id minus videri valvulæ resistantiæ tribuendum, quam quidem canis motui, contorsioni, clamori, elabendi conatibus.

4. Id evidenter patuisse, quando, cane prudentius firmato, injecta continuatim aqua vomitu repetito expulsa fuerit.

5. Experimento eo usque producto, ut violente

lentus, repetitusque sequeretur vomitus, unaque cum aqua cibus, gluten, multusque tum teres vermis, tum latus; igitur eo usque, ut vis valvulæ coli penitus superaretur, ut motus peristalticus naturalis sufflaminatus, & ut motus antiperistalticus esset præternaturaliter auctus; experimento, inquam, sic aucto, canes tamen nullam inde habuisse, imo ne a sæpius quidem repetita eadem actione, sanitatis jacturam aut læsionem.

6. Canibus stantibus, ac quatuor pedibus suis supra mensam detentis, cum injectionem fecerimus, quæritur utrum injecta aqua faciliorem hinc habuerit, an difficiliorem motum ad os usque? Et an saltem in homine iliaco, dextrum in latus pro more verso, injectione minus succedente, situs non foret, qualem in canibus observavimus, conciliandus?

7. Et in canibus, & in hominum Cadaveribus, quæ *Cl. Widemar*, quæ nos, aperuerimus, apertave contemplati fuerimus, omnia intestina modice tantum turgida inventa esse: videri hinc eam vim Machinæ esse, ut omnes in via resistentias multo levioere negotio superaret, quam ut per resistentes potentias suam viam amplificare cogatur. In vivis quidem intestinorum vis contractilis juvare dici potest; in cadaveribus autem haud ita.

8. Cur in iisdem experimentis (n. 7.) ventriculus maxime expansus? Replendus is erat donec vel finderetur, vel per orificia evacuetur se sua :

sua : per orificium inferius sive dextrum non poterat, impellente fortius machina; ergo per superius tantum, ubi primum sic repletus, ut capere ultra non potuerit.

9. Haud in canibus duntaxat, verum nec in hominibus, hucusque inventam esse per se lethalem eam, superna versus, *Tulpianæ* valvulæ aperturam, ut aqua, stercore, ut enemata, ut etiam suppositoria, ex recto & colo adscendant, & ore evomantur. Casus *Matthæi de Gradibus*, *Guainerii*, Pueri, de quo *Rat. Med. Tom. 1.* tandem & trium illorum quibus, referente *Cl. Widemario*, hæc Machina vitam servavit, aperte hoc evincunt.

10. Casus dari ex observationibus, quos Machina hæc minime curet: quales enim binos expertus sit *Cl. Widemar* insuperabilitatis valvulæ, tales plures reperiundos fore. Jure proinde *Italos* Medicos & Chirurgos laudandos, qui in vivis hominibus, ne una vice nimium urgendo obessent, lente adeo & prudenter progressi sint.

11. Meditationi Pathologicæ multam materiam a vermibus in canibus repertis suppeditari. Ac primo quidem ope Machinæ in binis canibus vermes teretes plures vomitu ejectos; in tertio magnam copiam teretium & latorum. 2. In Anatome canis posterioris teniam copiosam, multosque illos teretes vermes, intestina fere tota explevisse. 3. Eosdem copiosissimo ac tenaci inhæsisse glutini. 4. Cur tota hæc moles,

aut cur saltem primo in ortu, motu peristaltico, & transeunte chylo, depulsa non fuerit, mirum videri; cum quo affigat sese, quove retineatur, nullibi appareat quidquam. 5. Retinereturne hæc vermium ac glutinis moles a motu antiperistaltico naturali? Sed cur tunc chylus, cur incipientes non retineantur fœces? 6. Nunquid copiosi adeo vermes suo motu & reptatu non plus, quam alia ibidem contenta canalem intestinale[m] stimulent? & cur haud expellantur tamen? 7. Possiderentne vim sustinendi se, motui peristaltico resistendi, affigendi se dum pelluntur, tuendique domicilium? 8. Ideone inefficax toties Antihelmentici vis, quod tenaci glutini involuti vermes, tutique hæreant? 9. Visne Antihelmentici ea præcipua sit, quæ gluten incidere, pellereque, sit potis? 10. An allium, asa fœtida, fuligo cruda caminorum, &c. sæpius sumta, vermes in medio suo glutine sic afficerent, ut sede mutari cogerentur, & vel sponte sursum deorsumve exitum quærerent, aut cathartico fortiore tunc facile expellerentur? An vero hæc tantum in gluten destruendum potenter agendo insecta fugent?

12. An inde forte capiatur cur alvo nunquam prodeant corpora ulna longiora, intestinum cavum longitudine, amplitudine, cavitate, referentia; quale quid stupenda eruditione clarus *Justus Lipsius*, teste medico suo *Heurnio patre*, excrevit? Et quale præstantissimum Collegam, variis portionibus, quas inter unam qua-

quatuor spithamarum, excrevisse vidi? Utique glutinis immensi, intestina opplentis, copia, five genita cum vermibus, five aliunde, possetne aliquando inspissari, condensari, conclutinari cum cavo intestino, & post Leinteriam, post Atrophiam a tot obstructis lacteorum osculis, Naturæ demum bonitate sub hac exposita forma excerni?

13. Si tandem, plurimum Iliacorum curatorum exemplis, cunctis meridiano sole clarius constiterit *Tulpianam* valvulam a Machina innocue aperiri, totumque intestinale tubum se tuto per os evacuare; an tunc in difficillima cura. vermium, cum maxime latorum, Machina applicanda non foret vicibus repetitis, ut *Itali* fecerunt; quandoquidem viderimus ab unica applicatione, sed fortiore, & lumbricos multos, & copiosam, cum muco abundantissimo, expulsam Teniam? Animus est, si denuo canem teniosum nactus fuero, singulo tertio quartove die experimentum toties repetere, donec ultra nihil de verme prodeat; incidere demum canem, visurus num penitus a vermibus immunis sit, nec ne?

14. De experimentis, circa actiones vitales in vivo animali utroque hic captis, notandum id censeo, quod in omnibus canibus ac felibus, quos ad contemplandam hanc actionem unquam vivos contemplatus sum, rem non semper, ut hic, invenerim; verum perpetuo cum mira in aliis atque aliis varietate: unde conclu-

cludo. 1. illegitimam quancumque regulam physiologicam fore, quam ex ejusmodi phænomenis, adeo inconstantibus, obtrudere quis vellet. 2. magis illegitimum esse actionem sani vegetique animalis sic exponere, & per ea explicare velle, quæ in eodem vulnerato, convulso, agitato, cum morte luctante, cum absentia resistentium potentiarum, quæ olim partes in debito situ detinebant, fulciebantque, observentur. 3. Maxime illegitimum vitalitatem humanam, sanam, explicare, & comparare cum phænomenis, quæ animal vulneratum, & cum morte luctans, insigni varietate & inconstantia offert contemplantibus.

Atque hic tandem finem operi impono, solito jam protractiori, quam ut notabiliores casus Chirurgicos & Anatomicos, quorum tamen scire interest, adjungam eidem: unde hos ad proxime subsequenter tomum reservabo.

F I N I S.





